



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

ANDOVER-HARVARD LIBRARY



AH 5HTT L

531

No. 531

**The Theological School in
Harvard University**



**ANDOVER-HARVARD THEOLOGICAL
LIBRARY**

MDCCCCX

CAMBRIDGE, MASSACHUSETTS

27. 28



IO. AVG. NOESSELT
OPVSCVLORVM

AD

HISTORIAM ECCLESIASTICAM


FASCICVLVS III.



HALAE,

FORMIS HENDELIANIS


1817.



IO. AVG. NOESSELTII
T R E S
COMMENTATIONES

AD
HISTORIAM ECCLESIASTICAM
PERTINENTES:

- 1) Providentiae divinae vestigia in pace Passa-
viensi 1552. et Augustana 1555.
- 2) De vera aetate ac doctrina scriptorum Q.
S. Flor. Tertullinani. ed. tertia.
- 3) Observatt. de catenis Patrum Graecorum in
N. Test. auctore L. F. S. Augustin.



HALAE,
FORMIS HENDELIANIS

1817.




DE
VERA AETATE AC DOCTRINA
SCRIPTORVM,
QVAE SVPERSVNT
Q. SEPTIMII FLORENTIS
TERTVLLIANI
DISPVTA TIO.

IN QVA OBITER
RATIO CHRONOLOGICA IMPERII
SEPTIMII SEVERI AVGVSTI
ET
MVLTIS LOCIS
ANTIQVITATIS PRAESERTIM CHRISTIANAE
EXPLICANTVR.

AVCTORE
IO. AVGVSTO NOESSELT

THEOL. DOCT. ET PROFESS. PVBL. ORDIN.
IN ACADEMIA HALENSI.

EDITIO TERTIA EMENDATIO.



ARGVMENTVM

DISPVATIONIS.

SECTIO I.

Ratio instituti § I.

Quaestiones quaedam
vniuerse proponun-
tur §. II.

1. Quonam anno TER-
TVLLIANVS ad Mon-
tanistas defecerit?

2. Vtrum, his relictis,
se denuo ad Ortho-
doxos receperit §. III.

3. Quomodo TEXTVL-
LIANVS Montanizans
a Montanista discerni
possit? Huius discrimi-
nis vindiciae ad-
uersus HOFMANNVM
§. IV.

PRIMA CLASSIS LIBRO-
RYM, qui sunt tempo-
re prioris vexationis
Christianorum sub
SEVERO Aug. scripti
§. V. Vbi.

I. de ipsa hac vexatio-
ne disputatur ita, vt
demonstretur: talem
existisse ante SEVE-
RI edictum; (quam
in rem propositis
MOSHEMI argumen-
tis alia noua adiiciun-
tur) §. VI. et initium
cepisse A. P. C. N.
CXCVII.

1. ex anno, quo periit
ALBINVS. Quo tem-
pore cum acciderint
ea, quae causae huius
prioris vexationis fue-
runt.

primum de his dicitur
§. VII.

deinde A. CXCVII.
ALBINVM interfectum
esse probatur.

a) ex ordine belli, quod
SEVERVS cum PES-

CENNIO NIGRO gessit. Obiter quaedam notae in numis SEVERI explicantur et MOSHEM rationes emendantur §. VIII.

b) e tempore expugnati Byzantii §. IX.

c) ex anno, quo CARACALLVS Caesaris dignitatem a SCto accipit §. X.

2. eloco quodam TERTVLLIANI ad SCAPVLAM, qui cum alio SPARTIANI confertur §. XI.

3. ex aetate Apologetici TERT. ceterorumque librorum, qui eum antecesserunt §. XII.

II. Aetas ipsa librorum huius generis definitur ita, vt

liber ad Martyres A. CXC VII. §. XIII.

de spectaculis A. CXC VIII. §. XIV.

de idoloplatia eidem anno §. XV.

Apologeticus A. CXC IX. §. XVI.

libri II. ad nationes §. XVII. et

liber de testimonio animae eidem anno asserantur §. XVIII.

Simul vindicantur hi omnes a Montanis-

mi suspicione, et obiter nonnulla capita ex historia SEVERI Aug. Christianorumque istius temporis discutiuntur.

SECTIO II.

ALTERA CLASSIS LIBRORVM TERT., quae eos complectitur, quorum de aetate et erroribus Montanisticis constat. Quo referuntur

1. liber de corona. Disputatur: quonam tempore SEVERVS et ANTONINVS donativum in hoc libro commemoratum ediderint? quod quidem asseritur A. CCI. eodemque anno hunc librum scriptum esse docetur §. XIX.

Postea secus sententium opiniones examinantur:

HOFFMANNI et ORSHII, qui illum A. CXC VIII. tribuerant, et

PAGII, qui eum assignauerat A. CCII. §. XX.

BARONII, qui A. CXC IX. §. XXI.

denique FAMELII et ALLIXII, qui librum conie-

conieceraut in A. CCIX. §. XXII.

2. libri II. de cultu feminarum; vbi ostenditur contra FAMELIUM et TILLEMONTIUM: vtrumque librum simul editum fuisse. §. XXIII.

Anno quidem CCI aut CCII. §. XXIV.

3. liber de fuga in persecutione, qui vindicatur A. CCII. §. XXV.

4. Scorpiace. Examinatur popularis sententia de hoc libro libris TERTVLLIANI ad MARCIONEM posteriore, deque eius aduersus hunc libris deperditis disputatur §. XXVI.

quo facto Scorpiacen efficitur scriptam esse A. CCIV. §. XXVII.

5. libri V., qui supersunt, aduersus Marcionem. Quorum primus refertur ad A. CCVII. aut CCVIII., ceteros dubiae aetatis esse docetur §. XXVIII.

item TILLEMONTII opinio contraria castigatur. §. XXIX.

6. liber de pallio. Disputatur de triplici praesentis imperii vir-

tute, cuius mentionem fecerat TERTVLLIANVS, et inquiritur in annum, quo GETA dignitatem Augusti suscepit §. XXX.

Deinceps dubia redditur BASNAGII et WALCHII sententia, qui A. CCXI. hunc librum editum esse voluerant, et A. CCVIII. libellus asseritur §. XXXI.

7. Denique probatur: librum ad SCAPVLAM sub initium imperii ANTONINI CARACALLI A. CCXI. prodidisse §. XXXII.

SECTIO III.

TERTIA CLASSIS LIBRORVM TERTVLLIANI, quos, quamvis incertae aetatis sint, tamen constat scriptos ante eius defectionem fuisse.

1. liber de Oratione. De HERMAE Pastore a TERTVLLIANO vel laudato vel repudiato; de die Pascha et temporibus precum apud veteres Christianos. Spiritales et fideles apud TERTVLL. non semper sunt Monasticae §. XXXIV.

ARGVMENTVM DISPVATIONIS.

2. liber de baptismo. Confutantur argumenta dissentientium, obiterque de triplici MARCIONITARVM baptismo ac libris Sibyllinis disputatur §. XXXV.

PAMELIUS et DVFINIVS castigantur. Puritas libri a Montanismo demonstratur. Montanistae feminis non dederunt potestatem publice docendi. Auctoritas Episcoporum et Laicorum in conferendo baptismo apud veteres Christianos. De LEVCIO, actorum PAVLLI et THECLAE scriptore, coniectura. §. XXXVI.

- 3) libri II. ad uxorem. Locum PAVLLI 1 Tim. III, 2. interpretati sunt veteres Christiani de Episcopo secundarum nuptiarum experte. Confutatur HEVMANNVS §. XXXVII.

QUARTA CLASSIS LIBRORVM, quorum non nisi Montanismus patet.

1. liber de patientia. Error TILLEMONTII §. XXXVIII.
2. liber de velandis virginibus, qui est

facile librorum Montanisticorum primus §. XXXIX.

3. de exhortatione castitatis. §. XL.
4. de monogamia.
5. de ieiuniis
6. de pudicitia §. XLI.
7. aduersus PRAEAEAM.
8. aduersus HERMOGENEM.
9. de anima liber §. XLII.
10. aduersus Valentinianos. Obiter de PROCVLO Montanista dicitur.
11. liber de praescriptionibus haereticorum. TILLEMONTIVS et WHISTONVS castigantur et contra hunc disputatur de appendice huius libri s. indice veterum haereticorum. Orthodoxos inter ac Montanistas nulla in fide dissensio fuit §. XLIII.
12. liber de carne Christi.
13. de resurrectione §. XLIV.

QUINTA CLASSIS librorum, quorum nec aetas nec doctrina certa est.

1. liber de poenitentia. Sententia Montanistarum de disciplina

plina quoad lapsos.
§. XLIV.

2. liber aduersus Iudaeos, Obiter de expeditione SEVERI in Britannia, deque conditione Iudaeorum istius temporis in Palaestina.

Index et ordo omnium TERTVLLIANI librorum §. XLV.

De actis PERPETVAE et FELICITATIS, harumque Montanismo aduersus WHISTONVM differitur. Facultas miraculorum Christianis Ecclesiae Apostolicae data Saeculo II. videtur exspirasse. Paulli locus Ephes. IV, 7 seq. illustratur. Consensus

Christianorum Iudaeizantium cum ceteris quo fere tempore effectus? §. XLVI.

De MONTANISTIA Artotyritis. Quaedam contra WERNSDORFFII V. C. sententiam modeste proponuntur §. XLVII.

et expenduntur WHISTONI argumenta, quibus Acta PERPETVAE et FELICIT. TERTVLLIANO, tamquam auctori, tribuerat §. XLVIII.

Postremo vsus vniuersae disputationis, exemplis quoque ex historia Christiana ductis demonstratur §. XLIX.

DISPUTATIONIS
DE
VERA AETATE AC DOCTRINA
SCRIPTORVM,
QVAE SVPERSVNT
Q. SEPTIMII FLORENTIS
TERTVLLIANI
SECTIO I
QVAE EST
DE LIBRIS IIS
QVORVM
ET AETAS ET OPΘOΔOEIA CONSTAT.

§. I.

Postquam, depulsis superioris barbariei renebris, bonis artibus atque disciplinis pristina elegantia restituta fuit, coeperuntque prodeuntibus annis omnia literarum genera maiori lumine collustrari: non defuerunt magno et excellenti ingenio viri, qui nec arte longa, nec maximis difficultatibus deterriti, quidquid industriae poterat impendi, ad illustrandam coetus Christiani historiam contulerunt. Namque hi, ut erant in

in ea sententia, absque veterum scriptorum
 seuera lectione, neque literarum elegantiae,
 neque arti bene accurateque sentiendi, ne-
 que ipsis sanctioribus disciplinis satis posse
 consuli: ita maxime excutiendos credebant
 eos, quorum lectione perspexerant ipsius
 doctrinae disciplinaeque Christianorum in-
 telligentiam plurimum adiuuari posse. Sed,
 ut ipsorum temporum, ita etiam opinio-
 num est quaedam vicissitudo, haec ex an-
 tiquitate sapiendi ratio paullatim apud nos
 adduci coepit in contemtum; maxime cum
 existerint, qui propter ea, quod solo sen-
 su communi, a patribus velut hereditate re-
 licto, virum doctum credebant effici, mo-
 do is esset adstrictus subtilitatis Geometri-
 cae legibus, instituerunt Theologiae tiro-
 cinia ipsa pro Theologia habere, et, con-
 tenti scientia sua tam parua, contemnere
 eos, quorum studia aut nullam habent no-
 uitatis formam, aut acerrimam ingenii con-
 tentionem laboremque requirunt operosum.
 Vnde factum est, ut hodie plerisque sor-
 deat omne id, quod habet aliquam notam an-
 tiquitatis, et quae ad sacrarum litterarum,
 veterum familiae Christianae doctorum et
 historiae Christianae intelligentiam perti-
 nent, ea doctoribus umbraticis, quam sa-
 gacioribus videantur digniora.

Haec saepius mente agitantibus nobis,
 dolentibusque cum iis, qui bonam mentem
 amant, temporum nostrorum infelicitatem,
 visum

visum est, horum aemulari diligentiam potius, quam ceterorum obscuram sapientiam. Ex quo igitur coepimus cogitare de eo, quo possemus consequi, ut aliquid conferremus ad aliorum vtilitatem; religioni nobis duximus, viam sequi popularem, quae sensim ducet nostros homines ad barbariem pristinam, repetendaque putauimus antiquitatis studia, quae cum opera, in diuinis literis diligentius colendis a nobis collocata, maiorem aliquam habeant coniunctionem. Propterea, cum, quoad licebat, etiam ad antiquiorum Ecclesiae doctorum libros assidue tractandos animum adiunxissem meum: dignus mihi in primis TERTVLLIANVS videbatur, cuius scripta accurata lectione persequerer. Namque dubito fere, an quis in antiquitate vniuersa sit eorum, e quibus doctrina moresque veterum Christianorum possunt intelligi, qui cum maximo ingenio maiorem coniunxerit rerum diuinarum humanarumque scientiam, maioremque in commentando subtilitatem *). Sed eius qui-

*) Ne quid forte videamur dedisse partium studio, vnius IO. DALLABI testimonium adiiicimus, quod, propter nimiam huius viri in doctores antiquioris Ecclesiae acerbitatem, hic non potest esse suspectum. Is vero TERTVLLIANVM vocat scriptorem ad miraculum eruditum, acutum, diligentem, copiosum, testem denique rerum sui aevi Ecclesiasticarum locupletissimum, (de cultibus religionis Latinorum lib. I. cap. XI, pag. 50.)

quidem scriptoris vsum in veterum Christianorum institutis cognoscendis maxime impedit dubitatio, siue quis eius liber tum scriptus, cum in Montanistarum partes discessisset, vel ante hanc defectionem a puriori Ecclesia? Quae quidem quaestio vehementer exercuit doctorum hominum ingenia, mouitque eos ad inuestigandam librorum eius aetatem, vt haberemus certam viam e TERTULLIANO intelligendi, quid veteres Christiani senserint, quidve minus? Sed dolendum est sane, horum alios, eosque praestantissimos viros, non nisi vnum alterumue libellum sumsisse sibi, alios leuiter opus susceptum tractasse, alios praecudicatis opiniombus a vero aberasse, quod credo consecuturos fuisse, si nudam veritatem nudi expeditique fuissent secuti. Quare cum legissem istius scriptoris libros atque religissem, et obseruarem, esse adhuc in iis, quae, ad librorum aetatem scriptorisque doctrinam pertinentia, disputari vtiliter possent, ab aliis non commemorata, ac plerorumque librorum aetatem accuratius posse constitui: consilium cepi beneuoloe doctorum virorum iudicio subiiciendi ea, quae sumpta e libris TERTULLIANI ipsis, cum Scriptorum veterum libris aliisque antiquitatum monumentis collata, ad demonstrandam eam facere posse videbantur. Quam quidem disputationem ita instituemus, vt, praemisissis quibusdam, quae vniuerse dicenda

cenda sunt, *primum* commentemur de libris iis, quorum et aetas constat et scriptoris doctrina, *deinde* in eos inquiramus, qui quidem non habent certas aetatis notas, sed Montanismi tamen conuinci possunt, vel ab ista suspitione liberari; *denique* eos, quorum aetas non maiorem habet claritatem quam indoles doctrinae, candide diligenterque excutiamus.

§. II.

Haec vero disputatio vniuersa vt occupatur duabus rebus, aetate librorum ac Montanismo: sic duplicem habet difficultatem non parvam, propterea, quod nec vbiuis doctrinae modus certa quadam via ac ratione reperiri potest, nec sunt vbique aetatis librorum certissima indicia. Nam si disputatur de eo: vtrum sit aliquis TERTULLIANI libellus ante scriptus, quam defecerit ad Montanistarum familiam, aut postea? ea res duobus modis intelligitur: vel ex ipsa libri aetate, vel ex iis, quae in quouis libro continentur, Montanistarum doctrinis. Sed ista superior ratio triplicem habet dubitationem. Nam horum librorum alii tam non ostendunt quaedam huius rei vestigia, vt aetas eorum plane sit desperanda; alii nil nobis relinquunt, nisi vt descendamus ad rationem coniecturalem; denique alii dant quidem suspitionem certam eius libri aetatem intelligendi, sed hoc nimirum

mirum est dubium, utrum ista tempestate iam TERTULLIANVS fecerit ab Ecclesia secessionem, aut eodem, vnde disceserat, redierit. Contra ea, altera aetatem definiendi ratio, praeterea quod non occurrit vbivis, dubitantes relinquit lectores, siue iam tum facta TERTULLIANI disiunctio ita, ut se receperit ad disciplinam MONTANI, an minus? sed in vno alteroue cum ea communiter errauerit, nec tamen iam tum miserit Orthodoxae Ecclesiae nuncium? Enimvero, sicut in eiusmodi loco, vbi vel nulla est vel dubia eius aetatis suspicio, alias, indicata ratione dubitandi, veterum illud: NON LIQVET interponemus, alias coniecturarum nostrarum rationem reddemus probabilem: sic, ut de locis reliquis singulis vniuerse dicamus, tria attingemus brevissime. *Primum* disputabimus de anno, quo ad Montanistas TERTULLIANVS defecerit: (erit enim hoc, vnde constitui possit aetas eorum librorum, quorum non doctrina quidem, sed aetas, pater); *deinde* videbimus, utrum TERTULLIANVS numquam ad sanio rem mentem redierit, sed manserit partibus MONTANI perpetuo addictus: *postremo* admonitiones quasdam vniuersas proponemus, e quibus quis intelligere possit, an sint e TERTULLIANI libris nonnulli TERTULLIANO Orthodoxo quidem sed ad Montanismum inclinanti, aut isti omnes, qui
eorum

eorum errorum dant suspensionem, TERTVLLIANO iam plane alienato adiudicandi.

§. III.

Quonam vero anno contigisse dicamus istam TERTVLLIANI defectionem? Hoc quidem nec potest ex ipsius nec ex alius cuiusdam scriptoris testimonio percipi; neque HIERONYMVS eo, quod dicit *) TERTVLLIANVM vsque ad mediam aetatem, Ecclesiae Presbyterum mansisse, iustam dat viam eius rei inueniendae, quoniam, quando natus mortuusue sit TERTVLLIANVS, quamue aetatem attigerit, non satis constat. Sed est aliqua huius rei reperiendae ratio sita in libris iis, quorum, qui se excipiunt temporis ordine, alii nulla habent Montanismi vestigia, alii haud pauca. At qui nos ostendemus suo loco, nullos esse eorum, qui librum *de corona militis* antecesserunt, in quibus iste *de animae testimonio* vltimus est, e quibus quaedam Montanismi significatio eluceat, sed eius rei prima esse vestigia in libello *de corona militis*. Porro planum faciemus, hunc A. cci. mandatum fuisse litteris, cum liber *de testimonio animae* sit fere versus finem A. cxcviii. compositus; vnde haud difficile erit intellectu, TERTVLLIANVM anno fere P. C. N. cc. se Montanistarum partibus adiunxisse.

At

*) in libro *de viris illustribus* cap. 53. in 10. ALB. FABRICII *Bibliotheca Ecclesiastica*. p. 125.

At maiori sane difficultati obnoxia est altera quaestio: vtrum, susceptis semel Montanistarum erroribus, numquam TERTULLIANVS se ad pristinum coetum receperit? cuius tamen quaestionis affirmandae nulla est idonea ratio. Nam ea erat isti homini austero et supra modum rigido insita animi imbecillitas, vt, quo seueriora essent, quae ad vitam moresque pertinerent, eo magis ista adamaret, crederetque tanto magis probata fore Deo et consentientia cum Christianorum perfectione. Atque, vt solent ii, qui atra bile vexantur, tenaciores esse eorum omnium quae nutrimento sunt tristitiae, eorumque opiniones cum annis noua capere incrementa: ita est parum credibile, TERTULLIANVM istas opiniones deposuisse, istamque reliquisse palaestram, in qua videbat operam se posse omnibus eius generis exercitationibus dare. Accedit ad hoc non omnium modo, qui de rebus ad eum pertinentibus commentati sunt, silentium de eo, quod ad religionem pristinam redierit, sed ipsa etiam AVGVSTINI professio *), omniumque consensus, qui eius auctoritatem in doctrinis probandis admittere noluerunt, quoniam ad peruersae sententiae partes se contulisset. Neque cum sententia nostra pugnant libri ii, quos eum vltimo fere loco scripsisse ostendemus, qui paene omnes aliquas habent maculas errorum Montanistarum.

*) de haeresibus cap. lxxxvi.

tanisticorum adspersas. Sit igitur haec ea in re praeceptio, vt omnes isti libri existimentur ab ipso post discessionem suam elaborati, quos appareret post alios fuisse compositos, qui istorum errorum possunt haud dubie conuinci.

§. III.

At sunt permulti e TERTVLLIANI libris, quorum aetas cum curiosorum acumen subterfugiat, nulla habent nisi quaedam errorum Montanisticorum vestigia sibi impressa, e quibus vix tamen potest iudicari, quosnam libros ante, quosnam post defectionem suam ad Montanistas conscripserit. Vnde factum est, vt, qui ista subtilius quaerunt, TERTVLLIANVM *Montanistam* a *Montanizante* distinguendum esse haud inepte dicerent. Sed aliter visum est IO. GVIL. HOFFMANNO, doctissimo olim in academia Vitebergensi Historiae doctore, qui, cum in ea esset sententia, vt crederet, omnia TERTVLLIANI, quae supersunt, in Montanismo scripta fuisse, hoc sibi demonstrandum disertatione singulari sumserat (Vitebergae 1739). Is quidem pulchre perspicuus, si ista subtilitas admitteretur, demonstrationem suam aliquid esse detrimenti capturam, negauit hoc admitti discrimen posse. „Carere enim hoc, ait, (§. IV. p. 17.) finibus certis, nec minus ambiguum esse vultum Montanizantis et Montanistae, quam eius, qui aegro-

aegrotare incipit, et aegrotantis. " Ego vero vehementer dubito, quod, quid sibi velint, qui ita loquuntur, HOFFMANNVS intellexerit, aut intelligere voluerit. „Libros enim TERTULLIANI Montanizantis, adiicit (p. 18.), forte esse eos, qui quidem MONTANI dogmatibus infecti sunt, sed recte sentientes non exagitant; Montanistae vero, qui haeresin non solum continent, verum etiam contra Catholicos defendunt. " Sed nobis, iisque qui ita loquuntur, quod ego quidem sciam, omnibus, is dicitur *μωρὸς καὶ βλαβερὸς*, qui quidem errores cum Montanistis communes vel omnes habet vel aliquos, sed ita tamen, ut, sprete eorundem sacrorum cum sua Ecclesia communione, nondum se contulerit ad eiusdem societatis sacra, quacum in nonnullis doctrinis consentit; cum Montanista sit, qui vtrumque fecerit. At ista quidem HOFFMANNVS ceris carere, dicit, finibus. Sit ita sane. Sit vultus TERTULLIANI Montanistae ac *μωρὸς καὶ βλαβερὸς* ambiguus admodum. Quid ergo est? Nimirum non potest ex vultu TERTULLIANI iudicari, fueritne is iam morbo leto affixus, an leuiter tactus quodam eius impetu. Et id volebamus quidem, non posse ex leuibus quibusdam signis errorum TERTULLIANO cum Montanistis communium tute coniici, quod iam ipsa Montanistarum sacra suscepit. Neque tamen id ita intellectum volumus, quasi spurium esset, aut

suspectum omne argumentum, quod ducitur a doctrinis Montanistarum, in hoc illoque libro TERTVLLIANI obuiis, ad Montanismum istis libris asserendum. Sunt enim ista in re fines et quasi termini, quibus utendum arbitror, ne de TERTVLLIANI Montanismo, ex eius libris cognoscendo, parum aut nimium philosophari videamur. *Primam* igitur legem eius rei iudicandae hanc volumus esse, ut eiusmodi liber habeatur in eorum numero, quos, familiae Montanistarum iam adscriptus, composuerit, in quo occurrit nomen *Psychicorum*. Erat enim hoc veluti symbolum, quo socios Orthodoxae Ecclesiae a suae sectae hominibus, quos *Spirituales* dicit, distingueret *); atque videtur tum fere confectum, cum eos, qui rigidam MONTANI disciplinam non recipiebant, oppugnare inciperet. Neque id occurrit in vlllo libro alio, quem temporis aut ipsius doctrinae ratio ostendunt ante eius defectionem conscriptum fuisse. Itaque non est dubitandum, quin sint isti libri, qui hoc nomen continent, omnes post susceptum Montanismum exarati. *Alter* canon hic esto: Omnis liber TERTVLLIANI ex MONTANI officina exisse putetur, qui doctrinas tractat non quidem Montanistarum proprias, sed tamen *Paracteti* cuiusdam auctoritate confirmatas. Nam-

*) V. TERTVLLIANVM de *Monogamia* cap. I. Edit. NIG. RIGALTII II. p. 673. B.

Namque hic erat capitalis Montanistarum error, quod *Paracletum* iactarent suo tempore venisse talem, qui et dux esset ad veritatem omnem, et noua rerum diuinarum scientia auditores suos imbueret ita, ut cognoscerent, quae patefacta nulli essent antiquioris memoriae homini, et ad maximam perfectionem nunc adspirare possent *). Atque huius *Paracleti* agnitionem se, ait, seiunxisse ab ecclesia **); neque hunc sibi errorem persuaderi umquam passi sunt Orthodoxae Ecclesiae focii, quoniam hic principalis erat doctrina eorum, qui MONTANVM, tamquam Magistrum, sectabantur; quamuis ceteri errores Montanistarum omnes, ex aliqua parte, vel ipso huius controuersiae tempore, vel paullo post, receptae fuerint a nonnullis antiquae Ecclesiae sodalibus. Sed quae admodum diximus, numquam deposuisse TERTULLIANVM errores eos, quos semel in schola Montanistarum didicerat, id sponte sequitur, quod iam fere diximus, eiusdem generis esse libros TERTULLIANI, in quibus alios, haud dubie Montanistarum scitis infectos, excitauit. Atque his regulis addi possent aliae, quae libros Montanismi certissime arguunt, qualis est diserta ipsius TERTULLIANI pro-

B 2

fessio;

*) V. eundem in libro *de uelands virginibus* Cap. I. et libro IV. *aduersus Marcionem* c. 22. p. 537. C.

**) *aduersus Praxeam* cap. I. p. 634. D.

tesio; sed sunt istae ita fere comparatae, ut disputatione non egeant, aut non sint certissimae fidei. Quod si vero exstiterit tale quid in quodam libro TERTVLLIANI, quod posset referri ad vnam regularum istarum; absque erroris periculo licet existimare, eum fuisse tum editum, cum iam inimicitias cum Orthodoxa Ecclesia TERTVLLIANVS suscepisset. Sed iam ad libros ipsos veniamus.

§. V.

Ex his primum pertractandos promissimus eos, quorum nec aetas nec doctrina dubia admodum esset; in quibus sunt primo loco ponendi, quos scriptos esse constat eo tempore, quo calamitatibus multis Christiani, regnante SEVERO AVG., propter doctrinam affigebantur a deorum cultoribus. Quorum aetas cum rite haud queat definiri, nisi figatur illud quasi punctum temporis, quo coepta est adversus Christianos saevitia: id agamus necesse est, ut quoniam haec tempore contigerit, perspicuum omnibus fiat. Sed ista vexatio quoniam bis exstitit, primum quidem ante, deinde post leges SEVERI Christianis inimicas: observando didicimus, annum a Christo nato ducentimum libros TERTVLLIANI dividere quasi in duas classes, quarum altera complectitur hos, qui sunt ab eo Orthodoxo, altera eos, qui sunt ab eo Montanista

nista perfecti. Nobis itaque cum sit propositum primum dispicere de eo genere librorum TERTULLIANI, quorum aeras satis liquido constat, ita in hoc tractando versabimur, ut demonstremus, iam ante SEVERI edictum Christianos fuisse propter doctrinam vexatos, deinde, paucis quibusdam de ipsa huius prioris tempestatis ratione adpersis, in annum, quo ista afflictio initium ceperit, accurate inquiramus.

§. VI.

Culpa, cur errauerint multi in definienda eorum librorum TERTULLIANI aetate, qui tempore vexationis Seuerianae scripti sunt; in eo est haud dubie, quod non viderint, et ante SEVERI legem, qua suscipiendam Christianorum religionem, veruit, deorum cultores vexasse Christianos. Ita enim factum est, ut, cum inter omnes constaret, anno demum P. C. N. CCII. hanc legem a SEVERO latam esse, libri isti omnes post istum annum inepte ponerentur. Atque fuerunt identidem nonnulli, qui hoc quidem cum libris ipsis pugnare perspicerent; sed neque hi veritatem attigerunt propterea, quod antiqua harum rerum monumenta nec candide nec prudenter, tamquam duces, secuti fuerant. Itaque maximis laudibus dignus est vir immortalis memoriae IO. LAVRENTIVS MOSHEMIVS ὁ μακάριος, qui, postquam eo, quo erat, ac-

mine

mine animique candore summo, inquisiverat in hanc rem diligentius, istum errorem exquisitissimis argumentis explosit *). Atque hic tantus vir effecit diligentia sua, ut nobis in demonstranda hac re multis laborandum non sit. Quam ob rem ne careant tamen ii, quibus datum non est perlegere ipsam elegantissimam disertationem, grauisimis argumentis, quibus calamitates Christianorum tempori ante SEVERI editum SEVERI antegresso asseruit, ea veluti in compendio recitabimus, quibus assentimur omnino, iisque adjiciemus duo alia, quae ad confirmanda ea aliquid habere videntur firmitatis. Atque is primum duxit ab eo, quod ipse TERTVLLIANVS in *Apologetico*, et maxime in vniuersa illa de legibus disputatione, tot signa ediderit, quibus nondum legibus contra Christianos SEVERVM pugnasse indicat, ut nullus plane dubitandi locus supersit. Alterum ex libro *ad martyres* (c. 4.) in quo commemorat

*) in *commentatione de aetate Apologetici TERTVLLIANI et initio persecutionis Christianorum sub SEVERO*, quae inserta est Vol. I. Disertationum eius ad Historiam Eccles. pertinentium, pag. 1. seqq. Daturum etiam se promiserat vitam TERTVLLIANI librorumque eius chronologiam accuratorem ea, quam tradidit ALLIXIVS; (V. thesaurum Epistolicum Lacrozianum Tom. I. p. 284.) sed id consilium postea ipsi eripuerunt grauiores sanctioris muneris curae, ut fatetur in *Addendis ad Vol. I. dis. Hist. Eccl.* p. 752.

morat TERTULLIANVS supplicia, quibus AL-
 BINI amicos affecerat SEVERVS, quod fa-
 ctum esse A. P. C. N. cxcvi aut, quod
 mallet, cxcvii, rectissime MOSHEMIVS
 monuit. Tertium ipsi obtulerunt CLEMEN-
 TIS ALEXANDRINI verba, (Strom. I. II Ed.
 Colon. p. 414. B.) quibus confitetur iam
 tum tormentis exagitari Christianos, cum
 Stromatum libros componeret, quod fecit
 fere eodem, quo diximus, tempore. Quar-
 tum dedit aetas, in quam grauisima sup-
 plicia a Scillitanis Martyribus sumpta inci-
 dunt, CLAVDIO iterum Consule, qui cum
 C. AVFIDIO VICTORINO fasces A. P. N. C.
 cc. tenuit; quibus denique argumentis ali-
 quid auctoritatis arbitrat ex ipso OROSII
 ac FRECVLPHI testimonio accedere. At-
 que nos non sumus ii, qui ista quidem ad
 rem demonstrandam non sufficere arbitra-
 remur, ea enim omnia putamus rem extra
 omnem dubitationem ponere. Placuit ta-
 men, ne quid videamur praetermisisse, quod
 ad rem confirmandam facere quodam mo-
 do posset, duo alia adjicere argumenta,
 quae, quamuis minora esse Moshemianis
 facile patimur, non tamen omnino reiicien-
 da esse videntur. *Vnum* est hoc, quod
 AELIVS SPARTIANVS de CARACALLO dicit *):
Septennis puer, cum collusorem suum puerum,
OB IVDAICAM RELIGIONEM, grauius verbe-
ratum. audiisset, neque patrem suum, neque
patrem

*) in vita ANTONINI CARACALLI. cap. 1.

patrem pueri, vel auctores verberum diu respexit Ex quo loco apparet, quod pater pueri istius non ipse eum propter Iudaicam religionem castigauerit, sed quod ipse SEVERVS puerum iusserit ab aliis castigari. Nam qui potuisset CARACALLVS succensere patri SEVERO, nisi is ipse hoc voluisset fieri? Itaque aliquis datur locus suspicioni, iam tum, cum CARACALLVS septem esset annorum, vi pugnatum esse aduersus Christianos; quamuis anno demum P. C. N. CCII SEVERVS leges contra horum Iudaeorumque religionem tulerit. At septimum annum egit CARACALLVS anno a nato Sospitatore nostro CXCv, quod est facile demonstratu. Norunt enim omnes, mortuum esse SEVERVM A. CCXI, cui succedens CARACALLVS interfectus est, cum supra VI. annos regnasset *); A. CCXVII. Is vero cum diem supremum obiret, annum attigerat XXVIII: quo numero detracto summae annorum eius, emergit annus CLXXXVIII, quo natus sit oportet; vnde consequitur, CARACALLVM A. CXCv. septimum annum egisse, quo tempore longe posterius est SEVERI edictum. Neque puto quemquam fore, qui nobis opponat, longe diuersam esse Christianae ac Iudaicae religionis rationem, nec posse demonstrari, Christianos fuisse a deorum cultoribus vexatos, quoniam

*) V. DIONEM CASSIUM Histor. Roman. libr. LXXVII. Edit. REIMARI Vol. II. p. 1314.

niam castigati fuerint, qui se Iudaicae religioni addixerant. Nam qui ita sentiunt, eos necesse est fingere, quod vulgus etiam Christianos iam satis a Iudaeis distinxerit (ab hoc enim dicimus istum tumultum fuisse excitatum). Hoc vero discrimen cum ante illud tempus, quo Severus imperio potiretur, ne ab iis quidem sit observatum, qui nosse utramque religionem optime poterant; nec sciam, unde probare quispiam possit, eos SEVERI tempore magis perspicaces fuisse quam ante, numquid concitatam multitudinem sub SEVERI imperio id quidem curasse aut distinxisse satis putabimus? Sed si maxime dubium est illud, tamen apparet adesse exempla odii Gentilium in eos, qui erant a deorum cultu alieni, ipsumque SEVERVM non plane ab odio isto abhorruisse. Quod si Severus id fecit in pueris, quibus condonare solemus saepissime, quae adultis nequaquam conceduntur; vix dubito, quin praefides avaritia plebisque tumultu eo adducti fuerint, ut gravius in Christianos animadverterent. *Alterum argumentum desumam ex libro, quem TERTULLIANVS scripsit ad SCAPVLAM*).* *Clarissimas feminas, inquit, et clarissimos viros SEVERVS, sciens huius sectae (sc. Christianorum) esse, non modo non laesit, verum et testimonio exornavit, et populo furenti in nos palam restitit. SEVERVS dici non potest popu-*

*) cap. 4. pag. 87. D.

populo furenti in Christianos palam restitisse, cum iam edictum contra Christianos constituisset. Namque id quo minus credamus, impedit durus et quasi ferreus SEVERI animus, a quo certe is impetrare non potuit, ut legem semel latam rescidisset. Et hoc ipsum, quod TERTULLIANVS dicit, plebem exagitasse Christianos, et invito quidem SEVERO, nonne demonstrat, id factum non esse SEVERI legibus? Habetur igitur et hic non obscurum testimonium de eo, quod ante eius edictum Christiani maximis calamitatibus afflicti fuerint.

§. VII.

At nunc discutiendus est alter iste locus de tempore, quo prior haec tempestas contigit; si prius edixero, quaenam causae huius facinoris vulgi aduersus Christianos videantur fuisse. Atque hoc cum de omni, contra Christianos facto a plebe tumultu constat, eam his, tamquam publicis generis humani hostibus, omne calamitatis a diis immiscae genus tribuisse: tum illud nimirum patet ex TERTULLIANI scriptis, hoc fuisse in causa, ut nunc Christianos maxime insequeretur *). Enimvero, quae SEVERVM inter et NIGRVVM intercedebat, maximarum rerum aemulatio, non solum videtur quibusdam displicuisse, qui non SEVERVM sed NIGRVVM CONTRA DIDIVM IVLIVM

AVG.

*) Cf. Apoleget. c. 40: ad nationes lib. I. c. 9. cet.

AVG postulauerant *); sed illud etiam, quod aduersus ALBINVM suscepit, bellum omnium animos vehementer concitauit **). Itaque cum prostrato utroque, SEVERVS omnes eos extinguere pararet, quos noverat a partibus NIGRI ALBINIQUE steterisse, optima se offerebat plebi occasio, Christianos, tamquam rei publicae ac imperatoris hostes, violandi. Atque hi homines sibi videbantur hoc eo rectius exsequi posse, cum Christianos ipsis etiam diis infestos crederent, de quibus eo bene mereri posse putabant postquam dii ipsis haec quasi otia fecerant. Et ipsam hanc opinionem Christiani vulgo persuadebant eo magis, quod plane nec ludis ac celebrationibus, propter reportatam SEVERI ab hostibus victoriam institutis, vellent interesse ***), nec iurare per Principis genium ****), nec diis pro salute eius supplicare *****). Eo ipso autem tumultu vulgus facile eodem poterat adigere Praesides, qui non admodum alieni erant ipsi ab hoc crudelitatis genere. Namque hi eam sibi legem, veluti per manus traditam, praescrip-

*) V. HERODIANVM libr. II. cap. 8. III. cap. 5. SPARTIANVM in vita NIGRI c. 2.

**) V. DIONEM apud XIPHILINVM I. LXXV. cap. 4. p. 1258. B.

***) V. TERTVLL. de spectaculis. cap. 1. et alibi.

****) Idem in Apologet. c. 32. et libro I. ad nationes. cap. 17.

*****) Id. Apolog. c. 10. 29. seqq.

scripserant, ut, qui semel in ius vocati essent, Christiani, nisi a sacris suis discederent, nequaquam dimitterentur *) cuius rei testem habemus ipsum TERTULLIANVM, qui, eam ob causam, de recte interpretandis his legibus ex instituto adversus eos disputavit **). Ac istam quidem Christianos vexandi occasionem eo libentius arripiebant quaeestuosi Praefides, quo certius eam, viderent, fisco suo haud exiguum emolumentum esse allaturam. Quod me non finxisse scio ex RUTILII martyris exemplo ***), quem suspicor raptum esse in iudicium, cum nondum SEVERI, sed antiquis legibus, iudicium fieret ****). Eo enim adducebantur

*) V. EUSEBIUM Hist. Eccles. lib. V. c. 21, Edit. READING. p. 240.

**) in Apolog. c. 4. seq.

***) apud TERTULL. de fuga in persecutione cap. 5. p. 693. A.

****) Nempe hic liber scriptus est eo tempore, quo grauiiores calamitates Christianis expectandi erant a deorum cultoribus (coll. cap. I) h. e. ut postea dicetur, cum edictum SEVERI in lucem prodisset, timerentque Christiani de securitate sua. Sed istum libellum cum TERTULLIANVS componeret, iam neci datus erat RUTILIUS, qui primum aliquoties salutem petierat fuga, postea numis sibi pacem comparaverat, sed denuo captus ad supplicium rediit. Quod ergo necesse est factum esse ante iniquam SEVERI legem, et nouum dat argumentum eius quod diximus, Christianos sub SEVERO ante eam capitis damnatos fuisse.

tur multi Christianorum, qui opibus vitaeque suae timebant, ut, quod alia declinare via non poterant, periculum, oblata pecunia averruncarent. Quas saevitiae Praesidium vulgique causas si mente complectimur: erit sane, ut sciamus tempus, quo orta est haec prior tempestas, quando, quo anno haec speciosa Christianos laedendi occasio extiterit, demonstravimus.

§. VIII.

Ad hunc vero investigandum primum ipsis utamur his, quas enumeravimus, calamitatum causis. Illud enim, quod quasi anas vulgo dabat ad impugnandam Christianorum familiam, erat SEVERI studium conquirendi omnes eos, quos cum NIGRO aut ALBINO adversus se stetisse compererat. Quod quoniam factum est, cum, ALBINO extincto, Romanus victor rediisset, (tum enim gravissima in eos supplicia constituit*): operae pretium est videre, quoniam anno ALBINVS cum vita imperium deposuerit? Atque in isto definiendo tantum operae curaeque iam positum esse videmus a MOSHEMIO**), ut paene isti labori possemus supersedere, nisi quaedam essent in promptu, quae dici posse contra viderentur. Itaque cum-

*) V. DIONEM l. LXXV. c. 7. p. 1262. D. HERODIANVM lib. III. c. 8. et SPARTIANVM in Severo c. 12. 13.

**) in drsf. laudata §. XX. seqq.

cum hic se offerat occasio, in dubitationem vocandi opinionem quamdam popularem; atque ipsa res postulet, vt paullo aliter rationes subducantur: seruatō ipso argumentorum genere, quod adhibitum est a summo viro, candide disputabimus, quae consentanea sunt veritati ipsi; et quam in re sentiamus diversa, salua pietate in tantum virum, cuius nomen nobis etiam est post mortem venerabile, adiecta dissentiendi ratione infra notabimus. Cum ad imperium venisset SEVERVS, videretque PESCENNIVM NIGRVM in Syria copias parare, quibus se sibi opposeret, primum, ne ex utraque parte premeretur, ALBINVM Britannici exercitus ducem fecit, eique et numos decreuit, et alia honoris monumenta. Posthac, lecto per Italiam milite et classe exornata, elapso fere mense junio *) A. cxciii. contra

*) Namque incipiente Junio A. cxciii. Romanam SEVERVS venit; quod patet tum, cum dies LXVI, quos imperio DIDII IVLIANI DIO (lib. LXXIII. c. ult. p. 1240.), aut II. menses ac 5. dies, quos ei SPARTIANVS (in Iuliano. c. 9.) tribuit, numeremus, incipiendo a V. Calend. Aprilis h. e. xxviii. Martii, quo die interfectum esse Pertinacem IVLIVS CAPITOLINVS (in vita Pertinacis. c. 15.) refert. Apparet, inde non minus, SEVERVM fere die Iunii 2. summi imperii clauum sumfisse, ex quo die deducendos simul esse Tribunitiae Potestatis terminos non demonstrabo pluribus, quoniam id quidem facere memini c. 6. SCHWARZIVM

IRA NIGRVM profectus est. Hic, cum SEVERI duces A. CXCIII, manum cum NIGRI militibus conseruissent apud Cyzicum, superiores fuerunt. Eadem fortuna vsi sunt anno sequenti, cum pugnatum esset in Nicaeae ac Cii angustiis. Postremo, anno fere CXCVI, cum SEVERIANI, casu castello in Taurro occupato, in Ciliciam irrupissent, vincitur NIGRI exercitus apud Portas Cilicias, neque ita multo post ipse PESCENNIVS interficitur. Sed hic ego quosdam miraturos suspicor, quid sit, quod me commouerit, vt calculos hic plane diuersos ab aliis ponerem, cum sint, qui vltimam hanc pugnam A. P. C. N. CXCIII. factam existiment, vniuersi. Quam ob rem mea referre puto, vt recta argumenta producantur, quibus euinci possit, rationes a nobis rectissime fuisse subductas. Primum igitur vellem obseruari cognomen Imperatoris III. IV. V. VI. VII. VIII, quod datum esse SEVERO in numis perspicitur. Hoc eum exornatum necesse est intra tempus, quod ab exordio imperii eius effluxit ad illud, quo superauit ALBINVM, quia eum legimus, cum imperium

ZIVM, elegantissimum virum, in disl. de numeranda tribunitia potestate Augustorum Caesarumque Rom. Obsl. IV. Quae cum ita sint, haud obscurum est tempus, quo SEVERVS Roma profectus est, si quidem recte commemorauit SPARTIANVS (in vita Seueri c. 8.), eum Roman intra xxx, dies, quum eo venerat, reliquisse.

perium fusciperet, in numis imperatorem II. *), victo autem ALBINO, Imperatorem VIII appellatum **). Enimvero, cum nomine *Imperatoris*, quod numeris distinctum in numis reperitur, tum Romanorum Augusti exornati fuerint, cum quid in bello eo nomine dignum gessissent ***): age! videamus, quo referendum sit hoc intra illud tempus sexies repetitum cognomen *Imperatoris*. Nempe in isto temporis spatio ter legimus SEVERVM a NIGRI militibus victoriam reportasse, tresque gentes Osroenorum, Adiabenorum et Arabum subiecisse Romanorum potestati. Igitur cum hos, iam devicto PESCENNIO, subegerit, referamus cognomen *Imperatoris* VI. VII. VIII ad victos hos populos ****), ac nomen *Imperatoris* III propter proelium Cyzienum, IV. ob pugnam in Nicacae ac Cii angustiis, V. deni-

*) Vide VAILLANTII numismata Imp. Rom. Tom. II. Ed. 3. Paris. p. 238.

**) apud MEDIOBARBVM in Imp. Rom. numism. ad a. 197. Ed. Mediol. 1730. p. 271.

***) De ea re v. DIONIS CASSII Rom. Hist. lib. xxx. c. 44. p. 372.

****) In numis, a MEDIOBARBO ad a. 196. excitatis. p. 270. cognomen *Imp.* VI. et VII. coniungitur cum Tr. Pot. III. et nomine *Parth. Arab. Parth. Adab.* aliisque signis victoriae. Pariter *Imp.* VIII. p. 271. cum *Victoria Parthica* et Tr. P. IV.; ac cum iisdem, tituloque *Arabici, Adiabentici*, in inscriptione apud MYRATORIVM in nouo thesauro vet. inscript. Tom. I. p. 244. legitur.

denique ob NIGRVM apud Portas Cilicias prostratum, SEVERO decretum esse dicamus. Iam dispiciamus, cui tandem numero Trib. Pot. adiciantur singulae nominis Imperatorii notae; nam, si eum cognouerimus, sponte se offeret is annus, cui quaevis pugna assignanda est *). Atqui cognomen Imp. III, quod diximus signum esse victoriae Cyzicensis, coniunctum reperimus cum Trib. Pot. II. **); haec vero numeranda est ab altero die Iunii A. cxciiii. ad eundem diem anni sequentis (coll. not. z. huius sectionis et SCHWARZII diss. laud. Obs. II.); consequens igitur est, hoc proelium primum ad posteriorem partem A. cxciiii. aut priorem A.

*) Sed forsitan quispiam dixerit; hos numos non eo excusos fuisse tempore; quo SEVERVS victor ex pugnis cum NIGRO rediit; sed postea demum, ipsumque SPARTIANVM (in vita Severi c. 9.) significare, quod SEVERVS non nisi post alterum proelium in augustiis Cii et Nicaeae ad Senatnm hac de re scripserit. Sed praeterea, quod SPARTIANVS discrepat aliquantum in narranda hac re a ceteris; iisque primariis; scriptoribus; nec nisi de prima alteraque pugna loquitur in isto loco; negari vix potest, quoniam cognomen Imp. III. IIII. V. eum diuerso plane Trib. Pot. numero coniungitur, hoc Trib. Pot. signo indicari annos eos, quibus ipsam ab hostibus victoriam ter reportauit.

**) in LAYR. BEGERI Continuatione thesauri Brandenburgici p. 690, VAILLANTI numism. Imp. Rom. T. I. p. 221. 22. et MARIODORBO ad a. 194. p. 269.

A. cxcv. esse referendum. Porro numus apud VAILLANTIVM SEVERVM Imp. III. Tribunitiamque potestatem III sustinentem exhibet, et sunt eius generis numi plures apud MEDIOBARBVM; ergo incidit altera pugna in Nicaeae Cuique augustiis in A. cxcv. posteriorem, aut sequentis anni superiorem partem. Quapropter cognomen Imp. V., et ultima victoria a NIGRO reportata, non videtur fere alii anno posse vindicari, nisi huic quem diximus A. cxcvi. Cum igitur PESCENNIVM initio fere eius anni prostrauisset SEVERVS, pergit in Mesopotamiam, indeque contra Osroenos, Adiabenos et Arabes exercitum ducit *). Facta haec omnia esse oportet sex fere mensibus, nisi mavelis, ultimam partem anni praecedentis NIGRO mortem attulisse), cum, hoc anno vertente iam contra ALBINVM profectum esse SEVERVM, ratio ipsa temporis suadeat, ut suo loco apparebit. At quo fieri pacto potuit, ut mensibus tam paucis tot tantasque bellicosissimas gentes subegerit? At istud quidem potest animo pulchre concipi; nam ipse DIO (c. 2. libro cit.) harum gentium vrbes a tribus SEVERI ducibus, non a SEVERO ipso, captas esse ait; quod factum forsitan est, cum iam ALBINO obuiam SEVERVS iuisset, nam, eo discesso, LAETVS se his aduersariis opposuit, ut videtur ex eodem DIONE (c. 9); aut iam aliquantum eo

*) DIO libr. LXXV. init.

eo tempore, quo NIGRUM SEVERVS persequeretur, plurima enim tum fecit per duces suos: aut fuit SEVERVS qualicumque barbarorum suppressione contentus. Ac videtur certe SEVERVS noluisse has sibi gentes prorsus subicere, nec iam tum subiecisse, cum, ducibus contra hostes emissis, aliena Nisibi ageret, ipseque demum post victum ALBINVM has prouincias summo impetu adoreretur; quod ipso confirmari posset HERODIANI silentio, qui de his gentibus isto tempore victis nihil habet omnino. Itaque haec prima lex sancitur, ante finem A. CXCVI. SEVERVM CONTRA ALBINVM non fuisse profectum *).

§. VIII.

- *) Atque hic nos non audemus plura ex ordine rerum gestarum, quas commemorauimus, deducere, sed postea dabimus. Iudicari autem ex dictis potest de eo, quod placuit MOSHEMIO τῷ μαναρίῳ (in laud. dis. §. XXI.), A. CXCIII. peruisse Nigrum A. CXCIV. legatos in Galliam ad interficiendum ALBINVM a SEVERO missos, et hoc anno prope exeunte insidias eorum deprehensas fuisse; quo facto, A. CXCVI. citissime in Galliam SEVERVS venisset. Vix crediderim, (nam de tempore proeliorum iam dixi quid sit sentiendum) legatos istos integro fere anno adqueuisse, antequam litteras ALBINO tradidissent, et, cum A. CXCIV. prope exeunte demum detectae hae fuissent insidiae, SEVERVM, qui currentis similior quam proficiscentis recte dicitur a MOSHEMIO, vel integrum fere annum CXCVI. otio trans-

§. VIII.

Alterum nec mediocre telum ad hanc rem exsequendam existimari debet tempus, quo expugnatum Byzantium est. Namque hoc DIO ait (l. LXXIII. c. 14. p. 1254.) occupatum esse a SEVERI militibus, cum is in Mesopotamia commoraretur h. e. postquam NIGRVM superauerat, ac prius quam pergeret aduersus ALBINVM. Atqui Byzantinos fame demum in deditionem redactos esse, cum tres integros annos fuissent in obsidione, idem DIO memoriae prodidit (lib. cit. c. 11. p. 1252.); quare cognoscemus annum, quo SEVERVS in Mesopotamia versatus est, cum viderimus, quando ista obsidio exordium sumserit. Sed eius initium coniunctum arbitror cum initio ipsius expeditionis SEVERI contra PESCENNIVM A. CXCIII., quod intelligi potest ex eo, quod vix est credibile, SEVERVM, cum NIGRO OCCurreret, a tergo relicturum fuisse fortissimam urbem, quam ipsi NIGRI milites tenebant et quo aduersis rebus se recepturi fuissent; idemque cum re ipsa optime consentit. Fac scilicet: mente fere Septembri A.

CXCIII.

transegisse, vel ALBINO tantum concessisse temporis, ut vires colligeret; cum ad veritatem sit multo propensius, si quis dicat, quod A. CXCVI. prope vertente SEVERVS profectus sit aduersus ALBINVM, neque multum temporis praetermiserit, quo bello dimicare cum ALBINO potuisset.

CXCIII. SEVERVM huius oppugnationis initium
 per milites fecisse (Roma enim, Iunio pae-
 ne praeterlapso, discesserat (§. VIII. n. z.);
 incidet sane expugnatio ipsa, si post trien-
 nium integrum facta est, in Septembrem
 A. CXCVI, quo tempore SEVERVM in Meso-
 potamia fuisse apparet ex iis, quae in su-
 perioribus dicta sunt. Quam ob rem non
 est necesse, ut a nativa potestate verborum
 ἐπὶ ὅλον τριετὴ χρόνον recedamus, quo se a
 TILLEMONTIO adduci passus est MOSHEMIVS ὁ
 μακαρίτης, cuius interpretatio, ni fallor,
 vi quidem verborum non facit satis. Itaque
 cum mente fere Septembri in Mesopotamia
 versatus fuerit SEVERVS, nisi A. CXCVI. iam
 in finem inclinato, in Galliam venire non
 potuit. Neque vere postea quam in Meso-
 potamia SEVERVS fuerat, usquam legimus,
 eum contra Osroenos, Adiabenos, Arabes-
 que fuisse profectum; hos enim, teste DIO-
 NE (l. LXXV c. 3. p. 1257.); cum Nisibi,
 in vrbe Mesopotamiae, SEVERVS otium sibi
 daret, LATERNVS, CANDIDVS atque LAETVS,
 SEVERI duces, subegerunt. Vnde efficitur,
 famam de seditione ALBINI ad SEVERVM in
 Mesopotamiam fuisse allatam. Enimuero
 non abhorret, SEVERVM, qui celeritate con-
 filii in primis utebatur, statim, deuicto NI-
 GRO, misisse, qui ALBINO, occasione alla-
 tarum litterarum, insidias facerent, et hae
 quidem repente detectae sunt; quocirca
 magis

magis apparet, fere Anno cxcvi. vertente SEVERVM in Galliam concessisse *).

§. X.

Sed ista quidem vt nondum dant certam viam accurate cognoscendi annum ALBINO fatalem propterea, quod nondum apparet, quamdiu ista de summa imperii dimicatio durauerit, magis, opinor, nobis scrupulum eximet tempus dignitatis Caesareae CARACALLO collatae, ex quo efficietur, ALBINVM A. cxcvii. periisse **). Sunt enim antiqui-

*) Aliam viam ingressus est MOSHEMVS §. XXII. Namque A. cxcvi., inquit, expugnatam esse Byzantinorum urbem; hanc vero, HERODIANO teste (lib. III. c. 6.) nondum fuisse in potestatem Imperatoris redactam, cum ALBINO occurreret; igitur eum esse contra ALBINVM A. cxcvi. profectum. Quod argumentum, haud nego, esse maiorem vim meo habiturum, nisi HERODIANI verba pugnent cum iis: quae tradita sunt a DIONE CASSIO, qui SEVERVM ait nuncium de capto Byzantio in Mesopotamia accepisse. Atque is merito audiendus est et repudianda HERODIANI auctoritas, quod iam egregie monuit V. C. H. s. REIMARVS in not. ad DION. CASS. p. 1252. §. 70. et 1256. §. 1.

**) Uti sumus ad hanc rem efficiendam dignitate CARACALLI Caesarea, cum MOSHEMVS maluerit ad eam rem dignitatem *Augu. sti* CARACALLO collatam adhibere. Sed istius Clarissimi Viri partes deferere hic satius est visum. Nam (p. 66.) CARACALLA, inquit,

tiquitatis monimenta quaedam, qualia PAPIUS *), exque GUTHERIO MOSHEMIUS attulit (in dis. laud. §. XXIII.), in quibus LATERANO ET RVFINO COSS. CARACALLVS EX S. C. CAESAR DESTINATVS VOCATUR. At illo cognomine quamuis iam CARACALLVS a patre tum exornatus fuisset, cum SEVERVS aduersus ALBINVM proficisceretur **); istud tamen nusquam reperimus a Senatu confirmatum esse prius, quam victor SEVERVS Romam, prostrato ALBINO, rediisset; tum enim SEVERVM legimus *Caesarem* BASSIANVM *filium suum* ANTONINVM *appellari iussisse* (ap. SPART. l. c. c. 14.) At enim LATERANVM ET RVFINVM Consules fuisse A. P. N. C. cxcvii. docent fasti vniuersi; itaque sit hoc, ALBINVM eodem anno ***) cum vita imperium amisisse.

Quae

inquit, Augusti dignitate ornatus est eo anno, qui proelium Lugdunense est consecutus. Itaque cum constet, eum hanc A. cxcviii. accepisse, ALBINVS A. cxcvii. occubuit. Huius argumenti, dubito fere, an superior propositio ex omnibus, quos habemus, Scriptoribus sit manifesta, nisi eadem esse censeatur cum altera: de eius dignitate *Augusti* A. cxcviii. suscepta, quae consentit cum omnibus eius rei significandae monumentis.

*) in Critica Annalium Eccles. Caesaris CARDBARONII, Saec. II. ad a. C. cxcvii. num. 2. Edit. Paris. 1689. pag. 88.

**) V. SPARTIANVM IN SEVERO C. 10.

***) et XI. quidem Calend. Mart.; quaemadmodum habet SPARTIANVS l. c. c. II.

Quae cum ita sint, patet quod efficiendum promissimus, ex hac occasione plebi ad Christianos vexandos post ALBINI interitum nata, istas priores Christianorum calamitates A. cxcvii. initium cepisse.

§. XI.

Accedimus ad alterum argumentum, ex quo initium istius tumultus a plebe excitati definire volebamus, locum istum quidem superius (§. VI.) productum e libro TERTULLIANI ad SCAPVLAM, in quo SEVERVS dicitur: „clarissimas feminas clarissimosque viros sectae Christianae non modo non laesisse, verum et exornasse testimonio, populoque in Christianos furenti restituisse.“ Quod cum SEVERVS non fecerit eo tempore, quo iam edictum opposuerat religioni Christianorum, quemadmodum ibi disputauimus; assignandus est ei rei annus, quo SEVERVS nondum hac lege molestus fuerat Christianis. Neque is tali modo clarissimis quibusdam huius familiae hominibus tum videtur gratificari voluisse, cum, victo ALBINO, bellum Parthis aliisque Orientis gentibus intulisset, a quo perfecto non rediit prius, quam hoc idem edictum aduersus Christianos promulgasset. Namque tum quidem tot erat bellis cum fortissimis nationibus implicatus, vt credi vix possit, eum de istiusmodi rebus cogitasse. Sed verba etiam TERTULLIANI sunt ea, vt facile appareat,

reat, SEVERVM non has quidem sed alias tamen feminas virosque clarissimos eo tempore laesisse, a quibus is Christianos cupiebat discerni. Atque ego non video, ad quale tempus possit vis istis illata referri, nisi ad id, quo *interfectos* SPARTIANVS refert (in Seu. c. 12.) *innumeros* ALBINI *partium viros. inter quos multi principes ciuitatis, multae feminae illustres fuerunt*: propterea, quod ista in re inter hos scriptores est vel in verbis quaedam similitudo. Ego vero vix dubito, quin SEVERVS horum Christianorum quasi tutelam suscepit, eosque ornauerit testimonio tali, quo doceret, eos non esse ex amicis ALBINI, ne populus, causam Imperatoris praetendens, hos Christianae religioni addictos insequeretur, raperetque in iudicium, quibus, nisi quod Christiani essent, aliud nihil vitio verti poterat. Verum igitur sit illud, statim post mortem ALBINI et ante SEVERI profectionem contra Parthos h. e. A. CXCVII. populum Christianos vi aggressum fuisse.

§. XII.

Denique et hoc non leue est argumentum nostrae sententiae, quod appareat, Apologeticum TERTULLIANI non posse litteris mandatum esse, nisi ante illas leges SEVERI; de qua re nemo dubitare potest, qui cogitate hunc libellum tractauit. Sed poterit ex iis, quae postea disputabimus, nullo

lo negotio intelligi, istam defensionem veterum Christianorum aetate inferiorem esse libris eius *ad martyres*, *de spectaculis*, *deque idololatria*. Vicissimque me spero ita effecturum, quod istae religionis Christianae vindiciae scriptae sint sub initium A. cxcviii, ut nemo vel mediocri in his iudicio praedictus de ista re dubitare possit. Quare tum apparebit, libros *de spectaculis* atque *de idololatria* nulli alii anno posse assignari, nisi A. cxcviii. Enimvero TERTULLIANVS martyres proprio libello ad constantiam concordiamque hortatus est prius, quam se accingeret ad scribendos hos duos, quos diximus, libros. Itaque necesse est dicere, librum *ad martyres* fere A. cxcvii. in lucem editum fuisse. Quae vna res nostram sententiam de anno, quo haec superior vexatio Christianorum incepit, ponit extra omnem dubitationem. Namque hi, quibus librum obtulit, iam fuerunt propter religionem Christianam in vincula coniecti, *martyresque* isti *designati* argumento sunt, tum deorum cultores vim Christianis intulisse. Sed obiter haec fere; nunc plura de libris his ipsis dabimus.

§. XIII.

Est igitur inter huius generis libros is primus, quem TERTULLIANVS *ad martyres* perscripsit. Cuius libri argumentum ipsum iam tum susceptas aduersus Christianos inimici-

micitias demonstrat, est enim *designatis martyribus* dicatum (coll. c. 1.); modo constituendum est id, fuerintne isti ante aut post SEVERI edictum in carcerem coniecti? Atque illud mihi magis placet pluribus de causis. Primum, quoniam Christianos non Imperatoris sed Praefidis iudicia sustinere dicit (c. 2 p. 156. A.). Quod quidem, haud nego, dici etiam a TERTULLIANO potuisse, si Praefides adhiberi fuerint ab imperatore legibus contra Christianos dimicante, propterea quod Praefides eas exlequebantur in provinciis: sed tamen ex eo primum oritur haud inepta suspicio, ipsa hac violentia eo tempore Praefides magis usus fuisse quam ipsum AUGUSTUM. At si istud argumentandi genus videatur in utramque partem posse disputari; hanc controuersiam dirimit haud dubie id, quod est ad calcem nostri libelli, ubi: *ad hoc quidem*, inquit, (patiendum in causa dei), *vel praesentia nobis tempora documenta sint, quantae qualesque personae inopinatos natalibus et dignitatibus et corporibus et aetatibus suis exitus referunt, hominis causa; aut ab ipso, si contra eum fecerint, aut ab adversariis eius, si pro eo steterint; quod pertinere ad tempus, quo ab aemulis imperii SEVERVS tutum reddiderat orbem Romanum, nullo modo dubitari potest. Nam cum sublatu e medio esset ALBINVS, tum maxime SEVERVM animaduertisse in hos, qui steterant a NI-*

GRI ALBINIVS partibus, tantum ignorant ii, qui loca superius adducta haud intellexere. Ex quo non minus licet cognoscere, quo modo potuerit TERTVLLIANVS dicere, (c. 2, p. 156. C) hos designatos *martyres*, quibus, nostrum libellum componendo, aliquod afferre alleuamentum voluit, *non participare sollemnes nationum dies, neque caedi spectaculorum clamoribus*. Quamquam enim me non prorsus praeterit, ludos etiam editos fuisse eo tempore, quo superior SEVERVS a Parthis ceterisque barbaris rediisset; facit tamen hoc ipsum argumentum, quod ad erigendos martyrum animos petit a viris clarissimis, qui idem experti erant fatum, ut ludos intelligamus eos, quos editos nouimus propter victoriam a NIGRO, magis etiam ab ALBINO reportatam. Caeterum ego non dubito primum locum nostro libello vindicare inter eos; quorum aetas certa quadam ratione cernitur, propterea quod TERTVLLIANVS non modo commemorat mutuum candidatorum Imperii aduersus partis contrariae socios violentiam, quam rem dici non potest extitisse, nisi eodem anno, quo periit ALBINVS, h. e. A. cxcvii, sed etiam mentionem iniicit calamitatum, quas subiere Christiani, tamquam earum, quae nunc quidem initium ceperint; ceterique omnes libri, quibus scribendis occasionem haec temporum perturbatio dedit, Christianos ostendunt iam multis cruciatibus tormenten-

mentisque exagitados Neque ego nunc vereor ne hunc libellum in numerum eorum referant nonnulli, quos TERTULLIANVS composuit, cum ab amicitia Orthodoxae Ecclesiae se remouisset; ipsa enim libelli aetas id quidem non permittit, si verum est id, quod diximus alias (§. III.), TERTULLIANVM huic ante A. CC. bellum non intulisse. Qua in re videmus HOFFMANNVM a nobis, vt solet, dissentientem, sed ad opinionem suam confirmandam vsum argumento tali, ex quo magis appareat id, quod nos contra volebamus (disf. cit. §. X. p. 36). Videlicet martyres istos, ad quos est oratio TERTULLIANI directâ, existimat partim Orthodoxos fuisse, partim Montanistas; idque effecisse, vt dissensio nata sit inter eos, quam ex animis tollere conatur TERTULLIANVS sub libri initium. Sed ad vniendos eos *opus erat hortatore*, inquit HOFFMANNVS, *qui utrique parti bene cuperet; qualis erat TERTULLIANVS Montanista, et in Catholicos quidem saepe peracerbus, neque tamen eos ita, ut haereticos, perosus*. Audio. Sed vt vtrique pars inimicitias deponat, certe non requiritur, vt is, qui pacem conciliare studet, vtrique discentientium faueat. Illud nimirum necesse est potius, vt dissidentes inter se cum eo, qui pacem conciliat, concordent. Planius dicam. Constat ex scriptore nescio quo? cuius verba habet EUSEBIUS (H. E. V. c. 16. p. 232. edit.

illum eodem fere anno cum Christianis communicauerit. Sed docet ipsum eius in hoc libro conscribendo consilium, euertendi istam opinionem, quod Christianis liceret interesse spectaculis: maxime tum edita spectacula fuisse, quae contempta a Christianis, tamquam *expedito morti genere*, deorum cultores dicebant (de spect. c. I. p. 89. B.). Quae quidem valde dubito, an de aliis capi spectaculis possint, quam de iis, quae propter SEVERI reditum victoriamque ab ALBINO reportatam, non Romae solum sed per prouincias etiam (coll. c. 7. p. 93. A.) edita esse leguntur; qualia isto tempore habet SPARTIANVS (in SEVERO C. 14.). Namque si TERTVLLIANVM ludos commemorare videmus (c. 16.) *de natalibus et sollemnibus regum et publicis prosperitatibus*, eumque dicere, nullos a cultu deorum immunes esse, *sub quocumque demum nomine et titulo ederentur*: id nempe, quod diximus, suspicamur, maxime inducti eo, quod praesides dicat, (c. 30.) *persecutores domini nominis, saeuioribus, quam ipsi contra Christianos saeuierint, flammis insultantibus olim liquefcentes*; et alio quodam loco (c. 26.) *quod in Christianos quotidiani leones expostulentur, ac decernantur persecutiones*. Igitur iam tum Praesides vexabant Christi cultores; quibus pertinaciam in reiicienda spectaculorum voluptate obiici vsu venerat (cap. 1.). Enimvero diximus (§. VII) in caus-

causis violandi Christianos eam fuisse habitam, quod hi sibi religioni ducerent, venire ad ludos; ipsamque hanc saevitiam aduersus eos tam A. cxcvii. extitisse: quam ob rem ullum fore dubitamus, qui alio quam hoc aut sequenti anno scriptum esse *de spectaculis* librum iudicet. Atque ego non ignoro, multos fuisse in ea opinione, quasi TERTULLIANVS nostro in libello respexisset potius ludos saeculares, quorum memoriam tot numis nouimus celebratam, et ipse ad hanc sententiam inclinavit TILLEMONTIUS, accuratissimus, si a ratione Chronologica discesseris, harum rerum interpret *). Sed isti opinioni, quo minus calculum adiiciamus, impedit primum hoc, quod TERTULLIANVS praesides dicat auctores calamitatum in Christianos, verbis tam duris, ut abhorrens videatur ab ista cautione ac studio TERTULLIANI remouendi a Christianis omnem suspicionem neglectae pietatis aduersus Imperatorem. Itaque hac ipsa cautione alias TERTULLIANO vbique adhibita, quam hic abesse videmus, adducimur in eam sententiam, ut credamus, tempore editi huius libelli nondum sceleris istius aduersus Christianos participem fuisse SEVERVM, qualis tamen fuit A. cciii. cum ludi isti saeculares ederentur. Deinde efficeretur ipsa
hac

*) *Mémoires pour servir à l'Histoire Ecclésiastique des six premiers siècles*, Tom. III. Edit. Paris. 1701, in 4. p. 210.

hac dissentientium opinione, hunc librum scriptum esse a TERTULLIANO, cum transisset ad partes Montanistarum; quod longe secus est, ut mox videbitur, ac repudiatur ab ipsis his, qui secus existimant. Neque vero aliorum, quam fere ad huius anni cxcviii. initium, hunc librum referri par est, quoniam ante Maium anni praecedentis, vix credibile est, SEVERVM Romam rediisse, cum sint post pugnam Lugdunensem (§. X.) multa adhuc ab ipso composita *); unde fit, ut nec libellus *ad martyres*, qui nostro est superior, nisi ad illius anni finem, scriptus possit dici. Cui si addamus id, quod suo loco docebimus, librum *de idololatria* posteriorem esse eo *de spectaculis*, et eodem anno compositum; haec nostra de aetate libri *de spectaculis* sententia inde necessario intelligetur. Atque haec eadem libri aetas demonstrat satis, non posse eum haberi in numero eorum, quos addictus sectae Montanistarum TERTULLIANVS conscripsit: huic enim adiunxisse se eum A. P. C. N. cc. supra disputauimus; nequa vlla est ipsi libro impressa nota imbuti Montanistarum erroribus animi. At hic tamen libellus libro *de corona* posterior est, quem nemo Montanismi signa habere negat. Ita fere HOFFMANNVS (in disc. laud. §. VII.); a quo si rationem eius rei postulas,

*) V. HERODIANI Hist. I. III. c. 8. Ed. BOZCLERI p. 144.

las, nostrum produisse librum respondet, „cum pax Ecclesiae non quidem SEVERI editis, sed clamoribus populi et Praesidum auctoritate sublata esset.“ At eodem illo argumento adductus, cum animum appelleret ad scribendum librum *de spectaculis*, TERTVLLIANVM plane existimo orthodoxae familiae sodalem fuisse. Namque vim argumenti contrarii vniuersam in eo esse video, quod in isto libro *de corona* (c. 1. p. 120. C.) TERTVLLIANVS bonam longamque pacem Christianis adhuc fuisse dicat; cui quid respondendum sit, postea dabitur commodior dicendi locus. Sed istud a veritate alienum est, quod *de spectaculis* liber scriptus sit post librum *de corona*; cuius rei testem habemus ipsum TERTVLLIANVM plane contrarium, qui in isto *de corona* libello (cap. 6.): *huic materiae*, inquit, *propter suauiludios nostros, graeco quoque stilo satisfacimus*; loquitur autem de spectaculis, quae ducta putat e diaboli disciplina. Et hoc ipsum iam ALLIXIVM commouit, ut nostrum *de spectaculis* librum antiquiorem eo esse diceret; cuius argumenti vim eo HOFFMANNVS vult frangere, quod de graeco libello sermonem esse pronunciat, negatque, idem de latino propter rationes a se adductas sentiendum esse. Arque ego non inficior, TERTVLLIANVM de eo libro fuisse locutum, quem de spectaculis olim graece composuisset; sed neque illud potest esse obscurum, ante istum

graecum, latine etiam eum commentatum esse de eodem argumento. Nonne enim is, qui de spectaculis graece quoque se dixisse fatetur, idem hoc voluisse censendus est, se olim alia etiam lingua istud argumentum tractasse? de rationibus autem HOFFMANNI in contrariam partem allatis, iam monui me postea dicturum. Neque est audiendus PINVS, qui hunc quidem librum cum eo, qui est *de Idololatria*, circiter A. CCII. aut CCIII. scriptum esse opinatur a TERTVLLIANO iam ad errores Montanistarum proclini *). Qua in re deceptum eum esse suspicor natali GETAE Caesaris, cuius meminisse mentionem fieri in Actis PERPETVAE et FELICITATIS, quae quidem creduntur eo anno mortem subisse. Hunc vero natalem putat a TERTVLLIANO in libro *de idololatria* indicatum, cuius rei, saltem in eo loco, quem exiit, nullum est vestigium, ac, si esset, id nimirum caderet in disceptationem, intellexeritne TERTVLLIANVS natalem imperii aut vitae GETAE Caesaris? Sit igitur stabile, hunc *de spectaculis* librum editum fere fuisse sub A. excviii. initium.

§. XV.

Hunc excipit *de idololatria* libellus. Quem cum TERTVLLIANVS scriberet, erant sane Ro-

*) Dans la nouvelle Bibliothèque des auteurs Ecclésiastiques. Edit. Paris. 1693. in 4. Tom. I. p. 91. et 108, not. 1.

Romani occupati in eo, quo ostenderent laetitiam summam de temporum istorum felicitate, eaque de causa ipsas ianuas suas laureis exornauerant et multis lucernis (coll. c. 15). Id vero in honorem Imperatoris factum esse, demonstrat omnis disputatio, quam subiicit TERTVLLIANVS super ista quaestione: an pietas Imperatori debita requirat, vt Christiani, ad declarandum de Caesaris salute gaudium, se deorum cultoribus adiungant vario laetitiae apparatu? Haec, si quis quaesierit, ad quaenam tempora spectent? nullus ego dubito dicere: ad varia laetitiae signa, quibus quasi SEVERO, e bello cum aemulis imperii reduci, Romani applaudebant. Namque ter legimus apud scriptores veteres istiusmodi quid factum sub SEVERI imperio; primum A. CXCIH., cum SEVERVS, regnum occupaturus, Romam, interfecto IVLIANO, intrasset *); postea, cum victor ex Gallia redisset, ALBINO prostrato **); denique in decennialibus imperii sui, cum reuerteretur ex Oriente ***); quod omne genus multis confirmari numis potest. Atque primum illud haud potest a TERTVLLIANO significari. Namque, vt nunc non dicam, si adhuc

*) DIO apud XIPHILINVM l. LXXIII. c. 2. p. 1242. C.

**) HERODIAN. l. III. c. 8. SPARTIAN. in SEVERO c. 12.

***) DIO l. LXXVI. c. 1. p. 1272. et HEROD. l. III. c. 10.

adhuc fuisset imperii aemulus, quem pluri-
mi optabant, qualis NIGER erat post mor-
tem IVLIANI, vix negligentiam in ostenden-
da aduersus nouum Caesarem pietate obiici
potuisse Christianis; (quod tamen factum
apparet ex omni TERTVLLIANI sermone):
prouocat certe TERTVLLIANVS ad suum *de
spectaculis* librum, quem diximus demum
A. CXCVIII. scriptum fuisse. Neque vero
quis debet haerere in eo, quod non de
graeco huius argumenti libro, sed de lati-
no loquatur; nam nostrum libellum cum
scripserit latine, haud dubito, quin, si grae-
cum *de spectaculis* librum voluisset denotare,
illum designaturus adiecto quodam verbo
fuisset; atque nos, iam diximus a graeco
posse ad latinum iam scriptum, absque er-
rore argumentari. Neque etiam postrema
sententia videtur admittenda, quae istam
publicam laetitiam transferre vult in decen-
nalia SEVERI. Nolo nunc disputare de eo,
quod pugnet cum hac opinione ipsa huius
libri *ἐπεὶ οὐδοξία*, quam ei postea vindicabi-
mus, sed est tamen aliquis suspicioni lo-
cus, eo tempore in Christianos adhuc ma-
gistratus fuisse collatos. Namque istam quae-
stionem: quatenus eiusmodi officium pro-
gredi deberet in suscipienda religiosa aliqua
consuetudine, quae ad deorum cultum paul-
lisper accederet? dubito an tractasset TER-
TVLLIANVS, si quidem tum Christiani ad-
missi ad magistratus non essent. Sed equi-
dem

dem haud nego, me subdubitare, quod amplius communicata cum Christianis fuerint officia publica, cum iam SEVERVS editum de religione Christianorum non recipienda tulisset. Restat igitur alterum, quod diximus, celebrationum genus, quod post SEVERI ex Gallia reditum exstitisse perspicuum est. Cuius sententiae novum aliquod argumentum nec istud profecto contemnendum, peti potest ex eo, quod TERTULLIANVS isto, quo librum hunc scripsit, tempore Astrologis nuper admodum urbem et Italiam interdictam esse commemorat (c. 9). Quod quando sit factum, ex SPARTIANO non minus discere licet quam ex ipso TERTULLIANO. Primum audiamus nostrum: (Apolo-
 g. c. 35. p. 32. D.). *Qui nunc, inquit, scelestarum partium socii aut plausores quotidie reuelantur, — quam recentissimis laureis postes praestruiebant? quam elatissimis et clarissimis lucernis vestibula nubilabant? — non ut gaudia publica celebrarent, sed ut vota propria iam edicerent in aliena sollemnitate — nomen principis in corde mutantes. Eadem officia dependunt, et qui ASTROLOGOS et Aruspices et Augures et MAGOS de Caesarum capite consultant.* Sed in hoc Apologetici loco haec gaudii publici signa edita olim a scelestis fuisse TERTULLIANVS dicit, quae in libro nostro nunc fieri planissime indicat. Est igitur iste de idololatria libellus ante Apologeticum scriptus, adeoque ante initium A.

cxcviii., vt postea apparebit. Ego vero
 haud inepte suspicari videor mihi, pulsos
 Roma Italiaque Astrologos tum fuisse, cum
 a multis de salute Caesaris fuissent consulti.
 Atque hi, qui tale quid sciscitati erant ex
 magis, capitis damnabantur eo tempore fe-
 re, quo SEVERVS proficiscebatur aduersus
 Parthos h. e. A. cxcviii. Quod intelli-
 gitur e loco quodam SPARTIANI, (in vit. sev.
 c. 15.) quem quoniam non satis est excus-
 sus ab aliis, hic subiicio: *Postquam SEVERVS*
Parthicum bellum suscepit, traiecto excer-
citu a Brundisio, continuato itinere venit in
Syriam Parthosque submovit. Sed postea in
Syriam rediit ita. vt se pararet ac bellum Par-
this inferret. Inter haec Pescennianas reli-
quias, Plautiano auctore, persequabatur. —
Multos etiam, quasi Chaldaeos aut vates de sua
salute consuluisent, interemit; praecipue sus-
pectos vnumquemque idoneum imperio. Istum
 locum si conferamus cum eo, quem modo
 EXTERTVLLIANO recitauimus, apparet, virum-
 que Scriptorem, cum loquatur de reliquiis
 aduersariorum SEVERI perquisitis, ipsum
 etiam tempus, quo ista contigerint, defi-
 nire; quod secus est in enarrando altero de
 adhibitis in consilium Astrologis. Sed quem-
 admodum illud nobis dat viam certam in-
 veniendi veram aetatem Apologetici; ita
 hoc quidem nos docet, eos, qui magos
 de salute Caesaris percunctati fuerant, fere
 eodem tempore fuisse extinctos; ex quo
 saltem

saltem intelligitur id quod volebamus, nostro in libro TERTULLIANVM de altero celebrationum genere sub SEVERO fuisse locutum. Quamquam, si velimus istam rem quaerere subtilius, et adhibere legem, e qua ordinem in rebus gestis narrandis a SPARTIANO plerumque observatum iudicandum esse experimento didicimus (quam longum est hic luculentius exponere): cognoscere licebit, quod ista supplicia eorum, qui Magis vsi sunt ad intelligenda imperii SEVERI fata, non necessario posteriora habenda sint suppliciis constitutis in amicos NIGRI superstites. Itaque cum haec existerint A. cxcviii. vt dicemus suo loco, illa haud inepte assignari possunt anno praecedenti. Quae cum ita sint, patet ad A. cxcviii. librum *de idololatria* pertinere. Atque hic ego non puto necesse esse, vt respondeatur ad ea, quae voluit TILLEMONTIUS, hunc librum scriptum esse a TERTULLIANO, postquam ipse nouae alicuius sectae auctor exstiteret. Quod absque ratione omni defenditur, et est ab HOFFMANNO confutatum (disf. cit. §. VIII. p. 31.), qui in argumentis, e quibus eruenda est libri aetas, nobiscum fere consentit; ita tamen vt a TERTULLIANO Montanista illum existimet scriptum. Quae quidem opinio stare non potest, si verum est id, quod superius probatum dedimus; non nisi A. cc. eum se contulisse ad disciplinam MONTANI. Neque
ad

ad eam asserendam bene HOFFMANNVS adhibuit locum TERTVLLIANI ipsius, (*de idol. c. 22: Multi dicunt, nemo se debet promulgare*) quem vult indicasse, quod fuerit iam tum inter Montanistas et Orthodoxos quaestio agitata de fuga in persecutione. Nempe ipsa series orationis de omni négatione fidei sermonem esse docet, neque de fuga vnice; et ex antiquissima veterum Christianorum historia, veluti ex IGNATII AC POLYCARPI exemplo, apparet, diuersas inter ipsos purioris doctrinae Christianos ea de re fuisse sententias. Sed ortam hanc Orthodoxos inter et Montanistas disputationem ex facto militis, qui coronam lauream repudiavit, adeoque hunc librum post eum, qui est *de corona*, scriptum esse, id vero est hariolari, non probare; quale genus argumentandi debet ab omni disputatione alienissimum esse.

§. XVI.

Sequitur elegantissimus *Apologeticus*, quem librorum TERTVLLIANI et doctrina et candore praestantissimum audeo dicere. Cuius aetas tametsi copiose disputata sit ab omnibus, qui ceteros etiam libros non tetigere, maxime a MOSHEMIO, elegantissimo Viro, cui hoc in genere primae debentur: tamen post istam messem licet spicas quasdam colligere, atque, praetermissis iis, quae doctissime sunt dicta ab eo, breuiss.

uisime, quam posimus, veluti per gradus adscendendo, quae ista de re dicenda habemus, exponere. Primum igitur nemini, qui fuit in eo libro tractando cum cura aliqua versatus, potest esse obscurum, isto tempore nondum fuisse legem SEVERI contra Christianos emissam. Namque, hunc librum offerendo Praesidibus, quis crederet TERTULLIANVM ab iis exspectare potuisse, ut iram aduersus Christianos conceptam non mitigarent solum, sed plane deponerent, dimitterentque eos innocentes? si tamen Praesidibus agendum fuisset secundum SEVERI leges, a quibus nec licebat vel latum vnguem recedere; praesertim cum constaret quanta acerbitate usus olim fuisset aduersus eos, quos intellexerat officio iudicis haud bene defunctos. (V. SPARTIANVM in SEV. c. 8.). Neque vero mirum cui videri debet, si Praesides cum plebe soli iniuriosi fuerunt in Christianos, quam ob rem non ad Caesarem ipsum TERTULLIANVS prouocauerit, neque Christiani receperint in eius tutelam? Etenim si Christiani occasione eorum, qui propter NIGRI ALBINIQUE amicitiam plectebantur, auctore PLAVTIANO, omne calamitatum genus sustinuerunt; talis ad Caesarem provocatio, propter summam PLAVTIANI, Praetorio Praefecti, auctoritatem locum non fuisset habitura; ne tum quidem, si facta esset ad ipsum PLAVTIANVM, impotentissimum

num crudelissimumque hominem. Praeterea quomodo, si vel maxime PLAVTIANVS auctor tanti sceleris in Christianos non fuit, quomodo, inquam, a SEVERO, infinite et aurum et caedem hominum innocentium ac seditionis suspectorum concupiscente, impetrari auxilium potuisset aduersus plebis furiosae impetus; quam verendum erat potius, cum nondum publicas cum Christianis inimicitias suscepisset, admonitum libellis Christianorum, eo progressurum fuisse, ut etiam mala, auctoritate sua Praesidum furorem confirmando, augeret? Hac igitur re constituta, dicere necesse est sane, quod Apologetico scribendo occasionem dederit facta a plebe Christianorum perturbatio. Atque quorundam locorum TERTVLLIANI *) vis ita est manifesta, ut absonum plane sit, aliud ibi quid quam eam rem quaerere. Vnde fit, ut neque dici TERTVLLIANVS posset hanc Christianorum defensionem tradidisse Praesidibus, nisi cum annus CXCVII. suam iam summam compleuisset; propterea quod horum motuum origi-

*) e. c. Apol. c. 37. C: *Quoties suo iure nos inimicum vulgus inuadit lapidibus et incendiis; ipsis Bacchanalium furiis nec mortuis parcunt Christianis, quin illos de requie sepulturae auellant, dissecant. distrabant. Et c. 35. C: Nulli magis depostulatores Christianorum quam vulgus. Plane ceteri ordines pro auctoritate religiosi ex fide. Nihil hosticum de ipso senatu, de equitate, de castris, de palatiis ipsis spirat.*

origines isti anno idoneis argumentis vindicauimus. Itaque nec opus est isto loco (Apolog. c. 35. p. 32. C.), quod inter hostes imperii CASSIOS, NIGROS ALBINOSQUE TERTULLIANVS retulit, ad asserendam Apologetici aetatem nece ALBINIANA posteriorem; continet tamen is ipse locus vestigia quaedam non admodum obscura, quibus insistentes aetatem, quam Apologetico constituimus tribuere, accuratius inuenire possumus. Nihil iam de congiariis ab Imperatore populo datis, nihil de die sollemni Principis omni lauitiarum apparatu celebrato; nihil de votis pro Imperatoris salute susceptis dicemus: sunt enim haec vel non apta satis ad rem exequendam, vel a MOSHEMIO iam elegantissime disputata. Vnum locum excutiamus, et eum quidem superius in medium productum (§. XV.); propterea quod et is rem planissime conficit, et mouet nos, vt ab istius doctissimi viri sententia paullulum deflectamus. Ait igitur TERTULLIANVS, *scelerum partium socios aut plausores, post vindemiam parvictidarum racemationem superstitem, quotidie reuelari*; ait etiam, *quosdam Astrologos, Augures, Magos de Caesarum capite consuluisse*. Eadem coniunxit SPARTIANVS, effecitque ista similitudo, quae vtriusque scriptoris loca excitata intercedit, vt vtrumque eadem plane tempora respexisse dicerem. Sed quoniam nec TERTULLIANVS consultatio-

nem

nem Magorum plane refert in eadem illa tempora, in quae reliquias amicorum NIGRI perquisitas, nec SPARTIANVS, vbi tempus diserte non definit, ordinem rerum accuratissime sequitur; fit vt nunc mittamus ea, quae de consultis Magis apud vtrumque leguntur. At alterum sequamur indicium temporis, quo scriptus est Apologeticus, videlicet istud studium PLAVTIANI protrahendi omnes eos, quos suspectos dicebat auersae a SEVERO voluntatis. Hos, SPARTIANVS ait, persecutum esse PLAVTIANVM interea, cum SEVERVS Parthos adortus fuisset, rediissetque in Syriam, vt se pararet ad bellum Parthis maiori cum vi inferendum. Enimuero credibile est, SEVERVM fere post medium A. CXCVII. fuisse aduersus Parthos profectum *); quorum impetus cum aliquantum repressisset, in Syriam rediit forte, vt ibi hyemem transigeret. Vbi cum pararet ea, quae necessaria videbantur ad Parthos bello persequendos; PLAVTIANVS inuestigauit eos, quos superstitites nouerat e NIGRI amicis; quod igitur fere factum est sub A. CXCVIII. initium. Quare nullus ego dubito, quin sententia

MOS.

*) *Profectio Augusti* coniungitur apud MEDIOBARBVM ad a. C. 199. p. 172. et apud VALLANTIVM in num. Imp. Vol. I. p. 113. cum Tr. P. VI., quae desit A. CXCVIII. medio. Sed apud illum p. 273. alius numus habet SEVERI Tr. P. VI. cum cognomine *Par. Ar. Ad.* signisque victoriae aliis.

MOSHEMII, qua A. cxcviii. medio hunc librum exaratum esse existimar, relinquenda sit ista in re propterea, quod tum modo aduersus Parthos profectus est SEVERVS, atque TERTULLIANVS non de extinctis ALBINI, sed NIGRI amicis loquitur, qui erant adhuc post ALBINIANOS superstites: Sed neque tempore, isto, quod diximus, posteriori facta esse videtur haec inimicorum SEVERI peruestigatio; hoc enim pugnaret cum eo, quod iam A. cc. TERTULLIANVS Montanistarum partibus accessit, scripsitque ante hanc factam ab Ecclesia secessionem *libros ad nationes et de testimonio animae*, qui ne minimam quidem dant Montanismi suspicionem, et sunt Apologetico superiores; quod de libro *super animae testimonio* haud dubium est, ac de *libris ad nationes* probabile admodum. Neque nunc credo fore, qui putent, TERTULLIANVM tum Montanistam fuisse, cum Apologeticum componeret. Etenim nisi mauelint fingere cum HAVERCAMPO V. C. (in praefat. ad Editionem Apologet. TERTVLL.) TERTULLIANVM bis hanc apologiam paullulum immutatam edidisse, argumentis nostris cedant necesse est, quibus eam superiorem esse SEVERI edicto probauimus. Atque ego opinionem HAVERCAMPI non probo, cum lectiones quaedam textus huius libri discrepantes istam rem non conficiant satis; mihiq; ex EVSEBIO quidem (H. E. l. 11. cap. 2.) constet,

stet, quod TERTVLLIANI apologia latine scripta sit, posteaque graece conuersa, sed quod bis edita sit, et immutata quidem, nullo modo. Quod si igitur, concedant, Apologeticum SEVERI edicto esse antiquiorem; eos profecto oportet contra nos, si possint, certioribus argumentis pugnare, quam iis, quibus sententiam a MOSHEMIO demonstratam HOFFMANNVS impugnauit. quae nihil firmitatis habere egregie commonstrauit MOSHEMIVS (in Addendis ad Vol. I. diss. suarum Hist. Eccles. p. 741 - 48.). Atque nos ipsi alteri HOFFMANNI argumento suo loco respondebimus, alterum vero monemus cum ipsa HOFFMANNI sententia pugnare (lubet enim hoc MOSHEMIANAE responsioni adiacere). Nam si vera sunt etiam, quae de cultu SERAPIDIS Romae per SEVERVM restituto HOFFMANNVS dicit, facta esse ea tum, demum, cum Aegyptum, deuictis Parthis, peragrasset, h. e. A. ccii: concidit id, quod antea decreuerat, ante SEVERI edictum scriptum Apologeticum esse; quoniam ante A. cciii. Romam SEVERVS non rediit, et tamen A. ccii. edictum aduersus Christianos a SEVERO promulgatum fuisse, nemo vnus vocare in controuersiam potest.

§. XVII.

Narrat in Apologetico suo TERTVLLIANVS, (c. 16. p. 17. D.) *proxime* fuisse quemdam,

dam, qui imaginem togatam, auribus instructam asininis, altero pede vngulatam, addita inscriptione: DEVS CHRISTIANORVM ONOCHOETES proposuerit. Idem *nuper* factum esse refert in priore *ad nationes* libro (c. 14. p. 59. D.); quod argumento esse potest, eodem fere tempore cum Apologetico vtrumque *ad nationes* librum editum fuisse, atque ita, ni fallor, vt post eum hi lucem viderint. Vtrumque inquam; verba enim, quibus librum posteriorem orditur, statim eum priori subiectum ostendunt. Post Apologeticum; tum quoniam illud *proxime* videtur breuius temporis spatium designare, quam *nuper*, tum, quoniam verisimilius est, si quis dicat, TERTVLLIANVM primum Praefides compellasse, quorum auctoritas maior esset, animusque tractabilior, quam populi. Atque sunt praeter haec non pauca; quibus eorum aetas multo superior edicto SEVERI intelligi possit; a quibus enumerandis me nunc quidem contineo, sed vtor tamen ad hanc rem duobus argumentis. Vnum est, quod isti libri sint populo in primis destinati; alterum, quod victoriam a NIGRO atque ALBINO tamquam non ita multo ante seportatam significant. Nuspiam Praefides alloquitur, vt fecit in Apologetico, sed vnice populum, a quo memini TERTVLLIANVM alicubi etiam (v. c. 1. l. c. 3. p. 48. B.) diserte Praefides distinxisse. Deinceps hos, ait, quibus di-

cavit istos libros, accusasse Christianos (l. i. c. 20. p. 63 D.); quod quidem conuenire video in Praesides, tamen multo magis refertur ad plebem. Denique ipsum cognomen *nationum*, quod est in horum librorum epigraphæ, manifestum est a TERTVLLIANO inditum esse iis, qui dediti erant cultui deorum; hic vero proprie plebem superstitionem designat haud dubie, propterea quod paene eadem, quæ disputata sunt in hoc utroque libello, iam Praesidibus considerata proposuit in Apologetico. Sed nuperae stragis NIGRI ALBINIQUE mentionem injicit hoc modo, ut *Syriam cadauerum odoribus spirare, Galliasque adhuc Rhodano suo non lauare* dicat; quod quid sibi vult aliud quam hoc: vix finem bello SEVERI cum NEGRO atque ALBINO fuisse impositum? Quæ quidem omnia, istos *ad nationes* libros non post edictum SEVERI editos fuisse, sed ante, luculenter ostendunt, possuntque edocere omnes, non praeter rem hos libros comites datos a nobis fuisse Apologetico TERTVLLIANI, quippe quos ea de causa oportet scriptos esse, cum iam dimidia pars A. CXCIII. fuisset conuersa. Ex quo apparet simul, ipsorum auctorem tum nondum abiisse in Montanistarum sententiam, si quidem id demum A. CC. contigit, neque inueniuntur in libris istis, quæ suspicionem Montanismi mouere aliquantum possunt. At vnum hoc mihi animaduersione dignum videtur in

in HOFFMANNI argumentis, qui, eidem similitudini insistens, quae argumentum Apologetici horumque librorum intercedit, pronunciat in contrariam partem non bene. Namque ea eius opinio, quae in hoc versatur, *quod libri ad nationes cum libello de testimonio animae non differant ab Apologetico, nisi prolixitate, eandemque defensionem, quam TERTULLIANVS in Apologetico velut in pugnum compresserat, aliquanto latius explicent*; ea vero nec recte se habet omnino, nec est ad rem efficiendam satis idonea. De ipsius argumenti conclusione nihil attinet dicere; est enim hoc satis disputatum a nobis, et adhuc quibusdam in locis disputabitur. Et quamvis in Apologetico fere similia tradat TERTULLIANVS eorum, quae fuerunt in libris *ad nationes* exposita; multa tamen sunt in isto, quae in his prorsus non exstant, et vicissim in his, quae frustra in Apologetico quaeruntur. Quod qui perspicere plenius velit, eum ad vniuersum librum posteriorem remittimus, quod versatur in explodendis gentilium diis: ubi; si discesseris ab ultimis libri sectionibus, nihil reperiēs, quod sit in Apologetico tractatum.

§. XVIII.

Stat mihi eadem sententia de eo libello, quem TERTULLIANVS *de testimonio animae* conscripsit. Hunc equidem non nego aequalem esse libris *ad nationes*, sed dubito, an

recte ab HOFFMANNO (l. c. p. 34.) dicatur altera quasi pars esse commentarii, quem in Apologeticum TERTVLLIANVS ediderit, cum libri *ad nationes* priorem effecerint. Namque ista verba Apologetici (c. 17.): *Vultis ex animae ipsius testimonio comprobemus?* quae ansam HOFFMANNO ita sentiendi dedere, non ita comparata videntur mihi, vt possint lectores omnes ad huius opinionis veritatem agnoscendam adducere, cum eodem illo loco TERTVLLIANVS et demonstrare se posse vnum deum ex eius operibus dicat; de qua re tamen nusquam eum memini ex instituto disputare saltim in libro tali, qui sit eodem tempore cum apologeticis scriptus. Certius hunc librum Apologetico aequalem esse verba docent ea, quibus in sectione quinta (p. 84.) vtitur TERTVLLIANVS; *Diuinae scripturae, quae penes nos vel Iudaeos sunt, multo saecularibus litteris non modica tantum aetate aliqua antecedunt, vt loco suo edocuimus.* Hoc vero vbinam docuit, nisi in Apologetico? (cap. 18. seqq.). Quem cum sub initium A. cxcviii., eos vero *ad nationes* paullo post composuerit, anno isto paene expleto nostrum libellum edidisse censendus est. Neque id abhorret ab eo, quod sibi in libello TERTVLLIANVS exsequendum fumsit, *vt aemuli persecutoresque Christianorum veritatis et erroris in se et iniquitatis in eos reuincerentur.* (c. 1. p. 80. A.) Sed in alium, eumque posteriorem

eo, quem diximus, annum coniiciendum hunc librum non puto. Etenim praeterea, quod nulla in isto libro significatio Montanismi appareat, haud inepte quis dixerit, hunc veluti appendicem esse Apologetico librisque ad nationes adiectam; quoniam in eo disputata est paullo amplius doctrina Christiana. Neque vllus eius generis liber aduersus ineptum deorum cultum est a TERTULLIANO compositus, qui posset alii tempori vindicari, quam huic, quo ipsa violentia in Christianos requirebat demonstrationem summae iniustitiae conspicuae in superstitione ferro flammisque propaganda.

S E G T I O II.

DE

LIBRIS TERTVLLIANI,

Q V O R V M

ET AETAS ET MONTANISMVS CONSTAT.

§. XIX.

In superiore disputationis parte satis expostum esse putamus de libris iis, quorum aetas et puritas doctrinae certo quodam modo effici posse videbatur. Nunc sequitur alter locus, qui pertractabit eos, quorum aetas non minus constat, quam id, quod sint a TERTVLLIANO tum editi, cum ad MONTANI disciplinam se, relicta vetere, contulisset. Inter quos primum locum tenet liber *de corona*, in cuius aetatem vt inquiramus paullo plenius, operae videtur pretium esse eo magis, quo certius hic veluti *ταράκημα* est, ad quod exigendi sunt ceteri omnes libri, si illud veniat in controuersiam, vtrum sint ante TERTVLLIANI defectiorem scripti, nec ne? Qua de re cum videamus doctos homines variis inter se dissidere sententiis, quibus impediuerunt magis veritatem inueniendam quam expediuerunt; candide dicemus, quae veri similia videntur nobis, ac vna vtemur eaque prima libri sectione, e qua erui potest et ipsa scriptoris doctrina et tempus, quo istum librum

in publicum propulit. Atque illam cuius licet intelligere ex ista disputatione vniuersa de fugiendis iis, quae vel minimam suspicionem cultus commentitiorum deorum excitare possent; vbi disserentem audiet TERTULLIANVM, non eum quidem placidum, modestum atque cedentem, sed austum, sed vehementem, sed ira aduersus secus sentientes mirabiliter incensum, vt fere solent ii, qui modo ad disciplinam aliquam progressi, plurimum sibi sapere videntur. Alterius enim sectae pastores dum ait esse *in pace leones, in proelio ceruos, eosque respuisse Spiritus Sancti prophetias*; apparet sane MONTANI discipulum hic loqui, non communis Ecclesiae sodalem. Namque his verbis et alius se gregis esse proficitur ac ii, quorum doctores impugnat, et quid suum aduersus eos animum concitauerit, perspicue indicat, nimirum illud, quod secum eadem Paracleti Montanistarum decreta non fuissent secuti. Hanc eandem libri sectionem iis verbis orditur, quae fontis instar sunt, e quo omnis haurienda est aetatis notitia. Ita vero ille: *Proxime factum est. Liberalitas praestantissimorum Imperatorum expungebatur in castris. Milites laureati adibant. Quidam illic magis dei miles -- solus libero capite, coronamento in manu otioso, relegebat. -- Murmur tribuno defertur. Statim tribunus, cur, inquit, tam diuersus habitu? Negavit ille sibi cum ceteris licere. Causas*

fas expostulatus, Christianus sum, respondit. Huius militis factum cum ceteri Christiani improbarent, existimantes, *eo tam bonam et longam pacem periclitari*, contra nititur illud summis laudibus efferens TERTULLIANVS. Atque in isto loco primum videmus ab eo liberalitatem Imperatorum nuperrime factam commemorari, quos dubito an quis alios fuisse dixerit, quam SEVERVM et CARACALLVM, vtrumque Augustum. At enim in superioribus CARACALLVM dicebamus dignitate Augusti tum fuisse ornatum cum SEVERVS iter in Orientem aduersus Parthos pararet, quo fere abiit post dimidiam partem Anni cxcviii. conuersam; et postea ostendimus, pacem, quam hic adduci in periculum nonnulli credebant, esse eam, qua fruebantur Christiani nondum SEVERI lege publica exagitati, quam latam esse A. ccii. constat inter omnes. Hunc igitur librum scriptum oportet esse in interuallo eo quod ab anno sexto SEVERI ad nonum effluxit. In quo temporis spatio tres obseruavi annos Imperatorum liberalitate notatos: primum paullo ante quam SEVERVS proficisceretur in Orientem A. cxcviii. *); alterum annum cci. cum is militibus suis, propterea quod CARACALLVM Augustum, GETAM Caesarem, dixerant, Ctesiphontem spoliandam tradi-

*) SPARTIANVS in SEVERO: c. 14: *Profectus ad bellum Parthicum est, edito gladiatorio munere, et congiario populo dato.*

tradidisset *); tertium A. CCII; cum SEVERVS et CARACALLVS iter Aegyptiacum meditaretur. **) Horum annorum primum statim hic intelligendum non esse defendo. Etenim disputari potest, vtrum hoc gladiatorium munus et congiarium, quod habet SPARTIANVS, idem sit ac illud, quod datum a SEVERO fuisse populo HERODIANVS refert. ***) eo tempore, quo ab ALBINO victo Romam redierat. Neque enim obijci debet id, SPARTIANVM alio loco (in SEV. C. 12.) idem, quod statim post reditum SEVERVS edidit, commemorasse. Namque, VI SPARTIANVM non dicam eadem saepius tamquam diuersa repetere, is quidem eo in loco non loquitur de donatio concessa militibus, sed de eo, quod SEVERVS militibus tantum stipendiorum, quantum nemo principum, dederit. Quod si igitur idem congiarium vterque respexerit, sane intelligitur non idem voluisse TERTULLIANVM, cum anno demum CXCIII. a senatu dignitas Augusti fuerit in CARACALLVM collata. Verum si detur id etiam, aliud congiarium ab HERODIANO, a SPARTIANO aliud intelligi; tamen quod ex hoc

*) Idem c. 16: *Harum appellationum causa donativum militibus largissimum dedit concessa omni praeda oppida Parthici, quod milites quaerebant.*

**) Id ibid: *Post hoc (cum filium maiorem Consullem secum designasset); dato stipendio cumulatione militibus Alexandria petit.*

***) lib. III. c. 8. Ed. Boeckl. p. 145.

hoc primo loco excitauimus, non potest ad locum TERTVLLIANI referri eam ob causam, quia ipsi de congiario non nisi populo data edirisque spectaculis, TERTVLLIANO autem de re plane alia militibus in castris concessa est dictum. Sed neque illa postrema sententia admittenda est, ut ista liberalitas, finito in Oriente bello, in Syria conrigerit A. ccii. post susceptum ab utroque Augusto consulatum. Qui enim eius rei solus mentionem iniicit AELIVS SPARTIANVS *datum esse*, ait, *militibus cumulatus stipendium*, quod dubito an donatium dici possit; quale TERTVLLIANVS significare videtur. Ac si vel maxime sint, qui malint in isto loco SPARTIANI donatium intelligere, eos spero non penitus contemnuros sententiam meam, qua liberalitatem a TERTVLLIANO expositam credo eam attingere, de qua SPARTIANVM locutum esse dixi, dum ea referebat, quae acciderunt post occupatam Cressiphontem. Quae ista cum circumspicimus, non omnia solum, si contentio quaedam et comparatio fiat, bene se habere, sed explicari etiam egregie alterum posse ex altero animaduertimus. Nam primum isto tempore duo fuisse Augustos neminem praeterire potest; erat enim CARACALLVS iam ante expeditionem Parthicam A. cxcviii. et nunc a militibus etiam particeps imperii dictus. Deinde donatium militibus datum SPARTIANVS commemorat, vnde illa liberalitas

litas Imperatorum in castris intelligitur. Denique sub initium huius anni cci. nondum erat lex quaedam a SEVERO promulgata, quae omnes a religione Christianorum arceret, quorum familiam mox turbatam esse ea apparebit. Sed hoc donatium fuisse sub initium A. cci. militibus distributum id vero cum habeat aliquam dubitationem, quomodo calculi subducendi sint, breuiter exponemus. Principio velimus animaduerti, quod alio quodam loco disputauimus *) SEVERVM, expleta priori parte anni excviii., in Orientem fuisse profectum. Huic bello aduersus Parthos suscepto finem fere imposuit occupata Ctesiphonte. Nam, quod postea demum DIO CASSIVS SEVERVM refert bis frustra Atram impugnasse; in eo, si recte dixit, SEVERVS non videtur multum temporis consumsisse, cum altera eaque vehemensissima huius vrbs oppugnatio vigintr sit diebus confecta **), eamque statim secutum iter SEVERI in Palaestinam atque Aegyptum. Sed quoquo modo hoc accipiat, Ctesiphontem hiemali prope tempore captam esse SPARTIANVS confirmat (in SEV. C. 16.). Hoc dici non potest accidisse A. cxcviii.; quomodo enim, si dicamus etiam SEVERVM statim post susceptam a CARACALLO Augusti dignitatem Roma abiisse, quo modo, inquam, tempore tam breui tantum iter in

*) Supra §. XVI. p. 31. not. x.

**) DIO l. LXXV. c. 13. p. 1265.

ultimas quasi regiones perficere, classem exornare, peragrarè Armeniam, Seleuciam Babylonemque capere, atque vastare Arabiam potuisset? Neque vero id magis anno sequenti contigisse credibile est. Etenim post captam Ctesiphontem, Attramque his obsesam, SEVERVS venit in Syriam, vbi postea fasces imperii suscepit. Sed eum cum filio A. ccii. hos habuisse, norunt, qui fastos consuluerunt, vniuersi; itaque dicendum erit; per tres fere aut duo annos nihil egisse SEVERVM in bello aduersus ceteros persequendo; quod prorsus abhorret. Restat igitur, vt captam a SEVERO Ctesiphontem A. cc. fere vertente dicamus, cuius occupationem cum statim exceperit Augusti dignitas in CARACALLVM a militibus collata, ac donatium iis ea de causa concessum; hoc certe non alio tempore, nisi sub anni cc. finem aut sequentis initium contigit. Quae quidem res egregie confirmatur iis antiquitatum monumentis, quae vtriusque rei memoriam nobis tradiderunt. Etenim, vt a victoria Parthica exordiat, non EVSEBIVS solum, cuius forte quidam stare nolent iudicio, hanc victoriam a Parthis, Adiabenis, Arabibusque reportatam transfert in A. cc. *), sed fasti etiam **) et numi ***)

cog.

*) Chronio. lib. II. ad h. a. Edit. SCALIGER
p. 172.

**) apud PAMELIUM in vita TERTVLL. p. 18. H.

***) apud MEDIOBANVM ad a. C. 201. p. 274.

cognomen PARTHICI MAXIMI SEVERO Q. TR. P. VIII. Iustinenti tribuunt, quam progredi a medio anni CC. ad anni sequentis mediam partem, nemo ignorat. Deinceps in CARACALLVM Augusti, in GETAM Caesaris, dignitatem a militibus collatam esse A. CCI. ex SPARTIANO intelligitur quodam modo, qui hoc ait factum esse, cum CARACALLVS annum XIII ageret (l. c. c. 16.); quem eo anno egit haud dubie, vt apparet ex iis quae de eius natali alias disputauimus (§. VI. p. 10.). Ac huius quidem auctoritas si forte repudianda videtur propterea, quod in definienda CARACALLI aetate sibi ipse non constat satis; hunc certe scrupulum eximit elegantissimus numus thesauri olim Schwartzburgici, nunc Gothani, quem memoriae huius rei conseruandae destinatum fuisse, dubitari non potest*). Eius altera pars caput SEVERI laurea cinctum offert, addita inscriptione: SEVERVS AVG. PART. MAX. P. M. TR. P. VIII. altera nudum GETAE, et CARACALLI laureatum caput, quod hunc qui.

*) Eum cum erudito orbe communicavit POLYCARPVSTENTZELIVS in diss. sub. 10. ANDR. SCHMIDII praesidio habita, vbi selecta numismata aurea, argentea et aerea maximi moduli ex gazophylacio Arnstadio Schwartzburgico explicat; pag. 22. sqq. Aliam inscriptionem, in qua nomina trium istorum cum anno Tr. P. III. SEVERI, et Tr. P. III. CARACALLI coniunguntur, habet SCALIGER in animaduers. EVSEB. p. 228.

quidem Augustum, illum Caesarem fuisse indicat, cum epigraphæ: AETERNIT. IMPERII. Nempe eo non solum confirmatur id, quod SPARTIANVS de tempore huius ab iis susceptae dignitatis tradidit, sed haec etiam sequuntur, quae antea diximus, eam rem Anno cci existisse, si quidem eo anno Trib. Pot. VIII. SEVERVS suscepit. Sed redeamus ad librum *de corona*. Huius locum supra excussum dicimus intelligi optime posse, si admittatur sententia ea, quam nobis probasse satis videmur. Namque ex ea intelligi maxime potest, qui factum sit, ut milites laureati incederent; quod nemo mirari debet, qui milites etiam triumphantes cinctos coronis fuisse nouit, quale quid hic fuisse facile perspicitur. Nam et nunc subacti paene erant omnes, aduersus quos SEVERVS exercitum duxerat, in primis Parthorum bellicosissima natio; et ipse SEVERVS, cum propter articulare morbum agere triumphum de Parthis non posset, de Iudaeis tamen eum agendum filio, ac Parthici compensandi gratia militibus forte signa triumphantium concessit. Quae si teneamus, simul illud aperitur, quo modo nunc turbandae pacis suspicio Christianis potuerit oboriri. Iam enim prostrati erant hostes Imperatoris omnes, ipsaque SEVERI iam otiosi asperitas minabatur feueritatem summam, quam, districtus adhuc grauioribus negotiis, non potuerat sequi. Et isti inflam-

flammandae maxime idoneum videbatur militis exemplum, quem eo quod coramam repudiasset, parricidium commisisse, hostemque Caesaris publicum exstitisse, suo more deorum cultores arbitrabantur.

§. XX.

At, cum his argumentis inductus, librum *de corona* A. cc. scriptum esse contendam, video plerosque contra dicere, quamvis in diuersas plane partes pronuncient. Namque ORSVS, familiae Dominicanae doctissimus monachus, eiusque adstipulator HOFFMANNVS A. CXCVIII, BARONIUS A CXCVIII. PAGIVS A. CCII., PAMELIUS ET ALLIXIVS A. CCVIII. postremo TILLEMONTIVS imperante MAXIMINO A. CCXXXV. eum editum fuisse opinatur. Sed isti, si a TILLEMONTIO discesseris, omnes ad vnum errarunt in eo, quod aliud donatium militibus a SEVERO datum intellexerint, quam quod dedebat intelligi. Quocirca supersedere possemus iis confutandis, dum quale donatium hic fuerit a TERTULLIANO indicatum, docuimus. At quoniam ex istius libelli tempore pendet plurimorum eius librorum chronologia, facitque ista secus sentientium confutatio plurimum ad confirmandam nostram sententiam, age! eas opiniones breuissime examinemus. Atque hic de opinione TILLEMONTII nihil atinet dicere propterea, quod tota ista res
fatis

satis tractata videtur ab HOFFMANNO *), et plane sequitur illam haeresin, quae neque A. CXCIII. neque paullo post TERTULLIANVM vult ad Montanistas transiisse, quod alio loco disputauimus. Et in ista quidem parte disputationis rectius versatus est HOFFMANNVS, quam tum, cum suam ipse opinionem protulit. Vult enim hunc librum et eo tempore fuisse conscriptum, cum pax Christianorum ne a Praesidibus quidem, ne dum edicto Augusti labefactata fuerit, et anno quidem P. C. N. CXCVIII.; quorum illud effici credit eo, quod TERTULLIANVS Christianos referat credidisse, pacem imprudenti militis, quem hic defendit, facto turbatum iri; hoc vero potentissimis ait ab ORSO demonstratum argumentis esse. Quae cum adhiberentur ab HOFFMANNO, vt labefactaret MOSHEM et *ts manuscriptis* sententiam de vera aetate Apologetici; hic quidem **) concedit, istam rem rite ab ORSO fuisse expositam, sed negat, id recte proferri, quod non simul pace vti Christiani potuerint, et ab hostibus tamen suis variis iniuriis affici. Atque ego tamen ORSO non assentiar, potiusque refellam postea, sapienter tamen MOSHEM pronunciaſſe agnosco, vbi res Christianorum

*) in *disf. de TERTULLIANI* omnibus in Montanismo scriptis, §. VI. p. 26. seqq.

**) in Addendis ad Vol. I. *Disf. suarum ad Hist. Eccl. pertinentium* p. 741 seqq.

rum dixit, cum aliis in prouinciis urbibusque tranquillae fuerint, in aliis saepenumero a Praesidibus turbatas et talem rei Christianae faciem tempore scripti huius libri reuera fuisse. Pulchre enim id potest intelligi e libro TERTULLIANI ad SCAPVLAM; quem editum esse imperante CARACALLO, plurimi eorum confidentur, qui quidquam in isto genere tentarunt; et apparebit id quidem ex iis, quae postea docebimus. Iam isto ex libro quis non videt, maximis tum calamitatibus expositos Christianos fuisse, Et nemo tamen vnus est inter scriptores veteres, qui Christianos sub CARACALLO vexatos esse tradat. Vnde hoc? Nimirum quia pace tum fruebantur nullo Augusti edicto turbata; sed a Praesidum tamen crudelitate non vacabant vbiuis. Tum vero se ita rem habuisse omnino, cum in litteras referret TERTULLIANVS istas *de corona* opiniones, videri optime potest, si admittantur ea, quae nos quidem sentimus de istius libri aetate. Contigit enim hoc facinus militis in Oriente, forte in Parthia etiam, vbi ante SEVERI edictum Christianos exagitatos fuisse non legimus vsquam; sed, quae a TERTULLIANO enarrata sunt in Apologetico ceterisque eius generis libris, in Africa potissimum exstiter, vnde ceteri in Oriente Christiani plane vereri poterant, ne pace propter facinus militis priuarentur. Sed influunt in animos forsitan potentius orsi

argumenta; itaque quatenam quantaque ista
sint, videbimus. Sunt vero excursionis
Orsianae tres loci, quibus rem istam de-
scripsit *). Primum monet, hunc librum
A. cxcviii. assignari debere, repêtitque li-
beralitatis SEVERI apud veteres scriptores
vestigia; deinde occurrit PAGIO, qui A. ccii.
scriptum hunc librum existimauerat; tum
ostendit, quae adductae sunt a TERTVLLIA-
NO, huius liberalitatis *perisodius* omnes cum
rebus A. cxcviii. gestis egregie convenire,
sed pugnare cum quocumque anno alio.
Igitur et nos sequemur doctissimi viri ve-
stigia, quoniam veremur, ne misceamus
ea, quae iam ab eo permixta sunt satis, ac
per singulos locos, quatenam recte dixe-
rit, quatenam secus? adiecto breviori argu-
mentorum Pagianorum examine, indicabi-
mus. In loco isto primo, qui est de nu-
mero liberalitatis SEVERI Augusti, quinquies
ab eo donatos milites esse, nescio an satis
recte? dicit, si quidem aliquot nummi se-
pties eam commemorant **); sed potest
id quidem salva re controuersa concedi.
Neque tamen in eo ORSVS sibi constat ipse,
quod

*) in disl. hist., qua ostenditur, Catholicam
Ecclesiam tribus prioribus saeculis capita-
lium criminum reis pacem et absolutionem
neutiquam denegasse; Sect. II. Cap. III. Di-
gressione 2. p. 104 — 113. Ea prodit Medio-
lani 1730. 4.

**) V. VAILLANTII numismata Imp. Rom.
Tom. II. p. 234.

quod TERTULLIANVM de donatino A. CXCVM. locutum esse iudicet (pag. 104.), et postea eum tamen dicat de quarta liberalitate a se indicata dixisse (p. 106.). Est enim ista quarta ut ipse monuit, haec eadem plane, quae occupatam Ctesiphontem secuta est. Alterum locum, quem dedit opinioni PAGII examinandae, non repudiamus per se, sed sunt tamen in ista disputatione, quae omnino admitti non debent. Etenim id primum inepte dicit: TERTULLIANVM de vrbis militibus loqui, quibus ad custodiam vrbis fuissent ad portam Viminatē castra praetoria; cuius rei ne adest vlla quidem significatio, et extra Romam tempore belli, quis dubitet, castra SEVERVM habuisse? Deinceps quod nostrae sententiae maxime contrarium videmus, liberalitatem omnem dicit pacis tempore postque reditum e bello editam fuisse; qua de re SPANHEMVS, quem obiter citauit, nihil prorsus habet. Istud vero ego si de congiariis dici posse concedam; de donatiuis quale hoc erat haud dubie, vehementer equidem dubito. Immo ipsa post captam Ctesiphontem edita liberalitas, admissa ab ORSO, num vllō modo per verba SPARTIANI alia intelligi potest, quam quae extra Romam in bello edita fuerit? Postremo in responsione ad alterum PAGII argumentum, male argumentatur, dari eius opinionem non posse propterea, quod Christiani vel pacem a Prae-

fidibus vel ab Imperatore turbendam timuissent; e quibus nec illud defendi posse, quia iam A. cc. vexati fuissent Christiani, neque hoc etiam, fuisse enim eo anno SEVERVM absentem et occupatissimum. Quod posterius oppido leue est. Nam et militibus donatiua extra Romam data sunt, et isto anno cci. bello Orientali finem SEVERVS imposuit. Sed nihil, fateor, tribuendum est PAGII argumentis *). CARACALLI enim Quinquennali, quorum causa editam vult liberalitatem TERTVLLIANO commemoratam, ad A. cciii. pertinent, vbi quis nescit iam Christianos fuisse propter SEVERI edictum omni scelere laceratos? Tum vero in altero argumento et hoc perperam dicitur, coeptas esse istas inimicitias a militibus, vt DIOCLETIANI tempore, atque omnis ista sententia defenditur propter eam opinionem, quod res Christianorum ante decimum SEVERI annum nondum fuissent turbatae; quod est supra satis confutatum. Tertius denique disputationis Orsianæ locus, in quo verba TERTVLLIANI nullum annum præter cxcviii. attingere posse defendit, non est æquiore loue tractatus. Etenim quod istam liberalitatem SEVERI existitisse ante expeditionem Parthicam putat, id vero habet aliquam ambiguitatem. Nam si ista bis edita est, primum A. cxcvii. post reditum SEVERI,

quam

*) Ea proposuit in Critica Annalium MARONI ad a. C. cxcviii. n. 3. p. m. 91. 92.

quam memoriae prodidit HERODIANVS, deinde A. cxcviii. ante bellum aduersus Parthos susceptum, qualem SPARTIANVS tradidit; haec, vti diximus, nullo modo potest intelligi, nec videtur intellecta ab ORSO, qui ad eam rem confirmandam HERODIANVM citauit; illa vero ad rem nihil facit omnino propterea, quod eo anno nondum erat Augusti dignitas in CARACALLVM collata. Sed in iis locis, quos ex TERTVLLIANI Apologético (c. 35.) libroque ad SCAPVLAM (c. 4.) attulit, non est quod multis versemur. Sunt enim isti a nobis eidem anno cxcviii. ac sequenti vindicati, absque villo caussae nostrae detrimento, ceteraque, dum donatiua extra Romam distributa esse nouimus, sua sponte concidunt.

§. XXI.

Restant de anno scripti huius libelli decreta BARONII atque PAMELII ita comparata, vt conuelli nullo negotio possint. Namque BARONIUS *), vt probaret, eum librum exaratum esse A. cci, ante quam SEVERVS proficisceretur in Orientem h. e., vt nos loqui rectius solemus, A. cxcviii., numum excitat, cuius altera pars SEVERVM cum Tr. P. XI., altera liberalitatem V. habet, additque multo etiam asseuerantius: *hunc numum ad res nostras, de quibus acturi sumus,*
perti-

*) V. eius annales Ecclesiast. ad a. cci. Tom. II. Ed. Col. 1609. pag. 299.

pertinere certo scias. Quod mihi videtur eo planissime modo dictum, quo olim Pythagoraei, cum ex iis quaereretur, quare ita quid esset, illud suum *ipse dixit* interponere solebant; nihil est enim ab eo BARONII effato veritate disiunctius. Nam cum clare tradat, annum Tr. P. SEVERI septimum eo anno initium sumsisse, et tamen numum excitet cum Tr. P. XI., qui plane ad A. CCIV., aut, si mauis cum ipso BARONIO, ad A. CCVI. referendus est; nonne repugnantia loquitur? Ac de altero eius argumento quid dicam? quod duxit ab eo, quod ante hanc expeditionem Parthicam, nullae, post eam multae calamitates Christianorum exstiterint. In quo peccauit dupliciter; primum, quod eas ante fuisse negauerit, quam profectus sit SEVERVS aduersus Parthos, deinde quod librum *de corona* eo *de spectaculis* posteriorem esse non cogitauerit. Atque illud confutauimus suo loco; hoc vera vti nemo negare potest, nisi cui tenebrae sint mero meridie (est enim et hoc satis disputatum); ita de vexatione Christianorum, lege SEVERI antiquiore, non potest sermo esse in eo *de corona*, vbi Christiani dicuntur istas calamitates tamquam venturas extimescere; cum tempore eo, quo TERTULLIANVS in chartam coniecit librum *de spectaculis*, iam ad Christianos impetum suum deorum cultores conuertissent. Quare, ex ipsius BARONII mente, librum de
coro-

corona ad decimum SEVERI annum referri oportebit.

§. XXII.

Ad ALLIXIVM venio doctissimum virum, quem miror tam docilem se praeuisse ad PAMELII sententiam, quo dubito an quis magis contra auspicia ad definiendam scriptorum TERTULLIANI aetatem accesserit? Atque isti PAMELIO, quoniam liberalitatis mentionem TERTULLIANVS iniicit, libellus ad A. CCVIII. atque ad decennalia ANTONINI plane referendus videtur *). Sed eius quidem liberalitatem in istis decennalibus existisse, non probat PAMELIUS, sed plane fingit ad libidinem. Tamen alio quodam loco **) ad numum prouocat dicis causa, eumque huius argumenti: IMP. CAES. L. SEPT. SEV. PERT. AVG. — — LIBERALITAS AVGG. S. C. Hic primum mihi quis dicat, vbinam sint decennalium notae? Deinde cum ego non ignorem, SEVERVM ET CARACALLVM militibus populoque communiter aliquid dedisse in decennalibus; numquid plura his congiaria non sunt aut donatiua edita? Nemo vero id quidem absque temeritate aut ignorantia dixerit, Immo si quidem PAMELIUS ausus est aliis obtrudere annum CCVIII. absque omni ratione idonea; nobis vicissim

*) in vita TERTULLIANI, praemissa eius operibus a PAMELIO Colon. 1617. editis. p. 22. E.

**) in notis ad hunc librum pag. 210. B. 1.

sim non potest vitio verti, si annum cci. intelligamus; hoc enim anno et liberalitas edita est, et ab Augustis etiam. At quamvis omnino turpiter se ipse dederit, tamen ALLIXIVS *) secescit in eius sententiam; nam in libro *de corona*, inquit, excitatur libellus *de spectaculis*, qui scriptus est A. cciiii. Id verò inepte dictum esse a PAMELIO, quem vnum sequitur, facile intelliget, quicumque secum reputauerit ea, quae supra de isto libello pronunciauimus; neque, si verum hoc esset maxime de eo super spectaculis, causam esse perspicimus, qua propter liber *de corona* ad A. ccviii. non ad alium referri deberet. Neque ad eam rem defendendam rectius adhibuit errores Montanistarum in libro *de corona* occurrentes. Quos equidem isti libro non nego inesse; sed eo argumento id posse effici, quod debebat, hoc vero numquam percipietur nisi ab iis, qui demum eo anno TERTULLIANVM putant ad Montanistas transiisse.

§. XXIII.

Sed satis diu nos tenuit de libro super corona institutio; itaque nobis est properandum ad alios quosdam libros, et eos quidem, quos TERTULLIANVS *de cultu feminarum* composuit. Atque hic non videtur a
fusi-

*) in rarissima. disl. de TERTULLIANI vita et scriptis. Cap. VI. p. 49.

suscipienda disputatione alienum, praemonere, qualis fuerit olim horum librorum inscriptio, atque dispicere, fueritne posterior libellus cum altero a TERTULLIANO eodem tempore editus? Videlicet qui ante NIC. RIGALTIVM libros TERTULLIANI ediderunt, hi alterum *de habitu muliebri* dicebant, alterum *de cultu feminarum*. Sed iste RIGALTIVS, cum potius esset vetustissimo illo codice AGOBARDI, primus ausus est, utrumque *de cultu feminarum* inscribere. Itaque et nos nulli dubitamus, hos libros non disiunctos vnumquam fuisse, sed vnicum quasi effecisse volumen, non ista solum codicis Agobardini auctoritate moti, sed etiam propterea, quod ipsa horum librorum ratio argumentumque suadeat, posteriorem non ita multo post priorem a TERTULLIANO editum fuisse. Quod enim PAMELIUS, qui inscriptionem alias receptam sequebatur, vix potuit concoquere; quod, cum TERTULLIANVS cultum ab ornatu in priori libro subtiliter distinxisset, tamen in posteriori, *de cultu feminarum* appellato, ornatum mulieris pertractarit, ea quidem difficultas, sublata inscriptione utriusque libri diuersa, ac argumento eius studiose cognito, mirum in modum evanescit. Vt enim TERTULLIANVS habitum feminae cultu et ornatu effici dixerat, superioris istius generis exempla putat mundum muliebre, aurum, argentum, gemmas, vestes, et quae sunt generis

ris eiusdem; posterioris vero curam capilli et cutis et earum partium corporis, quae, ut ait, oculos trahunt. Atqui in priori libro aurum, argentum (cap. 4.), gemmas (c. 5.), vestes pertractat (c. 7.); in posteriori de observanda pudicitia in cultus et ornatus institutione agit uniuersè (cap. 1 — 5.), deinceps de colore ornamentoque capillorum, omnemque librum finit monitis quibusdam de ornatu pudicitiae aduerso. Quare eum in illo de cultu, in hoc de ornatu feminarum egisse, ac tamquam partes utrosque vnum librum constituisse clarum est. Nam quod TILLEMONTIVS ait *) manifestum esse quod isti duo libri separati fuerint, nec referri vnus ad alterum villo modo possit, id vero facilius dicitur quam probatur, et ne refelli quidem debet, est enim ignorantis. Atque etiam alia est istius sententiae nostrae probatio: nam in posteriori libro impendentium Christianis malorum haud dubiam mentionem iniicit, quorum in priori nulla est significatio. Iam si aerumna tum fuissent adfecti, quomodo TERTULLIANVS abstinuisset a commemoranda ea, ut feminis Christianis luxum dissuaderet, cum eo argumento alias frequenter utatur? Sed cum prior iste libellus posterior sit eo *de spectaculis*, quod deinceps apparebit; dicat mihi quis, vtrum in illo quoquam

*) Memoires p. I. à l'hist. Eccles. Tom. III. p. 662. not. 12.

quam anno, qui effluxit ab eo, quo scriptum *de spectaculis* librum diximus, ad annum CCII., quo coepae sunt aduersus Christianos inimicitiae, pace Christiani vsi fuerint, nisi forte A. DCI. aut CCII. Namque a reditu SEVERI ex Gallia ad annum CCI. fuisse Christianos maxime vexatos, et ordo librorum docet a nobis in superiori huius disputationis parte constitutus, et historia martyrum Scillitanorum (V. sup. § VI.) Itaque cum fere post partem anni CCII. priorem editum fuerit SEVERI editum, ut suo loco docebimus, vix potest prior *de cultu feminarum* libellus editus alio tempore dici, nisi eo fere, quo in lucem posterior eius argumenti liber prodit.

§. XXIV.

Quorsum haec omnia? Nimirum ut intelligatur, si tempus scripti alterutrius libri constat, utriusque aetatem reperiri. Quam ob rem ut certissimam sequamur eius temporis significationem in libris ipsis; utemur calamitatibus, quibus tum expositos fuisse Christianos TERTULLIANVS ait, quasque tempore eo, quo alterum *de feminarum cultu* libellum componeret, fere initium sumsisse verba docent (l. II. c. 13. p. 181. C.): *Tempora Christianis semper, et nunc vel maxime, non auro sed ferro transiguntur, stolae martyriorum praeparantur.* Quae quidem intelligi de superiore Christianorum

norum vexatione a plebe facta nequeunt
 propterea, quod in priore huius argumen-
 ti libro ad librum *de spectaculis* prouocat (c.
 7. p. 173. C.). Namque ego mihi persua-
 dere haud possum, TERTULLIANVM voluisse
 hunc excitando graecum similis argumenti
 librum significare, quoniam et latinum
 graeco antiquiorem esse ostendimus (§. XIII.)
 et ista TERTULLIANI admonitio, qua quid a
 Deo esse posse pronunciat, tametsi eius rei
 abusus Deum non habeat auctorem; in la-
 tino *de spectaculis* libro omnino occurrit
 (cap. 2.). Enimuero cum *de spectaculis* scri-
 beret, iamdudum summis malis affligeban-
 tur Christiani, de quibus ne verbo quidem
 in isto priori *de cultu feminarum* libro loqui-
 tur, et tempore posterioris libelli denuo
 imminebant; quare nec ad priorem sub
 SEVERO vexationem referri hi libri vlllo mo-
 do possunt, sed ad annum potius P. C. N.
 cci. aut ii; prouti quis velit male Chri-
 stianorum tum orta vel impendentia crede-
 re. Neque vero est, quod TILLEMONTIVM
 audiamus opinantem *), demum post an-
 num cciii. editum esse librum priorem, po-
 steriorem vero multo ante, et anno quidem
 cxcvii. Nam in eo loco, quem excita-
 uit **), atque potest TERTULLIANVS priorem
 SEVE-

*) l. c. p. 210. Art. VI.

**) e lib. I. c. 6. *Gemmarum quoque nobilitatem
 vidimus Romae de fastidio Parthorum et Medo-
 rum, ceterorumque gentium suorum caram iu-
 uanis arubescens.*

SEVERI ex Parthia reditum aut legationem quamdam Parthorum habuisse in animo, quam illam de Parthis victoriam posteriorem. Quod vero causam aliquam esse dicit credendi, istum librum, quem nos posteriorem dicimus, multo ante esse scriptum, quam alterum ediderit; de eo, quoniam TILLEMONTIO non placuit eius opinionis rationem reddere, nobis vicissim placet tamdiu dubitare, quod eius generis aliquid productum ab alio quodam viderimus.

§. XXV.

Eidem tempori suam quoque originem debet liber *de fuga in persecutione*. Quod argumentum iam in illo *de corona* alias disputandum promiserat (cap. 1. p. 120. C.); cuius loci verba tamen si ad Scorpiacen potius nonnulli referenda putauerint; est tamen iam aliis observatum, quod intelligi haec quidem non possit propterea, quod eam haereticis, sed illam *de fuga* commentationem timiditati eorum opposuit, qui erant focii Orthodoxae Ecclesiae. Igitur apparet, libellum *de fuga* demum post A. cci. a TERTULLIANO editum fuisse. Atque ego nullus dubito eum librum statim anno sequenti vindicare. Equidem ista lenitate ac modestia TERTULLIANI non utar, quae notari meretur in libro, in quo quaestionem ponit, quae Montanistas separabat a puriori Ecclesia, quibus tamen eum cum fuisset

se addictum nemo dubitabit *); dicere enim quis posset, TERTULLIANVM, cum ad eum ista perscriberet, qui stabat a partibus Orthodoxorum, se quidem temperasse a verbis durioribus. Sane grauius aliquod argumentum positum est in eo quod, cum nostrum libellum ederet, iam coepisse quaedam aduersus Christianos flagitia dixerit. Ita enim orditur: *Quaefisti proxime, FABI frater, fugiendum nec ne? sit in persecutione, quod nescio quid annuntiaretur.* Et paullo post: *hanc materiam et tua consultatio commendauit et conditio temporum suo iam nomine iniunxit.* Quanto enim frequentiores imminant persecutiones, tanto examinatio procurando est, quò modo eas accipere fides debeat. Denique (p. 689. C.): *Haec pala illa, quae et nunc dominicam aream purgat, Ecclesiam scilicet, confusum acervum fidelium euentilans, frumentum martyrum et paleas negatorum.* Sed quænam hic intelligenda sit Christianae familiae vexatio, neminem fugere potest, qui superiorem illam A. cxcvii., posteriorem A. ecii. contigisse, nostrum vero

*) Argumento esse potest Paracleti Montanistarum commemoratio, quem dicit non recipi ab iis, ad quos frater ille pertinebat, cui librum inscripsit (c. 1. p. 689. B.) Spiritus praeterea effatum ad testimonium citat; (cap. 9. p. 696. A.), quod cum in sacro codice non occurrat, haud dubie Spiritus Montanistici est; de quo etiam c. 11. et c. 14. loquitur.

ro libellum post opiniones Montanistarum a TERTULLIANO susceptas scriptum esse animaduertit. Igitur ad finem fere A. CCII. editam esse hanc de fuga disputationem dicimus maxime propterea, quod anno incipiente SEVERVS adhuc fuerit in Syria versatus; vnde vix dici potest ante confectam mediam eius anni partem suam aduersus Christianos legem tulisse.

§. XXVI.

Nunc accedimus ad TERTULLIANI *Scorpiacem*, quam quidem anno CCIII. asserere eiusque sententiae rationem reddere decreuimus. Quod opus cum aggrediamur, non dubitamus fore plerosque, qui istam sententiam nostram minime audiendam esse dicant. Etenim stat fere omnibus, quos ista de re nouimus disputantes, *Scorpiacem* TERTULLIANI esse perscriptam post editos decem libros, qui aduersus MARCIONEM nostro adhuc tempore habentur. Idque videntur sibi vt praescriptum et quasi imperatum defendere eam ob causam, quod in quinta *Scorpiaces* sectione Marcionitas ait didicisse a se, deum suum esse bonum, quam rem certe in primo alteroque contra MARCIONEM libro ex instituto disputauit. Atque ego non ignoro, libros aduersus MARCIONEM, primum saltim, A. CCVII. aut CCVIII. editum a TERTULLIANO fuisse, ideoque et veritati consentaneum videri illud, quod

quod *Scorpiacen* anno denum ccviii. aut postea ediderit. Sed cum semper requiram, quid sit in quaque re maxime probabile, hoc in argumento quanta vis insit, placet quodam modo expendere. Cum TERTULLIANVS aduersus MARCIONEM librum primum, quem superstitem habemus, componeret, iam quidem ipsi se scribendo his opposuerat, sed vnā harum commentationum, cum postea pleniorum de ea re disputationum instituisset, rescidit, alteram amisit fraude cuiusdam, qui eam descriptam cum aliis communicauerat. Huius damni refarciendi causa eos nunc aduersus MARCIONEM libros superstites elaborauit, et primum quidem anno SEVERI Imp. XV., vt ipse fatetur in eo libro (c. 15.) in quo de iis, quae modo diximus, exposuit (c. 1.). Quae cum animo cogitem, dubium profecto videtur, vtrum TERTULLIANVS in libro, quem *Scorpiacen* appellauit, eos respexerit aduersus eum libros, qui ad aetatem nostram non peruenerunt, an eos potius, quos superstites esse nouimus; erant enim illi eiusdem argumenti. Iam ego non disputo, quid sit ex his eligendum? quod apparebit suo loco; sed id quidem manifestum esse omnes vident, quod dubia sit ista argumentandi ratio eorum, qui secus sentiunt, et parum praesidii inueniat in argumento eo, quod ex facta ista commemoratione posset ad librum A. ccviii. aut sequen-

quentibus vindicandum duci. Neque obstat, quo minus ista de re dubitemus, HOFFMANNI responsio, qua TILLEMONTIVM hic prudenter haesitantem excepit. „primum, inquit, (disf. cit. §. XIII. p. 44.) opusculum, ut exile, ipse suppressit, alterum inuito TERTULLIANO, cum adhuc rude nec satis exasciatum esset, fraude alterius vulgatum, nec a SEPTIMIO agnitum est; tertium non existat. Iam cum vix verisimile sit, prouocasse TERTULLIANVM ad eam contro- uersiae Marcioniticae tractationem, quam ipse suppressit vel numquam agnouit, superest, ut intelligantur libri, qui nunc in manibus nostris sunt.“ Arque hic quidem non lubet multis notare ea, quae de altera istius argumenti commentatione HOFFMAN- NUS non satis accurate disputat, quasi ea, cum ederetur, nec satis elaborata fuerit, nec a SEPTIMIO agnita. Hoc certe non capio, quo modo possit id e TERTULLIANI verbis intelligi, qui *hanc quoque*, inquit, *nondum exemplariis susceptam*, (h. e. nondum pluribus codicibus descriptam) *sed uno tantum* (quod is abstulit) *fraude tunc fratris, dehinc apostatae amisi, qui FORTE descripserat quaedam mendosissime et exhibuit frequentiae*. Omnia nunc ab HOFFMANNO tametsi recte dicta dederim; tamen, si in eius argumento ea sumta sunt, quae demum concludi debebant, omne illud argumentum nihil efficere, nemo negabit. Igitur si ista,

P. III. G opinio-

opinione de libris, qui supersunt, aduersus MARCIONEM. Scorpiace superioribus, ante volumus adstricti teneri, quam quid hac in re rectissimum sit iudiciauimus, haud verisimile id esse fateor, quod TERTVLLIANVS aliquem librum suppressum vel agnitum numquam in Scorpiace laudauerit. Sed istud fac nondum esse exploratum, vt est vere, adeoque forte ante illos scriptam Scorpiacen esse; citare primum alterumque volumen contra MARCIONEM; nunc amissum quidem, satis commodè potuit; primum enim opusculum, vt ait ipse TERTVLLIANVS, demum *pleniore postea compositione rescidit*, et citari id quidem poterat, cum accuratiori oratione nondum haec persecutus fuisset. Quam ob rem in isto HOFFMANNI argumento vel ea iam tamquam vera sumuntur, quae plane sunt in controuersia, vel relinquuntur in medio potius. Quodsi illud est, sane eius argumentum redit in orbem; sin hoc, nostra quidem sententiae non est inferior Hoffmanniana. Sed, remota hac difficultate, quae fraudi nobis esse poterat, scriptae Scorpiaces aetatem nunc age! definiamus.

§. XXVII.

Cum TERTVLLIANVS, quae de martyrii dignitate disputare in ista Scorpiace volebat, in litteras referret; erant deorum cultores in Christianis funditus delendis occupati; quod vniuersum docet argumentum huius libel-

libelli iis haereticis oppositi, qui, *cum fides aestuaret, et Ecclesia de figura rubi exurere-*
tur, fulcipere propter religionem mala tur-

pe putabant (c. 1. p. 616. C.). Huiusmo-

di mala iam oportet atrocissima fuisse, ut

verba TERTULLIANI ostendunt, quae in ea-

dem sectione subiicit: (p. 617. A.). *Et*
nunc praesentia rerum est medius ardor, ipsa
canicula persecutionis, ab ipso scilicet cynoce-
phalo. Alios ignis, alios gladius, alios be-
stiae Christianos probauerunt. cet. Atque hic

nullum est dubium, quin intelligenda sit

vexatio ea, quae post SEVERI edictum exar-

descebat; si quidem hunc librum post il-

lum *de fuga in persecutione* composuit. Nam-

que TERTULLIANVM nusquam legimus pro-

bantem, quod tales propter religionem ca-

lamitates deum auctorem agnoscant, nisi

in isto *de fuga* libello, eiusque in primis

tertia sectione; qua tamen de re se iam

fuisse olim commentatum, ait in quarta

Scorpiaces sectione (p. 620. B.). Sed, ut

de aetate huius libri pressius dicam, pror-

fus eum existimo prodiisse A. cciiii. Vbi

primum mihi hoc argumento est, quod,

cum EVSEBIUS (H. E. VI. c. 2. Ed. Canta-

brig. p. 257.) calamitates a SEVERO summa

vi Christianis illatas esse dixisset, et ita qui-

dem, ut multi iam Antichristi aduentum

appropinquantem putarent; neque is ipse

neque, quis alius scriptorum veterum alia

mala litteris consignauerit, praeter ea, quae

anno SEVERI decimo, sub LAETO, Africae Praefide, Christianis contigerunt, et anno sequenti auctore AQVILA, Praefide eiusdem prouinciae. (EVSEB. l. c. c. 3. p. 261.). Nam quod haec eo anno exstiterint, ipse EVSEBIVS docet, qui ORIGENEM in Catechumenis instituendis praefectum fuisse confirmat, dum AQVILA se incremento Christianae religionis eius assecclas laedendo opponerat, eumque XVIII annorum fuisse; cum eum XVII. aetatis annum egisse dixisset eo tempore, quo pater eius LEONIDES morti traderetur (c. 2. p. 258.), quod factum est anno decimo SEVERI. Iam si qui tamen pergunt opinari, nostrum libellum scriptum esse A. CCVIII.; dicant mihi tamen, quonam iure ei anno calamitates maximas Christianorum possint asserere, quarum nulla tamen apud veteres scriptores exstat memoria? Quo loco libet admirari tot doctissimorum viorum leuitatem, qui, cum semel imbibissent opinionem de Scorpiace libris nostris contra MARCIONEM posteriore, obliti sunt eius, quod nihil sit in historia turpius, quam temere credere. Nam si ego duas sententias ferri videam, alteram opinabilem, sed nullo veterum scriptorum testimonio efficiendam, alteram ita comparatam, ut prae se ferat hoc veritatis praesidium; quidpi, relicta illa, hanc sequerer? Atqui praeter hoc praesto est argumentum, idque premendum etiam atque etiam, si qui-

quidem postea ostenderimus, librum TERTULLIANI *de pallio* esse in annum CCVIII. coniiciendum. Namque in eo (c. 1.) *gaudeo vos, inquit, Carthaginienses, tam prosperos temporum, cum ita vacat ac iuvat habitus denotare. Pacis haec et annonae otia, ab imperio et a coelo bene est.* Vbi quo modo TERTULLIANVS potuisset temporis prosperitatem commemorare, aut ad res nullius plane momenti, quales sunt istae de pallio nugae, descendere ob pacis otia, si gravissimae tum fuissent Christianorum calamitates, quales eas in Scorpiace depingit? Itaque quam alii fere quinquennio tardius putarunt scriptam Scorpiacen, prius utique prodiisse arbitror, quam istae, quae super sunt, aduersus MARCIONEM disputationes, et anno quidem CCIII. aut CCIII.; cuius EVSEBIUM testem rectissimum habemus, qui nusquam id quidem dicit omnino, sed, uti vidimus, quae dicit, idem fere ostendunt. Vbi mihi quidem magis placet iste posterior annus, propter ludos, quos nuper admodum editos TERTULLIANVS dicit *). Quos si quis mauelit editos credere in decennialibus SEVERI et CARACALLI quinquennialibus,

*) Cap. 6. p. 622. A: *Agonas istos, contentiosa sollemnia et superstitiosa certamina Graecarum et religionum et voluptatum, quanta gratia saeculum celebret, etiam Africae licuit. Adhuc Carthaginem singulae ciuitates gratulando inquietant, donatum Pythico agone post stadii seueritatem.*

libus, non repugnabo admodum; quoniam id satis est a SPANHEMIO, viro in his litteris probato sane et maxime nobili, euictum *), Pythia alibi quoque quam Delphis, nec in vnius Apollinis Pythii honorem, sed Imperatorum etiam acta fuisse. Tamen ego alterum praetulerim propterea, quod ludi Pythii sint in Graecia quouis tertio anno Olympiados editi, ipseque tertius Olympiados CCXLV. annus incidat in Annum P. C. N. CCIII. Atque sic nulla vis infertur verbis TERTVLLIANI, quae quidem, si ii ludi editi Carthagine dicuntur, ubi Carthago ipsa praemio non poterat donari, non satis bene videntur cohaerere.

§. XXVIII.

Praeter hunc TERTVLLIANI librum supersunt ex iis, qui scripti sunt, cum iam ab Orthodoxis degenerasset, *aduersus* MARCIONEM libri V. quos dubium non est argui Montanisticorum errorum posse. Etenim, si maxime dubia videretur ipsius TERTVLLIANI professio (lib. III. c. 22. p. 537. C.), qua suos dicit et Psychicos in loco de Ecstasi dissentire; neque quis visorum rationem habere velit, quibus ista decreta, ait, confirmata fuisse; (l. III. c. 24. V. c. 8.) quoniam omnes isti contra MARCIONEM libri

*) in Epist. I. ad ANDR. MORELLVM, quae est adiecta huius Specimini vniuersae rei numariae antiquae, in Ed. Lips. pag. 12. seq.

hri non sunt vno tempore editi: tamen in libro eius argumenti primo MONTANI disciplinam et suam dicit, et se decreta sua de fugiendis repetitis nuptiis auctore Paracleto defendentem (c. 29.); ac ipsa temporis ratio docet eum librum scriptum esse postquam a partibus Montanistarum iam esse coeperat. De quo altero loco, quem disputandum summus, cum dubitare ne in mentem quidem venerit multis eorum, qui in definienda librorum TERTULLIANI aetate laborarunt, et ab aliis multa perperam dicta sint; subtilius videmur nobis, re saepius cogitata, disputare debere. Atque, ut de libro primo primum dicamus, nemo est qui eius aetatem controversam esse dicat. Recte quidem et satis bene; est enim aperta eius rei et capitalis TERTULLIANI professio (lib. I. c. 15.), qui anno decimo quinto SEVERI hunc librum a se compositum fateatur. Sed cum de ceterorum aetate nihil dicant, ipso hoc silentio eos declarant eiusdem aetatis esse. Quod longe secus est. Nam ex verbis iis, quibus finem libro primo TERTULLIANVS imposuit *); haud obscure colligitur, eum esse separatim editum, ceteros diverso tempore exaratos. Etsi autem non audemus dicere, an alterum, tertium et quartum seorsum aut coniunctim,

ac

*) Si cui minus quid videmur egisse, speret reservatum suo tempore, sicut et ipsarum scripturarum examinationem, quibus MARCION utitur.

ac quonam tempore scripserit; id tamen dubio carere confirmamus, quod quintum librum TERTVLLIANVS non eodem cum reliquis tempore ediderit. Est enim liber *de resurrectione* recentior eo, quem *de carne Christi* composuit *), in quo **) locum excitat ex libro aduersus MARCIONEM quarto, de quo postea dicemus. Enimuero in quinto Antimarcionis libro (c. 10. pag. 594. A.) ad eum remittit, quem *de resurrectione* scripserat; vnde TERTVLLIANVM patet alio tempore, quam quo quartum edidit, quintum in lucem protulisse. Pariter in primo Antimarcionis (c. 1.) opus *de praescriptione haereticorum* se confecturum aliquando pollicetur; sed in libro *de carne Christi* tale iam dicit a se scriptum fuisse (c. 2.); igitur et hoc ostendit, primum non esse eodem partu cum ceteris omnibus editum. Quae cum ita sint, certe quidem confirmamus primum aduersus MARCIONEM librum A. P. C. N. ccvii. aut, si mauis ccviii. prodixisse, cum xv. SEVERI annus in vtrumque incidat, sed de ceteris, quando sint scripti, dici nihil posse, nisi hoc, quod quintum reliquis aequale non sit.

§. XXIX.

At quod verebatur fore, vt quale in loco de Scorpiae diximus, libros contra

MAR-

*) de resurrect. c. 2. p. 379. D. 380. C.

**) de carne Christi, cap. 7. p. 364. A.

MARCIONEM ibi citatos non eos esse, quos habemus superstites, sed alios abrogatos quasi, et dudum amissos, tale etiam his argumentis nostris nonnulli obiiciant, id forte factum videmus a TILLEMONTIO *), qui istam rem pugnacissime defendit. Oporteret igitur et ea, quae pro nostris responderi possunt, in medium proferri, et discutere ea, quae in illam partem TILLEMONTIVS disputavit; sed utraque breuissime, et ita quidem, ut quae aperto firmavimus ipsius TERTULLIANI testimonio, ea nunc plane mittamus. Itaque hoc vnum disputari potest: VIRUM TERTULLIANVS in libro *de carne Christi* quantum contra MARCIONEM librum citauerit, quem adhuc superstitem habemus? quod prorsus existimo, primum, quoniam in illo libro MARCIONIS codicem sacrum examinavit, et ibi **) reperitur omnino id, quod in eo *de carne Christi* tetigit: deinde quod, cum librum primum adhuc superstitem MARCIONI opponeret, librum *de praescriptione haereticorum* nondum ediderat. Hic tamen vi iam prodierat in publicum, cum TERTULLIANVS de carne Christi commentaretur, quod modo probauimus; ita necesse est sane, ut tum quoque primus inter superstites contra MARCIONEM libellus iam editus fuerit. Enimuero cum hunc scriberet, duo illa

*) Memoires pour servir a l'hist. Eccl. Tom. III. p. 666. not. 19.

**) Lib. III. c. 19.

illa opuscula, quibus olim MARCIONEM impugnauit, resciderat amiseratque TERTVLLIANVS; quocirca apparet, eum in libro de carne Christi ad illa remittere lectores non potuisse. Sed TILLEMONTIVM tamen contra disputantem adijciamus. Is primo hos TERTVLLIANI: *Scorpiacen, de carne Christi, de anima, et de resurrectione* libros ait superiores dici posse libris, qui supersunt aduersus MARCIONEM, huiusque nominis in iis citatos esse eos, qui dudum periire. Ac de *Scorpiace* ego non repugno; est enim illa quaestio supra satis tractata: sed de ceteris non assentior. Nam de libro, qui de *carne Christi* inscribitur, modo diximus quid sit sentiendum, cui si quis resistere velit, eum audiemus. Atque cum hoc ostendimus, simul illud aperiebatur, a libro de *resurrectione*, (qui eo est haud dubie recentior), quod TILLEMONTIVS contra volebat, remotissimum esse. Denique quod animus hominis non aliunde agitur, in libro de *anima* (c. 21. p. 234. C.) ait se MARCIONEM docuisse. Atque ista de re cum multa dixerit in altero, qui superest, aduersus eum libro (c. 6. seq.); non absurdum est dicere, quod hunc in illo respexerit; nec tamen mordicus id quidem tenebimus, qui vti non sumus istius libri testimonio. Altera dubitatio etiam puerilis est. In loco eo, quem e libro de carne Christi ad testimonium citauimus, TERTVLLIANVS illum librum

contra MARCIONEM, quem appellavit, *libellum* dixit; itaque quantum inter superstites non voluit laudare, qui non libellus sit, sed magnum volumen. Inepta conclusio! quasi vero TERTULLIANVS omne opus contra MARCIONEM non *opusculum* dixisset (lib. I. c. r. c. 31. II. c. i. cet.); aut quasi is dici libellus non posset, qui partem maioris operis constituit. At eo modo dicendum est, TERTULLIANVM opus nondum perfectum citasse! Hocine vero et potuit tanto viro scrupulum iniicere, qui millies in commentariis suis ipsos libros suos numquam absolutos antestatus est? eodemque modo TERTULLIANVM egisse quis negabit, si quidem nostras nostri argumenti vindicias legerit. Denique dicit TERTULLIANVM de loco: quo sancti viri contineantur a morte ad ultimi iudicii diem, alia in libro *de anima* (c. 55.) *deque resurrectione* (c. 43), alia in Antimarcione (III. c. 34.) tradere. Audio. Sed numquid isti libri pugnant in iis locis, quos se ait in disputatione aduersus MARCIONEM pertractasse? Hoc vero nec TILLEMONTIUS vmquam probavit, nec quisquam, si in aliis ad causam propriam non pertinentibus a se TERTULLIANVS defecerit, dicet, admitteri talem conclusionem posse.

§. XXX.

Iam nobis libellum *de pallio* tractandum sumamus, obscurum illum quidem et satis
con.

confusum, sed magna tamen omnis antiquitatis scientia refertum De cuius aetate cum sint tot discrepantes virorum doctissimorum sententiae, id agamus necesse est, ut vel eas candide examinemus, vel nostram proponamus. Existit autem hic primo loco quaedam quaestio facile expedienda, quae nam sit ista *praesentis imperii triplex virtus, Deo tot Augustis in unum fauente*, cui TERTULLIANVS tribuit eorum temporum felicitatem *). Namque alii **) his vnum SEVERVM indicatum volunt propterea, quod tres illos imperii aemulos IVLIANVM, NIGRVM et ALBINVM superauerat; alii cum NIGRO et ALBINO SEVERVM ***); alii ALBINVM, SEVERVM et ANTONINVM ****), denique alii SEVERVM cum duobus filiis BASSIANO GETAQVE intelligunt. Sed trium priorum opinionum nullam probo. Nam ea GVTherii opinatio contorta est et perinepta, ut paene nesciam, an quis vnquam tam aperte et peruersa et falsa secutus sit. Non tangam id quidem, bonum virum non vidisse, triplicem illam virtutem *praesentis imperii*, Deumque dici

tot

*) c. 2. p. 133. C: *Quantum urbium aut produxit aut auxit aut reddidit praesentis imperii triplex virtus! Deo tot Augustis in unum fauente, quot census transcripti?* — —

**) IAC. GVTherivs de officiis domus Augustae. Edit. Lips. p. 277.

***) CENTVRIATORES MAGDEBURGICI. Cent. III. pag. 241.

****) FAMELIUS in vita Tertull. p. 10. D. 14. F.

tot Augusti fuisse in vnum, hos etiam multas vrbes produxisse, auxisse, reddidisse; quod dicat mihi quis, an de IULIANO, NIGRO et ALBINO affirmari queat? maxime tum, cum iam essent interemti. Nec dicam, quam male adhibita sint HERODIANI verba (lib. III. c. 7.), qui SEVERVM miratur *ἐνα ἄνδρα τρεῖς καθελόντα βασιλέας ἤδη κρατύντας*; sunt enim haec iam a BOECLERO satis disputata *). Hoc vnum lubet examinare, quod ad rem nostram in primis pertinet, virum GETA, viuo SEVERO, numquam sit factus Augustus. Quod cum velit GUTHERIVS, primum GETAM SEVERI fratrem a GETA Caesare, SEVERI filio, non quidem, vt par erat, distinguit. Nam cum SPARTIANVS (in Sev. c. 10.) SEVERVM dicit filium suum BASSIANVM Caesarem appellasse, vt fratrem suum GETAM a spe imperii, quam ipse conceperat, submoueret, nonne consentaneum est, eum de GETA, SEVERI fratre, fuisse locutum? Deinde quod in multis Codicis titulis nomina SEVERI et ANTONINI Augustorum reperiantur, sed GETAE numquam, hoc vero ad rem nihil facit omnino, ab eo enim tempore, quo GETA dignitatem Augusti suscepit, vt postea docebitur, semper fuit partis in bello comes; in quo quod de legibus ad rem publicam spectantibus cogitare non potuerit, nemo mirari debet. Id vero nullo modo ferendum est, quod GETAM, patre viuento, Augustu-

*) in annot. ad Herod. p. 420.

Augustum appellatum esse neget, numisque
 utatur ad hoc efficiendum, in quibus GE-
 TAE Tr. P. II. legitur. Nam cum ipse ad-
 iiciat, GETAM, mortuo patre, cum fratre
 non nisi X menses XV. dies regnasse: ne-
 cesse est sane, ut GETA ante patris mortem
 Augustus sit appellatus. Altera opinio do-
 ctissimorum virorum, qui Magdeburgi hi-
 storiae sacrae centurias composuerunt, SE-
 VERVM cum NIGRO ALBINOQUE statuit fuisse
 illam triplicem virtutem, et recte, ut cum
 TILLEMANTIO loquar, erroris conuincitur
 eo, quod fontem malorum imperii Roma-
 ni fontem constituit, vnde manauerit tan-
 ta felicitas imperii, de qua TERTVLLIANVS
 loquitur. Ac de PAMELIO meliora sentiam?
 a cuius causa veritas plerumque remotissi-
 ma est; qui ALBINVM, quem omnes norunt
 propter dignitatem Augusti sibi negatam
 aduersus SEVERVM inimicitias suscepisse *),
 etiam Augustum dicere potuit? et CARACAL-
 LVN eius in imperio socium, cui demum,
 interfecto iamdudum ALBINO, honores Au-
 gusti concessi sunt? Quem si iocantem haec
 affirmasse cum SCALLIGERO dicam, parum
 dicam, tot tenebras veritati offudit. Igi-
 tur hoc vnum restat, ut triplicem istam vir-
 tutem SEVERVM cum filiis, iam Augustis,
 putemus; in quibus deus dici potest in vnum
 fauisse; ut verbo Septimiano utamur, cum
 vnus, si recte velimus loqui, SEVERVS reg-
 naus.

*) V. DION. CASSIVM. l. LXXV. c. 4. p. 1258.

nauerit, ceteri duo nomine magis quam re Augusti fuerint. Vnde, si teneamus, quonam anno GETA ad Augusti dignitatem euectus sit, haec non magis ad cognitionem intelligentiamque aetatis conuertent. Enimvero BODVELLVS scite, vt alia multa monuit *), multisque comprobauit exemplis, Romanorum Imperatores curasse, vt Trib. Pot. filiorum suorum a quinqueniis aut decenniis Imperii numeraretur. Sed A. CCVIII. quis nescit quindecennalia SEVERI ET CARACALLI decennalia exstitisse? Quocirca vix quisquam dubitare potest, quin eodem anno in GETAM Augusti dignitas collata fuerit, et quid impedit, quo minus pro more Imperatorum Rom. idem eodem die etiam GETAE contigisse, quo olim SEVERO ET CARACALLO, dicamus? Ac ista res si forte dubia videri posset propterea quod vel id citius potuisset accidere, vel quod vnā hanc regulam Imperatores non fuissent vbiuis secuti; quamuis id quidem verisimile in SEVERO non sit, qui artis Chaldaeorum studiosissimus fastos dies diligenter tenebat; numi tamen hoc ponunt extra omnem dubitationem. Nam si ad numerum Trib. Pot. GETAE attendimus, quibus anni huius dignitatis possunt accuratissime effici, iste quidem ultra quantum in GETAE numis non progreditur. Sed GETA summum cum CARACALLO principatum ad mensem fere Februarii

*) Praelect, Camdem. XVIII. §. 21. p. 621. sq.

bruarii A. ccxcii. tenuit *); igitur numerus quartus Trib. Pot. GETAE medio A. ccxi. merito debet assignari; a quo si regrediamur, numerando, efficitur sane, GETAM post confectam dimidiam partem A. ccviii. suscepisse dignitatem Augusti; vnde apparet et hoc, librum TERTULLIANI *de pallio* medio eius anni esse recentiorum.

§. XXXI.

Sed cum accuratior anni eius, quo scriptus hic liber est, ratio postuletur; qui ista subtilius differunt, abeunt, quantum video, in eam sententiam, ut in annum ccxi. eum coniiciendum arbitrentur. Nihil enim ceteros moramur, qui versus finem imperii SEVERI hoc opus exaratum magis uniuersè pronunciant. Sed, qui magis eam rem ad subtilitatem chronologicam exegerunt, SAM. BASNAGIVS **) et, qui illum sequitur, Ven. Gottingensium WALCHIVS ***), hi, inquam, eo, quo diximus, anno scriptum hunc librum esse decernunt; sunt enim quaedam eius libri similitudines cum rebus, qua-

*) Hoc ut multis confirmemus, non ita necesse est; satis enim ea opera functus est TILLEMONTIUS dans l'histoire des Empereurs Tom. III. P. I. Ed. Bruxell. p. 185. et in notis p. 391.

**) in Annalibus Politico-Ecclesiasticis, Tom. II. p. 217.

***) in Antiquitatibus pallii philosophici veterum Christianorum p. 227. sq.

quarum hic TERTULLIANVS mentionem iniecit. Verum, ista re diligenter examinata, mihi animus magis inclinavit in eam sententiam, quod iste libellus sit fere ad finem A. CCVIII compositus. Quam ob rem, pace Venerandi Viri, quem spero facile veniam daturum esse homini ingenuo, verumque sine vlla contentione inuenere volenti, ea explicabo breuissime, quae me mouent, vt de veritate eius sententiae subdabitem, quaeque ad eam, quam obiri vellem, commendandam facere aliquo modo videntur. Videlicet ista secus sentientium opinio vniuersa efficitur similitudine eorum, quae TERTULLIANVS habet, cum iis, quae scimus isto anno CCXI. contigisse. Sed istud quidem argumentum, tamen si non videatur repudiandum per se, non tamen multum, opinor, firmitatis habet, si eadem similitudo ea, quae a TERTULLIANO dicta sunt, intercedit cum iis, quae exstiterunt A. CCVIII. et amittit vim probandi omnem, si possit ostendi, A. CCXI. plane diuersa accidisse ab iis, quae in libro nostro memoriae prodidit. Quod verumque hic ita se prorsus habet. Nam, vt de hoc dicam primo loco, cum nostrum libellum litteris mandaret TERTULLIANVS, Africa iam vacabat a terrae motibus (c. a. p. 133. A.); *pacis erant et annonae etiam, ab imperio et a coelo bene erat* (c. 1.). Sed eo tempore, quo ad SCAPVLAM perscripsit ea, quibus apitulum eius reuocaret a crudelitate.

te aduersus Christianos, quod fere factum est A. ccxi. ; vt postea docebimus, iam ante anquum imbris, igne, tonitrubus, defectu solis aliisque perterriti erant Africani. Quae omnia cum TERTVLLIANVS defendat poenarum instar fuisse, deorum cultoribus propterea, quod tot miseriarum in Christianos incendia excitauerant; necesse est sane, istam horum vexationem iam vsque ab integro anno ductam fuisse. Age igitur fac A. ccxi. scriptum esse *de pallio* libellum, nonne TERTVLLIANVS. pugnancia loquitur, qui eidem tempori et summam prosperitatem et calamitates grauissimas tribuit? Atque hic ego non inficior, dici forsitan posse, quod his calamitatibus aliquantisper remissis quies quasi ac tranquilla interiecta interualla fuerint. Sed cum veteris historiae monumenta nihil prorsus prodiderint, ex quo ista res possit quodam modo intelligi, numquid ista fingere, liceret, vt opitularemur opinioni, quae paene videtur ad exitum adducta? Fuerint interim istae calamitates ad tempus dispersae, tamenne summas aduersus Christianos iniurias etiam intermissas dicamus? Etiam dices; prospera enim tempora qui potuissent exstitisse, nisi et haec aliquantum desisissent. At ego qui TERTVLLIANVM didici hostes in omnes quasi latebras persecutum, vsunque vel leuissima re ad conuincendos erroris ac flagitii eos, qui erant rebus Christianorum aduersi; hunc ego

ego TERTULLIANVM putaremne adversus eos disputaturum modo eo, vt, quemadmodum iniurias aduersariorum in Christianos secutae fuissent summae calamitates, ita vicissim felicissima tempora excepisse eorum in hos beneuolentiam diceret. Atque aliud adhuc in promptu est. Nam cum TERTULLIANVS istum *de pallio* libellum componeret, *pacis otia erant, et re vera orbis cultissimum rus imperii, concultus et amoenus super Alcinoi pometum et Midas rosetum* (c. 2.). Id vero quonam modo? *Eradicato omni aconito hostilitatis*. Sit itaque hic liber scriptus initio A. CCXI.; nam sub Februarii initium inter viuos esse SEVERVS desinit, et desinit etiam triplex imperii virtus. At isto tempore bellum aduersus Britannos nondum erat absolutum, nec vmquam postea fuit, viuo SEVERO, sed eo mortuo demum ANTONINVS pacem cum Britannis iniit *). Isto igitur anno cum certe nec fuerint *pacis otia*, nec *orbis cultissimum rus imperii*; commodior locus videtur huic libro assignari debere, et annus quidem CCVIII. in finem inclinatus, praesertim quoniam cum eo optime concordant ea omnia, quae TERTULLIANVS hic tradidit. Namque si requiris *triplicem praesentis imperii virtutem*, sane iam modo GETA Augusti dignitatem sumserat; si *Carthaginienses nouitate felices*, eos iamdudum numi

prodi-

*) V. HERODIANVM lib. III. c. 15. p. 173.

prodiderant *); si *caelum et rubum subdola familiaritatis*, PLAVTIANVS, familiarissimus SEVERO, iam erat A. CCIII. e medio sublatus**), si *spem Campaniae densae de montibus suis* (c. 2. D.), illud DIO CASSIVS ***) tempore eo, quo PLAVTIANVS periit, plane quidem commemoravit; si denique *eraditum omne aconitum hostilitatis ac pacis oia*, erant ista sane prius quam SEVERVS in Britanniam proficiscebatur. Sed *exclusi* vbinam eandem sunt *barbari*? Ii quidem nondum eo tempore muro Britannico, sed tamen ab imperii Romani finibus ipsis legionum Romanarum praesidiis arcebantur; et ipse TERTVLLIANVS cum loquatur de multis barbaris, quidnam est causae, cur solos Britannos intelligamus? Itaque cum A. CCVIII. exsti,

*) V. SPANHEMIVM in immortalis operis de praefantia et vfu numismatum, disl. XII. Vol. II. p. 443. qui istos numos SEVERI et ANTONINI, in quibus est FELIX KARRAGO, ad ius numos cudendi vrbi huic restauratae datum pertinere dicit. Quam ipsam rem aut cognatam certe si respiciant ii numi creberriini, qui laudant *Indulgentiam Augg. in Cartag.* (ita enim mihi videtur) hoc fere existit A. CCIII. aut v., quia in quibusdam cum ea re TR. I. VI. CARACALLI coniungitur. Certe editi sunt ante scriptum libellum *de pallio*; nusquam enim in iis GETAS, sed SEVERVM tantum et CARACALLI nomen reperitur.

**) V. TILLEMONTII Hist. des Empereurs l. c. p. 413. sq.

***) lib. LXXVI. c. 2. p. 1272.

existiterint omnia ea, quae commemorato TERTULLIANO fuere; cum nullus alius possit excitari, cui aliquo maiori iure eadem posset ascribi; cum ipsa denique recens dignitatis GETAE memoria videatur occasionem TERTULLIANO praebuisse, ut eius mentionem faceret: parum videtur a certitudine abesse id quod diximus, librum *de pallio* ad A. CCVIII. pertinere.

§. XXXII.

Ultimus liber huius generis et fere credo omnium TERTULLIANI est is, quem scripsit ad SCAPVLAM, Africae Praesidem; cuius aduersus Christianos crudelitas sine dubio post SEVERI Imperatoris edictum existit. Fuit enim HILARIANVS, cuius in nostro libello mentionem TERTULLIANVS iniicit, Africae Praeses eo tempore, quo FELICITAS ac PERPETVA cum sociis suis morti traditae sunt, quam post leges a SEVERO latas accidisse omnes consentunt. Atque ex iis ipsis, quibus SCAPVLAM arguit summae iniustitiae, existimans (cap. 4.) *potuisse eum officio iurisdictionis suae fungi, et humanitatis tamen meminisse, cum nihil amplius mandetur, quam nocentes confessos damnare, negantes autem ad tormenta reuocare*, ex iis verbis, inquam, haud obscure colligitur, tum existisse leges quasdam SEVERI Christianis inimicas. Istaе enim ante quam editae erant, Praesidesque agebant earem duntaxat auctoritate, qui-

quibus olim Imperatores exagitarant Christianos, aduersus vim earum TERTULLIANVS vehementer in Apologetico disputat, Leue hoc quidem videbitur, neque proprio quodam argumento egeret, nisi PAMELIUS *) A. cxcv. hunc librum adsignandum putasset; qui quam leuiter disputauerit, ipsa verba docent, quibus se ait inductum vt ita sentiret, si quidem TERTULLIANVS et Albinianos numerauit in hostibus Imperatoris (cap. 2. p. 85. D.). Iam si verum est id, has calamitates, quibus SCAPVLX Christianos infectatus est, posteriores esse SEVERI lege; non minus ea intelliguntur regnante quidem SEVERO non contigisse, quod tamen video placuisse quibusdam. Nam in eo loco **), vbi TERTULLIANVS SEVERVM dicit *patrem ANTONINI, Christianorum memorem fuisse, ipsumque ANTONINVM, lacte Christiano educatum nouisse* PROCVLVM, dicat mihi quis, cur SEVERVM patrem ANTONINI appellaue- rit, quod ad rem sane non pertinebat aut cur ipsum ANTONINVM ad testimonium ci- tauerit, nisi haec hoc regnante scripta sint. Neque vero ea de re dubitandum est prop- terea, quod nullos Christianorum crucia- tus sub CARACALLO reperimus ab aliis scrip- toribus traditos, aut quod etiam ii CARA- CALLI tempore possunt esse posteriores. Et- enim, quod isti nemini alii commemorati sint,

*) in vita TERTVLL. p. 13. C.

**) de pallio c. 4. p. 87. C.

sint, eius est haud dubie ratio aliqua in eo; quod illi nec diu, nec nisi in Africa existerint. Namque TERTVLLIANVS nunc quidem a praefide legionis et Mauritaniae dicit familiam Christianorum impugnari; SCAPVLAMQVE petit, vt saltim Carthagini pareat et prouinciae, ARRIQVE ANTONINI exemplum imitetur, qui in Asia olim Christianos auocasset potius a cruciatibus, quam ad supplicia pertraxisset. Eos autem nec fuisse CARACALLI tempore posteriores eo efficitur, quod HIERONYMVS *) TERTVLLIANVM vltra ANTONINI tempora non vixisse dicat, nullae praeterea vsque ad DECIVM aduersus omnis generis Christianos inimicitiae reperiantur **), et quod cum CARACALLI temporibus haec, quae tradita sunt in nostro libello, optime consentiant. Tamen enim non sit certissime exploratum, quo anno haec Christianorum defensio elaborata sit; tamen ratione quadam probabili, vt est in tali re, primo imperii Antoniniani anno vindicari ea posse videtur. Namque illum solis defectum, quem TERTVLLIANVS ait anno superiori exstitisse (c. 3. p. 86. D.) ANTONINVS LALOÏVERA asseruit A. CCX. ***); cui quam-

*) de viris illustribus c. 73. Ed. FABRIC. p. 126.

**) Hoc satis aduersus SCALIGERVM aliosque defendit SAM. BASNAGIVS l. c. p. 218. n. XI.

***) in epist. ad IO. BESSONVM quam edidit PETR. POSSINVS in notis ad Acta PERPETVAE et FELICITATIS, in RVINARTI actis primorum martyrum sinceris, Ed. Amstelodam, p. 119.

quamvis TILLEMONTIVS resistat eo, quod TERTVLLIANVS *solem* dixerit non potuisse hoc ex ordinario deliquio pati, cum fuerit in suo *hypsomate* positus; tamen hinc Septimii argumentandi modum, qui omnia nouit saepius inepta satis in rem suam convertere, iamdudum derisit harum rerum peritissimus SCALIGER *). Deinde cum nullam vquam legem CARACALLVS tulerit aduersus Christianos, oportet profecto has calamitates iis a SCAPVLA inflictas reliquias Seuerianae crudelitatis fuisse, quae tum penitus extinctae videntur, cum CARACALLVS, imperium sibi confirmaturus, in exilium missos reuocasset **). Quod cum fecerit paulo post quam GETAM fratrem sub initium A. CCXII. sustulerat, non inepte id quidem dicimus: SCAPVLAM A. CCXI. aduersus Christianos egisse.

*) in animaduers. ad EUSEBII chronicon p. 10.

**) V. DIONEM CASSIUM lib. LXXVII. c. 3.

S E C T I O I I I

DE

LIBRIS TERTVLLIANI,

Q V O R V M

VEL AETAS VEL DOCTRINA VEL
VTRAQUE LATET.

§. XXXIII.

Tertia hæc disputatio finem faciet exercitationum, quas instituimus, Septimianarum, in quibus cum hætenus pertractati sint isti libri, quorum et ætas et doctrina poterat certa quadam via et ratione demonstrari; nunc oportet subiici ceteros, qui ætatem suam non satis definite produnt, sed doctrina tamen non est admodum obscura, nisi in quibusdam paucis, qui ancipitem habere formam videntur. Itaque *primum* illos excitabimus ætate maiores, qui TERTVLLIANVM ostendunt nondum plane Montanistarum partibus addictum; *deinde* eos, quibus notæ Montanismi non sunt leuiter impressæ; *postremo* hos, qui lectorem dimitunt dubitantem, fueritne TERTVLLIANVS tum, cum illos perscriberet, a communi ecclesia seiunctus, nec ne? Cui triplici librorum Septimianorum generi cum dicamus ætatem asseri non satis certe posse, non volumus id quidem, prorsus ignorari ætatem cuius tribuendam (erit enim etiam quod proba-

probabiliter de hac disputari possit), sed accurate ipsum annum scriptorum librorum definiri posse, id quidem audemus negare propterea, quod nullae in iis sunt significationes certae, quae vindicari certo quodam ac definito anno possint. Sed ad propositum veniamus.

§. XXXIV.

Primi generis haud dubie dici potest *liber de oratione*, qui, nisi vehementer fallor, primus est omnium TERTULLIANI qui aetatem tulerunt, magnoque omnium consensu, si ab HOFFMANNO discesseris *), cuius intererat omnia TERTULLIANI scripta ad eum Montanistam referre in libris castioris doctrinae numeratur. Atque si forte suspecta est fides HILARII Pictaviensis, qui scriptum hunc libellum ante TERTULL. defectiōnem non obscure significat; tamen in libro ipso tot sunt notae sententiarum diuersarum ab iis, quas postea in scriptis erroribus Montanistarum infectis defendit, ut libri istius doctrina nemini sit ad reperiendum difficilis, qui comparare utrorumque sententias velit. Nam primum quantae hic **) sunt laudes operis HERMAE, quod *Pastor* inscribitur, cum consuetudinem confidendi finita oratione obser-

*) disertat. citat. §. XI, p. 37. sq.

**) c. 16. Edit. LVD. ANT. MVRATORII, qua utimur, qui nostrum libellum antea mutilum ex bibliothecae Ambrosianae codice integrum edidit in *Anecdotis latinis* Tom. III. p. 9. sq.

obseruatam ab HERMA non secum pugnare ostendit, quod *fere scripturam*, ac, (ne illud *fere* cuidam inuidiam nostrae sententiae moveat) postea *scripturam* prorsus appellat? Quod tamen non sic ceperim cum MVRATORIO *) aliisque, quasi TERTULLIANVS HERMAE libros referat in libris N. T. canonicis (loquitur enim ex more magis aduersariorum quam suo); tamen non contemnit Hermae auctoritatem. sed sibi conciliat, longe secus atque in libro *de pudicitia* (c. 10. et 20.), in quo non modo HERMAE effata repudiat, sed spurium illud omnibus consentientibus scriptum appellat et illum *moechorum Pastorem*. Quod miror argumentum miratum in ALLIXIO fuisse HOFFMANNVM existimantem, non exagitasse TERTULLIANVM in nostro libello HERMAE *Pastorem* propterea, quod sibi HERMAE auctoritas non tantum obstitisset quam tum; cum exararet librum *de pudicitia*, quare nec fuisset necesse, ut eius pretium eleuaret. Nam etiamsi non negemus magis aduersariam fuisse HERMAE auctoritatem TERTULLIANO in rebus iis, quarum mentio est iniecta in libello *de pudicitia*, eius tamen de HERMA iudicium in nostro *de oratione* libro non solum multo est mitius, sed ita comparatum etiam, ut ipse HERMAE auctoritatem non vniuerse contempsisse videatur. Ac illud *fere scriptura*, quod vim huius argumenti minue-

*) I. c. not. 3. p. 31.

minuere HOFMANNVS arbitratur, satis est ab eo inepte explicatum sic, vt temere, dicere voluerit TERTVLL., nomen *Pastoris* HERMAE libello imponi, cum illud nomen nullo modo mereatur; nam illud: *fere scriptura* certe est ita intelligendum, Hermiani libelli auctoritatem fere eandem quam sacrorum librorum putari; quod ipsum ex eo patet, quod eum postea prorsus *scripturam* dicat, neque sic eum, vt opinor, appellasset, si tam ipsi contemptus HERMAS fuisset, quam erat tempore conscripti *de pudicitia* libri. Sed sunt hic etiam alia TERTVLL. dicta multum discrepantia ab iis, quae in libris Montanisticis proposuit, quae ostendunt clarissime, tum longe aliam fuisse TERTVLL. disciplinam quam postea. Videlicet sectione 18. (p. 35. Murat.) cum disputat aduersus eos, qui dum se cibo abstinabant, nec alios solebant osculo excipere, non, ait, *nisi die Paschae, quo communis et quasi publica jejunii religio est*, iure osculum ceteris negari debere; quod ostendit profecto TERTVLL. tum ex illa societate sacra fuisse, quae nullum diem publica et communi abstinencia a cibo celebrabat praeter eum, quo Christus mortuus erat; nam *Dies Paschae* est is, qui erat memoriae IESV intererenti consecratus *). Enimvero Christiani veteres TERTVLLIANI tempore non nisi hunc diem communiter inedia celebrabant prop-
terea,

*) Vid. e. c. *aduersos Iudaeos* liber 6. 10.

cerea, quod tum aiebant sponsum fuisse ablatum; et tamen TERTULLIANVS in libro *de jejuniis* (c. 2.), qui est haud dubie e numero Montanisticorum suorum, multum vituperat hanc consuetudinem, vnum hunc diem communi jejuniorum religione celebrandi; estque satis clarum, Montanistas plures alios dies jejunando praeter diem Christi emortualem celebrasse. Vnde elicitur illud: TERTULLIANVM cum hunc *de oratione* librum componeret, nondum in partes Montanistarum secessisse. Quod nouo potest argumento ducto ex utroque libello confirmari, quorum si quis loca alio potest modo in concordiam redigere quam eo, quo diximus, ducto a diuersa TERTULL. disciplina tempore vtriusque conscripti libelli; eum audiemus. Nam cum in eo *de oratione* (c. 25.) descendisset ad disputationem de tempore precum Deo offerendarum, bonum id quidem esse, inquit, quasdam certas et fixas quasi horas precibus destinari, tertiam scilicet et sextam et nonam ab Apostolis quoque obseruatam; sed id quidem fieri, adiicit, *sine ullius observationis praecepto*, neque lege praeceptas esse alias praeter *legitimas orationes* h. e. eas, quae sub ortu lucis noctisque pronunciantur. Et c. 23. extt. *De temporibus*, inquit, *orationis nihil omnino praescriptum est, nisi plane omni in tempore et loco orare*. Sed ille in libello *de jejuniis* peracerbe exagitat orthodoxae Ecclesiae

clēsiae addictos (c. 2.) propter eam causam, quod abstinendum esse dicebant a cibo *ex arbitrio, non ex imperio novae disciplinae*, pro temporibus et causis uniuscuiusque, et orationes etiam fere hora nona concluderent *de Petri exemplo*; additque dilerte (c. 10.) *salua plane indifferentia semper et ubique et omni tempore orandi, tamen tres istas horas solemniore* fuisse in orationibus diuinis; et cap. 13. ad ipsam prouocat legem a *Paraclete* datam, qua hanc Montanistarum consuetudinem confirmasset. Quibus omnibus evincitur haud dubie, aliam prorsus TERTULLIANI sententiam fuisse, cum *de oratione* librum componeret. Denique, vt alia omittam multa, id mihi videtur magno argumento esse ad asserendam libro nostro *εὐθεδοξίαν*, quod nullam in hoc libro, cum de jejuniis ac stationibus crebrius differat, iniiciat mentionem Xerophagiarum, quas tanto cum feruore in libro *de jejuniis* cap. 2. 5. seqq. defendit; cuius omissionis dubito an vlla alia ratio reddi possit, quam ea, quod tempore scripti libelli nostri isti Ecclesiae addictus fuerit, quae Xerophagias (vt ait in libro *de jejuniis* c. 2. p. m. 702. A.) *novum dicebat affectati officii nomen esse et proximum Ethnicae superstitionis*. Haec omnia mihi multo videntur magis audienda quam quae HOFFMANNVS ad vindicandum opinionem suam profert, quibus alia non nullius auctoritatis nos etiam ipsi possemus, si necesse esset, adde-

addere. Simillima scilicet esse, ait, ea, quae hic (c. 22.) de virginibus velandis praecipiat, eorum, quae ab eo in libro huius argumenti defenduntur: quod longe secus est. Nam tametsi in utroque libro velit, ut virginibus obtegantur velo, non ipse tamen iste consensus librorum, ex eadem disciplina prodiisse utrumque, demonstrat; sed, si quis utriusque loca accurate contulerit, magnus erit a se TERTULLIANI dissensus, qui nostram multo magis quam HOFFMANNI sententiam confirmat. In libro *de virg. velandis* vehementer et ex ipsa in primis lege Paracleti Montanistarum hanc consuetudinem defendit, sed in nostro *de orat.* libello (c. 22. p. 43.) non tenendam iubet hanc consuetudinem, *legemque adeo virginibus quoque injicientem velamentum*, ait, *excusari posse*; atque in principiis illius disputationis (c. 21.) *quasi incertum retractandum esse illud, quod PROMISCUE obseruetur per ecclesias velamine debeant virginibus an non?* Leue igitur est istud viri docti argumentum, potuissetque ille rectius ad testimonium sententiae suae citare cap. 6., ubi cum rogationem quartam orationis dominicae non proprie sed tropice de sacra coena esse intelligendam dixerat, *sed et quia adiicit carnaliter admittitur ista vox, non sine religione potest fieri et spiritalis disciplinae, ubi spiritalis disciplina aliquam dat Montanistici scriptoris suspensionem, qui spiritales se, ceteros Psychicos*
appel-

appellabant. Sed potuit TERTVLLIANVS sub
 spiritalibus etiam quosuis probos homines
 et Christianos intelligere, quod mihi magis
 placet propterea, quod hos non ita multo
 post interpretatur per *fideles*; eosque non
 orthodoxis v. Psychicis opponit, sed *natio-
 nibus* h. e. non credentibus in Iesum; ne-
 que vsquam reperi TERTVLLIANVM vel in ip-
 sis Montanisticis libris orthodoxis nomen
 fidelium negasse. Iam cum hunc librum ex
 iis esse satis constet, qui castigationem do-
 ctrinam continent: quemcunque illi locum
 in huiusmodi Septimianis scriptis dederis,
 idem est. Nobis, quibus ex eo nulla se
 vel levis suspicio errorum Montanistarum
 obtulit, optimum videtur eum in primis
 huius generis collocare.

§. XXXV.

At dicere, quaenam doctrina asserenda
 sit libro *de baptismo*, maiori est cum difficul-
 tate coniunctum. Equidem non ignoro,
 omnes sic sentire, quasi sit huius libri *oꝛdo
 doctinae* extra omnem dubitationem posita, le-
 uiter, vt in ceteris, repugnante HOFFMAN-
 NO; sed in ea re miranda venit multorum
 doctorum hominum leuitas, qui libros ali-
 os, quorum argumentum certam habet pu-
 ritatis significationem, TERTVLLIANO Mon-
 tanistae tribuerint, et hoc tuto exemerint
 e numero horum librorum, cuius tamen
 loci, si vel praecipuas Montanistarum in
 eo

ob vel Orthodoxorum sententias requireris, tam sunt obscuri, ut, inquisitis omnibus, vix quo se vertat animus videat. Sed ut, quantum fieri possit, dicamus tamen, quatenam in libro nostro doctrina vel ad has vel ad illas magis inclinata regnet; primum placet examinare locos, qui huic libro suspicionem Montanismi conficiunt, deinde eos, qui sunt in contrariam partem, rarius licet, propositi. Atque, ut mittamus ea, quae subdubitans obiecit BARONIVS, satis ille ab ALLIXIO confutatus (in vit. TERT. p. 29. sqq.), HOFFMANNVS in illam superiorem partem haec excitat argumenta. Primum quod in libro *de baptismo* TERTULLIANVS dictis vratur similibus eorum, quae in eo *de pudicitia* defenderat, ita ut exagitet eos, qui sibi sumebant potestatem dandi veniam delictorum, quae vni tamen deo competeret. Cuius rei, ni fallor, significationem in illis verbis reperit: *neque peccatum dimittit, neque spiritum indulget nisi Deus solus*; quae quo modo non nisi a scriptore disciplinae MONTANI dedito pronuntiaripotuerint, non perspicio. Nam neque illud sodales orthodoxae Ecclesiae negabant, neque de ea re erat eos inter et Montanistas disputatio; sed illi orthodoxi, quamuis non nisi Deo potestatem remittendorum peccatorum assignarent, negandam tamen pacem iis, qui propter peccata fuerant e societate sacra eiekti, non putabant, si quidem

dem illi se vitam emendaturos pollicerentur. Postea hunc librum vir doctus ait ad calamitatum Christianis a deorum cultoribus immisarum plena tempora pertinere; quae est levis profecto coniectura. Nam c. 16. libri nostri, quem locum ille attestatur: *est nobis etiam secundum lauacrum, sanguinis scilicet*, nullo modo tum praefens periculum ostendit. Quod si commemoratum etiam a TERTVLLIANO fuisset, non propterea hic liber ad scripta MONTANI erroribus referta abiici posset, sunt enim multa TERTVLLIANI scripta (vt diss. I. docebamus), aequalia his calamitatibus, ante TERTVLLIANI defectionem composita. Sed neque ipse ille dicendi modus, quo TERTVLLIANVS cruciatus aliquem veluti baptismum appellat, statim Montanistam prodit, nisi velimus dicere, ORIGENEM quoque et alios, quorum loca habet DODWELLVS *), qui numquam accusati Montanismi fuere, propter eam rem societati Montanistarum addictos haberi debere **). Denique quod non obscure TER-

TLV.

*) disert. Cyprian. XIII. quae est de secundo martyrii baptismo, in primis §. 2.

**) At dicere quis posset: illos, qui post TERTVLLIANVM vixerint, Christianos scriptores, cum summa existimatio eorum orta esset, qui vel morte vel cruciatibus suscepti Christum confessi publice erant, vt alia plura, hanc quoque dicendi consuetudinem a Montanistis sumsisse; neque ergo horum loca esse idonea ad liberandum hunc sermonem

TULLIANVM eodem in loco significare HOFFMANNVS dicit, iniuria Montanistas fuisse e societate communis Ecclesiae proscriptos, cum iis ceterisque Christianis vnus Deus, vnum baptisma, vna denique in caelis ecclesia, cum ceteris autem haereticis nulla societas sit (c. 12.); illud certe argumen-
tum

nem a Montanismi suspicione, praesertim cum is primus in TERTULLIANO aliorumque Montanistarum scriptis, veluti in *Actis PETRAE* et *FELICIT.* (§. 22.) appareat. Quam forte suspensionem pellam alia suspensione, si ostendero, ipsum iam MARCIONEM eandem dicendi consuetudinem habuisse. Nempe EPIPHANIVS haeres. XLII. §. 3. Edit. Colon. p. 304. tres ait baptismos defensos a MARCIONE fuisse (ὃ μόνον παρ' αὐτῶ ἐν λυτρὸν δίδεται ἀλλὰ καὶ ὡς τριῶν λυτρῶν). In quo narrando etsi damus, vera esse falsis ab EPIPHANIO permista, tamquam cum dicat: MARCIONEM triplicem baptismum excogitasse vt se a flagitio cum virgine commisso purgaret, (quod est, vt multi ostenderunt, mera calumnia); etiam cum dicat: *dedisse* MARCIONEM triplicem baptismum, quod cum argumento ad hunc baptismum triplicem confirmandum, vt postea patebit, nullo modo consentit; neque tamen hoc EPIPHANII testimonium vniuerso contemnendum arbitror. Erit igitur operae pretium, vt quisnam is fuerit triplex MARCIONIS baptizatus, breuiter ostendam. I) Multa sunt in disciplina MARCIONIS similia disciplinae Manichaeae, quem MANETEM constat suos in *Auditores* et *Electos* distinxisse; quare haud scio, an Marcionitis non pos-
sit

tum opinioni eius nihil firmamenti adfert. Nam TERTVLLIANVS de consensu Montanistarum cum Orthodoxis in ista doctrina ne verbum quidem habet, sed illam Christianorum fidem opponit CAIANORVM haeresi, hosque spurios esse Christianos ex eo docet, quod adempta ipsis cum ceteris Christianis com-

sit eadem distributio assignari, cum TERTVLL. *advers. MARC.* lib. V. c. 7. p. m. 588, C. videatur indicare, non nisi sanctioribus ex suis MARCIONEM nuptiarum licentiam negasse, his verbis: MARCION *tòtū concubitum aufert FIDELIBVS, viderint enim CAPECHVMINI-EIVS*; in quibus potuit catechumenos appellare minus perfectos modo eo, quo EPIPHANIVS aliique hoc nomen etiam adhibent de auditoribus Manichaeorum; neque credibile est, MARCIONEM in vniuersum omnes nuptias sustulisse apud suos, cum, quemadmodum constat, nuptiarum auctorem non deum malum sed medium illum putarit, quem *iustum* nuncupabat. Ex quo II.) non inepte potest cum BELLOSORREO coniici (*Histoire du Manichéisme* T. II. p. 122.) vnum MARCIONIS baptismum in omnes collatum, altero initiatos fuisse interioris admissionis Marcionitas; in primis quia EPIPHANIVS diserte adiicit: Ἐξου δίδοναι (scilicet. λατρεῖν) τὰς αὐτοῖς τῷ βελομένῳ, quod pugnaret cum omnibus super ea re locis TERTVLLIANI, qui nuptiis se abdicare debuisse cunctos ait, qui tingi sacro lauacro a Marcionitis voluissent (lib. IV. *adu. Marc.* c. 11. lib. I. c. 29. etc.), nisi duplicem hunc baptismum admitteremus. At nunc III.) restat dicere, qualem baptismum tertium

cummunio fuerit. Ac si, quae ille putat, vera essent, tam se non defenderet TERTULL. ab iniuria Montanistis illata, ut potius se Montanistasque haereticos esse, fuisset confessus. Nam in illo ipso capite 15. (p. 262. D.) *haereticos ait extraneos* (h. e. non Christianos) *testari ipsam ademptionem communicationis*. Igitur si TERTULLIANVS significasset in hoc loco, Orthodoxos ex ecclesia proiecis-
se Montanistas, se certe suosque haereticos dixisset; quod prorsus abhorret. Atque hic alii occurramus necesse est difficultati propositae ab ALLIXIO aduersus receptam de doctrina in hoc libro regnante sententiam*), qui suspicari nos posse dicit, TERTULLIANI mentem iam tum ad MONTANI disciplinam inclinatam fuisse, quod et Christiani *pisciculi* et Christ *ἰχθύς* (ΙΧΘΥΣ) dictus ab eo fuerit, quae nomina essent hausta e libris Sibyl-

MARCION crediderit, in qua re nostra proprie causa versatur; quem quomodo oportet intelligi, clarissime docet argumentum, quo MARCIONEM Epiphanius ait triplicem baptismum confirmasse, ductum e loco illo apud LYCAM c. XII. 50. ubi haud dubie de supplicio suo deque aliquo sibi adhuc imminente baptismo CHRISTVS loquitur: quod allatum quoque a ceteris ad defendendum alterum martyrii baptismum videmus. Quare motus sine ulla dubitatione sic statuo, eum supplicii Christianorum ad exemplum IESU CHRISTI suscipiendis etiam nomen baptismi cuiusdam indidisse.

*) diss. de TERTULLIANI vita et scriptis c. 4. p. 33.

Sibyllinis, ab aliquo Montanista vel ipso etiam MONTANO exaratis; et c. 20. aliquam charismatum mentionem iniecerit, quod Montanismum redolere videretur, in primis cum conferuntur ea cum iis, quae sunt c. 29. libri *de spectaculis* tradita. Sed bene ille fecit, quod hanc ipsam suspicionem non nimis subtilem et acutam putauerit. Nam etsi dederimus, esse etiam eos libros, qui nunc sub nomine Sibyllinorum iactantur, vel a MONTANO, vel ab aliquo eius discipulo confictos, quos tamen magis vellem Gnostico cuidam asserere, TERTULLIANVM etiam inde hoc nomen piscis Christo datum hausisse; tamen ex eo argumento non magis suspectus Montanismi TERTULLIANVS haberi posset, cum hunc composuisset librum, quam IVSTINVS MARTYR, CLEMENS ALEXANDRINVS, ORIGENES alique, qui saepius libros quosdam Sibyllinos ad testimonium citant. Atque si isti libri generatim existerunt ipso hoc tempore, quis est, qui possit praestare: non fuisse eos postea adulteratos, ut eam, quam nunc habent, formam receperint? Quod est verendum imprimis in acrostichide libri octavi: *Ἰησοῦς Χριστὸς Θεὸς Υἱὸς Σωτὴρ*, vnde ipsum hoc *Ἰησοῦς* cognomen sumptum vulgus existimat. Neque enim illa prius est a quoquam veterum proposita quam a CONSTANTINO M. (in *oratione ad sanctorum coetum* c. 18.) cui, vel ex eo, quod Virgilium cecinisse de Iesu Christi nativ-

tiuitate dicat, (c. 19. sqq) patet, quam nullo negotio verba dari ab hominibus religionem fingentibus potuerint. Atque ut omnia, quae velit, susceperim, ne ipsa quidem haec, quae sunt in hoc Viri docti argumento collecta, consistere et secum consentire possunt. Antiquissimi scriptorum Christianorum, quod GVILIELMVS BEVEREGIVS *) et GVIL. WHISTONVS **) multis docent, hos, quos appellant, libros Sibyllinos antiquissimos confitentur; ex quo necessaria consecutione efficitur, multum eos diuersos fuisse ab his, qui horum nomen nostro tempore mentiuntur, qui ipsi aduersario videntur saeculo P. C. N. secundo compositi. Quid? idem ille, de quo quaerimus, TERTULLIANVS, cum tempore eo, quo proxime aberat a defectione sua, in libro 2. *ad nationes* (c. 12. p. 76. D. 77. A.) antiquissima dicit Sibyllae effata; potuitne igitur ille libros Sibyllinos a MONTANO vel aliquo gregis istius profectos putare? Neque vero quidquam probat alterum illud, quod de charismate ALLIXIVS subiicit, cuius me fateor non satis dilucidam citato c. 20. memoriam inuenire, ac si inueniatur, tam profecto non sequeretur, librum de baptismo ex officina TERTULLIANI Montanistae fuisse

*) in Codice Canonum Ecclesiae primitivae lib. I. c. 14. §. 4. sqq.

**) in libro suorum facile optimo: *a vindication of the Sibylline Oracles*. Propel. 10. p. 36. sq.

se egressum, quàm illud dici de libro *super spectaculis* non potest, qui est haud dubie, vt alibi ostendebam, ante eius defectionem exaratus. Ac ne quid praetereamus silentio, quo posset quis aliquo modo huic opinioni aduersae libro nostro de *baptismo* veritatem conciliare, fortasse posset excitare c. 20. huius libelli, in quo magnam TERTULLIANVS ait esse vtilitatem abstinentiae a cibis ad euitandas peccati sollicitationes; quod videri posset consentiens cum laudibus inediae iis, quas decantauit in libro de *ieiuniis*. Magis etiam illud est suspectum, cum cap. 8. extr. dicat: *Igni destinatur homo, qui post baptismum delicta restaurat*. At neque hoc vtrumque decretum abhorruit a disciplina recte sentientium sic, vt proprium esset Montanistarum. Nam in illo quidem superiori, quod admitti non potuerit, nihil est, etiamsi aliis in locis TERTULLIANVS nimium huic abstinentiae tribuat; et hoc vel ab ipsis quibusdam Orthodoxae Ecclesiae addictis quamuis inepto sensu defensum est, vt postea docebitur, vel dici commodè potuit de iis, qui post baptismum ad vitam impiam delati de ea emendanda non cogitant.

§. XXXVI.

Sed age audiamus etiam eos longe plures, qui de *baptismo* librum scriptum ante TERTULLIANI secessionem vno ore consentunt. In quibus

quibus ineptus est error eorum, tanquam PAMELI, qui, praeunte quodam modo EPIPHANIO *), QUINTILLAM eam, quae huius libri confribendi occasionem dedit, ex disciplina Montanistarum putant fuisse, cui feminae cum se etiam contumeliis opposuerit TERTULLIANVS, sequeretur eum tum, cum hunc librum perscriberet, adhuc a partibus Ecclesiae purioris steterisse. Quod argumentum omnem certe rem conficeret, nisi leuissimus in exponendis haereticorum opinionibus homo EPIPHANIVS etiam hic more suo errori se dedisset. Nam et Caianorum sectae hanc mulierem addictam fuisse ait ipse TERTULLIANVS (c. I.), quorum et decreta et mores multum discrepant a Montanistarum disciplina, et nunquam repudiatum baptismum a Montanistis legimus, sed defensum etiam a TERTULLIANO Montanista multis in locis, ut *de pudicitia* c. 19. Sed sunt alia duo argumenta apud DVPINIVM **), quibus hunc librum in indicem scriptorum emendationis doctrinae infert, alterum quod nulli sint huic libro errores Montanistarum adpersi, alterum quod dicat, potestatem conferendi baptismi non nisi Episcoporum esse, nefas etiam esse, si quis illam mulieribus concedat; quae verba TERTULLIANI illi videntur contraria Montanistarum disciplinae.

*) haer. 42. n. 1. 2.

**) nouvelle bibliothèque des auteurs Ecclésiastiques Tom. I. p. 91.

nae. At illud superius eludere quivis facile potest eo, quod dicat, non esse hunc librum oppositum Orthodoxae Ecclesiae doctrinis, unde nec admirationem haberet hoc, quod TERTULLIANVS hic nullum ab illa Ecclesia disensum profiteatur, quod nec in aliis fecit, in quibus sibi non pugnandum cum Psychicis esse videbat, veluti in libro *de pallio* aliisque supra pertractatis. Sed in altero DV. PINII argumento falsa veris sunt mixta. Itaque, quae recte ex eo pro integra huius libri doctrina depromi possint, postea disputabimus et vnum hic animaduerteremus Viri docti errorem. Videlicet Montanistas suspicatur feminis potestatem publice docendi dedisse, quam cum iis adi-mat licentiam TERTVLL. in nostro libello, hunc putat e numero non Montanisticorum esse. In quo haud dubie errat, et contra nitere-mur hoc loco ex ipsis TERTVLLIANI scrip-tis iam Montanismo infectis, e. c. e. libro *de velandis virginibus* c. 9, nisi eam disputatio-nem occupasset Cl. V. THEOPHILVS WERNER-DORFFIUS *). Quam ob rem exponamus oportet illud, quod nos commoveat, ut de libro nostro magis in honestiorem quam peiorem partem pronunciandum esse pute-mus. Huius iudicii duplex est causa. *Pri-mum* cum quaestionem tractat de iis, qui-bus ius sit baptismi conferendi (c. 17.) il-lam

*) in Commentat. de Montanistis saec. 2. vulgo creditis haereticis, Gedani 1751. §. 19.

iam potestatem summam habere, ait, sacerdotem, qui est Episcopus, dehinc Presbyteros et Diaconos, non tamen sine Episcopi auctoritate propter Ecclesiae honorem. Alioquin etiam, pergit, laicis ius est, — — sed cum ea maioribus competant, ne sibi adsumant dicatum Episcopis officium Episcopatus. Vnde haec consequuntur, TERTULLIANVM librum nostrum scripsisse, tum, cum versaretur in aliquo coetu sacro, qui et Episcopos summos esse putabat rerum sacrarum moderatores, et Laicis non nisi summa in necessitate versantibus ius concedebat, aliquem sacro lauacro abluendi. Sed in Montanistarum conuenticulis longe alia videtur consuetudo obtinuisse. Nam etsi non negem, iis etiam suos et Presbyteros fuisse et Diaconos; tamen alium in eorum doctoribus collocandis ordinem obseruatum fuisse, testis est HIERONYMVS *), qui apud nos, inquit, Apostolorum locum Episcopi tenent, apud eos Episcopus tertius est. Habent enim primos de Pepuza Patriarchas, secundos quos appellant Cenonas, atque ita in tertium i. e. paene ultimum locum Episcopi deuoluuntur. Quam si quis dicere velit consuetudinem Montanistarum ab HIERONYMO fictam esse vel TERTULLIANI aevo recentiorem, neque quid mouere HIERONYMVM potuisset, video, vt talia fingeret, quae magno crimini dari Montanistis

*) Epistola ad MARCELLAM, quae est 27. Edit. 10. MARTIANARI Tom. IV. Part. II. p. 65.

nistis non poterant, neque abhorret aliquo modo, qui ipsi se suis vel doctrinis vel institutis a communi Ecclesia seiunxerant, eos etiam ordinem sacerdotum diuersum a communi consuetudine constituisse, praesertim cum iam ipse MONTANVS Pepuzam Phrygiae oppidum Hierosolymam appellasset *). Atque ecce mihi quantum in nostro libello honorem Episcopis asserat, cum omnem tingendi aqua sacra potestatem ab iis deducat, et ipsius Ecclesiae honorem cum horum dignitate coniunctissimum tradat. Sed in libro *de pudicitia*, tam vehementi illo in consuetudinem Orthodoxae Ecclesiae, quam false obsecro perstringit (c. 1.) *Pontificem scilicet maximum, Episcopumque Episcoporum, eiusque edictum peremptorium?* quam nihil dat tanto viro, a quo dignitas, ut ait hic, Ecclesiae pendebat? Ac si quis putat, quod ego non diffiteor, TERTULLIANVM in illo libro magnam animi permotionem ad causam attulisse, alium dabo e libro *de exhortatione castitatis* haud dubie Montanistico locum, qui longe maiorem, ut mihi videtur, Laicis tribuit baptismi conferendi licentiam, quam eam, qualem nostro in libro defenderat, ut iam video magnum virum, quem honoris causa nuncupo, IVSTVM HENNIGIVM BOEHMERVM acute monuisse **). Vbi cum neque sacerdotibus V. T. neque Christianae

*) V. EUSEBII Hist. Ecclesiasticam lib. V. c. 18.

**) diss. IX. iuris ecclesiast. antiqui. §. 6.

dianae Ecclesiae sacerdotibus repetitas per-
 missas esse nuptias TERTULLIANVS docuisset, ne-
 que illas ait suscipi a Laicis debere, quo-
 niam et ipsi sacerdotes a Christo constituti
 fuissent, quare illi etiam offerendi tingendi-
 que haberent potestatem et sacerdotes sibi soli
 essent. Quod tamen non dicat fieri debere,
 nisi ubi non sit ecclesiastici ordinis confessus;
 tamen neque mentionem auctoritatis Episco-
 porum vel ceterorum doctorum publicorum
 intulit, ut sit in nostro libro, neque hanc
 Laicorum potestatem ex officiorum iurisque
 vicissitudine, ut hic *), deducit, sed pla-
 ne ex mystica omnium Christianorum sa-
 cerdotio; unde magna, ni fallor, duci sus-
 picio potest, aliam plane disciplinam TER-
 TULLIANI, scribendis hos erroribus MONTANI
 infectos libros, fuisse quam eius, cum ani-
 mum ad nostrum scribendum adiungeret.
 Atque ut illud magis confirmem, propo-
 nam hic aliquam coniecturam meam, non
 quasi ipse me putarem errare in ea non pos-
 se, sed ut offeram iis, quorum hac de re
 potest esse iudicium, quod videant valeat-
 ne quidquam ad causam nostram viris doctis
 probandam? Nempe c. 17. libri nostri
 confutat TERTULL. argumentum illud, quod,
 quibuscum pugnabunt, homines solebant
 ex actis quibusdam PAVLLI sumere, ut fe-
 minis

*) Ita enim de baptismo c. 16. Laicis etiam ius
 est baptismum dandi; quod enim ex aequo acci-
 pitur, ex aequo dari potest.

dis in ea re conuictus, de loco fuerit h. e. de munere sacro deiectus. Cui si quis addiderit HIERONYMV M *), qui diserte ait, TERTVLLIANVM dixisse, hunc Presbyterum apud IOANNEM conuictum et remotum a munere publico fuisse propter fraudem commissam; profecto videbit scriptorem actorum PAVL- LI ET THECLAE auctoritati IOANNIS Apostoli fuisse subiectum, quod dici de LEVCIO, vt modo ostendi, optime potest. Denique mihi peropportuno cecidit, vt huius rei etiam in PHILASTRIO **) aliquam significationem reperirem in loco eo, vbi de SELEVCO haeretico eiusque doctrina disserit. Nempe confitentur omnes, SELEVCVM haeticum et LEVCIVM nostrum eosdem esse. Iam ecce mihi quaeso, quid de SELEVCO suisque PHILASTRIVS? *Baptismo*, inquit, *non vtuntur propter verbum hoc, quod dixit Ioh Baptista: ipse vos baptizabit in spiritu et igne.* Nihil similis hoc esse potest illorum errorum, quos TERTVLLI in libro de *baptismo* confutat. Negabant haeretici, aduersus quos ibi disputat: sacro lauacro ringendos Christianos esse, atque is ipse dicta Ioannis de baptismo per spiritum et ignem suae sententiae conciliat; quare quid est probabilius, quam aduersarios TERTVLLIANI a sententia LEVCII steterisse, qui, teste PHILASTRIO, idem prorsus dixerat. Nemo mihi hic occurrat: SELEVCVM V. LEVCIVM,

*) in catal. scriptorum eccles. c. 7. p. 104.

**) de Haeresibus c. 55. Edit. FABRICII p. 112.

CIVM, de quo PHILASTRIVS loquitur, Manichaeum fuisse atque diuersum a LEUCIO, Ioh. Apostoli discipulo, PHILASTRIVM etiam hominem nullius pretii esse; vnde existeret, quod fidei huius male ambulanti credere nos non oporteat. Namque istud discrimen fictum esse ac nullum, satis aduersus FABRICIVM BELLOSOBRIVS (loc. cit. §. 3.) defendit, et PHILASTRIVM non quidem igno-
 pugatorem esse in plerisque, etiam in enar-
 randis ipsis SELEUCI erroribus, qui certe
 LEUCIO, Ioh. discipulo, tribui non omnes
 possunt; sed in nugis illis Philastrianis quis
 nulla dicere audeat veritatis semina latere?
 Sit igitur hoc constitutum, TERTULLIANVM
 in libro nostro, cum acta PAVLLI reiiceret,
 scriptum aliquod repudiasse, quod fictum
 erat a LEUCIO, qui iustitiam vitae, sine nup-
 tiis transactae, omni modo defendebat. Iam
 placet prouocare ad PACIANVM Episcopum
 Barcellonensem Saec. IV., qui *) *Phryges*
h. e. Montanistae, inquit, se animatos a LEU-
cio mentiuntur. Neque illud testimonium
 videtur a vero aberrare propterea, quod
 certum est, Montanistas eodem modo atque
 Encratitas, e quorum disciplina LEUCIVS
 erat, nimium tribuisse iis, qui abhorre-
 bant a nuptiis. Vnde hoc effici posse cre-
 do:

*) Epist. I. ad Sympronianum Nouatianum, edi-
 ta in Biblioth. maxima P. P. Lugdunensi Tom.
 IV. p. 305. G.

do: TERTVLLIANVM, si quidem librum nostrum, inter MONTANI discipulos constitutus scripsisset, cautius fuisse locuturum de libro tali, qui LEVCIVM auctorem habebat, neque illum fraudis accusaturum, cum is ipse cum Montanistis sentiret. Quod si quis contradicat, elabi nobis illam causam propterea quod non satis constat: ignoraueritne TERTVLL. verum horum actōrum parentem? (quod vix credibile est in tam curioso vniuersae antiquitatis exploratore) dabo illud, si ita placet; hoc tamen mihi quisque vicissim dederit, nisi quis contrariam sententiam docuerit, satis hanc suspensionem impedire debere, quo minus hunc TERTVLL. librum ad genus eorum librorum abiiciamus, quos post secessionem ab Orthodoxis factam composuit.

§. XXXVII.

Venio nunc ad libros, quos *uxori suae* TERTVLL. inscripsit, qui quod sint coniunctim editi, dubitari non patitur libri posterioris principium *). In quibus libris tamen si sint, quae videantur erroribus Montanistarum consentanea; tamen ego hos auctorem potius in numero eorum collocare, quos ante hanc defectionem perscripsit. Quod mihi primum videtur confirmare eo, quod nusquam suum Paracletum TERTVLL. iactat in

*) Proxime tibi — — quid feminae sanctae sectandum sit, persecutus sum.

in rebus iis, in quibus multum auctoritatis huius effata habitura fuissent. Namque, ut hoc utar, cap. 7. lib. I. extrem. ubi satius esse disputat fugere secundas nuptias, nulum excitat PARACLETVM, quem locum nunquam praetermittit in libris, qui e Montanistarum disciplina prodire, sed vnam adhibet auctoritatem disciplinae Ecclesiae et Apostoli legem, qua, qui bis *) matrimo-
nium

*) Perspicue, nisi fallor, hic locus, et alter ille e libro *de exhort. castit.* c. 7. excitatus, ut alia multa non tangam, docet, antiquam Christianorum Ecclesiam verba PAVLI 1. Tim. III. 2. de Episcopo *μᾶς γυναικὸς ἀνδεῖ* sic cepisse, ut PAVLLVS de secundis doctorum nuptiis dixerit. Nam in illo TERTULLIANI loco, cum interdictas has sacerdotibus V. T. dixisset Christo, inquit, *servabatur sicut in ceteris, ita in isto quoque, legis plenitudo.* Inde igitur apud nos plenius atque instructius praescribitur, unius matrimonii esse oportere qui alleguntur in ordinem sacerdotalem. Vsque adeo quosdam memini digamos loco deiectos. Vbi neque vult illis de sacerdotibus intelligi, qui praeter uxorem etiam meretrice quadam utebantur, ut videbatur HEUMANNO in *Erklärung des N. T. Part. IX.* p. 179., neque more Montanistarum loquitur. Nam contra illam HEUMANNI interpretationem pugnat vniuersum TERTULLIANI consilium, qui clare dicit de *castrata licentia saepius nubendi*, et cap. 6. de duplici Dei dispositione, una illa; *Crescite et multiplicamini*, altera; *Tempus iam in collecto est etc.*, qua Deus abolefecerit priorem. Neque commemorat sententiam Montanistis propriam, sed illis

num contraxerant, ait, ab officio publico
 seiungi, quae verba haud scio, an non sint
 minus accommodata scriptori Montanistico,
 quam ei, qui doctrinas Ecclesiae rectius sen-
 tiens sequebatur. Deinde in eadem sectio-
 ne uxorem, si denuo societatem coniuga-
 lem inierit non, ait, male facere, adiicit-
 que e mente PAVLLI Apostoli non quidem
 non honestas esse secundas nuptias, sed ta-
 men eas sollicitudinem non leuem calamita-
 tesque inducere. Neque lib. II. c. 1. absti-
 nentiam a nouo matrimonio aliunde com-
 mendat, nisi ex eo, quod ea maiorem af-
 ferat vtilitatem. Quod est nimiae lenitatis
 in scriptore Montanistico, cuius disciplina
 omnes secundas nuptias in loco summorum
 vitiorum habebat. Denique libro II. vxori
 suae permittit nouam post obitum suum con-
 iunctio-

illis atque Catholicis communem. Nam pri-
 mum in locis similibus libri *de Monogamia*
 (c. ii.) conuincit aduersarios iniquitatis re-
 petitarum nuptiarum sic, vt eos tale matri-
 monium postulare dicat ab iis, quibus non liceat
 tale habere, ab Episcopo monogamo, a pres-
 byteris et diaconis eiusdem sacramenti, a viduis
 etiam, et laicis et ab Apostolo interdictas
 argumentatur nuptias, propterea, quod to-
 tum ordinem Ecclesiae (h. e. sacerdotes) de
 monogamis disponat. Quae omnia ostendunt:
 Catholicos secundas sacerdotum nuptias re-
 pudiasse, cum ex eorum sententiis colligat:
 nec laicis huiusmodi nuptias concedi posse.
 Ac. c. 12. planissime sic ait Catholicos argu-
 mentatos; Solos, qui sunt in Clero, monoga-
 miae

iunctionem ineundam, neque illud alia seueriori lege, nisi ut nubat Christiano, dicitur. (c. 1. p. 187. B. F.): difficultum rerum facilem esse veniam. Sed Montanistae quomodo excipiebant eos, qui ad nuptias redierant? *Digamos*, inquit, TERTULLIANVS (de pudicit. c. 1. extrem) *foris sistimus, eundem limitem moechis quoque et fornicatoribus figimus* -- non amplius ab Ecclesia quam publicationem dedecoris relaturis. Scilicet hoc est facilem veniam dare. Iam haud difficile est ad iudicandum, num possint ista tam clara, quae causam a nobis propositam adiuvant, loca conuelli aliqua tali similitudine dictorum quorundam, quae sunt in istis libris, cum iis, quae seuerior MONTANI disciplina in aliis TERTULLIANO persuasit. Illud vero vnum, quod habet HOFFMANNVS (l. c.

miae iugo adstrinxit; ergo id non omnibus praescribit. Deinde hanc constitutionem, quae sublatae sint secundae nuptiae, non Paraclete sed Christo tribuit, et adhibet Apostoli verba, qui plenius atque instructius (quam in V. Test.) praescripserit: unius matrimonii esse oportere, qui allegantur in ordinem sacerdotalem. Tum statim addit: Usque adeo quorundam memini digamos loco deiectos. Quod de Catholicis oportet intelligi; nam Montanistae ne Laicum quidem secundarum nuptiarum rerum tulissent. In nostro vero loco sic loquitur: Quantum detrahant fidei, quantum obstrepant sanctitati nuptiae secundae, disciplina Ecclesiae et praescriptio Apostoli declarat, cum digamos non sinit praesidere, cum viduam adlegi in ordinem, nisi uniuiusam, non concedit.

(l. c. §. 12.); argumentum, quod libri isti scripti sint, cum quaestio de fuga in periculo propter religionem agitata fuisset, eaque salutem petere quemquam debere TERTVLL. cum Montanistis negasset; hoc illud vnum adeo nos non mouet, vt eamus in eius sententiam, vt ab ea magis retrahat. Nam ille ipse locus, quem promittit e lib. I, c. 3: *Etiam in persecutionibus melius est ex permisso fugere de oppido quam deprehensum et distortum negare*, ille satis docet TERTVLL. non omnem fugam in tali tempestate non legitimam existimasse, eum igitur confirmat, tempore eo, quo hos composuit libros, cum Montanistis minus quam cum ceteris sensisse.

§. XXXVIII.

Quam ob rem etiam hos eximamus e librorum Montanisticorum numero, et qui eo rectius referri debeant, videamus. In quibus non dubito aureum *de patientia* librum primo loco ponere. Nam etsi TILLEMONTIVS *) hunc velit iis adiungere, qui superiores sunt defectione TERTVLL. ad Montanistas, propterea, quod et fugam in publicis Christianorum propter religionem calamitatibus non spernit, et magnam modestiam adhibet; tamen illa nequaquam idonea ad hanc rem confirmandam arbitror.

Nam

*) Mémoires p. I, a l'histoire Ecclésiastique Tom. III. p. 262.

Nam de modestia, ea non video quare vti TERTULLIANVS non etiam post susceptam in Orthodoxos inimicitiam potuisset, neque enim ea propria est virtus recte sentientium; et illi alteri ne sua quidem veritas constat. Etenim in eo loco, e quo potestatem fugiendi a TERTULLIANO concessam excitare conatur (c. 13. p. 168. A.) fuga illa nullo modo conceditur, sed ipsam patientiam, affirmatur, firmitatem humanæ imbecillitatis præstare; ignem etiam et crucem et bestias et gladium ipsa constantia vinci. Atqui sunt etiam in hoc quamvis præclaro libello plura, quæ animum TERTULLIANI Montanistarum erroribus non leuiter tinctum ostendunt, suntque ibi omnes fere Montanistarum errores propositi. Ac significatio illa quidem Paracleti subobscura est, non nulla tamen in hoc loco c. 1. (p. 159.): *ad capienda et præstanda ea, sola gratia diuinæ inspirationis operatur.* Porro præstantia nuptiarum non repetitarum ita fere proponitur c. 13. (p. 168. A.): *Patientia sanctitati quoque procurat continentiam carnis; hæc et viduam tenet et virginem adsignat, et voluntarium spadonem ad regna cæli leuat.* Secundas item nuptias adulterii nomine traducit c. 12. (p. 167. A.). Inediae ex arbitrio susceptæ maxima laus ex h. l. cernitur c. 13. (p. 167. D.). *Afflictio carnis hostia domino placatoria per humiliationis sacrificium, quum sordes cum angustia victus*
Domi.

*Domino libat, contenta simplici pabulo puro-
que aquae potu, quum jejunia coniungit, quum
cineri et sacco inolefcit.* De fuga iam dixi,
Negata denique semotis a societate sacra
peccatoribus venia nonne est in his verbis
c. 12. (p. 167. A.), vbi omnem peccato-
rum spem non in venia ab Ecclesiae sodali-
bus obtinenda ponit, sed in salute ea, quam
Christiani horum emendationem exspectan-
tes vel exoptarent vel exorarent; praeter
quod a collegio sacro Montanistarum expe-
ctandum nihil erat? (Vide *de pudicitia* c.
1. extr.). Qui Montanistarum errores quam-
uis non possint nisi per quaedam veluti in-
volucra in hoc libro perspicui; tamen ex eo
nihil efficitur, nisi quod hic libellus sit ex
eo tempore, quo illa TERTULLIANI conten-
tio in defendendis Montanistarum scitis vel
nondum exarserat, vel restincta aliquo mo-
do erat. Aetas igitur huius libelli non sa-
tis certa est. Quod imminente iam Chri-
stianis periculo scriptus sit, non admodum
dubitem, est enim aliqua huius sententiae
non inepta ratio in ipso libri argumento
quaerenda. At vero scripseritne illum TER-
TVLL. inter motus SCAPVLAE aduersus Chri-
stianos, imperante CARACALLO, excitatos,
quod ALLIXIO placuit, an sub initium cala-
mitatum publicarum sub SEVERO AVG., quo
tempore et ille de *fuga in perse.* placidus il-
le non minus et mitigatus commentarius
prodiit, id nemo facile dixerit; quare ad
alium transeamus. §. XXXIX.

§. XXXIX.

Est is *de velandis virginibus* liber, quem ad primos errorum MONTANI plenos pertinere, non admodum dubito. Nam de illo nos haesitare non fuit creberrima Paracleti nonaeque eius disciplinæ commemoratio; ut ne necesse quidem sit, vel libri istius similitudinem cum iis de *cultu feminarum*, qui sunt e Montanistarum disciplina, vel obscuriorem vnius coniugii (c. 3. p. 194. A.) defensionem referre. Quid enim illa significatio reuelationum, quibus, ut ait ille (c. 17. p. 204. A.), Dominus velaminis spatia metatus est? quid nouitas correctionis, quam lege fidei (in symbolo Apostolico comprehensæ) manente, cetera disciplinæ et conuersationis, operante et proficiente usque in finem gratia Dei, admittant (c. 1. p. 192. c.)? quid ille Paracletus, quem miserit Dominus, ut paullatim dirigeretur et ad perfectum perduceretur disciplina? (ibid.) quid enarratio ætatum disciplinæ Christianæ, in quibus iustitia demum per Paracletum componenda sit in maturitatem? quid, inquam, hæc omnia aliud quam TERTULLIANVM MONTANI discipulum testantur? Sed neque illud magis obscurum est, primum hunc fere foetum esse, quem coniunctus cum Montanistis ediderit. Namque, ut ab hoc ordiar, nullus fere est inter omnes eius Montanisticos liber, in quo

quo maiorem vim adhibeat ad defendendam disciplinam Montanistarum a culpa nouitatis, quam is, de quo quaeritur, in primis sect. 1. 2.; quod certé dat locum suspicandi non inepte, TERTVLLIANVM hunc, quam primum se Montanistis adiunxerat, composuisse, vt crimen a se nouarum rerum remoueret. Nec in vlllo alio magis videtur Paracletum eiusque disciplinae diuinam originem defendere nisi in hoc ipso, quam non modo agnitionem Paracleti sed defensionem, cum alibi (*adv. Praxeam* c. 1. p. 634. D.) dicat se disiunxisse a Pŷchicis, facile est intellectu, nostrum librum, in quo vehementer etiam quidem defendit, inter primordia temporis ab ipso apud Montanistas acti exaratum fuisse. Atque illud confirmari multis argumentis non probabilitate destitutis potest. *Primo* sub isto ipso tempore scripti sunt libri *de cultu feminarum*, vt alio loco disputabamus, isti vero eiusdem prope sunt cum nostro argumenti. *Deinde*, cum haberet occasionem satis opportunam inuehendi seuerius in orthodoxae ecclesiae addictorum, nonnullorum saltem, in velandis virginibus consuetudinem contrariam suae; tamen hic multo modestius disputat, quam in aliis, qui sunt Orthodoxis oppositi, quod, nisi quod vellemus admittatur, conceptu difficile esse quisque dicet, qui vehementissimam TERTVLLIANI in defendendo Montanismo animi commotionem aliunde

de intellexit. *Denique*, tametsi multum profuisset causae, cuius in libro nostro defensionem susceperat, si calamitatum publicarum et periculorum, quibus Christiani a Deorum cultoribus obiiciebantur, mentionem iniecisset, ipse etiam TERTULLIANVS, qui nihil solet omittere causae suae proficuum, illud argumentum in libris *de cultu feminarum* nostri similibus adhibuerit; tamen hic ne vno quidem verbo eas ait existisse. Qua ex re colligi potest, eum scriptum esse tum, cum talibus malis non essent Christiani oppressi. Atqui cum eum dixerimus compositum esse, postquam TERTULLIANVS se Montanistis adiunxerat, apparet, nostrum librum non posse antiquiorem esse anno CC. quoniam TERTULLIANVM alibi docebamus eo anno ad Montanistas transiisse; neque multo posteriorem etiam, cum anno CCII. calamitates a SEVERO excitatae iam ceperint initium. Sed eum librum nolimus inter illos referre, quorum aetas certissime constaret propterea, quod coniectando magis quam adhibitis certissimis argumentis eius potuerunt natales constitui.

• §. XL.

Neque vero ita multo post scripti videntur libri ii, quibus domesticas Montanistarum doctrinas a contemptu et imperu contrariae patris vindicare studuit, quales sunt, *de exhortatione castitatis*, *de monogamia*, *de*
jeju-

jejuniis, deque pudicitia commentationes. Quas esse omnes plenas errorum MONTANI nemo est, qui dubitet, et eas hoc fere tempore h. e. sub initiis Montanismi SEPTIMI prodiisse, dubitari vix magis potest. Quod utrumque singulos hos libros percurrendo breuiter docebimus, ne haec nostrae scriptio-
 tionis pars, quamuis ab aliis etiam tractata, desiderari videatur. Sunt vero isti, si quid video, eodem ordine editi, quo eos enarrauimus; ita ut horum primus videri possit is, qui est *de exhortatione castitatis*. Qui quidem non refertur ab HIERONYMO (-Catal. scriptor. Eccl. c. 53.) in numero librorum, quos ad defendenda MONTANI scita TERTULLIANVS composuerit; sunt etiam in hoc libro, quae rem non satis excutienti persuadere possent, nondum tum de illa disciplina eum fuisse; sed ea quidem sunt leuiora. Nam quod HIERONYMVS in indice horum librorum nostrum non habeat, huius rei potest haec ratio esse, quod non voluerit enumerare, nisi libros eos, quos opponendi Orthodoxis consilium TERTULLIANO fuit, is vero *de exhortatione castitatis* liber non iis oppositus est, sed scriptus ad docendum fratrem, nescio quem, quem non tam confutare de nuptiis repetendis cogitantem voluit, quam ad omittendas istas adhortari. Praeterea non equidem inficior, satis hic modestiae et plus esse quam in ceteris, qui doctrinam aliquam Montanistarum
 dispu-

disputant, ipsum etiam TERTULL. in hoc libro suadere magis et utile honestumque dicere vnum coniugium, quam perfectam intermittendarum secundarum nuptiarum necessitatem defendere; vnde colligere quis posset, eum inclinasse forte, sed nec tunc se applicasse ad partes Montanistarum, quemadmodum et illud in libris *ad uxorem* superius diximus. At ista modestia facilitasque eius apparet etiam in aliis libris haud dubie tempore eo scriptis, quo iam se disciplinae MONTANI dediderat, et admiranda non nimis est in libro tali, qui est instar epistolae suasoriae, in qua solemus uti summissiori placidaque dictione, ac scriptus videtur non ad aliquem Montanistarum, qui seueriore disciplina delectabatur, sed ad quemdam de Ecclesia Orthodoxorum hominem. Cuius rei non obscura est in principiis libri significatio, vbi fratrem illum ait sine dubio *de exitu singularitatis* (h. e. de restaurandis nuptiis) *cogitare*; quod haud scio an non cadat in eum, qui cum Montanistis non legitimas putabat secundas nuptias. Neque ego ignoro scrupulum ALLEMONTII (l. c. p. 202.) qui et magnam sibi fingit inter hunc et *de monogamia* commentarium dissimilitudinem, quae nulla fere est recte attendenti, et praeterea silentio MONTANI memoriam miratur. At ne appellem illum locum, quem non expressum in libris nostris RIGALTIVS (in not. ad h. l. p. 114.) restituit, in quo sum-

mae

mae PRISCILLAE, vatis Montanisticae, laudes continentur; non fuisset prudentiae, ei laudare MONTANVM, qui repudiare eius disciplinam videbatur. Sed si qua est etiam alia dubitatio, omni illi opponi potest, non solum summa, etiam ad verba, similitudo cum libro *de monogamia*, quem fere libri nostri posses dicere *παράφρασις*, sed quoque id, quod est c. 6. (p. 98. B.). *Deus in primordio sementem generis emisit indultis conjugiorum habentis, donec mundus repleretur, donec novae disciplinae materia proficeret; nunc vero sub extremitatibus temporum comprescit, quod emiserat, et reuocavit quod indulserat.* Neque vero est a veritate magis alienum, librum nostrum fere primum dicere eorum, quorum ipsum argumentum versatur in defendendis Montanistarum erroribus. Nam *de monogamia* librum non possumus eodem, cum nostro, tempore scriptum existimare propterea, quod, vti dicebamus, est prorsus eiusdem argumenti. Deinde nostrum videtur TERTULLIANVS prius scripisse, quam illum, qui, si iam extitisset, cum se ad nostrum scribendum accingeret, nostri scribendi nulla necessitas fuisset, sed fratrem illum potuisset ad commentarium *de monogamia* tanquam ad publice editam disputationem remittere. Sed nostrum si prius scriptum esse arbitremur, non poterat is commendari Psychicis: si quidem non publice erat, sed priuato alicui propositus.

Deni-

Denique ostendemus postea, librum *de monogamia* esse fere sub initium calamitatum ab ipso SEVERO a CCII. excitatarum scriptum, ceterosque Psychicis consulto oppositos posteriores esse eo *de monogamia*; itaque necesse est credere, nostrum *de exhortatione castitatis* librum illos aetate fere superare.

§. XLI.

Deuoluitur ergo oratio nostra ad illum *de monogamia* librum, in quo cum vbiuis Psychicos redarguat, Paracletum auctorem suum (c. 4. init. c. 14. cet.) cum noua prophetia decantet, suosque crépet spirituales ita propter agnitionem charismatum appellatos, denique in impugnandis secundis nuptiis sermonem consummat vniuersum, non necesse est, multis hunc librum asserere Montanisticis. Sed paullum iuuat in tempus scripti huius commentarii inquirere. Cum illum locum PAVLLI, quo abstinentiam a nuptiis suadet propter iniuriam illius temporis, quo subiecti Christiani erant periculorum perpetuitati, TERTVLLIANVS ad causam suam contorsisset, *magis NVNC* addit, *tempus in collecto est*, (c. 3. p. 675. b.); neque his ipsis verbis obscure significat, magnam tempestatem calamitatum tum, cum de monogamia scriberet, in Christianos irruisse. Quod etiamsi quis diceret, etiam dici a TERTVLLIANO potuisse nulla adhuc calamitate publica in Christianos existente, illud

lud tamen multo est probabilius propterea, quod admodum credibile est, TERTVLLIANVM statim sub initium suscepti Montanismi animum ad huius disciplinae doctrinam defendendam appulisse. Id si verum sit, incidit profecto hic liber in ea tempora, quibus iam ignis calamitatum publicarum inter Christianos exarserat. Hoc igitur loco dum requiratur, qualis vexatio Christianorum intelligenda sit, demonstrari ista nullo negotio potest. Nam post TERTVLLIANI ad Montanistas secessionem ea repente exstitit rerum perturbatio, quam SEVERVS AVG. edicto suo concitauerat. Atque haec cum coepit a CCII. fere post annum CCIV. desierit, scriptique sint post librum nostrum libri *de jejuniis*, *deque pudicitia*, non librum nostrum abhorret in annum fere CCIII. coniecere. Neque vero vereor, huic subiungere illum *de jejuniis* librum, quem posteriorem esse libro *de monogamia* et alteram veluti disputationis aduersus Psychicos partem, initium istius libri satis ostendit, ipsumque illud docet non ita multo post illum editum a TERTVLLIANO fuisse. Est igitur is quoque in publica quadam vexatione expositus, quam significare hinc inde, veluti in extrema libri parte videtur; nec potest vindicari a Montanismi suspitione non modo propter illam libri aetatem, sed propter Paracleti etiam defensionem *), et bellum Psychi-

*) c. 10. p. 708. D. c. 11. p. 710. A. c. 13. p. 711.
G. c. 10. p. 708. C.

Psychicis publice in hoc libro indictum. Post hunc vna restat commentatio, Psychicis studio opposita, ea videlicet, quae est *de pudicitia* instituta. Quam esse contra aduersarios Montanistarum scriptam nemo vquam dubitauit, nec dubitare quis potest propterea, quod ipse illud TERTVLL. seque alienum a societate Psychicorum profiteatur *). Suntque multa vel libro ipsi impressa (c. 22.) vel aliunde certa signa, qualia ORSVS **) produxit, quae non admodum recentiore hunc librum calamitatibus a SEVERO Christianorum familiae inflictis, annum igitur natalem huius libri fere CCIV. aut sequentem ostendunt.

§. XLII.

Hos nondum fere libros contra Ecclesiam Orthodoxam confecerat, cum alii se generi disputationum aduersus haereticos dederet. Namque horum doctrinas libris statim sibi subiectis TERTVLLIANVM exagitasse, non abhorret a vero, quoniam ipsi hi libri eandem fere aetatem magna sub SEVERO calamitate Christianorum paullo posteriorem produnt; et si quis coniecturae dandus est locus,

*) c. 1. p. 715. D., c. 6. p. 721. A. c. 10. p. 726. D. c. 16. p. 735. D. cet.

**) in dis. de pace et absolutione capitalium criminum a catholica Ecclesia tribus prioribus Saeculis non denegata. Cap. IV. Digress. 3. p. 120. sqq.

locus, non inepte quis TERTULLIANVM concentum cum vera Ecclesia suum in rebus ad fidem pertinentibus ipsis his doctrinis aduersus haereticos defendendis confirmare voluisse diceret. Ac in his libris nulla videtur antiquior disputatio illa, quae est aduersus PRAXEAM; nam et videtur paullo ante librum *contra Valentinianos* conscripta; nusquam enim in hoc *Antipraxe*, quamuis saepenumero Valentinianos commemoret, ad librum Valentinianis oppositum prouocat, quem morem alias, id quod omnibus ipsum legentibus constat, tenere solet TERTULLIANVS; et quod videtur ad ea, quae diximus, confirmanda, accommodatius, PRAXEAS is erat haereticus, quem Montanistae sibi longe molestissimum putare debebant, quoniam is ipse, praeterquam quod errorem doctrinae de Triade sanctissima aduersum disseminauerat, persuaserat etiam Pontifici Romano, quem viri docti satis bene VICTOREM fuisse existimant, ut iam paratam Montanistis pacem refringeret (Vid. c. 1.). Neque ergo difficile est credere, initium disputationum suarum TERTULLIANVM a velitatione cum PRAXEA fecisse. Quam nemo negabit a TERTULLIANO Montanista fuisse susceptam; ipsum enim nomen Psychicorum (c. 1.), ipse PARACLETVS, in quo se melius de veritate mysterij de summa maxima Triade edoctum profiteretur (c. 2. p. 635. A. c. 8. p. 639. D. &c.), ipsa denique

nique professio: agnitionem PARACLETI et defensionem seiunxisse se a Pŷchicis, ponunt illud supra omnem dubitationem. Sed de ipsa huius libri aetate nos non audemus asseueranter pronunciare, quamuis, si ista aduersus PRAXEAM disputatio prima est inter concertationes cum haereticis, atque hae securae sunt statim libros Orthodoxae Ecclesiae oppositos, anno fere CCIV. aut V. adsignari non male possit. Hanc excipisse librum *aduersus* HERMOGENEM non dubitarim dicere, est enim iste antiquior libro *de anima* et illo *aduersus Valentinianos*, ut postea docebitur, qui cum compositi sint fere transactis furoribus Seuerianis, eidem cum *Antipraxeia* anno tribuendus videtur noster libellus, quem a Montanista TERTULLIANO profectum esse peracerba in repetitas ab HERMOGENE nuptias oratio (c. i.) non obscure declarat. Huic veluti appendicem adiecit, quod initium libri et multa alia loca docent, librum *de anima* refertum somniis innumerabilibus, qui habet haud dubias Montanismi notas *), sed fueritne eodem fere cum libro *aduersus* HERMOGENEM anno, an post annum demum CCVIII. scrip-

*) e. c. cum c. 55. et 58. Paracleti monita et testimonium excitat, ibidemque et c. 9. (p. 311. A.) dicit suos *spiritalia charismata agnoscere*, ac post Ioannem quoque *Prophe-tiam meruisse consequi*.

Scriptus, illud vero cadere in disceptationem potest. Nam c. 2. (p. 324.) *Inesse*, ait, *nobis τὸ ἀντιθέσιον naturaliter iam et MARCIONI ostendimus*; quae disputatio in libro, qui exstat, *aduersus MARCIONEM* secundo c. 6. occurrit; sed potest etiam a TERTVLLIANO vnus librorum contra MARCIONEM deperditorum intelligi. Si illud statueris, erit *de anima* scriptio posterior anno CCVIII; sin hoc, potest etiam ante illum annum collari. Quarum sententiarum mihi magis posterior probatur: nam vt appendices librorum, qualis est noster libellus, magis moris est statim, non longo post tempore, iis subiicere, sic et eodem modo in *Scorpiace* amissos iam libros aduersus MARCIONEM excitat (V. supra §. XXVI.), et erit ordo librorum TERTVLLIANI, si ista admittatur sententia, multo concinnior. Etenim in ista *Scorpiace*, quam probauimus anno CCIV. scriptam fuisse, haereticos, Gnosticos et Valentinianos, queritur impugnare supplicia sponte a Christianis propter religionem suscepta (c. 1. p. 176. a. c. 4. 3.). Sed in libro *de anima* (c. 55.) multa disputat de gloria martyrum, et huic libro, vt postea apparebit, statim subiecit aduersus *Valentinianos* librum, in quo (c. 30. init.) impugnatam ait a Valentinianis martyrii necessitatem. Itaque satis videtur veritati consentaneum, nostrum *de anima* et *aduersus Valentinianos* librum non multo post *Scorpiacen* anno fere CCV. fuisse conscriptum. §.

§. XLIII.

Ordo igitur librorum postulat, ut nunc de hac VALENTINIANORVM reprehensione dicamus. Est vero illa defectio TERTULLIANI ad Montanistas inferior: quod quidem dicta huic disputationi adpersa non planissime docent; nihil est enim in hoc libello doctrinarum, quod non potuisset etiam ab Orthodoxo proficisci; sed tamen id apparet dupliciter. Primum, quod iam se dicat (c. 16. extrem.) cum HERMOGENE de eodem atque cum Valentinianis argumento congressum fuisse, quae Antihermogeniana disputatio est a nobis modo Montanistico scriptori asserta; deinde quod vehementer optat (c. 5. extr.) ut sibi daretur assequi PROCVLVM in omni opere, quem et *virginis senectae et Christianae eloquentiae dignitatem* appellat. Hunc PROCVLVM ego non dubito PROCVLVM illum Montanistam fuisse, cuius exstat apud EVSEBIVM (lib. VI. H. E. c. 20.) memoria, cum propter laudem virginitatis eius, quam tanquam praeclaram in eo virtutem TERTULL. collaudat, tum propterea, quod ipsum *nostrum* nuncupat, distinctum hoc nomine ab iis, quos modo laudauerat, IVSTINO MARTYRE, MILTIADE (*Ecclesiarum Sophista*, ut ait forte incensus odio huius viri, qui, (ut refert EVSEBIUS l. c. lib. V. 17.) etiam se Montanistis opposuerat), atque IRENAEO, scriptoribus Orthodoxo-

rhodoxae Ecclesiae. Sed ipsam huius libri aetatem si quis subtilius percunctatur, satis videtur consentaneum dicere, eum esse non ita multo post sopitam quodam modo crudelitatem in Christianos exaratum. Nam et confessionem veritatis christianae sub potestatibus istius saeculi et apud tribunalia praesidium (quam vrget c. 30.) defendere non admodum necesse erat, nisi tum vel ipsum illud calamitosum tempus, vel eius viua memoria exstitisset, et est, vt modo dicebamus, hic liber eodem fere cum *Scorpiace* tempore scriptus, postquam furor SEVERI restinctus fuerat, vt historia huius temporis docet. Itaque placet ad librum *de praescriptionibus haereticorum*, progredi, quem huic subicere non dubitamus; quidquid etiam in contrariam partem TILLEMONTIVS *) et WHISTONVS **) disputauerint. Nam libro I. *aduersus Marcionem* c. 1. (p. 431. A. se aliquando exaraturum promittit disputationem *de praescriptione* aduersus haereticos, e quo hoc necessaria conclusione elicitur, demum post annum CCIII. nostrum librum luci fuisse expositum. Atque illud ipsum, neque tempore eo, quo librum nostrum perscriberet, vacuum a Montanistarum errori-

*) 1. c. Part. III. p. 203. et not. 6. Iuxta TERTUL- LIEN. p. 656.

**) in scripto: the true origin of the Sabellian and Athanasian Doctrines of the Trinity p. 3. sq.

roribus fuisse animum TERTULLIANI, clarissime ostendit; ut non dicam, horum errorum vestigia non obscura esse in hoc libro, veluti c. 40. ubi, cum doceat, etiam malignum genium aemulari institutiones diuinas, *quid quod inquit, et summum Pontificem in unis nuptiis statuit, habet et virgines, habet et continentes*, et quae sunt generis eiusdem. Sed age aperiamus ea capita, vnde omnis ad hanc causam disputatio ab iis, qui contra sentiunt, ducitur. Ac primum aiunt, locum a nobis e libro *aduersus* MARCIONEM exitatum significare etiam posse librum iam scriptum, WHISTONVS etiam aliud exemplum ponit huius loquendi modi nec necessarium in re omnibus nota nec vllō modo aptum e lib. V. c. 19. Sed illud defendi non satis potest. Nam quotiescunque TERTULLIANVS aliquem librum iam a se compositum profert, nunquam futurum adhibet loquendi genus, sed vbiuis praeteritum, atque eodē, opinor, modo praeteriti temporis flexionem vsurpaturus fuisset TERTULLIANVS, ut fecit de hoc libro alibi *), si illam iam a se compositum voluisset dicere. Neque vero illud minus est contortum, cum locum ex *Antimarcione* TILLEMONTIVS putat remanere potuisse e libris iis, quos ante hoc, quod exstat, opus *aduersus* MARCIONEM iam contra eum scripserat. Nam et illud mera coniectura est nullo modo probabilis propterea,

*) in libro *de carne Christi* c. 2. p. 359. A.

terea, quod TERTVLL. cum se ad scribendos nostros *aduersus* MARCIONEM libros accingeret, vnam illi oppositam disputationem rescissam, alteram amisam confirmat, et istud argumentum TILLEMONTII in se etiam ineptum est. Quod vero dicit, librum *de carne Christi* esse priorem libris nostris *aduersus* MARCIONEM, hunc vero posteriorem libro *de haereticorum praescriptione*, ea non conor attingere; est enim ea de re satis §. XXVIII. et XXIX. disputatum, vnde intelligetur, primum nostrum librum Antimarcionis, de quo hic quaerimus, non esse cum ceteris editum, nec vilo modo illo *de carne Christi* posteriorem. Sed in fine libri de praescriptione TERTVLLIANVS: *nunc quidem generaliter*, inquit, *actum est a nobis aduersus haereses omnes, certis et iustis et necessariis praescriptionibus repellendas a collatione scripturarum, De reliquo* — *etiam specialiter quibusdam respondebimus.* Audio. Quid ergo est? omnes sunt TERTVLL. aduersus haereticos libri posteriores eo, qui est *de praescriptione*. At istum locum TILLEMONTIVS, vt mihi videtur, non recte cepit. Nam in eo loco non generatim in hoc libro, TERTVLLIANVS ait, se haereticos confutasse. sed addit, se id fecisse vniuerse *certis et iustis et necessariis praescriptionibus*. Itaque in aliis libris non se pollicetur separatim confutaturum haereticorum singulorum doctrinam, sed ostenturum se, singulos etiam haereticos eorumque

que scita aetate doctrinis recte sentientium
cedere. At denuo WHISTONVS l. c. p. 4. :
antiquior est is *de praescriptione* commenta-
rius *apologetico* TERTVLL. Quam ob rem
obsecro? *expedite*, inquit in *apolog.* c. 47.,
praescribimus adulteris nostris, illam esse re-
gulam veritatis, quae veniat a Christo, trans-
missa per comites ipsius, quibus aliquando po-
steriores diversi isti commentatores probabuntur.
Acutum vero hominem, qui cum de prae-
scriptione audit, etiam librum super ea re
scriptum videt! Et ea quidem oppugnatio
ad aetatem huius libri magis pertinebat; ce-
tera, quibus se adactos eo dicunt, ut hunc
librum e numero Montanisticorum proscri-
berent, haec sunt. *Primum* WHISTONVS ad-
iectum libro nostro libellum, qui haereticos
ortos in familia Christianorum recenset, ob-
iicit, in quo planissime *οἱ κερτα ποιηται* hae-
retici condemnantur; quod esset argumen-
tum nullo modo eludendum, si, quod pro-
bandum suscipit WHISTONVS, hic libellus vin-
dicari TERTVLLIANO posset. Sed quid pro
sententia hodie a viris doctis prorsus pro-
fligata disputer, audiamus tamen. Idem est,
ait, in hoc, quod in scriptis TERTVLLIANI,
dicendi genus. Quomodo tandem? Grae-
ca saepius verba libellus latinis miscet; lo-
quitur eo modo, quo Africani solent, hor-
rido illo et paene barbaro; acutis persequi-
tur haereticos conclusiunculis, multa etiam
ex IRENAEO sumit; denique haereticos nar-
rat

EST A TERTULLIANO commemoratos, etiam
eos, quos vnus ille habet, veluti EBIONEM
et PRAXEAM. At si, qui hunc libellum scrip-
sit, Afer genere fuit, vel TERTULLIANVM
descripsit? Nihil ad haec WHISTONVS Pro-
grediamur ergo. Clarissime AVGVSTINVS,
(de Haer. n. 86.): TERTULLIANVS *transiit*
ad Phrygas, quos antea destruxerat. Vbinam
tandem? Nusquam, ait WHISTONVS, tam
ample quam in hac appendice. Certe au-
diam vnde haec WHISTONVS didicerit. HIR-
ONYMVS *aduersus Luciferianos* ex hoc, de
quo quaerimus, libello multa tamquam ex
antiquo scripto sumit, itemque EPIPHANIUS.
Sit ita sane, descripserint igitur multa; er-
go hic libellus magnam habet antiquitatem;
habet profecto, etiam TERTULLIANO forte ae-
qualem; an eum etiam parentem habeat, id
nondum video a WHISTONO planum his te-
stimoniis factum. *Deinde* abhorrere arbitran-
tur: quod TERTULLIANVS, separatus a com-
muni Ecclesia, scripserit librum tam bellum
tamque fortem ad exagitandos omnes, qui
se erroribus ab Ecclesia separassent; ac,
etiamsi tanta vis insit veritati, vt etiam in-
uitis se conspiciendam defendendamque prae-
beat, ipse quoque TERTVLL. saepius in libris
haud dubie in Montanismo conscriptis prae-
scriptioni aduersus haereticos insistat; ta-
men tanto cum consilio et amplitudine nus-
quam hoc telo eum fuisse vsum animaduer-
tere iubent. Quae disputatio est magis, quam
debet,

decer, arguta. Nam Montanistae, ipsa etiam TERTULL., id quod constat, (v. de jejun. c. 1. de virg. vel. c. 2.) numquam se alienos in doctrinis ad fidem pertinentibus ab Orthodoxis professi sunt, neque TERTULL. vsquam Pŷchicos ponit in numero haereticorum, sed ab iis planissime distinguit (e. g. in *de monog.* sub init.). Modo emendatam aiebant et perductam ad perfectionem disciplinam suam, neque in rebus, quae sub fidem cadunt, de quibus disensio vnice haereticos constituit, se discrepantes a doctrina Christi et Apostolorum confirmabant. Itaque nihil mirari attinet, quod ex aetate recentiori doctrinarum ab haereticis defensorum argumentum ad eos impugnandos duxerit. Alterum vero illud TILLEMONTII nihil est. Etenim etsi suscipiam, quod hic consilio, sed in ceteris libris obiter, de hac regula doctrinarum iudicandarum TERTULL. disputauerit, tamen illam non obscure, sed plane satis, proponit in libris aduersus haereticos, et ad illam rem ex instituto disputandam librum nostrum destinauerat, alioque modo confutat in ceteris haereticorum ineptias. Atque haec ipsa possunt etiam opponi alii cuidam aduersariorum argumento, non leui illi quidem, sed ita forti, vt paene nos videri posset pertrahere in aduersarias partes posse, sed a TILLEMONTIO, quod miror, non satis illustrato. Videlicet summum in doctrinis

Apo.

Apostolicarum Ecclesiarum cum suis consensum, sed vehementem ab haereticis dissentium proponit (cap. 36.), et, quod longe maius est, vehementer (c. 21.) exagitat haereticos propterea, quod consueuerant dicere, non omnia Apostolos scisse, quod ipse illis videbatur. Iesus Christus dixisse apud Ioannem verbis his: *multa vobis a me dicenda restant, sed suscipere ea nondum potestis.* Hos postea retundit verbis Christi iis, quae superiori- bus subiecerat: *cum venerit ille spiritus, is vos ad omne id, quod verum est, cognoscendum perducet;* vnde effici posse putat, omnia fuisse edoctos Apostolos, nam ipsos illos spiritum a Christo postea omnino accepisse ait ex Actis Apostolorum haud dubie constare. Atqui haec cogitanti cuidam, et apud se reputanti scita Montanistarum, qui, fere ad eundem illum locum Ioannis posteriorem prouocantes, Paracleti discipli- nam perfectiorem quoque disciplina Christi et Apostolorum defendebant, videretur ne igitur illi TERTULLIANVS tam clare aduersus ipsos Montanistas sententiam dicere, vt dubitari de *ὁρθοδοξία* huius libri non posset? Non equidem puto. Nam, etsi hic locus magnam habeat rationem, potuit tamen proferri etiam ab eo, qui stabat a Montanistarum partibus. Etenim, vti diximus, nusquam TERTVLL. vllum admittit inter Montanistas et Orthodoxos Apostolorum sectatores dissentium de iis esse, quae fide acci-
pien-

penda sunt; et quod, nullius verae doctrinae expertes fuisse Apostolos, defendit, illud dari a quouis Montanistarum poterat. Sed emendatiorum demum per Paracletum disciplinam, doctrinas etiam non novas, sed magis confirmatas veteres Christianorum, progugnabant, immo ipsos ritus, quos recentius inductos apud MONTANI sectatores rectius sentientes clamabant, ut probet e sacris litteris, ipsorum etiam Apostolorum vel consuetudine vel praeceptis, multis in locis TERTULLIANVS laborat. Sed ii haeretici, adversus quos TERTVLL. instituta est in libro *de praescriptione* disputatio, multarum Christi doctrinarum vel rudes Apostolos fuisse dictitabant, vel Christum non omnia omnibus tradidisse, ut noster ait in ipso hoc, quem tractemus, loco. Quam ob rem cum locus is, de quo disputamus, a Montanista non minus potuerit adhiberi, quam a socio Ecclesiae recte sentientis, hoc quaeritur, utra sit sententia v. interpretatio ad veritatem propensior? Vbi ego non multum dubito, quin ipsum hunc librum dicam a TERTVLL. Montanista proficisci. Nam primum sunt libri Septimiani e disciplina Montanistarum ducti, in quibus illi instat praescriptioni in causa haeticorum, nec villo modo, quod vñ ipsi venit de libris omnibus suis, ad quos remittere lectores poterat, suum *de praescriptione* haeret. opus antestatur, veluti in libro *adversus Praxeam* c. 2. et *adversus HER-*
MOGE-

peccassent, quam prorsus destruxisset in libro *de pudicitia*, et in illo libro ipsum illum profiteri, se nunc confutare velle librum, quem olim haeresi communis Ecclesiae addictus pro hac potestate scripsisset. In qua vniuersa disputatione multo sapientior mihi videretur HOFFMANNVS quam in ceteris. Namque (l. c. § XIII.) pulchre monet is, longe diuersam esse quaestionem in libro *de poenitentia* propositam ab ea, quam TERTULLIANVS in commentario *super pudicitia* posuit, atque etiam Montanistas omne illud potuisse defendere; quod est in libro *de poenitentia* propositum. Videlicet non super ea re erat Orthodoxos inter et Montanistas quaestio: possentne ii, qui ad impuritatem pristinam grauioribus delictis rediissent, interposita poenitentia veniam male factorum a Deo impetrare, quod neutri, ne Montanistae quidem, negabant, quos potius constat ipsam *ἐξομολογήσιν* a reis postulasse, sed eam quidem non ita, vt impetraret, qui peccauerat, veniam ab Ecclesia et coniunctionis cum illa restitutionem, sed vt incitarentur probi ad supplicandum Deo, vt huic peccatori tandem aliquando veniam concederet. Sed illud quaerebatur potius: liceretne Ecclesiam vsurpare potestatem, qua se non destitutam etiam ipsa sentiret, recipiendi seiunctos a societate sua peccatores, in amicitiam veterem et communionem sacrorum; quod Montanistae ita negabant fieri

non debere, sed Orthodoxi ita posse fieri aiebant. Hanc igitur licentiam usurpatam ab Orthodoxis TERTULLIANVS in libro eo, qui est *de pudicitia*, vehementer falseque exagitat, sed in libro *de poenitentia* neque confirmat neque impugnat etiam, sed de illa venia loquitur, ad quam etiam illi, qui immerfi essent grauisimis flagitiis, apud Deum, si ad bonam mentem rediissent, aditus non esset impeditus. Ex quo etiam illud efficitur, non reuocare TERTULLIANVM in libro *de pudicitia* id, quod in singulari libello Orthodoxorum olim sententiae additus scripssisset, sed nihil nunc fatetur nisi se aliter sentire de ista venia a coetu sacro concedenda, quam olim inter Orthodoxos non quidem scripssisset, sed sensisset tamen. Quid ergo est? TERTULLIANVMNE putaremus hunc librum in Montanismo scripssisse? Neque hoc audeo dicere. Nam etsi peccatoribus ad pristinam eamque peruersam vitam redeuntibus non nisi vnam eamque vltimam spem veniae apud Deum impetrandae polliceri videatur (c. 8. p. 145. A. C.); tamen et in ea re nihil docet, quod proprium fuisse legamus Montanistarum, sed quod etiam ab aliis Orthodoxorum vehementer propugnatum esse inueniamus *): nullam
spem

*) Vide HERMAE Pastorem Mandato IV. in FABRICII Apocryphis N. T. T. III. p. 845. Iq. et loca ibi a FABRICIO citata.

ipsum esse salutis iis, qui post susceptum baptismum iterum grauius et ad iacturam verae pietatis peccassent, quod pessimam baptismi differendi consuetudinem in Ecclesiam postea intulit; et quae durius locutus esse videri poterat, ipse his verbis subiectis mitigat: *Verum non statim succidendus ac subruendus est animus desperatione.* Quare ad quam vel aetatem vel doctrinam hic liber referendus sit, cum aliae rei dirimendae in hoc libro significationes non existent, me quidem prorsus nescire profiteor.

§. XLV.

Atque etiam illud non me fateri pudet de libro, quem *aduersus Iudaeos* conscripsit. In quo nihil est, quod MONTANI ineptias saperet; sed neque illud admirationem habet; nulla enim fere exstitit TERTULLIANO in hoc libro talium commemorandarum opportunitas. Quare illud est videndum, vtrumne ibi aliqua reperiatur temporis significatio. Et ea est, quidem subobscura in duobus locis: Prima c. 7. in quo (p. 212. D.) *Britannorum inaccessu Romanis loca* commemorat, et paulo post eos *Oceani sui ambitu conclusos.* Quae res quidem BARONIUM *), ALLIXIUM aliosque deduxit in eam opinionem, ut crederent post victorias SEVERI a Britannis reportatas scriptum hunc librum esse, et ita anno fere CCVIII; quod ego non dixerim; nam quomodo tum tandem loca

*) Annal. Ecclesiast. ad a. 212.

loca Britannorum dici inaccessa potuissent, quorum sibi auditum Romani fecerant; et qui potuisset TERTULL. dicere: *trans istas gentes Romanos porrigere regni sui vires non posse*, cum illud ipsum inter Britannos fecissent. Nimis profecto clare confirmat HERODIANVS *), SEVERVM non modo GETAM in iis Britannorum regionibus reliquisse, quae imperio Romanorum subiectae erant, sed SEVERVM quoque, pergit, latius se profudisse. Neque vero murus a SEVERO in Britannia exstructus, qui BARONIVM ceterosque decepit, is est, quo TERTULL. significat conclusos finibus suis Britannos fuisse, neque enim muro sed *intra Oceani ambitum conclusos Britannos* planissime dicit. Sed ista demum, quae de Britannis ceteri scriptores tradiderunt, sunt in expeditione SEVERI aduersus eos facta, quam constat fuisse anno CCVIII. susceptam. Prior igitur hic TERTULL. liber existit, et multo prior quidem, si quid video, recteque TERTULL. altero in loco disputauit, qui est c. 13. Neque enim tempore scripti huius libri cuiquam Iudaeorum permissus erat aditus ad Berthehemum aut agrum circumiacentem, aut Hierosolyma. Enimvero constat, SEVERVM multa rogasse Iudaeis amicas leges, quas in compendio recitauit IACOBVS BASNAGIVS **) ac ista

*) Histor. lib. III. c. 14. p. m. 170.

**) Histoire des Juifs Tom. VIII. p. 49. sq.

ista iura SPARTIANVS *) ait fundata ipsis esse, tum, cum SEVERVS, capta Ctesiphonte, in Aegyptum proficisceretur, h. e. A. fere CCII. Itaque non est credibile, cum multa ipsis iura concesserit, amplius quemquam prohibuisse ab aditu vel Hierosolymorum vel cuiusquam alius in Palaestina loci, nec dici potest exilium Iudaeorum vel TERTVLLIANI *aduersus Iudaeos* librum demum post illum annum existitisse, sed antea magis. In qua sententia confirmari videor loco aliquo TERTVLL. ex *Apologetico* (c. 21. p. 10. D.) ubi praeter alia Iudaeis narrat, ne aduenarum quidem iure concedi, ut terram patriam saltem vestigio salutarent. Quod etiamsi falsum sit de vniuerso Palaestinae tractu, e quo non videntur Iudaei ne per HADRIANVM quidem eiectioni, quod multis locis scriptorum veterum in primis docuit IO. MASSONVS **); tamen TERTVLL. ita oportuit existimasse in *Apologetico*, unde ceteris, quae diximus, assumtis, eiusdem fere aetatis esse librum *aduersus Iudaeos* colligi quodam modo potest. Sed cum neque annus huius libri accurate possit definiri neque perspicuum sit: senseritne iam tum TERTVLL. cum Montanistis? placuit etiam hunc librum iis adiungere, quorum nec aetas nec doctrina appareat; et collectis omnibus iis, quae

*) in vita SEVERI. c. 16.

**) in Collectaneis historicis ad opera Aristidis edit. a SAM. IEBBIO §. VI. n. 8.

quae hactenus proposita sunt, ita fere ordinem librorum TERTVLL. constituere:

<i>Ante sust. Montanism.</i>	<i>In Montanismo.</i>	<i>Scorpiacen.</i>
de oratione	de corona.	aduersus Valentin.
ad martyres	de virgin. veland.	adu. Marcion lib. I.
de spectaculis	de cultu feminar.	de praescr. haeretic.
de idololatria	de fuga in perfec.	I. II - IV. adu. Marc.
Apologeticum	de exhort. castit.	de carne Christi
libr. 2. ad nationes	de monogamia	de resurrectione
de testim. animae	de jeuniis	liber. V. adu. Marc.
de baptismo	de pudicitia	de pallio
libr. 2. ad uxorem	aduers. Praxeam	(de patientia)
(aduersus Iudaeos)	adu. Hermog.	ad Scapulam
	de anima	(de poenitentia).

§. XLVI.

Atque hic possemus finem facere disputationis nostrae, neque enim cetera TERTVLLIANI scripta, quae vel perperam sunt ipsi adscripta, vel non existant, excutere nobis est propositum. Sed in animum venit quaedam de actis illis SS. PERPETVAE FELICITATIS dicere, quae, sunt, qui etiam TERTVLLIANO tribuerint. In quibus vnum illum GVIL. WHISTONVM impugnare placet, qui omnem operam dedit, ut haec acta TERTVLLIANO asfereret *). Atque is SS. illas martyres non quidem arbitratur e disciplina Montanistarum fuisse, quod quibusdam placuit, veluti SAMVELI BASNAGIO **), sed haec qui collegit, eum plane putat non Montanistam modo, sed et TERTVLLIANVM fuisse.

*) in the sacred history of the Jewish and Christian Church. Part. II. Vol. 6. p. 477. 78.

**) in Annalib. Polit. Eccles. Tom. II. p. 224. sq.

fuisse. Qua de re nobis sedet contraria sententia. Nam primum multa sunt in ipsis, quos PERPETVA reliquit, commentariis, quae haud dubie eam ostendunt e Montanistarum familia fuisse. Idque iam occupavit BASNAGIVS, sed nactus est, qui contra diceret, IOSEPHVM AVGVSTINVM ORSIVM qui, quamvis eum, qui acta ista collegit Montanistam existimet, tamen strenue, in defendenda recta harum martyrum fide laborat *); cuius argumenta memini mihi olim legenti istam rem non persuadere, sed plurima continere ab hac disputatione prorsus aliena. Sed nunc quidem non est ad manus; itaque vnum WHISTONVM persequamur. Ille: ne litteram quidem, quae Montanismum sapiat, ait, esse in his PERPETVAE et SATVRI commentariis, e quibus paene ista acta composita sunt; quod quam a veritate abhorreat, postea docebimus; deinde hoc vnum sufficere ad omnem litem componendam putat, quod TERTVLL. primus fuerit, qui errores Montanistarum in Africam tempore fere eo, quo supplicia ab his martyribus sumta sunt, induceret, quare cum vix in Africam haec scita fuissent delata, eo tempore non posse dici homines litterarum rudes longe remotos a Carthagine,

*) in dis. apologet. pro SS. PERPETVAE, FELICITATIS et sociorum martyrum orthodoxia, adversus SAM. BASNAGIVM. Florent. 1728, 4to.

ne, quales isti fuerunt, iam istam disciplinam suscepisse. In quo sermone non vnus error reperitur. Primum hoc sumit sibi haud dubie, quod isti martyres mortem subierint Tuburbii, cuius vrbis scio mentionem iniectam esse in spuriiis horum actorum exemplis, et est quoque eius nomen a WHISTONO expressum; sed et per meliora ἀπό-γραφα et argumentis VALESII AC RVINARTI *) satis explosum. Quare si eos, vt illi viri docuerunt, Carthagine interemtos credamus, facile accipere hi notitiam errorum Montanistarum potuissent, cum TERTULLIANVM Carthagine vixisse omnes norint. Vnde vero WHISTONVS docebit TERTVLL. primum fuisse, qui in Africa hos errores et tempore fere suppliciorum ab his martyribus sumtorum sparserit? Et si haec etiam dederim; quid obsecro incredibile est, errores a TERTVLL. in Africa dissemnatos, quos ante annum CCV. iam scriptis defenderat (huic enim anno mortem SS. martyrum WHISTONVS adiunxit), perceptos ab his martyribus fuisse, in primis cum plurimi ad societatem MONTANI accedentes, expertes litterarum fuerint et ita horum martyrum similes. Ac multo magis abhorret id, quod nihil sit somniorum MONTANI commentariis ipsius PERPETVAE et SATVRI adpersum. Nam *primum* magna est suspicio humani sensus in ipsis speciebus his hominibus obiectis.

*) in not. ad acta martyr. p. 90. 91. Ed. Amstel.

his. Etenim PERPETVA non modo statim cum baptismo se profitetur dotem futurorum prænunciandorum accepisse *); sed ita etiam fidenter de ea dote loquitur, vt pro arbitrio futura præsagire et vel ab ipsis inferni suppliciis mortuos liberare posset **). Quam postremam arrogantiam non excusiam nunc quidem, sed vehementer tamen dubito, an temporibus iis, in quae aetas PER-

*) Acta Perpet. et Felicit. in RVINARTI Actis martyrum sinceris. Ed. Amst. p. 93. §. III. *In ipso spatio paucorum dierum baptizati sumus, mihi autem Spiritus dictavit: nihil aliud petendum in aqua, nisi sufferentiam carnis.*

**) ibid. p. 94. §. IV: *Dixit mihi frater meus: Domina soror, iam in magna dignitate es, et tanta, ut postules visionem, et ostendatur tibi, an passio sit, an comneatus? (i. e. an futurum sit, ut mortis periculum effugias? V. HOLSTENII not. ad h. l. ibid. p. 106. qui bene obseruat locum TERTULLIANI, in quo sorores a Domino commemorat dignationem i. e. gratiam singularem,) quotiescunque desiderent, consequi.) Pergit illa: Et ego, quae me sciebam fabulari cum Domino, cuius beneficia tantæ experta eram, fidenter repromisi ei dicens: Crustina die tibi renuntiabo. — — Deinde (p. 96. §. VII.) profecta est ipsi vox et nominavit Dinocratem, fratrem iam mortuum, et cognouit se statim dignam esse et pro eo petere debere. — — Continuo ipsa nocte ostensum est ei in oramate: periclitari mortuum Dinocratem. Sed (§. VIII.) crebras post preces intellexis translatum esse de poena. Tantam vim ne preces quidem Apostolorum aut cuiusuis magni legati Dei vmquam legimus habuisse!*

PERPETVAE incidit, h. e. saeculo P. C. N. secundo labenti, illa miraculorum facultas et quasi immanens virtus, quae Apostolis Ecclesiaeque Apostolicae data erat, recte tribui debeat? Cuius sententiae, ut brevitati locus detur, duas proponam rationes. Una haec est, quod doceri nullo modo possit, quemquam, si ab Apostolis discesseris, vel accepisse talem facultatem, nisi manibus eorum sibi impositis, vel illam communicare iterum cum aliis potuisse; contra, qui in contraria partem disputari possint, plures sunt et satis illustres loci. PETRUM et IOANNEM Apostolos, ut hoc utar, quare tandem a ceteris missos esse Samaritanos (Act. VIII, 14. sq.), quare manibus impositis virtutem efficiendorum miraculorum distribuisse novis Christianis dicas, cum ipse iam PHILIPPVS Euangelista multis miraculis Samariae celebritatem esset consecutus; quare Christiani Ephesini (Act. XVIII, 2. sq.), ad quos primus nunc PAVLLVS Apostolus accesserat, neque accepisse se spiritum S., neque etiam scire, quid hoc rei esset, potuissent dicere, nisi ita, quemadmodum dicebamus, fuisset? Quod si ita est, neminem affirmare audeo sub finem Saec. II. fuisse Christianorum, qui huiusmodi facultate splenderet: neque enim tum, qui ab Apostolis eam potuissent accipere, in viuis versabantur. Altera ratio in loco Eph. III., 7. sq. continetur. Etenim cum

PAVLLVS multa superius disputasset, quibus iis etiam, qui adhuc fuerant cultum deorem secuti, eandem cum Iudaeis partem vindicaret gratiamque diuinam, vt dissentientes inter Christianos Iudaeos ac gentiles in concordiam redigeret; postea, animaduertens, facultates ad miracula multum ad alendam vtrorumque discordiam facere: et quod ipsae hae pro arbitrio Christi sapientissime singulis sint distributae, et quem finem habeant, et quod non existiturae sint nisi ad certum tempus, perspicue confirmat. Quo in loco quin intelligendae sint non communes omnibus Christianis eaeque spirituales facultates, sed quorundam Christianorum ad propria miracula producenda idoneae, nemo, opinor, dubitabit, qui vel haec cum iis contulerit, quae sunt ab Apostolo Rom. XII. 3-8. et ad 1. Cor. XII. seq. disputata. Atque illas addit PAVLLVS (V. 13.) datas esse μέχρι καταντήσωμεν οἱ πάντες εἰς τὴν ἐνότητα τῆς πίστεως, καὶ τῆς ἐπιγνώσεως τοῦ ὕψους τοῦ Θεοῦ, εἰς ἄνδρα τέλειον, εἰς μέτρον ἡλικίας τοῦ πληρώματος τοῦ Χριστοῦ κ. τ. λ.; vnde efficitur, eo tempore extinctas has facultates fuisse, quo cum ii, qui e Iudaeis, tum qui e gentilibus Christiani facti erant, (οἱ πάντες) *) in iisdem rebus credendis agnos-

cen-

*) Illud οἱ πάντες non omnes in vniuersum Christianos significare, sed referri debere ad utrosque, Iudaeos et Gentiles inter Christianos,

cendoque vno illo filio Dei consensissent, et vniuersa ex vtrisque collecta societas Christianorum (quae hic, ducta a tabernaculo Mosaico, repleto illo diuino splendore, similitudine, πληρωμα τῷ Χριστῷ coll. c. I., 22. 23. dicitur) ad virilem quasi aetatem perducta, non se iactandam amplius fraudibus doctorum Ἰσραηλιζόντων permitteret. Sed istud tempus non ita multo post Apostolorum omnium obitum, aut sub mediam fere Saec. II. partem extitisse suspicor. Etenim vt HADRIANVS Iudaeis Hierosolyma cultumque
ibi

nos, non modo res ipsa docet, cum veras adhucdum inter nos facultates ad miracula exstare nemo, qui sapit, dicat, sed multa etiam alia planissime confirmant. Nam in vniuersa hac epistola Apostolus erroribus eorum inter Christianos se opposuerat haud dubie, qui non nisi legis Mosaicae cultoribus gratiam Dei asseruerant, eamque ob causam litem mouerant aduersus eos, qui e gentilibus ad Christum accesserant: quare vtrisque PAVLLVS vtilitatem e Christi societate capiendam vindicat. Vid. e. c. cap. II. 14. sq. Deinde PAVLLVS nomine ὑπνίων, quod hic est vers. 14, in primis notat eos, qui legis Mosaicae aequo tenaciores, nullam nisi eandem necessitatem eius obseruandae agnoscentibus esse salutem, opinabantur, Cf. Gal. IV. 3. sq. Denique locus nostri plane similis Coloss. II., 2. 23. de nimio doctorum Ἰσραηλιζόντων etiam aduersus ipsum Christi summum imperium, studio ipsam etiam hanc rem satis ponit supra dubitationem, vt pluribus haec docere, non necesse videatur.

ibi publice celebrandum interdixerat, Christianos, quorum animi adhuc ad Iudaeorum religionem fuerant inclinati, paucis exceptis, SVLPITIUS SEVERVS *), et hunc errorem abieciſſe, refert, et MARCVM e gentilibus Episcopum Hieroſolymitanum creaffe, quorum haud dubie exemplum ceteri eiusdem generis imitati fuere, neque enim poſt haec disruptam Chriſtianorum ſocietatem priſtinis de obſervanda lege Moſaica diſſidiis vniquam deprehendimus. Nam etſi quis obuerterit Cerinthianorum, Ebionitarum, Nazaraeorum et Elceſaitarum familias, tamen, qui his, tranſacta priori Saec. II. parte, ſe adiungerent, pauciſſimi fuere, neque exiſtere vilo tempore tanta Chriſtianorum concordia poteſt, vt nulli ſint prorſus, qui diſenſum a ceteris profiteantur.

§. XLVII.

Eſt porro, quae magnam moueat ſuſpicionem Montaniſmi PERPETVAE viſio ea, e qua ſe illa fatetur inſtanti ſibi violentam mortem intellexiſſe (Sect. IV.) Nempe illi in viſione offertur a quodam Paſtore buccella caſei, edit illa, et qui adſtant vniuerſi. *Amen* dicunt. Quid hoc eſt? Nempe ſignificatio necis violentae. Quomodo hoc ſequitur: caſei particula? et *Amen*? et violentum mortis genus? Mihi, ſi quid video, non videntur ea coniuncta aliquo modo, niſi

*) in Hiſtor. Sacra lib. II. c. 31.

nisi hanc e Montanistarum familia virginem fuisse dicam, quippe quos, aliquos certe, EPIPHANIVS (haer. XLIX. §. 2.) alique dicunt in sacra coena, (in agapis forte volebant dicere homines non nimis accurati) caseum adhibuisse. Iam vero vsu venerat inter Christianos vt qui adessent ex multitudine *Amen* adderent in sacro epulo, id quod constat e IUSTINO MARTYRE *), et distribui solebat etiam illud in carcere iis, qui morti erant destinati. Omnia igitur perspicua sunt, si ista virgo e MONTANI disciplina fuisse putatur; si negatur, explicari nullo modo, vt mihi videtur, possunt **).

§. XLVIII.

*) in Apolog. mai. c. 85. et 87. Ed. Grabii p. 125. 131. 132.

**) Sunt quae ex hac PERSPECTIVAE fabula occurrunt non sine magna ratione aduersus ea, quae dixi, disputanda, et adhibita etiam multo cum ingenio a laudatissimo historiae Montanistarum scriptore, THEOPH. WERNSDORFIO §. XVIII., quibus breuiter placet et modeste respondere. Atque mihi non contemnenda omnino videntur, quae vesterum nonnulli de adhibito a Montanistis in sacris epulis caseo tradunt; vnde nomen *Artotyriturum* traxerunt. Nam etiam si illud inepte de modo sacrae coenae apud eos dicatur, longeque illud praeclarius etiam a viro docto ad agapas Montanistarum et oblationes referatur; nostra tamen causa nihil postulat magis, nisi vt vsus casei his eorum agapis vindicetur. Quod fieri facile potest non modo propterea, quod nulla alia reddi ratio potest originis tam ridiculae cul-
pae

§. XLVIII.

Sed ad alterum veniamus, quod est in eo positum: fuerintne is, qui haec acta collegit, vel scriptor e Montanistarum secta, vel idem ipse TERTVLLIANVS; quod utrumque WHISTONO placet, recte quidem, si de illo quaeritur; si de ipso TERTVLLIANO, longe secus. Illud igitur superius plane WHISTONO

pae atque cognominis, sed quod etiam constat, Montanistas Xerophagiarum studiosissimos fuisse, vnde nec lauta fuisse eorum sacra conuiuia facile intelligitur; eoque cibo tenui, qualis caseus erat, PERPETVAM quoque ceterosque martyres in carcere etiam, cum veluti agapas haberent, vfos fuisse, non magis dubitabit, qui, quam miserabilis fors eorum in vinculis fuerit, ex actis illis didicerit. Sed quod illam rem adhibuerimus ad efficiendum horum martyrum, in primis PERPETVAE, Montanismum, conuelli videtur iis, quae vir doctiss. I. C. attulit: primum AVGVSTINI ac TERTVLLIANI auctoritate, quorum alter illam PERPETVAE visionem laudauit, alter non commemorauit in lib. *de anima*. Quorum neutrum, opinor, admirationem habet. TERTVLLIANVS enim, dubitari potest, num hanc ipsam, de qua quaeritur, visionem significaverit; cum a PERPETVA non nisi martyres in paradiso vfos fuisse dicat, cuius rei quis forte mentionem in nostra visione desiderabit; neque is ad causam suam, quae vnice in asserenda solis martyribus ante vltimum iudicii diem perfecta felicitate versatur, apte congruenterque a PERPETVA sumtum caseum commemoraturus fuisset. AV-

STONO assentior propterea, quod et ille scriptor, (in praefatione) *prophetias*, ait, *se et visiones novas agnoscere et honorare*, — — unde se et fateatur, *nova haec documenta martyrum et revelationum adiecisse*, seque (sect. 26.) *quoniam permiserit, et permittendo voluerit spiritus S. ordinem istius muneris*, (h. e. pugnam martyrum cum bestiis in theatro) *conscribi*, haec composuisse jactitat; quod haud scio an non alium quam Montanisticum scriptorem prodat, hanc prae-

GVSTINVM vero, qui in laudibus PERPETVAE totus est, alioque modo traditam illi casei bucellam interpretatur, eum vero quis hanc rem tamen laudasse mirabitur? Sed alterum gravius est; AVGVSTINVS illam casei bucellam signum putat fuisse *dulcedinis felicitatis PERPETVAE*, istamque interpretationem persuasit Viro Cl. qui omnem illam significationem mortis violentae quaerere videtur in scala illa spinis, gladiis, aliisque munita, per quam ascendendum PERPETVAE erat; caseus vero cur adhibitus sit ad sempiternam felicitatem adumbrandam, rationem dicit in lege persequendae metaphorae, ductae ab imagine Pastoris, fuisse. At ego, si nulla alia, nisi haec, fuisset sumtionis casei significatio, quaererem quid eslet, quod PERPETVAE caseus a Pastore mulgente fuisset oblatus, non aliquid potius lactis, quod eslet ad felicitatem caelestis Canaanis, melle quasi et lacte fluentis, adumbrandam multo accommodatius? Deinde dicat mihi quis, quare PERPETVA hoc commemoret obiectum menti suae,

praecipue ob causam, quod Orthothoxi non solebant magni aestimare Montanistarum martyres; et ita multo minus, ut supplicia ipsorum atque constantiam, etiam cum visionibus, quas contemnebant profecto, in litteras referrent. At, quod est caput huius disputationis, TERTULLIANVM eum ipsum scriptorem fuisse, non dabo WHISTONI argumentis, quae sunt ab eo latius proposita hoc modo: *Primum* haec acta sunt, ut praefatio docet, non ita multo post ipsum hoc factum composita; *deinde*, exarata latine; *tum*, ab homine Africano, cuius rei est non leue in horrido Afrorum dicendi genere

suae, quod istam *casei bucellam acceperit iunctis manibus* (ex more in coena sacra apud veteres Christianos recepto) et *uniuersi circumstantes: Amen! dixerint*, cuius quod rationem dare possit quisquam dubito, nisi quis causae nostrae faueat. Denique si ista casei sumtio aliquid in regno caelesti PERPETVAE euenturum significat, et coenam forte adumbrat agni, descriptam in Apocalypsi IOANNIS, ex qua fere omnes sunt istae visiones in Actis laudatis desumptae, Montanistam si dixeris PERPETVAM, multo faciliorem habet cogitationem, quam ob rem ad hoc significandum casei buccella tradita illi fuerit, cum caseo, uti diximus, Montanistae in Agapis vterentur; at si illum caseum non aliquid caeleste dicis respicere, sed coniunctum quidvis aliud cum morte violenta PERPETVAE, explicari istud visum e coena libera potest, quam acta illa (sect. XVII.) referunt martyres, pridie quam supplicia sustinerent, tamquam agapen sumsisse.

nere hic adhibito documentum; *itemque* multa adiunt verba familiaria illa quidem TERTULLIANO (quod pluribus exemplis probant Holstenianae ad haec acta notae); *postremo*, scriptor fuit haud dubie e schola MONTANI, quam primus hoc fere, quo isti martyres interemti sunt, tempore TERTULLIANVS in Africa propagnauit; necesse est igitur TERTULLIANI etiam haec acta esse. Quae omnia nihil, si quid video, docent, nisi TERTULLIANVM esse posse eum, cui collecti hi commentarii debeantur; at eum istos etiam condidisse, illud WHISTONVS non est istis argumentis assecutus. Et sunt profecto in his, quae cum ficta sint ad libidinem, vel plus efficiant, quam velit, nihil efficiant. Nam et illud compecticum est, vti diximus, TERTULLIANVM primum Montanismi in Africa disseminari fuisse auctorem; et verba TERTULLIANI cum his actis communia, non sunt ex eius quidem proprio dicendi genere, sed ex Africano. Etenim si plura verba, quae sunt in TERTULLIANI consuetudine loquendi, ostenderent, ipsum TERTULLIANVM tale scriptum composuisse, certe necesse esset, vt etiam ipsius PERPETVAE SATVRIVQE commentarios diceremus non ab ipsis sed a TERTULLIANO fuisse compositos; multa enim sunt, vt Holstenianae observationes docent, vocabula in illis ipsis commentariis, quae in TERTULLIANI etiam scriptis reperiatis. Atque occurri etiam suspicio-

nibus Whistonianis potest argumentis contrariis. Nam in libro *de anima* (c. 55.) TERTVLLIANVS quamdam PERPETVAE visionem in his actis narratam commemorat assertque ad comprobendam aliquam doctrinam, sed ne verbum est quidem ibi, quo se scriptorem horum actorum significaret. quod haud dubito, quin, vti solet, facturus fuisset, si ipse scriptor huius historiae existisset. Deinde nihil, vt mihi videtur, quemquam oportet scripta TERTVLLIANI modumque dicendi cognouisse, qui dicere ausit, genus dicendi illud, quod est in fine horum commentariorum, simile esse eius, quod aliis in scriptis TERTVLLIANIprehenditur. Itaque eximenda sunt ista acta e libris TERTVLLIANI, nec necesse est igitur, de ipsa eorum aetate disputare.

§. L.

Arque, dum nos finem scribendi facimus, non dubitamus fore, quibus omnis haec opera, disputandis his rebus impensa, levis maleque collocata videatur. Sunt enim, qui vel contemnendam putent omnem disputationem, quae versatur in rebus parum certis et exsanguibus quodam modo, vel eas res, quarum vsus se non prima quasi fronte offert, sed perreconditus est, omni utilitate destitutas pronuncient. Quibus occurrere possemus magnorum virorum exemplis, quibus, in hoc genere disputationum
versa-

versari, turpe non fuit visum, et praeclaris Vener. ERNESTII verbis, qui profecto, si quis alius, scit, quantum sit pretium cuius disciplinae statuendum, atque (in *prolus de usu chalcographiae* p. 3.) de singulis artibus ita indicandum censet, *ut earum dignitatem et praestantiam, non tam utilitatis magnitudine et necessitate, quam inveniendi exercendique difficultate metiamur, neque quantum quaeque profit, sed, quanti quaeque sit, ponderemus; nisi vero, quia magis et necessarium est et vile, panes pinsi, quam taculas pingi, propterea pistorum opificium arti pictoriae praeferendum putemus* Atque ego in enucleandis rebus subobscuris multo rectius industriam ponendam esse arbitror quam in peruagatis aliis, quamvis eae quidem magis videantur ad usum communem accommodatae; cum in his parum vel nihil sit, quod effugerit multorum diligentiam, in illis semper sit, quod disputari amplius possit. In rebus vero iis, quae non certae sunt, sed probabiliter constituendae, longe maior est ad impetrandam intelligendi scribendique facultatem usus quam in certis et quasi necessariis; propterea, quod illae multas habent veluti formas, et cogitari ac disputari in utramque partem possunt, quod magnam habere vim ad impetrandam ipsam intelligendi subtilitatem, dudum est rectissimeque a veteribus traditum. Sed quid ego vniuersa conquiram, cum et

operam dederim, ut ipsi causae, quantum fieri poterat, aliena nec tamen a proposita nimis seiuncta interponerem, quibus aliquantum satietati similium rerum mederer, et ut liceat exemplis, quibus declaratur, ea quae dedimus, quamquam leuiores forte, tamen esse necessaria, si quis maioris momenti locos velit ex historia sacra excutere. In quibus ponendis non is ego sum, qui velim viros doctos reprehendere, sed pauca, quae non multum quaerenti occurrunt, afferam, ut usus tamen huius disputationis quodam modo intelligatur. Disputant, ut ab hoc ordiar, viri docti, quid causae fuerit, ut se Montanistis TERTULLIANVS adiungeret, in quibus multi audiendum HIERONYMVM putant, qui odio doctorum Ecclesiae Romanae ait incensum eum vale dixisse communi Ecclesiae; quod, ut alia praeteream, vix est credibile propterea, quod magnis laudibus Romanam Ecclesiam in libro de *praescriptis*, Montanistico illo, ut diximus, persequitur (c. 36.); nec in eo *aduersus Praxeam* (c. 1.), ubi vehementer eum, adulterantem illam Ecclesiam erroribus, insectatur, quidquam contumeliarum in ipsam hanc Ecclesiam eiusue Episcopum proiicit. In historia deinde Montanistarum quot evitari peccata, quot argumenta emendari potuissent, si qui ante defectionem TERTULL., quique postea, libri scripti fuerint, accuratius fuisset constitutum? Sunt, ut hoc
vitar,

vtar, qui in flagitiis Montani ridiculum et muliebre oculos, capillos aliaque ornandi studium posuere, ducti rebus iis, quas APOLLONIVS (apud EVSEB. H. E. V. 18.) memoriae prodidit; cuius verba, si quid video, hanc rem nullo modo confirmant, estque ab omnibus in eo peccatum, quod *prophetam* ibi commemoratum MONTANVM esse crediderint, cum APOLLONII verba de vitiis vniuerse intelligenda sint, quae a vatibus, quorum multos Montanistae iactabant, abesse deberent. Sed potest illa calumnia etiam retundi seuerioribus illis TERTULLIANI in libris *de virg. vel. cultuque femin.* dictis aduersus nimium muliebris elegantiae studium. Porro EPIPHANIVS (haer. XLVIII. Sect. 14. Montanistas dicit inter orandum manum ori admovisse, vnde *Tasodrugorum* nomen meruissent; quam culpam WERNSDORFFIVS V. Cl. (l. c. §. 21.) confutare vult loco quodam TERTVLL. e libro *de orat.* c. 13. vbi non esse modestiae, ait, manus inter preces sublimius efferre: qui locus e libro, a TERTVLL. recte adhuc sentiente conscripto, nullam vim ad depellendam culpam habet, vt non dicam EPIPHANIVM hoc non nisi de quibusdam Montanistis referre. Praeterea disputationes TILLEMONTII aliorumque de calamitatibus Christianorum sub SEVERO, quam confusae sunt eae, omnesque earum loci quam perturbate ac praepostero ordine positi, hanc vniam ob causam; quod qui flagrante


grante priore, imperante SEVERO, vexatione, cum eadem cum Orthodoxis sentiret TERTULLIANVS, quique sub posteriore, cum ab iis se seiuuisset, scripti sint, libros non recte distinxerit. Denique nihil est disputatione nostra efficacius ad conuellenda WHISTONI somnia, quae in libro superius citato (*the true origin of the Sabellian and Athanasian doctrines of the Trinity* (Lond. 1720. 8vo.) proposuit, in quo Sabellianorum et, ut eos vocat, Athanasianorum de sanctissima Triade scita inuenta per SIMONEM. *Magum* ac per Montanistas resuscitata fingit, atque propterea TERTULLIANI ea in re sententiam triplicem fuisse conatur docere e triplici librorum genere, qui essent ab eo exarati, cum vel recte sensisset, vel inclinasset ad MONTANI errores, vel imbutus iis omnino fuisset. Vbi in quouis librorum genere tales libros refert, qui plane alii librorum generi a nobis asseriti fuere, quo ipso omnis Whistoniana disputatio ad nihilum redigitur. Sed est tandem aliquando desinendum, ne nimii in his rebus videamur: et committendus noster libellus doctorum hominum iudicio, quod tanto magis aequum rogamus nobis, quo magis vel ipsa rerum disputatarum natura, vel, quibus oppressi in iis proponendis fuimus, labores alii effecerunt, ut non potuerimus accuratiora tradere.

II.

**Differtatio saecularis, admiranda
singularis providentiae divinae
vestigia in vindicanda
per pacem Passaviensem A. 1552.
et Augustanam A. 1555.
Sacrorum Evangelicorum libertate
exponens:**

**Praefide
Dr. Sigm. Jac. Baumgarten
et auctore
Io. Aug. Noeffelt.**

**Halae,
1755. Die 25. Sept.**



P R A E F A T I O.

Cogitanti mihi saepenumero, quid sit, quod ea Dei beneficia, quae et tribuuntur plurimis, et rebus maximis occupantur, non magna plerumque existimatione suspiciantur ab hominibus, cum multae huius rei occurrebant rationes, tum ea videbatur maxima, quod, quantus eorum valor sit, et inde redundans emolumentum, parum aut nihil homines meditari soleant. Comuni hac in re omnium iudicio, non ex scripta aliqua sed nata lege, conuenit, tanto maiori applausu excipienda esse Dei beneficia, quanto cum felicitate nostra propius coniuncta sunt, atque quo plurimum inferuiunt vtilitati; multaque maiori veneratione prosequenda esse, quam populari inter homines consuetudine receptum est. Maximum igitur iis, quae non aliquos modo mortalium, sed omnes, non terrena bona, sed summum Dei donum, Religionem, spectant, beneficiis statuendum esse pretium, qui inficiaretur, nisi omnem cum ratione sapientiam eiurauerit, fore arbitror neminem. Liberari ab erroribus eaque in
cogi-

cogitando seruitudine, quibus plurima pars mortalium. fati, nescio cuius, inclementia, premitur; mente vti serena, Deique verbum tanquam ducem sequi et vitae beatæ magistrum; fidem suam coram omnibus animo intrepido profiteri, omnibusque violentiae legibus solum puras propagare posse doctrinas, hæc demum beneficia sunt, quæ, obliuioni tradita, imbecillum ingenium produnt, animumque omni prorsus pietate destitutum. Quod quo turpius sit, planeque non dicam a Christiano, sed ab homine quouis sapiente remotum esse debeat, eo magis id nobis datum esse negotii existimandum est, vt, quæ in largiendis his bonis se ostendit, eximiam Dei bonitatem mirabilemque sapientiam pia mente recolentes, identidem renouemus diuinorum beneficiorum monumenta. Bene igitur et sapienter decreuerunt maiores, vt, si qua singularis beneficii, diuinæ ciuitati concessi, memoria recurreret, eo quidem tempore singulari etiam pietate, signisque grati animi eminentioribus celebraretur. Egregia hæc sunt, candidæque pietati conuenientissima, sed sit plerumque, hominum, incertum, ignorantia, an fastidio aliquo et leuitate, vt vel de restauranda horum beneficiorum memoria, vel de iis, quæ promouendæ huic religioni inseruire possunt, parum solliciti reperiantur. Cui malo, si quis, laudabili excitatus industria, medic-

nam

nam afferre voluerit, neque tamen de singularibus diuinæ prouidentiae circa eiusmodi beneficia vestigiis, e tenebris quasi, quibus inuoluuntur, protrahendis, iisque, quae vel abdita in illis sunt, vel oblitterata propemodum, illuminandis cogitauerit, sine spe finis obtinendi moratur in scopulo.

Inter ea, quae Deus Christianorum coetui concessit, eminet sine dubio emendatae per LVTHERVUM Religionis beneficium. Quanta enim felicitas existimanda est, quod, discussa diuturna illa barbariei caligine, et dissipatis errorum opinionumque praeiudicatarum nebulis, sol Euangelii splendide emerferit, expulsisque nocturnis silentiis, incundissimos luminis sui radios vsquequaque disseminauerit. Excitarat diuina prouidentia LVTHERVUM, ut veram religionem, deteriso pristino squalore, quo variis variorum commentis foedata erat, dignitati suae decorique restitueret. Sed tanta erat vis inuidiae turpissimorumque inter homines errorum, qui solis orientis cursum retardabant, ut, quidquid apud ipsos lucis internitebat, effusa caligine extinguere nocteque titubare mallent, quam amabili solis calore recreari. Ipse vero Deus, tenebris procul facessere iussis, soli laboranti succurrens, pace religionis constituta, diem quasi nobis restituit. Huius diuini operis cum singulae partes summa admiratione dignae sint, ita, quantum dies crepusculum, sic
ista

ista pax, quae toti operi colophonem imposuit, ipsam Ecclesiae emendationem mirum quantum superasse videtur.

Redeunt iam isti dies felicissimo fidere, in quibus ante hos ducentos annos, pacem religioni nostrae datam, inaeestimabile illud caeli depositum, primum parentes nostri deosculati sunt. Nostrum igitur est, non summis modo diuinum hoc beneficium celebrare laudibus, sed omnia etiam media, ad excitandos aliquantisper fidei nostrae socios, quasi et latibulis suis exturbare: imprimis cum in ea tempora nostra aetas incidisse videatur, in quibus nostram, ereptam pernicipi faucibus, Ecclesiam iniquus laceßere, dissipare disidiis, vasserrimisque artificiis in eam detrudere colluuiem conentur officiosi Pontificis satellites, ex qua vix diuina gratia auxiliante emerfit.

Ego vero quem indulgentissimus Deus natum educatumque ea in Ecclesia voluit, quae LVTHERI ministerio eandem cum Ecclesia, ab ipso Iesu Christo fundata, formam recepit, non inaniter collocaturum esse operam putavi, si laborum meorum, quos Ecclesiae sacros esse cupio, primitias erigendo huius pacis monumento consecrarem, atque singularis, quae in ipsa enituit, diuinæ prouidentiae vestigia, rudiori licet penicillo, delinearem. Frustra, fateor, quaerent, qui sublimem sapientiam sectantur, aut quibus sordent omnia, quae abstru-

strusioribus quaestionibus rebusque ex intimis naturae penetralibus petitis non occupantur, aut, qui nihil, quod non vasta profundaue eruditione splendescat, dignum sua contemplatione existimant. Observatores enim sumus, non inventores. Ea autem, quae in probatis historiarum monumentis, tanquam diuinae prouidentiae anhalibus,prehenduntur, diligenter excutere; haec, quam ratione contexta colligataque fuerint, accurate dispicere; ex iis postea, quantum quisque euentus ad producendum alterum, quantum ad efficiendos Dei fines fecerit, iudicare, hoc vero et nostra diligentia dignum est, et sollerti rerum diuinarum speculatori sufficit. Mihi igitur, diuinae prouidentiae in comparanda nobis religionis pacē vestigia indaganti, in maximo lucro ponendum esse videtur, si non tam disertis aut eruditissimis quam grati piique hominis munere defungar. Reliqua vero, quae in hac ipsa disquisitione deesse nonnullis videbuntur, sinceram diuinam gloriam effeendi, eundemque, quem apud me, hunc apud meos etiam beneficiorum diuinorum sensum excitandi studium largiter compensaturum esse confido.

A R G V M E N T V M.

Post bellam Smalcaldicam
Carolus V. nimia in captiuos
principes acerbitate usus est,
§. I.

Formulam Augustanam Pro-
testantibus obtrudere voluit,
§. II.

Ipsosque ad subiiciendum se
concilio Tridentino adigere,
quamuis nulla salus ab hoc
expectanda esset, §. III.

Candestinis vero consiliis et
ipsum Pontificem et Prote-
stantes labefactare studuit.
§. IIII.

Quibus omnibus animos Lu-
theranorum concitauit; ex
quibus Mauricius Septem-
uir, ipsum armis aggressus,
ad transactionem Passaui-
ensem commouet. §. V.

Variae causae, quae Caesa-
rem ad pacem religionis
Euangelicis concedendam
praepararunt, cuius argu-
mentum enarratur. §. VI.

Huius praestantia. Duplex
circa miracula; in emenda-
tione Ecclesiae procuranda,

quorundam aduersariorum
error. §. VII.

Confutatur, et, quid sibi ve-
lint singularis providentiae
diuinæ vestigia, ostenditur.
§. VIII.

Demonstranda ad tria capita
reuocantur, §. VIII.

Vestigia singularis providen-
tiae primo in iis, quae
utramque pacem praecesser-
unt; et quidem 1) Pas-
sauensem. Maximae vires
foederatorum Smalcaldico-
rum a Caesare debiliori
prostratae, et post hoc bel-
lum desperata Euangelico-
rum causa. §. X.

Vnde ineptum videbatur, si
quid contra Caesarem tem-
erare volebant, in specie ex
parte Mauriti, §. XI.

Praefertim, si ipsorum vires
cum eximia Caesaris poten-
tia comparantur. §. XII.

Quod assertum, obiciendo foe-
dus eorum cum exteris qui-
busdam principibus, labe-
factari non potest. §. XIII.

Inte-

Interim Mauritius bellum aduersus Caesarem decernit, ad quod ipse Caesar securitate sua et naeup quodam politico ipsi arma suppeditat. § XIV.

In hoc bello Caesar singulare ius rationis diuinæ expertus est, § XV

Et felix armorum Mauritiū successus atque Caesaris Ferdinandi de pace consilia singularem Dei providentiam ostenderunt. § XVI.

Quae etiam 2) paci religionis Augustanae procurandae prospexit. § XVII.

Et quidem in eo, quod, licet intestinis cum Alberto Culmbacensi dissidiis, focietas

Euangelicorum rumpetur, (quibus tamen abstinentiam suam declararunt) § XVIII.

Atque illi morte Mauritiū percellerentur, § XIX

Omniq̃ue exterorum auxilio destituti essent; § XX.

Tamen nullam cum Reformationis iniuerint societatem, paci autem summa constantia infisterint. § XXI.

At quam Euangelicis procurandam Ferdinandi indoles et conditio aptissima erat, § XXII.

Quamque ipsi Pontifices, maxime Paulus IV, promouerunt. § XXIII

Deinde se haec singularis providentia ostendit in remo-

uendis difficultatibus, quae ex ipsa huius pacis indole nascebantur, § XXIV.

Inprimis ex reservato Ecclesiastico, § XXV.

Atque ex Pauli IV. arrogantis et impotentissima contradictione. § XXVI.

Denique ex egregiis effectibus cognosci potest, quia haec pax salutem reipublicae et Ecclesiae restituit. § XXVII.

Reipublicae; praedictum illud eo tempore ubiuis fere receptum: pacem civilem cum sacrorum diuersitate constare non posse, destruendo, § XXVIII.

Nosque ab imperio Pontificis, summoque magistratui ius circa sacra vindicando. § XXIX.

Ecclesiae; tum doctrinarum eius puritatem conservando, § XXX.

Tam etiam nobis postestatem concedendo, has doctrinas ad alios propagandi. § XXXI.

Vnde coacti sunt ipsi Pontifici, cum arma non valerent amplius, argumentis pugnare, eaque de causa ipsam magis scripturam scrusari. § XXXII.

Dissertationis peroratio. § XXXIII.

§. I.

Ea erat, post traditam Augustae CAROLO V. Imperatori confessionem, illorum facies, qui emendatam religionem, praeunte LV-
THERO, tuebantur, ut neque liberum, quod postulabant, concilium, neque precibus et repetita saepius animi integerrimi declaratione, perfectam, ad solum dei verbum religionem instruendi, veniam umquam se impetraturos esse praeuiderent. Minae potius Caesaris, qui edicto Wormatiensi infestebat, summa Pontificis Romani pertinacia, et quos hinc inde aduersarii moliebantur, belli apparatus, *Protestantes*, ut suae prospicerent securitati, mouebant. Quo factum est, ut foedere Smalcaldiae inito, firmatis ad constantiam animis, plurimi, qui publice causam Dei aduersus Pontificis impietatem defendendam susceperant, arctissimo mutuae defensionis vinculo se coniungerent. Quamuis enim A. MDXXXII. ab Imperatore tum Suinofurti, tum inprimis Noribergae inducias impetrassent, non tamen pacis tempore omne de bello, non mouendo quidem, sed declinando reprimendo.

mendoque consilium abiiciendum esse putarunt. Neque male suspicati sunt. Quum enim, irrito semper conatu, lites de religione ortas Caesar componere allaborasset, tandem, honesta quadam belli, quod meditabatur, reperta causa, in comitiis Ratisbonensibus A MDXLVI celebratis, IOANNEM FRIDERICVM Saxoniae Septemuirum et PHILIPPVM Hassiae principem, in quorum auctoritate tota Lutheranorum vis nitabatur, proscripsit, proscriptorumque alterum, Saxonem, cum prope Muhlbergam ad arma venisset, fusis copiis, cepit, alterum vero PHILIPPVM, cui, fide publice data, veniam belli dederat, dolo delusum in custodiam tradidit. Fractas iam esse omnes *Protestantium* vires Imperator censebat, sed effecit, nescio quo fato, vt illud ipsum, quod omni controuersiae finem imponere videbatur, ipsi maximas grauisimasque turbas concitaret. Contra captiuos enim principes, dici vix potest, quanta acerbitate vsus sit. Namque, insignium domus Saxonicae de se meritorum prorsus immemor, non modo capitis Septemuirum damnabat *), sed neque innocentia ipsius, et mira-

*) Sententia damnatoria legitur apud HORTLED-
FRVM in vasto illo opere, quod inscriptum
est: Der Römischen Kaiser, und Königlischen
Majesteten, auch des heiligen Römischen Reichs
Stände Handlungen und Ausschreiben von
P. III. O Rechts

mirabili ipsis in vinculis constantia, adeo commovebatur, ut dimississet ipsum aut transferret lenius, ut ab ipso potius durissimas pacis condiciones extorqueret, quibus Septemuir, praeter alia multa, omni vindictae et Septemuiratui, umquam cum posteris suis recuperando, renunciabat *). Neque vero hoc solum fecit imperator, sed etiam, inuitis licet et reluctantis multis Germaniae proceribus, per integrum lustrum ubique captivum secum, tamquam in triumpho, duxit. In PHILIPPO autem decipiendo, sicuti fraudulentia usus erat, tantum Imperatorem prorsus dedecente, ita non minori in ipsum seueritate utebatur. Non eo contentus, quod, fide fracta, turpiter deceptum in custodia teneret, grauissimo ipsum etiam carcere mulctabat **); et, neque coniugis infantumque PHILIPPI lacrymis, neque crebrioribus multorum maximorumque Europae principum precibus adducebatur, ut ipsum dimississet e vinculis ***);

quin

Rechtmäßigkeit, Anfang, Fort: und endlichen Ausgang des Deutschen Kriegs 2c. Vol. II. lib. III. cap. 70. pag. 575. 76.

*) Huius transactionis verum atque integrum exemplum itidem HORDLEDERUS, l. c. Cap. 72. p. 582. seqq. exhibet.

**) Vide THYANUM *Historiarum sui temporis* lib. IV. Edit. Paris. 1606. fol. p. III.

***) Lamentabiles legatorum MAVRITII et IOACHIMI querelas, quibus fraudem et acerbitatem Caesaris in PHILIPPUM exposuerunt refert,

quin potius MAVRITIVM PHILIPPI generum, et IOACHIMVM Brandenburgicum, principes optimos, quorum amicitiae, ob egregia de Caesaris salute merita, parcendum fuisset, quique fide sua interposita, PHILIPPO, vt Caesari se subiiceret, persuaserant, vana spe detinuit. Quo ipso effecit, vt illi, quem precibus non poterant, armis liberare constituerent *).

§. II.

Quemadmodum vero quorundam interitu non statim occidunt, qui eadem moliantur; ita parum sibi captiuitate duorum cohortis Lutheranae principum sibi prospexisse Caesar intelligebat, nisi de medio cogitaret, quo eos, qui emendandam esse religionis formam perpetuo clamabant, cum grege Pontificem sequente conciliaret. Ad quod obtinendum in comitiis A. MDXLVIII. Augustae Vindelicorum habitis ambiguan quandam religionis formulam confici curabat, ita conceptam, vt neutri parti displice-

re,

refert SLEIDANVS *Commentariorum de statu religionis et reipublicae*, CAROLO V. Caesare libro XXIII. p. 670. seq. Edit. Erf. 1610, qui eorum quibque nomina recitat, qui pro Philippo intercesserunt pag. 673. 74.

- *) Ipse MAVRITIVS hoc inter causas refert, cur Caesari bellum indixerit, in litteris ad Germaniae Proceres apud SLEIDANVM obuiis libr. XXIV. p. 695. 96.

re, sed aequae ab his, qui Augustanae Confessioni addicti erant, quam ab illis, qui in Pontificis verba iurauerant, admitti et in utramque partem explicari posset. Ad cuius normam quoniam omnis religio et cultus dei publicus, Caesare iubente, dirigendus erat, dum in Concilio lites componerentur, nomen INTERIM sortita est. Hanc cum probassent quidam, qui inconsulte pacem veritati praeferebant, principes *), ceteris, qui recipere illam volebant, minis ipsaque vi Caesar obtrudere incipiebat. Ita, quae pacis restaurandae gratia elaborata erat formula, multas utrinque contentiones peperit. Quamvis enim armis recipiendam hanc formulam quibusdam imperii ciuitatibus persuaderet, neque tamen Pontificis gratiam merabatur. neque, ut ad eam se componeret, plurimi, qui superiorem Germaniae partem incolebant, omnino adduci poterant **). Procreabat quidem haec formula aliam haud absimilis argumenti, quae *Lipsiense* INTERIM appellatur ***), in qua incommodis quibusdam et dubiae inter-

*) *SEBIDANVS* lib. XX. p. 579. 81.

**) *Copiosius* haec enarravit *SALIGIVS* in *Historia Augustanae Confessionis* germanice exarata, qui de violentia, qua Caesar quibusdam ciuitatibus *Interim* obtrulit Vol. I. p. 583. seqq., deque iis, qui formulam non receperunt, p. 605 — 609, et quo animo Pontifex ipsam considerauerit p. 577. seq. exponit.

***) Huius historiam delineatam vide apud *SALIGIVM*, l. c. libro III. cap. V.

interpretationis locutionibus Caesari verba dare studebant Misniae doctores, amore pacis nimio, vel belli potius timore, excitati; sed hoc metu, non ex animi sententia; non in doctrinis grauiissimis, quas ambigua oratione inuoluebant, sed in rebus mediis; non approbante, sed reclamante superiore Lutheranorum parte factum esse, diuturnae illae de *Adiaphoris*, vt vulgo appellantur, concertationes testantur. Hac vero violentia Caesar MAVRITII et IOACHIMI septemviri in primis animos in se concitabat, qui iam demum, quali in *Protestantes* animo esset, intelligebant; suaeque religioni interitum parari, ducto ab acerbitate Caesaris argumento, augurabantur.

§. III.

Concilium, in quo componendas de emendanda Ecclesia lites Imperator promiserat, erat sine dubio illud, quod iam ante susceptum bellum Smalcaldicum Pontifex, Caesari satisfactorius, *Tridenti* coegerat. In hoc spem suam Caesar collocasse videbatur; contra ex Pontificis moribus funestum rerum suarum exitum Protestantes praestolabantur. Neque tamen ipsis, quamuis fractas esse vires suas sentirent, Caesar minis adhortationibusque persuadere poterat, vt huic se Concilio subiecissent. Quidnam enim boni expectandum erat ab isto concilio, in quo, non de corrigendo Ecclesiae statu amice deliberare, sed iudicis instar

instar sententiam dicere Pontifex constituerat; in quo non patres ceterarum regionum conscripti, sed vnice Pontificis legati, demta reliquis iudicandi potestate, decernebant *); in quo ipsae *Protestantium* doctrinae, sine causa cognita, sine eorum defensione, sine omni ratione, solo *Anathemate* interposito, condemnabantur **). Negabant *Protestantes*, et id iure quidem, se in

*) Referta sunt fere omnia, quae de *Concilio Tridentino* ad nostram memoriam pervenerunt, monumenta querelis de insolentia Pontificis eorumque, quos ad Concilium miserat, legatorum. Detestantur hanc violentiam ipsi illi, qui addicti Romanae Ecclesiae Concilio interfuerunt. Ex quibus, ne omnia auctoritati SARPII superstruere videar, sola excitabo Hispanorum testimonia ex illa collectione petenda, quae sub titulo: *Lettres et mémoires de FRANÇOIS de VARGAS, de PIERRE de MALVENDA, et de quelques Evêques d'Espagne, touchant le Concile de Trente; traduits de l'Espagnol. par MICHEL LE VASSOR; Amstelodami MDCXCIX. prodiit; vbi VARGAS in Memoriis suis Part. 1. p. 35, seqq., in litteris ad Episcopum Atrebatensem pag. 103. seq. 164. 188. seqq. 395. 421. sexcentisque aliis locis et PIERVS DE MALVENDA ad eundem p. 147. cet. grauissime de insolentia legati Pontificii ipsiusque Pontificis conqueruntur.*

**) Differendum fuisse doctrinarum, quas dissentientes defendebant, examen et condemnationem probe cordatiores in Concilio patres et legati perspexerunt. Ipsum Caesaris legatum, condemnationi communionis sub

vtra-

in vilius concilii decretis acquieturos, nisi ita comparatum esset, ut Pontifex omni iudicandi decernendique potestate priuatum se sisteret, ipsi vero non reorum personam sustinerent, sed pari cum aduersariis iure vterentur. Episcopos fide, quia Pontifici se obstrinxerant, liberandos, omniaque hactenus in detrimentum Protestantium in Concilio pronunciata abroganda postulabant. Quibus eorum postularis nihil fuisse aequitati conuenientius, omnes aequi rerum arbitri perspiciebant; solus Romanorum Pontifex, his concessis de auctoritate sua desperans, illud capere non poterat *). Ille enim, quidquam se mutaturum esse in legibus hactenus in Concilio latis, pro more suo simpliciter negabat **). (est enim tan-

ti

vtraque contradixisse SARPIS refert in *Historia Concilii Tridentini* p. m. 557. 58. Nimirum vero in reiciendis doctrinis praecipitantiā et alios male habuisse, docent querele VARGAE. l. c. p. 106. 120. etc. MALVENDAE p. 147., ipsiusque GRANVELLANI in epistola ad VARGAM p. 174.

- *) Digna sunt, quae hic notentur, verba SLEIDANI, qui legati Argentoratensis in Concilio vicem sustinuit lib. XXIII. p. 670., atque legatum Pontificis, ait, ita sensisse: *Eos, qui doctrinae regulam atque modum reuerenter accipere et obtemperare debeant, suis maioribus velle praescribere, perquam hoc esse tum absurdum, tum indecorum.*

- **) Hanc iam ab initio Pontifici mentem fuisse, ipsa bulla resumptionis Concilii docet, quam

ti viri tamque nobilis audacter sua decreta defendere), neque alia lege dissentientes admittendos dicebat, nisi se omnia in Concilio constituenda approbaturus esse pollicerentur. Eo usque tamen nostri Caesaris voluntati cedebant, ut se, legatos doctoresque suos, cum noua fidei suae confessione, *Tridentum* missuros esse promitterent; cuius rei gratia et in Saxonia, et in ducatu Wurtembergensi scriptis singularibus in Concilio exhibendis fidem suam exponi curabant *); quamuis, dum Pontifex rebus Concilii praeerat, nullam rerum emendationem expectandam esse pulchre intelligerent. Quod quidem, metuebant, accidit. Quamquam enim Pontificis homines precibus monitisque Caesaris aures paullisper praeberere videbantur, omnia tamen sic instruere didicerant, ut facile appareret, ad dissentientes non audiendos sed condemnandos, ipsos consedissee. Namque Protestantes differendum usque ad aduentum suum de doctrinis iudicium voluerant; illi inter ipsa pacis

IULIUS III. Pontifex euulgauit, quae plerumque collectionibus Canonum et decretorum huius Concilii adiuncta est. In editione **PHILIPPI CHIFFLETII** *Lugdunensi* de A. MDCCXXXIV. habetur pag. 87 — 89.

- *) Conf. de vtraque hac formula summe reuerendi multisque mihi nominibus colendi **PRAESIDENTIS** *Erläuterungen der symbolischen Schriften der evangelisch-lutherischen Kirche*, in *Appendice* §. 149. et 163.

pacis consilia in eorum sententias Anathemata vibrabant. Hi grauissimas desiderabant de doctrinis moribusque corrigendis deliberationes; illi rebus leuioris momenti desiniendis occupabantur, maioresque vel remissius tractabant *), vel praeteribant silentio: de ipsa vero Ecclesiae emendatione nefando quidem cogitabant **). Hi non ad Pontificis, sed concilii iudicium prouocabant; illi legatos ipsius adeundos esse, eorumque ius et auctoritatem dictatoriam agnoscendam imperabant. Hi non ex auctoritate hominum, putabant, sed ex sacrarum litterarum oraculis, decidendas esse controuersias; illi, *scripturam esse rem inanimem atque mutam*, dicebant, *sicut etiam reliquae leges politicae, iudicis autem accommodandam esse vocem, ut recte perciperetur ***).* Hi quidem non detrectabant legatos ad Concilium mittendos, modo, ut legitime ipsis a Concilio caueretur, volebant. Quid vero illi? Reculant initio, postea ne eas quidem ipsis condiciones largiri volunt, quas olim Bohemorum legatis Concilium Basileense

*) VARGAS ad Episcopum Atrebatensem. l. c. pag. 162: *Le remarque fort bien, inquit, qu'on traite ici légèrement des matières importantes et d'une grande étendue.*

**) Vide MALVENDAE epistolam l. c. 147. et VARGAS p. 164 188. 234.

***) Sunt verba, quibus Protestantium legatis responsum est apud ALZIDANVM lib. XXIII. pag. 683.

se concesserat; immo de eo, an Protestantium legatis locus et consueti honores concedendi essent, disputare poterant *); et, ut vno verbo complectar omnia, nihil prius meditabantur sanctissimi dictatores, quam id, quod ingratisimum fore dissentientibus, eorumque animos irritare posse arbitrabantur; atque in eo omnem ingenii vim expromebant, ut nexis, quos expediri nulla ratione posse credebant, difficultatis nodis, eorum aduentum et retardarent, et, cum iam accessissent, ipsis discessum, ruptis omnibus deliberationibus, persuaderent **). Quibus rebus factum est, ut quum ab altera parte, perpetuis Caesaris mandatis, quibus iracundiam saepius miscebat, ad subiiciendum se huic concilio adigerentur, ab altera autem flammæ potius et proscriptionem,

*) Nili quis SARPIS loc. cit. pag. 624. fidem habere voluerit, satis tamen, de ridicula hac disputatione testatur ipsa Protestationis formula a Concilio promulgata, (quam LE VASSOR citatis commentariis inseruit, pag. 471. seqq.) ne ob disceptationes, quæ tam de personis comparentibus mandatisque et scripturis exhibendis, quam de loco ad sedendum personis assignando, oriri possent, felix ipsæ Concilii progressus retardetur.

**) Nihil magis, quam aduentum Protestantium extimuisse Pontificem iam VARGAS observavit l. c. p. 104. 5. 274., ipsumque, refert, eorum causa, qua ratione speciose dirumpi posset Concilium, cogitasse p. 311. 545, omnibusque modis tentasse, ut ipsos ad discessum adigeret p. 397.

nem, quam rerum emendationem a Concilio exspectare possent, desperata emendatae religionis causa videretur.

§. IV.

Haec tamen fuissent tolerabilia, si adhibita, qua pollebat, potestate, Caesar liberum religionis exercitium *Protestantibus* concedere voluisset; nunc, et multo blanditiarum strepitu, et simulato pacis studio hoc tantum quaerebat, ut utramque partem, et ipsum Pontificem, et eos qui ipsius auctoritatem in sacris oppugnabant, clandestinis machinationibus frangeret. Ancipiti, fateor, premebatur periculo. Hinc iram et indignationem Pontificis, maximosque principum ab ipso ad defendendam Dei causam excitandorum tumultus; illinc intrepidum Lutheranorum animum metuebat, qui animam citius quam fidem semel receptam sibi eripi paterentur. Itaque; quamvis non ignoraret, auctoritatem Pontificis multum suae ipsius auctoritati detrahere, fractisque eius viribus tutius se regiones, quas Pontifex saepius attentauerat, possidere posse; tamen non vi ipsum, sed dolo suppresserem, satius fore putabat. Quod vero, Pontifici, incertum est, an *Protestantibus* maius detrimentum attulerit. Nouerat argutus imperator, res curiae Romanae diu consistere non posse, nisi in Concilio Pontifices de suis suorumque moribus emendandis, deque

que gravissimo rerum sacrarum abusu abrogando cogitarent. Idcirco, ne rebus Pontificis palam obicem ponere videretur, multis bonorum verborum crepundiis statorem se et defensorem cathedrae Romanae promisit, ipsius nutu, ut omnia in Concilio gererentur, litteris ad ipsum datis concessit *), denique se saepius ad extirpandam Lutheranorum cohortem iureiurando obstrinxit **). Iisdem in destruenda horum societate artibus utebatur. Eos enim, qui ipsi viribus validi videbantur, in quibus erat MAVRITIUS Septemvir, conciliare sibi beneficiis, et ad ipsos *Augustanae Confessionis* addictos labefactandos adhibere, ceteros diffidiis et contentionibus intestinis, maxime ex formula Augustana natis, enervare conabatur. Quibus omnibus effecturum se esse putabat, ut, quum talis rerum sacrarum

*) Ita Caesari cum Pontifice, ut restituendum ipsi Concilium Tridentinum persuaderet, convenisse, VARGAS in schedula ad Episcopum Atrebatensem l. c. p. 63. 64. refert, qui, quamvis his litteris alium sensum vindicare studeat, de ipsa tamen litterarum fide, quid dubitet, non inuenit.

**) Legitur apud HORTLEDERVM. lib. III. cap. 3. p. 248. seqq. pactum Caesaris cum Pontifice, quo ad eradicandam Protestantium haeresin consenserunt. In commentariis vero LE VASSORII ipse GRANVELLANVS, consiliorum Caesaris peritissimus: *Caesarem mortem prius suscepturum quam conscientiae libertatem Protestantibus concessurum esse*, confitetur. pag. 561.

rum emendatio, qualem *Protestantes* desiderabant, non esset a Concilio expectanda, neque pacis sed belli semina famosum illud *Interim* sparsurum esse praevideret, ipsos viribus destitutos, magna cum pietatis et iustitiae specie, tanquam pertinaces rei publicae turbatores, qui omnia pacis consilia spreuissent, funditus posset prosternere.

§. V.

Non ferenda haec videbantur MAVRITIO reliquisque Lutheranorum principibus. Iam enim Caesarem vix per cuniculos emendatam religionem conuellere amplius, sed quem animum aduersus eos sumplerat, quibus Dei auctoritas potior erat quam Pontificis Caesarisque amicitia, eum in ipsorum sanguinem exerciturum esse persentiscebant. Cuius saeuitiam cum extinguere cedendo non possent, quicquid ipsis erat virium colligendum, armisque id sibi vindicandum decernebant, quod rapaci manu Caesar ipsis eripere minabatur. Inter hos maxime MAVRITIVS, nouus Saxoniae Septemuir, quem sibi totum deuinxisse Caesar putauerat, summis multorum precibus, sociorum calamitate, subdolaque Caesaris indole commotus, ut, sibi cum hoste potentissimo, ad cuius impetum retundendum propriae vires non sufficerent, depugnandum esse, intellexit, totam concitauit viciniam, imploratoque regum Galliae Angliaeque aliorumque Germaniae

maniae procerum auxilio, ipsis illis copiis, quibus iussu Caesaris, Magdeburgum, urbem Augustanae Confessioni mordicus inhaerentem, oppugnauerat, ipsum Imperatorem adortus est. Qua in expeditione cum secundo Marte pugnaret, nouitate rei tamque curioso principio Caesar perterritus, faciliorem se causae Lutheranorum praebuit, neque solum IOANNEM FRIDERICVM oculis ex captiuitate dimisit, sed paulo post etiam Passaviae liberum religionis exercitium Augustanae Confessioni addictis ultro concessit, donec in comitiis intra sextum mensem habendis, quae in quaestione erant, rite placideque componerentur *). Sic ille, qui res Lutheranorum maxime turbauerat, MAVRITIVS, rem ipsis prudentia & fortitudine restituit! Sic infirmus ille, ut videbatur, princeps Imperatorem subegit, qui leges toti fere terrarum orbi dictitabat! Sic sine ulla clade id sua celeritate effecit, quod tanti

*) Huius pactionis, quae induciarum magis quam pacis nomen meretur, formula in omnibus fere constitutionum recessuumque Imperii collectionibus, aliisque locis. e. g. apud HORTLEDERVM. l. c. Vol. II. lib. V. cap. 14. p. 1327. seqq. et CHRISTOPH. LEHMANNVM in *Actis de pace religionis* lib. I. cap. I. deprehenditur. Recentissime ipsam recudi curauit IOANNES ERHARDVS KAPPIVS, Vir de memoria Reformationis variis scriptis optime meritus in dem freudigen Andenken des ersten Religions-Friedens-Jubel-Fests p. 177. seqq.

ti exercitus, tot preces, tot principes, frustra tentauerant!

§. VI.

Post haec tres propemodum anni transierunt, in quibus nondum coacta erant, quae Caesar promiserat, comitia. Neque, bello nimium implicatus, poterat de pace inter diffidentes de religione satis cogitare, quamvis multae eaeque grauissimae, et Caesarem et fratrem ipsius, rationes, ad pacem Euangelicis nunc demum concedendam, commouerent. Pertaesius enim multorum, quibus fere occubuerat Caesar laborum, reliquum vitae suae tempus quiete transigere, eaque de causa imperio publice renunciare decreuerat. Non tamen turbulentam et intestinis perturbationibus disruptam relinquere Germaniam voluit, sed, cum armis amplius non posset, pace exoptata animos Lutheranorum superare, imperiumque laudabiliter gestum augusto fine coronare conlruit. Componendas igitur de religione lites in comitiis Augustae Vindelicorum habendis FERDINANDO fratri, regi Romanorum, tradiderat, qui pace *Protestantes* sibi conciliare non nihil e re sua esse arbitrabatur. Rationes vero ad acceleranda comitia ipsum commouentes quemadmodum permultae fuerunt ex FERDINANDI parte, de quibus aptior erit infra dicendi locus, ita non inter leuissimas reputandum erat, quod patres

patres Tridentini Concilii, postquam inferiore Germaniae partem armis MAVRITII personantem audiuerant, concilio, bona cum Pontificis venia, soluto, fugae salutem petiissent, nec adeo Concilium, ad quod remitti *Protestantes* poterant, superesset. Cui argumento non exiguum pondus addidit ea, quae AVGVSTO, Saxoniae Septemuiro, cum CHRISTIANO Daniae rege, ob ductam eius filiam, intercesserat, necessitas, quem FERDINANDVS, si de pace religionis diligenter laboraret, amicum sibi deuinctissimum, sin minus, fortissimum inimicum praelagebat. Quare, auctoritate CAROLI Imperatoris, qui absens in Belgio degebat, munitus, edictum de habendis Augustae A. MDLV. comitiis promulgauit, simulque, ut omnes dissidentium principes, ipsi se, rationum feliciter subducendarum gratia, sisterent, amice hortatus est. In ipsis vero his comitiis, quorum historiam infra paulo diligentius enarrabimus, post varias altercationes feliciter compositas, ii, qui potestati Pontificis Romani se huc usque subduxerant, Augustanae Confessioni addicti, exoptatissimam illam, diu sed frustra quaesitam de iugo curiae Romanae libertatem publice tandem aliquando impetrarunt. In illud scilicet vtraque litigantium pars consentiebat, ut, quam huc usque Evangelici strenue defenderant, de sacris sentiendi, doctores atque ministros constituendi, omnia-

niaque, quae ad Dei cultum pertinebant, ex mente sua instruendi perfecta libertate, iisdemque iuribus communiter cum aduersariis vterentur; ita quidem, vt neque eorum religionem, qui Pontificis disciplinam probabant, vlllo modo turbarent, neque ab illis quid sibi metuendum esse arbitrarentur. Neque vero id solum, sed relinquebatur etiam vniuscuiusque arbitrio; vt ex ea religione, quam huc vsque confessus erat, ad alteram impune, si placeret, transire posset, ea tamen lege, vt, si quis ex costu Pontificiorum, sacro ordini adscriptus, ad Lutheranorum societatem se conferret, ea, hac ipsa secessione, bona, quae hactenus muneris beneficio possederat, vetustiori Ecclesiae restitueret; (quam sanctionem *Reseruati Ecclesiastici* nomine insignire solemus). Muniebantur haec omnia mutua foederis conseruandi promissione; et omnes, qui, quacunque ratione, auctoritati huius constitutionis detracturi essent, hostes totius Imperii declarabantur *).

§. VII.

*) Ipsum huius pacis instrumentum qui conferre voluerit, adeat citatos supra (not. 21.) Scriptores, in specie LEHMANNVM lib. I. cap. XXXIV. et Cl. KAPPIVM p. 212. seqq. Eius quoque argumentum quinque tabulis distinctum exhibet IOANNES GODOFREDVS DE MEIERN in diffuso isto splendidissimoque opere, cui nomen: *Actorum pacis Westphalicae publicorum* dedit, in cuius Tomo I. post praefationem inueniuntur,

P. III.

P

§. VII.

Numquam profecto satis aestimari potest tantum tamque excellens Dei beneficium, quo nobis leges adeo humanae concessae sunt, vt, ex sapienti viri cuiusdam sagacissimi sententia *) *vix quidquam sit, quod illius saeculi superstitionem, ignorantiam et infelicitatem, vnaque necessitatem emendationis clarius demonstret, quam id ipsum, quod tot scriptis, rixis et bellis plerique Germanorum adduci debuerint, vt in leges tam aequas, sanaeque rationi ac sacris litteris aequae conuenientes consentirent; leges, quae exoptatissimam nobis felicitatem attulerunt, circaque quas procurandas tot singularis providentiae diuinae vestigia apparuerunt, vt satis, hanc pacem plane auream esse et quasi diuinitus conditam, luculenter demonstrent. Quae quidem documenta quum ex probatis, quae memoriae nobis proditae sunt, historiarum monumentis eruere, omniumque conspectui exponere, nobis animo constitutum sit; non alienum videtur, quaedam dicendis praemittere, ex quibus, et nostrum demonstrandi modum, et quid in hac disquisitione exspectandum sit, facile quilibet possit intelligere. Fuerunt scilicet inter religionis nostrae aduersarios, qui, postquam ex historia-*

*) Summe reuerendi Excellentissimique IO. LAUR. MOSHEMII *Institutionum historiae Christianae recentioris.* pag. 73.

hōriarum campo quaedam hinc inde decreperant, nescio quid inuenisse sibi visi sunt, quibus id, quod in procurata ope LVTHERI sacrorum emendatione diuinum est, labefactarent. Horum alii miracula postularunt, quibus diuinam religionis nostrae originem demonstraremus; his enim qui destituuntur, eos quidem, putant, si medicam veritatibus, quae diuinae habentur, manum adiicere velint, non diuinitus excitatos esse posse. Aliis autem, et iis quidem non admodum indoctis, nihil in religionis istius saeculi emendatione, paceque religionis procuranda, singulare videtur. Quid quaeso mirum est, inquit, emendationis opus bene succedere, quod a multis iisque potentissimis principibus, suo ipsorum commodo ductis, sustentatur? quod homines ab intolerabili iugo in libertatem vindicat? quod sententias disseminat cuius prudenti ingenuoque homini perplacentes? Pacem vero impetrare ab iis, qui vel inuiti, ad illam concedendam, vi metuque adiguntur, id vero neque arduum est, neque in hoc terrarum orbe non vbiuis obuium. Quorum in opinione quum sentiam versari multos, vtraque vero diuinam circa hoc opus prouidentiam, cuius causam, circa religionis pacem maxime, defendendam suscepimus, non parum eleuare videatur; contra vtramque dicendum breuiter existimo.

§. VIII.

Qui spuriam putant religionis emendationem, quoniam miraculis susceptam hanc sacrorum mutationem nostri Confessores non confirmauerint, ii profecto, si dicendum quod res est, cum ipsis miraculis Deum sui causa delirantem postulant. Quod si enim, qui ista desiderant, homines essent, qui, omnium fallarum opinionum temeritate derepta, veritatem, vbicunque gentium est, scrutarentur, iam audiendos esse eos dicerem; quamuis nec ita sentientes anxie miracula postulatu-ros esse arbitrarer. Nunc, quum, qui haec obiiciunt, Fanatici plerumque sint, aut de Pontificis grege homines: hi vero, qui inter delirantium somnia pubescunt, qui traditionibus, qui auctoritatibus, qui sexcentis aliis ingenium moresque corrumpentibus nutriuntur, non magis sapere possunt, quam bene olere, qui in culina habitant. Atqui si verum est, quod nemo sapientum dubitat, posse Deum, certas huius terrarum orbis mutationes sapienter connectendo, satis demonstrare, se singulari quodam modo hunc illumue euentum direxisse; quidnam eo in casu miracula postulare aliud est, quam velle, vt Deus stolide imprudenterque agat? Eiusmodi prouidentiae diuinæ specimina si desiderant aduersarii, nos ad producenda ea, quae miraculorum in hac dispositione locum sustine-

finere possunt, semper paratos invenient. Quae si minus ipsis videntur sufficere, neminem difficilius miraculis convinci posse, quam ipsos horum miraculorum fautores, facili negotio demonstrabimus. Sed ferendi fere sunt, qui requirunt, miracula, si cum iis conferantur, qui singularem Dei providentiam ab hoc omni negotio abfuisse volunt. Ipsi enim, nisi omnem penitus ex hoc mundo providentiam proscribunt, levi- bus atque inanibus sonis ludibria quaedam excitare videntur. Namque eorum pluri- mi, ne dicam omnes, sunt, qui ipsa mi- racula iocum risumque faciunt. Quod si igitur nihil diuini, omnia naturalia in hac rerum serie deprehendunt; quid aliud quam miracula desiderant, si de harum rerum diuinitate constare oporteret? quid igitur aliud, quam ut Deus ipsis se deridendum propinet? Quo vero quid ineptius fingi potest? quid pio et sapienti turpius? Sed ne me putes, invidia in hos ductum, ipsis aliquid affinxisse, bona mente errasse creda- mus; negligentiae tamen notam profecto non effugient. Omnia, aiunt, ad pacem efficiendam iam conspirarunt (placet enim hanc prae reliquis in mutatae religionis ne- gotio considerare). Largior, si de felici rerum nostrarum exitu loquuntur; neque enim hoc a nostra sententia alienum est. Largior etiam, si, omnes euentus in vni- cum hunc finem conspirasse, dicunt; modo
id

id mihi concedant, ipsa religionis nostrae fata, alium, quam subsecutus est rerum exitum promississe; contra hoc enim qui negant, in sequentibus instituetur disputatio. Quod vero si concedunt, num, nisi omnem velint providentiam tollere, singularem Dei circa haec curam in dubium vocare possunt? Recte autem de his dici potest, quod, in destruendo atomorum concursu, contra EPICVRVM CICERO monuit *): *In rerum, inquit, natura duo quaerenda sunt, unum quae materia sit, ex qua quaeque res efficiatur; alterum, quae vis sit, quae quidque efficiat; de materia disseruerunt, vim et causam efficiendi reliquerunt.* Atqui, si mirifice, quod aiunt, omnia ad promouendam pacem conspirarunt, numquid sine ratione id accidisse putant? numquid, diuinam providentiam concedentes, otiosum spectatorem Deum fuisse in causa grauissima contendunt? numquid igitur, ipsum Deum omnia apte ita et concinne disposuisse, inficiabuntur? Est utique, ita omnes huius mundi euentus sapientissime summum numen coniunxit, quod omnem consilio suo mundum administrat, ut admirabilis quaedam sit continuatio seriesque rerum, qua efficitur, ut qui inter se apti colligatique videntur, euentus sibi inuicem manum quasi auxiliatricem porrigant, neque eorum sit quisquam, qui ad
alte-

*) *De finibus honorum et malorum* lib. I. cap. 6.

alterum promouendum efficiendumque nihil planè conferat. Neque tamen negari potest, siquidem omnia inter se magnitudine et quasi gradibus differunt, quosdam inter illos, praestantiori quadam dignitate eminere, quippe qui ad summum, quem sibi in condendo mundo Deus praefixit, finem obtinendum propius spectare videntur. Circa quos singularem plane Dei curam esse, nemo inficiatur, qui Deum optimum esse praestantium rerum aestimatorem novit. Hunc vero in demonstranda singulari sua circa quosdam euentus providentia modum Deus adhibet, ut, quum omnia consueto quodam et semel recepto quasi ordine in mundo progrediantur, in iis non vulgari modo omnia, quae ad eiusmodi euentum efficiendum pertinent, disponat, sed leges aliquantisper migret, quibus alioquin omnia in hoc terrarum orbe reguntur. Quae si ipsa rerum connexionione obtineri non possunt, *miracula* prodeunt, quibus id efficitur, quod vires rerum huius mundi excedit. Enimvero accidere solet saepius, ut eveniant, quae cum consuetis legibus minus conspirare videntur, ita tamen, ut apta et mirabili rerum a Deo facta dispositione efficiantur. Haec quum ad miracula proxime accedant, non inepte *quasi miracula* diceres, quae non minori singularis divinae providentiae documento sunt, quam ipsa *miracula*

eula *). Fit saepius, vt negotii cuiusdam suscipiendi consilium capiant homines nec sapientia, nec proposita sibi efficiendi potestate destituti. Omnia, quidquid sana ratio, quidquid omnes sapientiae leges imperant, arripiunt. Insipere videretur, qui hac ratione obtentum iri finem constitutum dubitaret; omnia enim ad hunc producendum adeo consentiunt, vt eadem fere certitudine futurum finem, quam media, quae ob oculos habent, tenere videantur. Sunt alii, qui eum destruendum cupiunt, qui tamen et viribus destituuntur, et eiusmodi videntur mediis, quibus contrarium potius, omnium consensu, produceretur. Sed proficiunt hi, qui delirare videbantur; illorum media

*) Vellem ego, ne inuidia verbi labefactetur oratio mea. Constat inter omnes, quam male terminus *miraculorum* aduersarios hac in re habuit, postquam IO. SAVBERTYS librum *Noribergae A. MDCXXXI.* forma quater complicata emisit, huius tituli: *Miracula Augustanae Confessionis.* D. i. *Wunderwerke der Augspurgischen Confession, welche sich bei Uebergebung derselben, und folgender Zeit zugetragen.* In quo quamuis quaedam admisceat ad singularis cuiusdam Dei providentiae specimina, quae nomine *miraculorum* insigniuit, non pertinentia: tanto tamen clamore ad irridendum ipsius studium opus non erat; quod mallet argumentis impugnassent, quam ridiculo in verbulum impetu. Bono autem sensu, quod simile miraculo est, *miraculum* dici posse in hoc negotio, arbitror.

media non solum felici carent successu, sed illud ipsum iis ipsis mediis efficitur, quod iis euitare voluerant, eaque obstaculo sunt, quae, ex omnium sapientum opinione, rei promouendae certissime inserviebant. Quae si quando in mundo contingunt, in quo omnia summi numinis voluntate diriguntur, habes, in quibus singularis diuinæ providentiae vestigia apparent. Iam quæso, si ceterae mundi partes bene constitutae sunt, num singularem curam, qua Deus ea, quae ad ciuitatem suam regendam maxime pertinent, moderatur, ab ipso, tamquam ab inertis gubernatore, neglectum iri verisimile est? Quid ergo est? Vituperatores oburgatione digni sunt, qui hac in re modum providentiae constituunt. Istud enim est sapere, si quae in republica Dei mutationes eueniunt, non, quae ante pedes modo sunt, circumspicere, sed ea etiam ad curam Dei circa huius mundi euentus referre, indeque, num diuina approbatione fiant, num secus, subductis bene rationibus, iudicare.

§. VIII.

Huiusmodi vero singularis diuinæ providentiae specimina, vtrum in comparanda nobis per pacem Passauiensem et Augustanam sacrorum libertate deprehendantur, iuvat pluribus inquirere. Quae ut intelligantur melius, tria quasi vel, si mauis, quatuor, fundamentorum instar, principia non facile

facile in dubium reuocanda ponam; quibus utrique paci accommodatis, quemuis mihi daturum existimo, eminentiori quodam modo diuinum numem circa hanc pacem fuisse occupatum. Primo itaque mihi ratiocinari liceat: Si, qui aliquam religionem sectantur, tanta vi pollent, ut aliquem, qui summo animi feruore hanc religionem ad internecionem usque persequitur, principem facili supplantare possent negotio; si tamen hic tantas copias vno quasi ictu prostermit, omnem aduersariorum societatem dissipat, atque ad summum potentiae fastigium pertingit; si, qui ex communi quasi naufragio enatarant, et viribus destituuntur, quibus tanti principis, ad cuius nutum pars orbis terrarum maxima componitur, conatus paullisper retardent, et, si tale quid zentare velint, certissimum praeuidet interitum: dementiae non videtur absimile, cum exigua manu tantum adoriri principem, omniumque iudicio infaustus rerum excitus praesagiendus est. Quodsi deinde ipse ille princeps, consilio et sapientia excellentissimus, his aduersariis ipsa tela, quibus perfodiatur, suppeditat; quodsi exigua manu ipsum felicissime superant, eique, viribus aduersariis longe adhucdum maiori, pacem extorquent; quod si denique ea omnia, qui firmissimo ipsi praesidio esse et ad obtinendos fines aptissima videbantur, id ipsam efficiunt, quod summum ei affert detrimentum,

rum; recte infertur, diuinam providentiam haec omnia, modo quodam singulari, direxisse, manum illam exiguam non sine afflatu aliquo diuino fuisse, denique Deum ipsum inimicorum disturbasse consilia. Porro: Si exigua haec societas, viribus vix ac ne vix quidem relictis, intestinis rumipitur diffidiis, firmissimo; in quo fere solo innitebatur, fulcro priuatur, nec habet alios, quorum auxilio opibusque subleuetur; si isti homines omnibus paene viribus carent, nec est, praeter fidem istius principis longe fortioris male ambulanti, cui spem suam superstruant; si, his non obstantibus, aliorum auxilium non circumspiciunt, animi tamen fortitudine, spe decrescente, crescunt; si ipsi denique eorum aduersarii, vel necessitate quadam aliunde interueniente adigantur, vel actionibus suis, nihil tale cogitantes, pacem comparant, in qua liberum inimicis religionis exercitium conceditur: consequens est, ipsum Deum huius pacis quasi architectum fuisse. Pergamus: Si in concilianda pace inimici contra ipsius religionis suae principia, maxima cum iactura multorum summorumque bonorum, hominibus pacem concedunt, quos viribus longissime superant, eorumque vehementia quasi nulla prorsus potestate sustentata, vel inuiti, ad pacem sanciendam commouentur; si ipsi illi, quorum res hac pace in maximum discrimen adducuntur, ipsis moribus suis

suis pacem sibi moleſtam promouent: non
 aliter iudicari poteſt, quam quod ipſe Deus,
 diſſipatis difficultatum nebulis, regimine ſuo
 ſingulari hanc pacem procurauerit. Deni-
 que: Si ipſa hac pace duo illa fundamenta,
 quibus et aeterna noſtra felicitas et ſalus pu-
 blica innititur, in priſtinum reſtituuntur:
 perſpicuum eſt: non tam ab hominibus
 quam diuinitus hanc pacem eſſe conditam.

§. X.

Nunc quoniam haec omnia paci religio-
 nis afferenda videntur, ipſa huius vtriusque
 pacis fata conſideremus! Omnis ante bel-
 lum Smalcaldicum ſalus, emendataeque per
 LUTHERVM religionis ſecuritas, in foedere
 illa inniti videbatur, quod ad vindicandam,
 ſi opus eſſet, religionem ſuam, et ab im-
 perio Pontificis libertatem, Smalcaldiae *Pro-
 teſtantes* fanciuerant. Neque nihil metuen-
 dum eſſe ab hoc foedere ii putabant, qui
 Pontificis auctoritatem tuebantur. Ipſa enim
 experientia edocti erant, quantum ſemper
 eſſecerint initae in Imperio ſocietates, ad
 quas Germanis, ſi quid magni moliebantur,
 omni tempore recurrendum fuerat.
 Huius vero ſocietatis ſodalibus et imminens
 periculum, et ipſa ſocietatis cauſſa, religio,
 cuius maximum eſt in hominum animos im-
 perium, maximum omnia ſuſcipiendi ardo-
 rem inſpirare videbatur. Et tantae profe-
 cto erant Smalcaldicorum vires, vt, quum
 con-

conflatum esset bellum, ingentem, qui supra centum millia militum assurgebat, exercitum aduersus Caesarem educerent. Contra vero Caesar vix vilo tempore viribus copisque destitutum se magis senserat, quam quum ipsum bellum in *Protestantes* suscipiendum meditaretur; neque vllum est dubium, si res suas foederati serio instituisent, facili negotio exiguum Caesaris exercitum funditus prostrernere potuisse. Sed intempestiva foederatorum sollicitudine, qui Caesarem prius armis aggredi religioni sibi duxerant, et hinc orta inter ipsos dissensione efficiebatur, vt nimium cunctando nihil agerent, ipsique Caesari sui opprimendi occasionem, in summum rerum suarum detrimentum, suppeditarent. Hic vero, qui consilio potius quam armis labefactandos esse aduersarios arbitrabatur, acutissima ratione se ab ipsis redemit, eo quod, quos nouerat Augustanae Confessioni addictos, ad suas pertrahere partes studeret. Suum iam sociis Smalcaldicis auxilium denegauerat IOACHIMVS II. Brandenburgicus Septemuir; MAVRITIO autem Saxoniae duci, IOANNI Custrinensi, Electoris Brandenburgici fratri, et ALBERTO Marchioni Brandenburgico facile Caesar persuadebat, vt vel ad ipsos Aug. Conf. socios impugnandos se accingerent. Hac ratione factum est, vt vniti nihil contra Caesarem, licet viribus multo inferiorum, effecerint, quumque prope Muhlbergam

gam proelio cum Caesaris exercitu decertandum esset; non fugatae solum *Protestantium* copiae, sed capti etiam eorum primipili fuerint. Milites quid sine capite possint, constat inter omnes. Dissipabantur copiae atque vnica hac pugna omnis spes omnisque fiducia in foedere Smalcaldico, tamquam vnico libertatis *Protestantium* praesidio, collocata exspirabat. Itaque tam tremenda foederatorum societas, quae certissimum Caesari interitum minabatur, non Caesaris virtute neque quodam fortunae errore profligata est, sed sola ipsorum sodalium discordia, et quorundam in aula *Saxonica* prodicione. Neque spes erat recuperandarum virium. Ii enim, qui huic societati adscripti communi quasi naufragio euaserant, infelicem rerum exitum perspicientes cum sua sponte, tum auctoritate Caesaris perterriti, foederi se subtrahebant. Reliquos, qui Caesaris quidem partibus fauebant, atamen Augustanam Confessionem sequebantur, principes multis sibi Caesar beneficiis conciliauerat; in quibus orbatas iam capite regiones Saxonicas, vna cum Septemuiratu, MAVRITIO tradidit. Qua erga hos amicitia, erga illos seueritate effecit, vt nullos, qui de emendanda religione, deque rebus Lutheranorum restituendis, turbas mouerent, superstites esse crederet.

§. XI.

Neque Caesar hac in re, si per se res consideratur, multum errasse censendus est; nullus enim eo tempore fuit inter *Protestantes*, qui vel mutire contra tantum Imperatorem auderet. Funestus belli Smalcaldici exitus in omnium mentibus hærebat; quumque vires *Evangelicorum* tunc adhuc infractae et recentes quasi nihil contra Caesarem potuissent, nihil profecto nunc boni sibi polliceri poterant, quum fractis essent viribus; praepriis cum multi sine dubio, ex eo, quod susceptum contra Caesarem de religione bellum male successerat, hosce conatus deo displicere, coniicerent; qui non armis resistendum magistratui, sed iniuriam patienter ferendam esse, ipsa hac calamitate immissa, declarasset *). Eorum, qui huic veli-

*) Non improbabilem hanc esse de plerorumque *Protestantium* sententia coniecturam, omnes concedent, qui, quam solliciti fuerint de suscipiendi belli Smalcaldici iustitia, perpendunt. Quantum hac in re nutauerint, tum ex variis variorum, Theologorum maxime, scriptis, qui in utramque partem disputarunt, quibusque colligendis HORTLEBERRY totum primum et secundum librum saepius laudati operis impendit; tum ex ipsa eorum in hoc bello cunctatione perspicitur. Quod quemadmodum LUTHERVM ipsumque sectantes, a turbis excitandis prorsus alienos fuisse, luculenter demonstrat; ita minorem ipsos, qui impugnandum esse Caesa-

religioni fauebant, plurimi, veluti pestilenti quodam fidere affati, captiosis, quas *Interim* continebat, doctrinis sopiti erant, adeoque sibimet invicem diffidebant relictī ex foedere socii, ut, si vel quis denuo Caesarem armis aggredi voluisset, a reliquis se desertum iri vereretur. Omnes praeterea, qui religionem in Aug. Conf. propositam receperant, hi fere erant: MAURITIUS et IOACHIMVS Septemviri, ALBERTVS Culmbacensis Marchio, GEORGIUS dux Megapolitanus, et alii quidam principes ipsa Smalcaldici foederis debellatione attriti et pessumdati, ut FRIDERICVS Palatinus et CHRISTOPHORVS Württembergicus, denique quaedam ex imperii ciuitatibus respublicae. Hae pariter ac minores Germaniae procures qui tacite saltem Aug. Conf. praecepta sequebantur, ne tentare quidem tumultus poterant; inter eminentiores vero Caesari forsitan extimescendi fuissent IOACHIMVS et MAURITIUS. IOACHIMVS princeps erat paci studiosissimus, facilemque se praebebat in iis, quae non ad religionem necessario constituendam pertinere ipsi videbantur *); cuius in domum Austria.

Caesarem negarunt, sententiam mereri arbitror, quam plures ferunt, qui horum opinionem et dicendi genus nostri saeculi institutis metiri videntur.

*) Placidum hoc IOACHIMI ingenium, qui, pacis pio consilio conseruandae gratia, paululum a rigore saeculi sui recessit, in primis

Ausriacam tanta exstiterant merita, ut ne suspicari quidem ab ipso tumultus Imperator potuisset; qui, quod nemo *Protestantium* praeter ipsum fecit, ad fabricandam pacis sacrae formulam Augustanam, doctorem quendam, IOANNEM AGRICOLAM Islebium, concesserat; qui denique tempore aliquantisper inseruiens, legatis ad Concilium Tridentinum missis, ab audiendis huius concilii decretis non prorsus se alienum futurum promiserat *). MAVRITIVS VERO,

Inte-

ex ipsius formula liturgica apparet, cuius argumentum breuibus recenset HENR. SCHMIDTIVS in der kurzen Einleitung zur Brandenburgischen Kirchen- und Reformations-Historie §. 82. 83., vna cum litteris, quibus Septemuir Brandenburgicorum sacerdotibus, quosdam ritus et caerimoniae detrectantibus, paullo seuerius respondit §. 88. seqq. Adde pacificam eius orationem ad doctores Ratisbonae de religione cum Pontificiis differentes apud NIC. LEVTINGERVM de *Marchia Brandenburgensi* lib. IV. §. 30. Tom. I. Opera a GEORGIO GOTHOF. KYSTERO coniunctim editorum. p. 175. seqq.

- *) Nolim hoc ita dictum putes, ac si laudes, quae tanto principi iure debentur, minue-
das constituisses. Veneror beatissimam eius
memoriam, qui eundem pacem sectando,
quem ceteri acrius insistendo, pro emenda-
ta religione feruorem exhibuit; cuius comi-
tate condita grauitas saepius apud Caesarem,
quod alii armis non poterant, effecit; cu-
ius denique actiones, quibus nimium Cae-
sar's voluntati celsisse visus est, animo ip-
sius

Interim iam iam euulgato, omnia, quae per aequitatis ac pietatis regulas posset, se concessurum esse pollicebatur; id quod, suis formulam Lipsiensem imponendo, ex parte iam praestiterat. Atque nihil erat, quod MAVRITIVM ad Caesarem impugnandum commovere potuisset, cui omnem fere potestatem, omne imperium, aliaqua multa accepta referebat; et, si quae etiam moliri contra ipsum voluisset, facile ipso detrimento posuisset deterreri, quod hisce conatibus coniunctum iri persentiscebatur. Inhiauerat enim iam ab aliquo tempore ante bellum Smalcaldicum MAVRITIUS dignitati regionibusque IOANNIS FRIDERICI Septemviri, quae denique omnia clementia Caesaris obtinuit, eo quod contra IO. FRIDERICVM in illo bello arma tulisset, magna tamen cum *Protestantium* indignatione, qui ipsum causae suae destructorem putabant. Iam, si MAVRITIUS in eas incidisset cogitationes, vt, ad restituendam Lutheranorum libertatem, Caesarem adorire-

lius paci deditissimo haud possunt difficulter excusari. Neque verba, quibus eius legati vsi sunt, ita fuere concepta, vt inde quid contra pietatem ipsius Euangelicam colligi posset. Vnde miror, SLEIDANVM lib. XXIII. p. 664. non maiori cautione hac de re locutum fuisse. Rectius sentit FRANCISCVS DE VARGAS in epist. ad Episcopum Atrebatensem l. c. p. 113.; cuius cum iudicio conferri suaferim, quae bene LE VASSOR pag. III. seqq. monuit.

riretur, vel feliciter sibi hunc in Caesarem impetum successurum esse, vel se aduerso Marte pugnaturum, praeuidebat. Si prius, restituere res Lutheranorum admodum desperatas potuisset, sed id, quod ipsi a *Protestantibus*, quod a subditis praecipue, qui animis expulso Septemuiro, ore, vel inuiti, MAVRITIO adhaerebant *), exspectandum erat, facile omnes belli cogitationes dissiicere poterat. Nonne enim ipsos occasionem arrepturos esse, credibile erat, factam sibi a MAVRITIO vlciscendi iniuriam, ipsum ab aliquo saltem dignitatis suae gradu depellendi, atque IOANNEM FRIDERICVM pristino suo statui restituendi, quum de causa Lutheranorum defendenda meritis optime esset? Omnis enim MAVRITII dignitas auctoritati Caesaris, IOANNISQUE FRIDERICI captiuitati superstructa

*) Vide GEORGIVM KERNOLDVM in *vita MAVRITII Electoris Saxoniae* quam ex authentico exemplo latino primum editam *Scriptoribus rerum Germanicarum, praecipue Saxonicarum* Tomo II. inseruit IO. BURCHARDVS MENCKENIUS loco 20., pag. 1230. Idem inuenies iudicium in litteris Dn. de VENNES ad Comittem stabuli, quae inter *epistolas arcanas gallico idiomate conscriptas ab HENRICO II. Galliae rege ad ministros et amicos suos et ab his vicissim ad regem*, ex autographo bibliothecae regiae Parisiensis a MENCKENIO in eadem collectione editas, l. c. pag. 1391. seqq., locum 14. occupant. *Maurice, inquit, n'est entierement assenré de la fidelité de ses subjects, qui sont enclins à leur ancien et premier Seigneur.*

structa erat; cui dimisso si Caesar regiones, quas patria haereditate acceperat, recuperandas permisisset, conclamandum de MAVRITII dignitate fuisset *). Quod si vero infelici successu rem susceptam MAVRITIUS gereret, et certissimam omnis dignitatis omniumque bonorum iacturam, et, cui sustentandae ipse unicus fere idoneus erat, emendatae religionis causam perditam fore, animo praesagire poterat. Quae quum omnia secum reputaret MAVRITIUS, melius omnino et sibi et Ecclesiae, per LUTHERVM ab inueteratis erroribus perpurgatae, consulturum se esse animaduvertebat, si, Caesari paullisper cedendo, acerba ipsius consilia aliquantum mitigaret, quam, si, violenter ipsum impugnando, suas et sociorum Aug. Conf. res in summum discrimen adduceret.

§. XII.

Poterant haec omnia, si quid iudico, satis deterrere nostros, ne bello Caesarem sollicitarent; sed erat praeter haec, quae ipsis quasi silentium imponebat, summa Caesaris atque excellentissima potentia. Non facile viderunt recentiora tempora principem, qui tot tantisque undique imperiis domi-

*) Ipsam hanc mentem Caesar iis verbis declaravit, quae GEORG. ARNOLDVS l. cit. p. 1230. memoriae prodidit; *se enim vrsu, dixit, catena ligatum secum ducere, quo dimisso Mauritium facile esset repressurus.*

dominatus fuerit, neque post ipsum vllus fuit, qui pari potestate excelleret. Huic enim contigit, quod nescio an ulli, vt plurimis, qui per se vniuerso terrarum orbi tremorem incutere poterant, imperiis, suo sub imperio, in vnicam quasi rempublicam collectis, sumtum potentiae fastigium attingisse videretur. Omnis enim Hispania, omne Belgium, omnium paene divitiarum eo tempore mercaturae, insignis pars Italiae, omnis Germania, (at quanta imperia!) ipsius mandata venerabantur; omnis, qui nouus appellatur, quam late patet, orbis, diuitiis summisque imperiis refertissimus, ipsius nutu regebatur; nec in Africa regiones deerant, quae ad ipsius vdluntatem se componebant. Qua conglobata tot imperiorum potentia effectum est, vt, quum alii Imperatores honoris causa, hic certe non nomine magis quam re ipsa dici *Inuictissimus* potuerit. Neque minor huius virtuti semper fortuna coniuncta fuit, adeo vt nullum suscepit bellum, ex quo non nisi victor rediisset; ipseque fortunam ita sibi deuinctam reddidisse videbatur, vt haec ipsum, tamquam corpus vmbra, sequeretur. Maxima haec ipsius potentia noua incrementa acceperat, ex quo prostratas, quorum potestatem consiliis suis valde inimicam verebatur, *Protestantium* vires, disruptamque penitus eorum societatem viderat; qua re tantus ipsi addebatur animus, vt, queni sibi,

sibi, non dicam anteferendum, sed comparandum viribus arbitraretur, omnino inueniret neminem. Neque eo ipso tempore, cum *Protestantes* belli restaurandi consilia caperent, exteris se bellis implicatum nouerat, ut ipsi viribus diuisis diuersis aduersariis satisfaciendum fuisset; quin potius omnes poterat nervos ad solos *Protestantes* opprimendos intendere. Huic autem insuperabili paene potentiae permagna fieri videbatur accessio ipsius Pontificis M. opera, qui, rem suam in debellandis cathedrae Romanae hostibus *Euangelicis*, agi, pulchre intelligens, omnibus contendebat viribus, ut, ad extirpandos haereticos, omnes, qui ipsi litabant, principes conspirarent. Quibus cum omnibus si exiguae *Protestantium* vires conferuntur, quidquid tandem contra tantum Imperatorem tentabant, id omne insipientiae magis quam prudentiae nomen mereri videbatur; quum iis, non de restauranda augendaque perfecta religionis licentia, sed de conseruanda potius utcumque exiguae libertatis umbra, cogitandum esset. Neque, conscius suae magnitudinis, Caesar multum motus *Protestantium* timebat, sed specie iuris, ne magis potentia quam sapientia ac aequitate, suos regere videretur, ipsos eneruare studebat; quamuis omnibus constendum esset, Caesarem, si voluisset, vno quasi ictu omnem rem Lutheranorum eo tempore funditus euertere potuisse.

§. XIII.

Sed modum me in proponendis, circa libertatem *Protestantium* resarciendam, difficultatibus excessisse, aliquos reclamatu-
 suspicor, qui exiguas per se utique fuisse *Protestantium* vires, nec reprimendae Caesaris violentiae sufficientes, concedent; minores Caesaris viribus negabunt, si tamquam Angliae, Daniae, Galliaeque regum auxilio confirmatae considerantur. Atque ego non inficior, inesse huic argumento vim aliquam, quae eorum, quorum hactenus mentionem iniecimus, ponderi aliquantisper possit detrahere; neque tamen tanti momenti hanc difficultatem esse iudico, ut ea, qua toti huic negotio singularem Dei providentiam vindicare constitimus, labefactari videatur demonstratio. Esto enim, haec omnia ita, prouti ab aduersariis finguntur, esse comparata, non tamen singularem his regendis defuisse Dei providentiam, sed illud modo demonstrarent, non effrenata quadam audacia tam arduam rem aggressos esse *Protestantes*, ut de nullis, quae prudentia suadet, ad finem obtinendum mediis cogitassent. Quamvis enim divinum auxilium summa cum fiducia expectare possimus, ea tamen lege Deus nostris prospicere rebus solet, ut ipsi quasi vires nostras commodemus, adeoque providentiam, ut ita dicam, adiuvemus; quo, quis dicet,

dicet, diuinam excludi prouidentiam? Sed intelligo etiam, contradicentes mihi, de hoc ipso exterorum auxilio praeclarius, quam veritas permittit, sentire; facilius enim me probare posse arbitror, ipsos plurima, quae isto de auxilio pronunciant, non protrahere, ut par est, ex veris historiae monumentis, sed ea, quae ad motam ab ipsis difficultatem stabiliendam maxime faciunt, ad libidinem suam fingere. Pecuniam EDVARDVS Angliae rex, quam MAVRITIVS efflagitauerat, daturum promisit, modo, non de rebus ciuilibus, sed de religione bellum suscipi conuinceretur *). Ipsum vero hoc, quod dubitanter promiserat, praestitisse, id ego quidem nec affirmare nec negare audeo. Neque tamen perpetuis EDVARDI largitionibus se sustentatum iri, si, quod videbatur, bellum diuturnius foret, vlla ratione sperare *Evangelici* poterant **). Daniae vero

REX

*) Conf. GILB. BURNETI *Historiam reformationis Ecclesiae Anglicanae*. Part. II. Edit. Genev. p. 124. 25. Ipsas pactionis EDVARDI cum Germanis conditiones, qui 400,000 thaleros sibi expetierant, ipse EDVARDVS in *Diario suo*, quod in Collectione documentorum, quae huic Historiae suae parti BURNETVS adiecit, reperitur, p. 26. exposuit; ubi, quamuis in hoc diario diligenter omnia notauerit, nullum tamen praestitae promissionis vestigium reperire potui.

**) EDVARDVS in diario p. 33: *In hoc praesertim negotioso saeculo, inquit, principibus potius accipere quam erogare pecunias necesse est.*

rex quid fecerit, id quidem me, fatebor enim, praeterit. Certe, praeter illud, quod apud Caesarem pro captiuis principibus intercesserit, spemque, quam ab religionis similitudinem et cum domo Saxonica affinitatem *Evangelicis* succurrendi fecerit, nihil amplius ipsum praestitisse inuenio. Galli denique, propriae utilitatis causa, societati se *Protestantium* adiunxerant; quam si obtinuissent, vix ipsos crediderim ulterius ab eorum partibus staturos *). Finge autem Caesarem, eam, quae ipsum Gallosque intercesserat, dissensionem amice, ad tempus saltem, composuisse, quodnam quae-so auxilium sibi ab ipsis polliceri *Protestan-*

tes

- *) Notum est, Galliae regem, iam ante foedus cum *Protestantibus* Germanis initum, bellum Caesari in causa ducatum Parmae ac Placentiae intulisse; de quo THUANVS *Historiarum* lib. VIII. p. 226. seqq. et post ipsum R. DANIEL in *Histoire de France* Tom. VIII. p. 23. seqq. consulendus est. Post restitutam vero per pactionem Passauiensem *Protestantibus* religionis libertatem, regem Germanos perpetuo ad Caesarem impugnandum incitare studuisse, epistolae docent in *Thesaur. Menckiano* obuias (not. 29.); in quibus instructio foederis inter HENRICUM II. et Germanos ineundi comparet, qua legato maxime iniungit, ut Electores ad conferendam sibi dignitatem imperialem commoveat, p. 1463. Quae omnia satis demonstrant, regem non *Protestantibus* religionis ipsorum defendendae gratia succurrere, sed eorum potius auxilio ad fines suos obtinendos uti voluisse.

tes potuissent? Isti vero, qui, haec pacis
 consilia et Galliae regem et Caesarem initu-
 rum fuisse, omnibus verisimilia diiudicandi
 regulis repugnare autumant; nae illi neque
 versipelle Gallorum ingenium, neque orta
 iam eo tempore intestina Galliae ob religio-
 nem dissidia, neque animum Caesaris cogi-
 tant, quem leuia quaedam commoda citius
 exteris hostibus, virium suarum reficienda-
 rum gratia, consecraturum fuisse puto,
 quam concessurum, vt minores quidem
 principes, quos iam pedibus suis subiecisse
 credebat, pacem ipsi inuisam extorquerent.
 Sed comparandas etiam esse Gallorum vi-
 res cum Imperatoris potentia, qui haec
 nobis obiciunt, non satis considerare vi-
 dentur. Etenim huc usque, multo suo cum
 detrimento, quantum Imperator posset,
 fenserant, neque diuturnis grauissimisque
 bellis quidquam se contra ipsum effecisse in-
 telligebant. Num iam igitur credibile erat,
 laetiori fronte ipsos inertes respecturam ef-
 se fortunam? Quod si iam, ex inueterata
 quasi consuetudine, pedem referre coge-
 rentur, num deserti ac plane derelicti Lu-
 theranorum principes, impetum tanti Cae-
 saris sustinere potuissent? aut num putas,
 Caesarem exoptatissimam, Lutheranorum
 principes, tamquam imperii hostes, qui
 multa absque imperii consensu Gallorum
 regi concesserant, funditus delendi, omnem-
 que ipsorum religionem radicitus extirpan-
 di,

di, occasionem de manibus fuisse dimisurum? Denique, quid MAVRITIO, qui maximas hac in re partes tenebat, metuendum fuisse dicam? cui, IOANNEM FRIDERICVM, quem postea tanta cum laetitia a suis receptum esse nouimus *); dimittendo, multum negotii se facessere posse, tantamque inter ipsos *Euangelicos* hac ratione orituram esse dissensionem, non inepte Caesar animaduvertere poterat, ut remota, quae ad hanc rem necessaria erat, concordia, facile incantos debilitatosque opprimere posset.

§. XIV.

Magnae profecto hae difficultates videri peterant; maior tamen erat MAVRITII erga religionem pietas, maior suppressam *Protestantium* libertatem restaurandi cupido, maior denique in Deum cuius causam tuebatur, fiducia, quam ut se a proposito dimoueri passus fuisset hic, cuius animi magnitudo omnes difficultates longissime superabat. Quam ob rem, omnibus diligenter sub rationis incudem vocatis, exercitum, cui hactenus praefuerat, contra Caesarem ducendum constituit. Qua in re admirabilis conspici potest Dei prouidentia, quae efecerat, ut MAVRITIUS imperium in copias diutius retinere potuerit, quibus ad obtinendum illud, quo intendis, uti optime poterat.

*) Conf. IO. SEBAST. MÜLLERI *Annales des Chur- und Fürstlichen Hauses Sachsen*; p. 117. 18.

terat. Huic ipsius proposito anſam inſignis ipſius Caſaris error, nimiaque ſecuritas praeſtavit. Quam quòtiescunque intueor, non ſatis mirari queo, qui factum ſit, vt tantus princeps, cuius magnum ingenium excellentiſſimaeque prudentia omnium admirationem excitabat; qui, diuturna experientia, ſummam ſibi rerum omnium peritiā comparauerat; qui ſub imperii pondere aulaeque machinationibus conſenuerat; qui morem principum, accepta omnia beneficia propriae vtilitati conſecrandi, optime nouerat; qui hoſtes conſiliis potius quam armis ſuperare didicerat, et inſigni quadam praeditus erat ſcientia, conatus inimicorum acutiſſimis eneruandi artibus, vt, inquam, tantus tamque ſapiens Imperator viro, cuius virtutem, praefantiſſimasque animi doctes ſatis perſpexerat; qui tanto amore in religionem Euangelicam ferreretur, ipſo, quo a Caefare dignitate Septemuirali exornatus erat, tempore declarauerat, neque, omnia, defendendae huius religionis cauſa, ſi opus eſſet, ſuſcepturum ſe eſſe, celare aliquantisper potuerat; qui denique maxima inter *Proteſtantium* principes, depreſſam religionem reſtituendi vi eminebat, ſummaque cum captiuo Haſſiae Landgrauio coniunctus erat affinitate; copias concedere potuerit, neque in ipſo bello de auferenda ipſi rerum ſumma cogitauerit; quamuis, ad dolosa MAVRITII conſilia intelligenda, exigua ſane per-

perspicientia indigeret. Qua in re tam gra-
 uiter labi potuisse Caesarem, quum vix pos-
 sim concipere animo; facile in eam senten-
 tiam adducor, ut existimem, supremum
 Numen noctem quamdam ipsius menti offu-
 disse, ut, Deum ipsum ipsius consilia de-
 struxisse, appareret. Operae pretium vi-
 detur, rem sicuti gesta est, paullo fusius enar-
 rare. Habebantur A. MDXLVIII. Augu-
 stae Vindelicorum comitia, in quibus Sep-
 temuiratum Saxoniae, cum omnibus ad ip-
 sum pertinentibus, Caesar MAVRITIUS con-
 ferebat. Hoc comotum iri beneficio ip-
 sum arbitrabatur, ut, quam his in ipsis co-
 mitiis confici Caesar curauerat, fidei religio-
 nisque formulam, receptam sua auctoritate
 sibi subditis obtruderet. Huius rei gratia a
 principibus quibusdam MAVRITIUS, mox
 vero ab ipso Caesare, qui beneficia ipsi col-
 lata crebrius commemorabat, rogatus, sem-
 per, se recepturum esse formulam, negavit,
 donec doctorum suorum, quibus ante co-
 mitia vindicias doctrinae purioris promise-
 rat, hac de re percepisset sententiam *).
 Acrius quamuis postea Imperator instaret,
 impetrare tamen consensum MAVRITII non
 potuit; sed hac ipsa eius pertinacia satis edo-
 ctus est, ipsum constantem fore Aug. Conf.
 defensorem, sibi que, si diutius insisteret,
 inimicissimum. Eandem cantilenam, in co-
 mitiis

*) Vide SALIGII *Historiam Augustanae. Confessio-
 nia.* Vol. I. p. 567. seq., 576. et 77.

mitiis denuo Augustae A. MDL coactis, re-
 petens MAVRITIVS, non aliter, quam libe-
 ro, vt vocant, concilio impetrato, cessu-
 ros esse Lutheranos intrepide pronuncia-
 bat *), Neque tamen his omnibus Caesar
 deterrebatur, quin potius, quum bellum
 Magdeburgicis indicendum esset, neminem,
 quem exercitui suo praeficeret, magis ad
 hanc prouinciam subeundam idoneum esse
 MAVRITIO iudicauit **). Equidem a MAV-
 RITII consiliis rerumque exitu Caesaris ratio-
 nes prorsus discrepasse censeo. Forte enim,
 hac in ipsum fiducia, eo magis MAVRITII
 animum sibi conciliare, forte etiam, vt Lu-
 theranos Lutheranis labefactaret, MAVRI-
 TIVM summum belli suscipiendi ducem esse
 voluit. Consilii vero sapientia quaemadmo-
 dum non ex auctoris sui proposito diadi-
 canda est, sed ex iis, quae inde consecutu-
 ra praesagiri possunt, commodis incommo-
 disque; ita, si illud respicias, prudentia,
 sin haec, insipida parumque considerata Cae-
 saris consilia fuisse iudicabis. Potuisset prae-
 terea, si mens non laeua fuisset, ex ipsa
 Magdeburgi occupatione supra annum pro-
 tracta, non inepte clandestina quaedam MAV-
 RITII consilia praestolari; nec in gurgustio
 agebantur multa, quibus ille bellum mina-
 batur. Ecquid enim sibi voluit, quod di-
 missos

*) SLEIDANUS lib. XXII. pag. 630.

**) Ipsa haec verba sunt, quibus Caesar apud
 SLEIDANVM loc. cit. pag. 635. vtitur.

missos ex tradita Magdeburgicorum ciuitate milites rursus, alio licet sub nomine, conduceret? quod Magdeburgicos leniter, et amicorum instar magis quam inimicorum tractaret? quod cum Galliae regis legato, IOANNE PRAXINED, Episcopo Baionensi, frequentius versaretur? quod Hassos in fidem iureiurando reciperet? Neque haec omnia fugere poterant Caesarem, praesertim quum litterae principum accederent, qui de excursionibus militum MAVRITII vehementissime conquerebantur. Sed tanta fuit Caesaris securitas, ut et MAVRITIUM exquisitissimis verbis excusaret, et ipsos rumores pro inimicorum calumniis vendicaret *). Quae ipsa securitas maximam MAVRITIO fortunam protendebat, spemque afferre videbatur, fore, ut Caesarem imprudentem eo feliciter opprimeret.

§. XV.

Quibus rationibus ad suscipiendum hoc bellum commotus MAVRITIVS, et quis fuerit

- *) Litteras, in quibus haec commemorauit Carolus, integras Commentariis suis SLEIDANVS lib. XXIII. pag. 676. seqq. et le VASSON p. 371. inseruerunt. Contineo me ab omnibus, quae in iis continentur, enarrandis, quae, si cum acuto Caesaris ingenio conferuntur, curam Dei, circa eius consilia euerenda, plane singularem ostendunt.

Inspicere, tamquam in speculum, in verba omnia

Lubeo, atque ex iis sumere exemplum prouidentiae.

rit huius belli exitus, supra (§. V.) aliquantum me exposuisse memini. Non tamen sicco, quod aiunt, pede hic praetereunda videntur in ipsa hac expeditione varia, quae, singularem Dei curam, sicuti in iis, quibus huic bello felicissimo praelusit, ita in ipso hoc opere peragendo, occupatam fuisse, extra omnem dubitationem posuerunt. In quibus mihi prae reliquis plane videtur admirabile, quod paribus Caesaris consiliis et facinoribus, paria quoque Lutheranorum consilia et euentus responderint. Haec vero diuinæ iustitiae specimina cum in multis aliis conspici possunt, tum in hoc apparuerunt praecipue, quod, qui *Protestantes* insidiis verborumque blanditiis decipere tentauerat Imperator, iam eodem modo, et ab eo quidem, quem neque inimicum suspicatus erat, deceptus fuerit; quod maximam ipsi plagam princeps inflixerit, quem Saxonum familia, in quam Caesar saeuierat maxime, procreauerat; quod denique ii, ipsis Caesaris militibus vsi, detrimentum attulerint. Caesarem enim *Protestantes* falsa spe detinuisse, eorumque preces vanis eluisse promissionibus, nemo dubitabit, qui, quod supra diximus (§. IV.), meminerit. hisdem vero artibus usum esse MAVRITIVM, nisi alia bene multa, litterae tamen eius ad Caesarem datae, quarum hio in suis mentionem iniicit (not. 38.) abunde testantur. Namque Caesari, quid moliretur, sciscianti, se

se ipsi semper fore deditissimum respondit, huiusque confirmandi gratia, et legatos se concilii causa Tridentum missurum, et breui tempore iter ad Caesarem susceptrum esse, pollicitus est. Iustam vero turbarum mouendarum suspicionem, ipsis militum suorum excursionibus excitatam, de quorum insolentia Caesar maxime conquestus erat, stipendiorum denegatorum causa factos esse motus affirmando, declinauit. Quibus verbis misere bonum Imperatorem fefellit, ut, *nihil se a MAVRITIO, nisi praeclarum, expectare debere*, diceret, *si modo ulla adhuc fides in rebus humanis superesset*. Ita, qui artificiosis consiliis verba *Protestantibus*, ipsique MAVRITIO, dare constituerat, eadem illa astutia a MAVRITIO Saxone scientissime circumuentus est. Neque id sine singulari dei nutu. Inter omnes enim Germaniae ordines, non erat, cui Caesar plus facesserat negotii, quam illustris Saxonum familia, cuius tamen summa alioquin in se merita extare Caesar non ignorabat. FRIDERICVS enim, ille Saxonum Septemuir, quem omnes vno ore consentiunt, primum Germaniae fuisse virum, vnice Imperialem dignitatem Carolo comparauerat. Huic vero, ipsiusque successoribus, quas quaeso Imperator gratias retulit? Scilicet, ipso adhuc viuentē, edicto Wormatiensi Lutherum suosque affectas, adeoque FRIDERICVM etiam, extincta tanti beneficii memoria,

meria, proscriptis. Isto autem mortuo,
 quum frater ipsius IOANNES, qui summò iu-
 re nomine Constantis appellatus est, eius-
 que egregius, infelix licet, filius, IOANNES
 FRIDERICVS, fere vnici essent, qui liberta-
 ti Germanorum inhaerebant, quam Caesar
 nefarie opprimere conabatur; omnemque
 Caesaris inclementiam in se recipere, quam
 Germanorum libertatem funditus eueri ma-
 huissent, quamquam, si ab hac sola re dis-
 cesseris, omnia Caesari lubenti animo prae-
 starent; summo ipsos odio persecutus est,
 vsque dum armis, ipsisque principibus *Pro-*
testantium abusus, IOANNEM FRIDERICVM de
 Imperii fastigio deiiceret, eiusque dignita-
 tem, vti diximus, cognato ipsius, MAVRI-
 TIO, conferret. Sed idem ille MAVRITIUS,
 quem tot tantisque sibi deuinctum reddidis-
 se Caesar existimabat beneficiis, eandem,
 quam Caesar calcauerat, viam ingredieba-
 tur. Caesar FRIDERICVM eiusque familiam,
 oni omnen in Germania dignitatem debebat,
 summa acerbitate persecutus est; MAVRITIUS
 beneficium a Caesare acceptum prorsus ne-
 gligens, quamuis suam ipsi dignitatem ac-
 ceptam referret, grauissimo vulnere saucium
 Imperatorem reddidit. Ille fulminibus do-
 mum Saxoniam maxime concusserat, hic,
 generis sui gloriam vindicaturus, tela qua-
 si in Caesarem retrorsit. Ille Augustanae
 Confessioni addictos principes, a rebus
 Smalcaldicorum abalienatos, tantum non em-

omnes, ad vim *Protestantium* infringendam adhibuit; hi vero iidem illi erant, quorum iam vnitis viribus, maximae Caesaris vires prostratae sunt, iisdem illis militibus, quos, Caesari studentes, contra Lutheranos eduxerant. O stupendam iustitiae diuinae profunditatem! Quam abscondita sunt Dei iudicia! Quam oculi, quibus incedere solet, tramites!

§. XVI.

Excellit ipsa haec aduersus Caesarem suscepta expeditio admirabilibus diuinae providentiae vestigiis, quorum, ne de securitate Caesaris plura commemorem, quae eo usque progressa est, vt, appropinquante iam MAVRITIO, ne defendendo quidem corpori suo satis prospexerit, non nisi duo ex multis, breuiter attingenda, notabo; ex quibus id poterit intelligi accidisse, quod omnium hominum existimatione et iudicio sublimius est. Horum alterum, felices MAVRITII progressus spectat, alterum insuetum Caesaris et Ferdinandi timorem, eorumque de pace consilia. Quamuis enim exigua manu, quippe quae vix numerum viginti quinque millium excedebat, MAVRITIUS Caesarem adoriretur *); huius tamen auxilio, vix duorum mensium spatio, omnes, quas in

*) GEORG. ARNOLDVS in *vita Mauriti* p. 1229. apud MENCZENIVM.

in itinere obuias habebat, urbes occupauit, Caesarisque funditus prostravit exercitum. Erat tamen, quod, quo minus exercitu usque ad Caesarem pertingeret, impediabat, castellum aliquod, ipsa natura contra omnes impetus munitissimum, quod Ehrenburgum appellatur, quodque superari posse nemo vnus crediderat, nec ipse Caesar, cui, hoc ipso occupato, summum imminabat periculum. Hoc quamquam retardare videbatur MAVRITII progressus, tanta tamen hanc arcem, quae aditum ad Austriacorum regiones aperiebat, alacritate adgressus est, ut primo statim impetu, interemtis captisque tribus aut quatuor millibus militum, qui praesidio ipsi impositi erant, ex suis vero vix decem quindecimue amissis *), felicissime ipsam occuparet. At quum iam eo tenderet, ut Caesarem summa celeritate Oeniponte opprimeret, accidit noui aliquid, quod totam expeditionem in nihilum quasi redigere, omniaque MAVRITII consilia prorsus euertere potuisset. Repente enim seditio facta est militum, qui summa vehementia stipendia postulant, nec ipsum MAVRITIVM globulis sclopeto emissis transfigere dubitabant **). Nihilo tamen minus, placatis paullisper animis Oenipontem cum suis pro-

*) Cf. WILHELM, Hassiaci principis, relationem de hac Ehrenburgi occupatione apud HOATLEDERVM, l. c. p. 1313.

**) SLEIDANVS lib. XXIV, p. 707.

properat, vade vix Caesar cum fratre, noctu turbidaque tempestate, per praerupta loca, atque asperrimas vias, aufugerat. Hic dici vix potest, quanto timore perterritus fuerit, facileque urgente necessitate adducebatur, ut in pacis condiciones, quas olim vix ac ne vix quidem attenderat, libentissime consentiret. Quod si iam ea, quae supra de exiguis *Protestantium* viribus (§. XI.), et insigni Imperatoris potentia (§. XII.) disserui, cum mirabili eius fratrisque sui timiditate comparentur; vix credibile est, tantum Imperatorem, qui non vinci, sed vincere ubiuis consueverat, qui antea *Protestantes* unico quasi ictu prosterne-re posse videbatur, tam subito omni paene animo potuisse destitui, ut hostes non indutiis detinendos, aut contractis, quod facile fieri poterat, copiis ad mitiores pacis condiciones inenundas adigendos esse putaret, sed ipse inimicis fere propensior ad quietem videretur. Maximum vero iam ipsum bellum antecessit FERDINANDI de bello anteverrendo studium. Vix enim bellum parare MAURITIUM perciperat, quum multum ex alacritate eius detrimentum praesentiens, per legatum suum maximis precibus impetum deprecatus*), dulcissimis persuasionibus ultro aequas induciarum leges offerret; quibus, MAURITIO propius accedente, atque comprobante FERDINANDA augurium felicissimo

armo-

*) SLEIDANVS lib. XXIV, pag. 701.

armorum MAVRITII successu, acrius insistere coepit. A quo quum impetrasset, ut, inter ipsum armorum strepitum, Lintium, pacis conciliandae gratia veniret, post expeditionem MYRTII Oenipontinam, pulchre intelligens, nisi perpetuum liberumque religionis exercitium Euangelicis concederetur, non fore ut ipsi acquiescerent, ipsam Passauium inuitavit, ubi Caesare consentiente leges illae, in Lutheranorum haud leue emolumentum, conditae sunt, quarum iam supra (§. V.) mentionem inieciimus.

§. XVII.

Pacata iam videbantur omnia, perpetuamque religionis suae excercendae licentiam, tandem aliquando obtinendam, audissima cupiditate, summaque fiducia, *Euangelici*, requietis interualla habentes, praestolabantur. Nullus timor, nullaque animis ipsorum infixata dubitatio eiusmodi ipsis instillabat scrupulos, ut, pacem exoptatissimam certissime se impetraturos esse, formidolosius dubitassent. Nouerant mirabile Caesaris ingenium, qui, quamuis Imperatori, si nemini vlli, promissis standum esse, satis olim magnifice pronunciasset, multis tamen sciebat artibus consiliisque denegatam *Protestantibus* fidem excusare; eumque, in angustiis positum, pacem polliceri, periculo exemptum, bellum minari solere, tristi satis experientia didicerant. Tan-

ta tamen erat eorum securitas, tanta de animi ipsius magnitudine, deque Dei, quem rerum suarum moderatorem, et requieris quasi architectum nouerant, fiducia, tanta denique in obseruandis pacis conditionibus, iustitia, ut iis, quae promiserant, diligenter inhaerendo, Caesaris fidem iustitiamque quasi anticipare constituerent. Huius animi declarandi gratia ipse MAVRITIVS, cum iis, quae in fide manserant, copius, FERDINANDO satisfactorius, in Hungariam, contra Turcas, abiit; postea vero ALBERTVM Brandenburgicum, suis alioquin partibus fauentem, quod arma post pacem deponere noller, ipsis armis suis persecutus est. Hinc funestae illae contentiones, in quibus et ipsae Lutheranorum vires debilitatae sunt, et immortalis memoriae princeps, MAVRITIVS, in maximum, ut videbatur, eorum detrimentum, periit. Eodem fere tempore rebus humanis ereptus est, pius emendatae religionis propugnator, EDVARDVS Angliae rex, in cuius locum substituta, superstitioni deditissima MARIA, ferro flammisque huius religionis, aedificas extinguere conabatur. Rebus denique suis Aug. Conf. addicti, pace cum Caesare inita, Gallorum regem abalienauerant, cuius auxilio destituti, si fidem datam Caesar seruare noluisset, sustentare Caesaris impetus posse non videbantur. Quamuis autem his omnibus ex gradu suo quasi deiecti eneruatiue videntur

tur *Euangelici*, neque esset, si a Deo dis-
cesseris, quisquam, in quo spem suam col-
locare potuissent, tanta tamen animi forti-
tudine fidei a Caesare datae institerunt, vt
iplos, non armis, sed leniori quadam man-
suetudine, pacem Caesari FERDINANDOQUE
extorsisse diceres; adeo vt omne potius
vehementissimum Pontificis Romani odium
in se suscipere, quam pacem ipsis denega-
re maluerit. In quibus singulis efficiendis
quanta fuerit diuina prouidentia, nunc pla-
cet distributius demonstrare.

§. XVIII.

Vix iacta erant pactionis Passauiensis fun-
damenta, quum noua procella oriretur, quae,
nisi summam, magnam tamen *Euangelicis*
stragem attulit. Steterat huic vsque ab eo-
rum partibus ALBERTVS Culmbacensis Mar-
chio, princeps vindicandae religionis mi-
nus, quam molestiae, hostibus in religione
dissidentibus excitandae, studiosus, cuius
inquieta animi indoles parum saepius a cru-
delitate remota videbatur. Hic, quum MAV-
RITIVS ad defendendam emendatae religio-
nis causam litteris Germaniae Proceres ad-
hortatus esset; pariter scriptum in vulgus
dederat, in quo animum bello et rapinae
inhiantem pietatis specie obumbravit. Quo
facto, dum MAVRITIVS bello Caesarem ag-
greditur, terras Franconiae horrenda va-
stitione depopulatus est. Pace autem Passa-
uii

iii Caesarem inter et *Evangelicos* conciliata, talis rerum mutatio ALBERTO, cui bona Pontificiorum diripiendi erepta videbatur occasio, stomachum movit, ita ut vehementius, quam antea fecerat, Germaniae regiones, maxime vero contrariae partis Episcoporum misere devastaret multaque, templa incendiando, vrbes destruendo, maximas pecunias exigendo, aliisque belli facinoribus, crudelitatis, ne dicam barbariei, documenta ederet *). Qua in re eo usque progressus est ut Caesar ipsum, repetita vice a Camera Imperiali proscriptum, variis Germaniae principibus bello persequendum traderet. Displicuit *Evangelicis* nimia ALBERTI vehementia; publice igitur haec omnia detestari **) eum, tamquam communis quietis turbatorem, vi armisque coercendum susceperunt. Hoc tum a Noribergensibus factum est, qui vexatorum Episcoporum copiis se, ad impugnandas ALBERTI regiones adiunxerant, nec multum curabant, quid de

*) Pleni sunt harum rerum annales. Qui summam earum desiderat, evolvat litteras MAURITII, librosque a Noribergensibus ad ALBERTUM eo tempore editos, illius apud SLEDANUM lib. XXV. p. 734. seq., horum apud eundem p. 738. seq. et 756 seqq.

**) Vide excerpta litterarum, quibus FERDINANDVS et MAURITIUS causas belli contra ALBERTUM exposuerunt, in MENCIONI Scriptoris rerum Germanicarum Tom. II. p. 1445.

• 46. Ampliores litteras dedit SLEDANVS lib. XXV. p. 734. seqq.

de defectione ipsorum ad Pontificis doctrinas, ipsa hac vnione declarata, ALBERTVS clamitaret; tum a MAVRITIO in primis, qui, perfidia iniustitiaque ipsi exprobat, eum, quum pacem recusaret, bello adoriebatur. Quod bellum, incertum est, an rebus Lutheranorum emolumentum maius, an detrimentum attulerit. Quousque enim salua stabit turbis et diffidio labefactata respublica? aut quis est dolor tam exiguus in praecordiis saeuens, quin vsque ad necessitatem mortis aliquando deducat? Maximi imperii contextus, disruptis, quibus constringuntur, vinculis, multas quasi in partes diffiliunt, et quae societas, vnitis ciuium viribus, omnium reprimere impetus poterat, dissociatis eorum animis, sese hostibus diripiendam destruendamque propinat. Nihil igitur ad societatem Lutheranorum, imbecillam parumque confirmatam, penitus euertendam requiri amplius videbatur, quam intestini in ipsa tumultus; et bella hinc Caesari nascebatur, incautos debilitatosque inimicos opprimendi, occasio. Neque adeo delirasse nostros existimes, ac si, se sibi met ipsi vulnus hoc ipso bello infligere, non perspexissent. Perspexerunt utique; sed nihilo minus de pactione, etiam cum verisimili suo detrimento seruanda, reprimendisque ALBERTI, qui Aug. Confessionis hostibus se alioquin strenue opposuerat, insultibus magis, quam de vrgenda pace, iam per duos fere

tere annos ab Imperatore dilata, declinandoque suo interitu, cogitarunt. Id quod magno argumento esse potest, hos Ecclesiae nostrae conditores paci, abstinentiae, aequitati et iustitiae adeo studuisse, ut ne ipsis quidem partium suarum hominibus percerint, suasque prius vires, ad impetrandam tamen perpetuam religionis pacem necessarias, ipsi labefactare, quam pacem vlla ratione laedere, aut leuiter duntaxat obferuare maluerint *). Fide enim ac sinceritate, non armis aut fraudulentia; pietate legumque custodia, non ut aut clandestinis consiliis animum Caesaris flectendum esse putabant. Vitia et in suis oderant, suppressis,

- *) Qui nullam facile, fidei nostrae homines iniquius laceffendi, occasionem praetermittit, portentosi ingenii scriptor, GODFREDVS ARNOLDVS, diuersam plane a nostra rationem, hoc cum ALBERTO bellum diiudicandi, inijt (in der unpartheiischen Kirchen- und Reper- Historie. Part. II. lib. XVI. Cap. IV. §. 15.) Nomen quod huic bello conuenientissimum esse arbitratur, execrabile latrocinium est, mortisque MAVRITII causa, vehementissimum eius turbulentumque ingenium. Nolo in examinando hoc ARNOEDVS iudicio tempus chartamque consumere; id vero crediderim, MAVRITIVM suosque omnium hominum stultissimos fuisse, si, feruore pugnandi abrepti, non pacis vindicandae gratia bellum suscepissent. Nobiliorem fuisse MAVRITII finem, nemo negare potest, nisi qui hoc bellum per se, nec in nexu cum rebus gestis MAVRITII antecedentibus considerauerit.

sis, etiam si hostes essent, succurrebant. Hoc ipso exemplo luculenter docuerunt, inquam esse eorum suspicionem, qui Lutheranorum principes bellum suscepisse multosque excitasse tumultus existimarunt, ut civilia emolumenta pararent, ut bona sacra semel occupata sibi vindicarent, ut occasionem plura vi armisque sibi arrogandi nanciscerentur. Quorum vitiorum qui reos ipsos existimant, hos equidem nescio, an satis, quid affirmant, perpenderit. Quis enim censendos putaret hos principes, si reportatae semel religionis licentiae acrius institissent, nec pacem permisissent ad comitia differendam? Quem ipsis crimen perjurii obiecturum fuisse putas, si ab opprimendis suis abstinuissem? Quis ipsis vitio potuisset vertere, si de conservanda republica sua amolendisque internis dissidiis fuissent solliciti? At bellum suscipiunt, ut pacem impetrent; pace impetrata arma deponunt. Pacem quaerunt, ut Deum more suo colere possint: hoc concessio, de oblinendis civilibus emolumentis non cogitant. Pacem armis restituant; pace restituta, armis suis non nisi eos, qui ipsam turbaferant, prosequuntur, membraque, quae offensioni esse videbantur corpori, rescindunt. Sic vitium est sapientissimo numini, veros piosque causae suae patronos ab impiis discernere. Sic rebus Ecclesiae suae prospexit, ut quae ipsi detrimento esse videban-

debantur, in summam laudem valitatemque cesserint.

§. XVIII.

Maximum in toto hoc bello vulgus Lutherani funesto MAVRITII interitu acceperunt, qui, quum apud Siuershusum cum ALBERTO Culmbacensi manum conseruisset, globulo transfossus paullo post expirauit. Ita MAVRITIVS, non contra Ecclesiae persecutores, nec restaurandae religionis gratia, sed contra eidem fidei addictos, inuitus tamen, pugnans, periit! Ita, qui vitam omniaque pro defendenda vera religione impenderat, non ea felicitate petitus est, ut morte pietatem suam confirmasset, sed fidem Caesari datam ultro propugnans, pro inimicis, pacem quasi sanguine suo obsignans, interiit, non hostium manu aut fortitudine, sed eorum, quorum causam tantum cum virtute egerat, facinore! Cecidit cum isto dux, quo nemo ad rem *Euangelicorum* restituendam vindicandamque aprior videbatur *), ipsoque expirato omnis fere eorum de recuperanda pace spes expirabat. Successor declaratus erat frater ipsius AVGVSTVS, qui magna quidem prudentia excollebat, sed tanto animi robore, et, ut ita dicam, ad tantum opus perficiendum necessaria vehementia praeditus non erat.

*) Hoc ipso cum testimonio Galli exornantur in epistolis apud MÄNCKENIUM pag. 1426.

erat. MAVRITVS dotibus propugnatoris ecclesiae egregie instructus, bello fortis erat animoque strenuus; AVGVSTVS vero pacem magis quam bellum sectabatur, neque armis sed consiliis parandam esse pacem existimabat. Accedebat, quod de obtinenda Septemvirsatus dignitate Saxonumque regionibus AVGVSTVM inter et IOANNEM FRIDERICVM nondum conuenerat *); id quod non exiguam *Protestantibus* discordiam excitare videbatur. Fulcro igitur suo quum se sentirent destitutos, et auctum potius quam diminutum iri interna dissidia opinarentur Aug. Confessioni addicti, non leue illis imminabat periculum. Effecit tamen provida Dei O. M. cura, vt, quae ad detrimentum ipsorum inclinabant. dissidia mox componerentur, mortemque MAVRITII viri fortissimi, AVGVSTI sapientia et moderatio compensaret **). In eo enim AVGVSTVS cum

IOANN-

*) Vno adhuc MAVRITIO dimissum ex vinculis IOANNEM FRIDERICVM reddendam sibi ablatam dignitatem postulasse, CHESIVS refert. epist. 13. apud MENCHENIVM l. c. p. 1439; ipsique auxilium suum promississe ALBERTVM, in aliis litteris p. 1409. relatum legimus. Eandem mortuo MAVRITIO ab AVGVSTO, consentientibus terrarum Saxonicarum proceribus, repetiisse THUANVS memorat *Historiarum* lib. XI. p. m. 328.

**) Varia de AVGVSTO I. Electore Saxoniae, meritisissimus scholae Grimmae rector M. HENN. AVG. SCHUMACHERVS binis Programmati-

JOHANNES FRIDERICO, in conuentu Numburgi A. MDLIV. habito, consenserat, ut hic, misso dignitati pristinae nuncio, eam, *nati Electoris* nomine, quibusdam Saxoniae ciuitatibus, et 100,000 florenorum pretio, contentus, AVGVSTO ipsiusque posteris concederet *). Placidum vero ac mite AVGVSTI ingenium effecit, ut non armis propagata, aut vehementia quadam parata pax religionis videretur, sed maior elucesceret Dei sapientissimi providentia, qua factum est, ut pacem *Euangelici* impetrarent tali tempore, quo ab omnibus destituti, suorumque hostium violentiae omnino expositi videbantur,

§. XX.

Ira res *Euangelicorum* post pacem Passaviae sancitam comparatae erant; quas qui attento animo considerabat, non poterat non iudicare, hunc coetum in eundem fere, ex quo vix ope MAVRITII conualuerat, morbum recidisse. Exigua enim societas, quae intestinis dissipatur contentionibus, capiteque suo orbata est, non potest profecto fortissimorum hominum impetus sustinere, nec ab iis id, quod dare sua sponte nolunt, vi armisque impetrare, quae vix, ut ab interitu se tueantur, sufficiunt. Maiori iam

in

matibus concesso, quae Lipsiae ao. 1751. 52. prodierunt.

*) Conf. MÜLLERVM in *Annalibus Saxonis*. p. 122. Integram pactionis formulam HORTERVS exhibet l. c. p. 968. seqq.

in angustia versabantur Aug. Conf addicti quam eo, quum imperatorem post bellum Smalcaldicum adorti essent, tempore. Tunc enim, aliorum auxilio animati Caesarem, nihil tale metuentem, alienis laceessere armis, nunc neque ex Gallia neque ex Anglia ullum expectare auxilium poterant, nec tuto Caesarem melius sibi prospicientem adoriri, quin potius hos ipsos principes ad interitum ecclesiae suae conspiraturos esse, ex eorum inimicitia, et ad persecutionem *Protestantium* impetu, non inepta diuinatione coniiciebant. Morte enim immatura extinctus erat optimae spei rex Anglorum EDVARDVS, qui, dum viueret, non solum fuerat de emendenda ad exemplar LUTHERI Ecclesia Britannica maxime sollicitus, sed suae etiam fidei socios extra Angliam degentes auctoritate sua sustentare non intermiserat. Succedebat ipsi MARIA, cuius animus summa superstitione, et in eos, qui auitae religioni renunciauerant, crudelitate imbutus, initumque postea cum PHILIPPO Hispanorum rege matrimonium, eam non amicam emendatae religionis professoribus, sed rebus ipsorum inimicissimam portendebat. Neque maiorem spem concipere poterant *Euangelici*, fore vt rex Gallorum ipsis aliquas ferret suppetias *). Non solum enim

*) Lapsus me esse haec asseuerando dicent forsitan, quibus litterae a MENCCKENTE editae

enim Passauil paciscendo cum Caesare iram eius summopere concitauerant, sed animum quoque Pontificiae religionis principis acriter inhaerentem, summo ardore HVGONOTTAS, vt vocabantur, persequendo declarauerat *), nec vllum erat dubium, ipsum ad extirpandam potius emendatam religionem, quam ad efferendam illam et stabilendam studia sua esse collaturum. Magno haec fateor, detrimento *Protestantibus* esse videbantur, dum neque intus munitis, neque exteriori quodam saepimento tuti ab hostium impetu erant; sed illud ipsum, quanta fuerit Dei in custodienda promouen-

tae saepiusque laudatae innotuerunt. In his enim id summo studio Gallorum rex agit, vt *Protestantes*, post pactionem Passauiensem, ad Caesarem bello persequendum commoueat, nec se suo auxilio ipsis defuturum polliceatur. Neque tamen hoc meae causae aduersari putauerim. Praeterquam enim quod non pacem religionis hoc ipso *Euangelicis* comparandam, (de qua hic quidem locutus sum) sed vires Caesaris, quem ALBERTI partibus contra *Protestantes* fanere, rex arbitrabatur, debilitandas, eiusque dignitatem sibi suisue conferendam intenderit; omnes hae epistolae, vel viuentis adhuc MAURITIO, vel paullo post mortem ipsius exaratae sunt, neque post initam AYGUSTI cum ALBERTO pacem, Galliae rex de succurrendo *Euangelicis* amplius cogitauit.

*) P. DANIEL *Histoire de France*. Tom. VIII. p. 290.

mouendaque hac religione cura, egregie
 demonstraui. Pluribus enim ad vnum eum-
 demque finem efficiendum caussis conspi-
 rantibus, id earum multitudine efficitur, vt,
 cui omnem attentionem, si vnica adesset,
 consecrassemus, iam, diuisa dumtaxat con-
 templatione, inclinatis ad reliquas causas
 animi nostri viribus, pensitemus. Contra
 vero, si vnicam ad hunc, reliquas ad con-
 trarium finem efficiendum tendere, intelli-
 gimus, non his, sed illi soli, effectum, si
 subsequitur, assignandum esse, perspicimus.
 Maximae igitur et admirabilis sapientiae di-
 vine documentum est, quod in illud ad-
 duci discrimen res Lutheranorum voluerit,
 vt, depulsis impedimentorum nebulis, pa-
 ceque post varias huius ecclesiae vicissitudi-
 nes conciliata, quum ad interitum eius om-
 nia conspirare viderentur, non hominum
 curis aut sapientia, nec humanis viribus tan-
 tam pacem procuratam esse appareret, sed
 sola Dei sapientia et benignitate conditam.

§. XXI.

Quamquam autem nostri, neque ex alio-
 rum auxilio aliquid, ex comitiis vero, iu-
 sto quam sperauerant longius dilatis, parum
 boni sibi polliceri poterant; his omnibus
 tamen quasi infra fiduciam positis, tam pa-
 rum de adsciscendis foedere aliis cogitarunt,
 tantaque cum moderatione et securitate qua-
 si res suas egerunt, ac si Deus ipsis certissi-
 mum

mum aliquod monstrasset periculum effu-
 giendi remedium, illius diuina quadam con-
 iectura laetum suarum exitum praesagiis-
 sent, neque credidissent, sibi Caesarem, sed
 Caesari se pacem largiri oportere, vere ut
 dicere liceat, numquam fortiori animo et
 maiori fiducia nostros fuisse, quam tunc,
 quum omni spe omnibusque viribus desti-
 tuti viderentur. Saepe multumque ante su-
 scepthum bellum Smalcaldicum ipsos inter
 et eos, qui ZWINGLIUM ducem in emen-
 danda religione sequebantur, de vtrorum-
 que dissentientium doctrinis conciliandis de-
 liberatum erat, tantoque saepius cum fer-
 vore, ut paene, ob dissidia inde excitata,
 ipsi illi, qui foedere se Smalcaldico coniun-
 xerant, dilaberentur. Minori tamen eo tem-
 pore necessitate unionis urgebantur; iam
 vero vix vllum supererat, nisi ad Heluetos
 reliquosque doctrinam ipsorum secutos, re-
 fugium; de quibus tamen secum coniun-
 gendis nostri ne fando quidem cogitabant.
 Summa interim animi tranquillitate co-
 mitia Augustae Vindelicorum habenda ex-
 spectabant, remque tam implicatam, et
 ad perpetuum suum vel emolumentum
 vel detrimentum idoneam, tam leuiter
 tractare videbantur, ut neque sperandam
 esse a Caesare pacem religionis perpe-
 tuam opinarentur, neque horum princi-
 pum aliquis se ad comitia conferret; quam-
 uis humanissime, ut ipsi accedentes, pro
 studio.

studiorum consortio manum commodarent, FERDINANDVS expetiisset, ipsique sua forsitan praesentia postulata sua quasi animare potuisse viderentur. In conuentu autem Numburgensi, se ne latum vnguem ab Augustana Confessione recessuros, aut vlla ratione formulam *Interim* recepturos esse, quodam se codicillo obstrinxerant *). Qua in re singularem Dei prouidentiam obtinuisset perspicuum est. Quamquam enim funesta inter nos fratresque nostros, qui sibi nomen *Reformatorum* sumserunt, dissidia vehementer doleamus, optandumque esset, si quidem id posset fieri, vt, qui eidem Pontificis iugo se subdixerunt, eodemque iusto in ipsius doctrinas odio feruntur, sine discordiis, quibus perpetuo distracti fuerunt, imposito, in eandem se communitatem reciperent; illud tamen, nisi alterutrius partis fautores nuncium suis doctrinis mittant, optare nefas, sperandum vero profecto non est. Et ideo ego illos existimo pessime huic coniunctioni consuluisse, qui ambiguis quibusdam loquendi formulis animos dissidentes fraudare, totamque vniendarum partium compagem tam carioso fundamento superstruere voluerunt; hoc enim quid aliud est, quam pace, specie quidem blanda, sed reapse multis locis repudianda, vtramque pessum dare? Tantum igitur abest, vt, frustra

*) Legitur apud LEHMANNVM in *actis de pace religionis*. lib. I. c. 27.

fra de hac re laborasse quosdam Reforma-
 tionis tempore, doleam, ut id potius sin-
 gulari bonitati sapientiaeque diuinae tribu-
 endum esse existimem, quae impediuit, quo-
 minus hoc modo, maxime ante pacem re-
 ligioni nostrae publice datam, utraque ho-
 rum dissidentium pars consenserit. Hoc ip-
 so enim factum est, ut summa doctrinis no-
 stris puritas manserit, ut multae in coetu
 nostro dissensiones denuo oriturae praeoc-
 cupatae quasi, ut cautum denique fuerit,
 ne quis, vi armorum aut aliorum auxilio,
 non solo Deo procurante, pacem religio-
 nis nos impetrasse, diceret. Neque tamen
 omnis constantia derelictis nostris principi-
 bus excidit, quin potius, quanto grauiori
 pondere deprimi viderentur, tanto se au-
 dentius ipsorum fortitudo erexit; quae tunc
 certe fuit maxima, quum ipsi Pontificiorum
 principes nostrorum voluntati, aequis ad-
 modum et tolerabilibus modis, cederent.
 Quamuis enim credendum fuisset, Luthe-
 ranos viribus debilitatos, neque in aliorum
 auxilio innisos, Caesari aliquantisper in co-
 mitiis subiecturos se esse, ut cum iisdem
 contentos fore, quae legati Caesaris, et in
 his FERDINANDVS ipsis, vel inuiti, con-
 cesserant; et ipso tamen tempore acerrime
 institerunt; licet verendum esset, nimio eo-
 rum rigore effectum iri, ut comitia peni-
 tus disrumperentur, Romanaeque Eccle-
 siae addicti inde occasionem sumerent, ipsis,
 cum

cum veritatis et aequitatis specie aliqua, pacem plane denegandi, quam vehementius obloquendo nostri detrectasse visi fuerant. Iccirco inter insignia singularis curae diuinae specimina, quibus religioni nostrae conseruandae prospexit, referendum esse arbitror, quod sapientissima rerum gubernatione effecerit, vt haec omnia non solum comitia semel inchoata non dissipauerint, sed abunde demonstrauerint etiam, quum ex omnium iudicio exitiosus rerum nostrarum exitus immineret, Deum, non homines, pacem *Euangelicis* dedisse.

§. XXII.

Multum conferebat ad felicem horum comitiorum successum FERDINANDI Romanorum regis ingenium, proque pace restau-randa minuendisque contentionibus labores. Huic enim, quum, Deo ita dirigente, a Caesare regenda comitia tradita fuissent, contigit, vt indefesso studio suo inueteratis illis de religione dissensionibus exoptatissimum finem imponeret. Neque profecto meliorem litis ventilandae arbitrum vel cogitatione fingere nostri potuissent, quam hunc ipsum FERDINANDVM, principem conciliandis animis obseruandaeque paci atque aequitati studiosissimum, cuius lenitatem animumque, ab emendanda religione non alie-

alienissimum *), iam saepius experti erant, qui LUTHERVM sequebantur, principes. Quotiescunque enim rigidioribus mandatis in homines nostros inuectus erat CAROLVS Imperator, horum dictorum acerbiter FERDINANDVS, quamuis mitia sua et leniora consilia parum fratri approbaret, singulari quadam sapientia mitigare, sibi que animos *Protestantium* amiciores reddere didicerat. Neque fugere FERDINANDVM poterat, quantum subigendis repellendisque Turcis, aliisque hominibus, de se meritis esset MAVRITIVS, qui maiori in pretio habere FERDINANDVM vel eo declarauerat, quod, quum, occupato Oeniponte, omnes Caesaris suorumque fortunas militibus diripiendas tradidisset, solius FERDINANDI supellectile abstinere milites iusserat **). Ipsam vero pacem conceden-

*) Nolo ad comprobendam hanc FERDINANDI mentem ad istas litteras prouocare, quas ad ipsum LUTHERVM A. MDXXXVII. Calendis Februarii scripsisse fertur. Quamuis enim non pauci fuerint, qui de ipsarum fide non dubitauerint: aliis tamen, idque non sine ratione, suspectae visae sunt. Pluribus disseruerunt de his litteris SECKENDORFFIVS in *Commentario de Lutheranism.* lib. III. Sect. XVI. §. 58. Add. I. pag. 162. seqq. et SALIGIVS *Historiae Aug. Conf.* Vol. III. p. 4. seqq. Neque his litteris indigemus, quum omnia fere comitia, quibus FERDINANDVS praefuit, hunc eius animum indolemque loquantur.

**) SLEIDANVS lib. XXIV. p. m. 708. et ARNOLDVS in vita MAVRITII pag. 1232.

cedendo *Protestantibus*, licet Pontificis, qui, sub auspiciis comitiorum, JULIVS III. erat, indignationem ferre se oportere FERDINANDVS intelligeret; hac tamen ipsa occasione ad illatam sibi ab ipso iniuriam vlciscendam vti opportune poterat *). Neque etiam deerant rationes, quae persuadebant FERDINANDO, in his ipsis comitiis paci inter dissidentes conficiendae tanto magis esse incumbendum, quanto arctiori vinculo haec pacis consilia cum sua ipsius salute coniuncta erant. Namque praeter hoc de religione emendata permittenda negotium, constitutum ipsi erat procerum implorare aduersus Turcas, omnem Hungariam infestantes, auxilium, quod, nisi pacem diu quaesitam Lutheranis concederet, nulla se ratione impetraturum esse nouerat. In eo praeterea erat CAROLVS Imperator, vt, nullam imperio turbulento salutem esse perspicuens, quietis obtinendae gratia deponendum imperii clauum meditaretur. Quum igitur prima spes FERDINANDO, regi Romanorum iamdudum creato, esset, fore vt,

depo-

*) Hic enim Pontifex FERDINANDVM ob suspicionem caedis GEORGII MARTINVSII, Episcopi Varadinensis et ecclesiae Romanae purpurati, seuera lege, interdicto ipsi sacrorum vsu, proscripserat; quam maculam a Pontifice extinguendam vix multo argento precibusque impetrare potuit. Vide *Continuatorem historiae Ecclesiasticae FLEURYANAE*. Edit. Bruxell. Tom. XXX. pag. 385. seqq.

depositis a fratre fascibus, ad summum imperii fastigium adspiraret; pacatae praesse Germaniae maluit, quam perpetuis turbulentissimisque litibus exagitari. Quae omnia, quemadmodum satis permouere FERDINANDVM poterant, vt, quidquid in ipso erat virium ingeniique, id omne ad dissidiorum propugnaculo disturbanda conferret; ita accedebat et aliud quoddam, quod ipsi ineundam cum Lutheranorum principibus amicitiam commendabat; inconsiderata nimirum et iniqua CAROLI consilia, de PHILIPPO filio suo in locum Imperatoris sufficiendo. Quamuis enim ipse CAROLVS summa olim vehementia Septemuiris FERDINANDVM, tamquam Romanorum regem, obtrusisset, mutauit tamen, quum PHILIPPVS ephebus factus esset, suam de successionis sententiam, variisque artibus, ne dicam minis *), FERDINANDO dignitatem semel collata

tam

*) Has in FERDINANDVM iactasse Caesarem, BURNETVS auctor est *Hist. reform. Eccles. Anglicanae* Part. II. p. 124. vnde rumor percrebuit, fore vt ipsi FERDINANDVS ope Protestantium bellum pararet. V. *Epistol. gallicas apud MENCKENIUM* l. c. pag. 1431. Quae quamuis mihi in animum FERDINANDI, qui fratrem patris loco semper habuit, cadere non posse videantur; neque ego, quod Galli putarunt, Caesarem, ALBERTVM Brandenburgicum contra *Euangelicos* subleuasse, crediderim, (quorum vtrumque et ex singulari Caesaris male informati gratia per-

tem-

tam eripere conatus est *). Atqui FERDINANDO extimescendus erat PHILIPPVS rex potentissimus, qui non regiones solum Hispanicas a patre acceperat, sed coniugio etiam se nuper admodum cum MARIA Angliae regina coniunxerat, multumque viribus diuiniisque valere videbatur. Igitur quum proceres partis Pontificiae PHILIPPO, strenuo auitae religionis defensori, magis fauurosos esse, FERDINANDVS animaduerneret, quam sibi, cuius placidum, et ad pacem *Protestantibus* dandam propensio-rem, animum nouerant; hisque effectum iri vereretur, ne, quod

temqus aliquod ALBERTO concessa, et ex crebrioribus FERDINANDI, cum *Euangelicis* negotiationibus, missoque ipsis contra ALBERTVM auxilio, natum esse videtur): hoc tamen positum est extra omne dubium, FERDINANDVM, egregiumque ipsius filium MAXIMILIANVM iniusta CAROLI de inferendo PHILIPPO consilia ipso *Protestantium* auxilio, qui superstitiosum superbumque PHILIPPI ingenium oderant, labefactare omni modo studuisse.

- *) Recte MENCKENIUS bis Caesarem hac in re peccasse ait, quod primo FERDINANDVM a Septemuiris eligendum postulauerit, mox vero dignitatem ex ipso in filium transferre voluerit (*in dissertatione: de naeuis politicis CAROLI V. Imperatoris, quae in Decade dissertationum eius academicarum Lipsiae MDCCXXXIV. editarum, septimum locum occupat §. IV. p. 310. seq.*); atque consilia; artes, rationesque commemorat, quibus Caesar fratri hoc persuadere conatus est.

quod optabat, tandem aliquando PHILIPPVS impetraret: ad huius euertenda consilia, in eo omnes animi ingeniique nervos contendebat, ut caueretur, ne quid sua dignitas detrimentum caperet. Quam ob rem optimum fore ratus, *Protestantium* auctoritati suam dignitatem superstruere, facillimum se in audiendis *Euangelicorum* postulatis prae-buit, omnibusque viribus annisus est, ut remotis impedimentis, pacem illis perennem compararet. Hinc tanta animi moderatio, tanta in excipiendis precibus scriptisque Lutheranorum patientia, tanta denique ipsis quaesitam pacem, reluctantibus licet Pontificiis, concedendi facilitas, quae multa rebus nostris emolumenta peperit. Hunc tam egregium omnium rerum contextum si minori, quam diuina manu, elaboratum esse dicerem, minus profecto, quam debeam, praedicarem. In hac vero fabula, ut omnes actus, ita is mihi ante omnes videtur probandus, quod ille ipse, quem tanto cum feruore et quasi violentia, Septemuiris eligendum Caesar obtruserat, iam maximum ipsi negotium facesseret; quodque Caesar, sua ipsius culpa, non sine aliquo diuino iudicio, multo studio multoque labore hominem praeparasset, qui, quo minus PHILIPPVS filius succederet, summo impedimento erat, cuiusque eo tempore, quum Caesar maxima auctoritate ad PHILIPPVM Septemuiris commendandum indigeret, aucto-

auctoritas tanta erat, vt CAROLI auctoritas propemodum exspirasse videretur.

§. XXIII.

Atque ego suspicionem, remissius quam par erat, obseruasse me singularis diuinæ circa hanc pacem prouidentiae vestigia, non euitaturum esse arbitror, nisi, aptissimum huic negotio fuisse illud tempus eorum, qui tunc Romanae Ecclesiae imperium tenebant, Pontificum respectu, demonstrarem. Infidebat, dum Germani comitia ordiebantur, cathedrae Romanae IULIUS III., qui indignatus, FERDINANDVM, hominem saecularem, absque approbatione sua, aut nomine Episcoporum praefixo, proposuisse sibi subditis docendorum epitomen, eumque colloquia de componendis in religione dissidiis denuo instituenda suasse, summum in ipsum odium conceperat. Deplorabat aetatem suam, quod in ea tempora incidisset, quibus sibi, ob lites auctoritati suae intentatas, vitam securam agere non liceret; quamobrem, ne vehementiori impetu quiete sua moueretur, IOANNEM MORONVM, Romanae Ecclesiae purpuratum ad comitia Augustana misit, qui Germanis, proposito in hunc finem Anglorum exemplo, persuaderet, vt ad Ecclesiae gremium, errore agnito, reuerterentur; omnia vero colloquia et alias de religione tractationes, quantum

rum fieri posset, amoliretur *). Quibus rebus effecit MORONVS, vt suspectus merito *Protestantibus*, et ad suppressenda pacis consilia, stabiliendamque Pontificis auctoritatem missus vnice videretur. Neque tamen ita multo post alius, IULIO morte extincto, successit MARCELLVS CERVINVS, quo aptiorem quemquam ad destruendum pacis nostrae apparatus fuisse, vix crediderim. Erat enim in homine summa morum integritas sanctitatisque vitae species, et incredibilis ope Concilii, vel ipso cum Pontificis periculo, Ecclesiam emendandi cupido. Huius autem consilium, quod nec publice prouideri dubitabat, ipsis hominibus suis ingratum, *Euangelicis* plâne exitiosum videbatur. Finge enim hunc prudentia bono proposito suo simili opus tamdiu, sed frustra quaesitum, aggressum fuisse, mores suorum feliciter correxisse, aut bonis verbis pacem persuasisse *Protestantibus*: num pacem, qua nunc fruimur, tam incomparabilem impetraturos fuisse nostros putabis? aut credes, Caesarem mutuam dissidentium concordiam, grauissimis, quibus postea sancta fuit, pacis conditionibus fuisse praelaturum? Vnione utcumque conflata fruemur forsitan, non exoptatissima Deum more nostro colendi libertate. Destruenda igitur erant Deo, qui saluti nostrae intentius inui-

*) SARPINS *Historia Concilii Tridentini*, lib. V. p. 666.

inuigilabat, Pontificis alioquin boni confilia, quod repentina MARCELLI morte factum est, quum vix ultra vigesimum diem dignitati suae praefuisset. Egregie rebus suis consuluisse PAVLLVS IV., quem in MARCELLI locum patres purpurati substituerant, si vestigiis antecessoris sui institisset; nunc vero portentoso suo et insipiente ingenio, iactis perpetuae pacis in religione fundamentis, maximam suae suorumque successorum dignitatis iacturam faciebat. Hunc enim MARCELLO suffectum fuisse crederes, vt opposita, quod aiunt, iuxta se posita magis elucerent, Deusque, quantum, in hoc Pontifice Ecclesiae Romanae concedendo, planeque illa digno, quieti nostrae prospexerit, luculento testimonio ostenderet. Fuit enim homo, qui animum enormi quadam et arrogantissima superbia inflatum *), religionis, ardentissimique pro Ecclesiae salute feruoris, amiculo circumdabat, qui sine arte, sine moderatione, sine acumine villo; sine auctoritate, sine lepore in omnes insultabat atque pro vehementissima indole sua omnes pedibus suis conculcare se posse principes, somniabat; homo, qui tantum a sapienti placidaque antecessoris via deflectebat, vt nil nisi mandata, supra omnem contradictionem elata, iactaret, suaeque dignitati nihil putaret conuenientius, quam,

*) Exempla huius superbiae habet SARPVS l. c. pag. 669. 75. 76. 78. 85. 91. 96. cet.

quam, si Deum non posset, Acheronta mouere, omnesque paullisper refragantes ferro flammisque persequi *). Hac forma cathedram PETRI conscendit, quum de pace restauranda Germanorum principes deliberarent; cuius si ingenium moresque consideras, non aptiorem facile ad promouendum hoc pacis negotium inueniri potuisse, iudicabis. Vana controuersiarum in concilio placide componendarum spe detinere *Protestantes* potuisset, auribusque eorum quasdam insidias faciendo, ipsos aliquantisper saltim remorari; sed tantum aberat, ut mitioribus verbis aliquod concilium promitteret; ut potius eo quod PAVLUS III scriptum, in quo, quomodo tentari feliciter posset Ecclesiae emendatio, exposue-

- *) Ne me quis putet, iniquius de hoc viro iudicasse, praesertim quum dentur nostris temporibus, qui lenire impotentissimas huius Pontificis actiones conentur; inspicienda suaserim ipsorum Ecclesiae Romanae scriptorum testimonia, quae excitauit V. C. IO. GEORGIUS SCHELNORNIUS in elegantissima doctissimaque epistola de concilio de emendanda Ecclesia, auspiciis PAVLI III. conscripto, ac a PAVLO IV. damnato, ad ANGE- LVM MARIAM CARD. QVIRINVM; quae Tiguri A. MDCCXLVIII. prodiit, pag. 42. seqq. Ipse vero populus Romanus odium in sanctissimum patrem suosque, disjiciendo eorum statuas, easque per urbem protrahendo, satis superque declarauit. Vide ONVFRII vitam PAVLI IV. Edit. Colon. MDLXVIII. p. 445.

posuerat, in eorum librorum indicem reiecerit, quos legere Romani coetus socios nefas est, quae sibi de Ecclesia emendanda mens sederet, satis testatum fecerit *). Quam ob rem nostri melius, quam pacem religionis perpetuam ardentissime postulando, rebus suis consulere non poterant. Neque difficilimum hac in re inueniri se passus est Caesar, et in primis FERDINANDVS. Nouerant enim, quali PAVLLVS in ipsos animo esset, qui vtrique ob causas quasdam infensissimus habebatur. Omnibus igitur viribus eorum, qui Caesaris partibus addicti erant, patrum purpuratorum suffragiis, impedire Caesar tentauerat, ne homo Pontifex eligeretur, de quo parum boni sibi polliceri poterat. Id quod multum effecisse coniicio, vt FERDINANDVS, quaerelas *Euangelicorum* scripto quodam in comitiis expositas lubentius fere quam aduersariorum audierit. Fama enim eo tempore percrebuerat, OTTONEM Augustanum Episcopum, qui ex patrum purpuratorum numero erat, multumque incitasse PAVLLVM ad *Protestantes* suppressendos credebatur, scripti a Pontifi-

*) Negare quidem id nostra aetate, aliudque condemnatum ab ipso fuisse scriptum, affirmare voluit Eminentissimus Cardinalis QUIRINVS; sed satis hoc factum demonstratum esse a Cl. SCHELHORNIO in laudata epistola, sapientes harum rerum arbitri iudicabunt.

tificiis exhibiti auctorem fuisse *). Aures igitur huius libri querelis praebere idem erat, ac Pontificis auctoritatem sequi, cuius fere legatus OTTO, IOANNE MORONO iam reuocato, videbatur. Adhaec facili quadam coniectura assequi FERDINANDVS poterat, fore ut ira et indignatione percitus Pontifex omnes in Caesarem principes excitaret; quibus non fortius resistere se posse animaduvertebat, quam si, internis de religione dissidiis in Germania finem imponendo, beneuolentiam *Euangelicorum* sibi conciliaret, et, quod aptissimum est ad quiete viuendum, caritatem. Quae omnia feliciter effecerunt, ut remotis omnibus, quae maxima videbantur, impedimentis, Lutherani pacem religionis perpetuam, vel inuito Pontifice, summo cum auctoritatis ipsius detrimento impetrarent.

§. XXIV.

Et hic aptissimus quidem videtur esse locus, in quem de multis maximisque difficultatibus, quae in ipsis comitiis suboriebantur, disputationem coniiciendam existimauimus.

*) Suspicionem hanc OTTO forsitan excitauit tum itinere suo durantibus comitiis, ad Pontificem eligendum, Romam suscepto; tum ista etiam protestatione ante pacem confectam edita, quam exhibet LAHMANNVS in *notis de pace relig.* lib. I. Cap. 3.

maui. Etenim quum istae, quanta quanta
erant, diuina tamen sapientia feliciter supe-
ratae fuerint; Dei vero beneficia ipsorum
impedimentorum, quae de medio sustulit,
grauitate metiri debeamus: non videtur a
scopo nostro alienum, vt de eximio huius
beneficii pretio constare possit, de eorum
momento aliquantisper dispicere. Sic au-
tem ipsa huius pacis indoles comparata erat,
vt ex ipsa, tamquam ex liberali scaturigine,
omniumque difficultatum materia, prius-
quam dissentientium opiniones conciliaren-
tur, non nisi maxima possent propullu-
lare dissidia. Ea enim omnia, quae fidei
nostrae defensores exigebant, quamuis in-
stissima, nobisque vsum quemdam insignem
atque illustrem habere videantur, alia
tamen videbantur aduersariis, qui, quod
legum suarum tenacissimi essent, a se, vt
Euangelicis, quae desiderauerant, concen-
derent, aegre impetrare poterant. Nam-
que non in doctrinis modo nostrorum que-
relae versabantur, vt sibi liberum fore vo-
luissent, religionem ex sacrarum litterarum
dictamine, duce Confessione Augustana ex-
ercere; sed ius quoque has ipsas ad plures
propagandi, atque doctores, harum veri-
tatum publice proponendarum gratia, con-
stituendi postulabant. Neque id solum, sed
bona etiam, quae Romanae Ecclesiae erep-
ta ad meliorem vsum transtulerant, retinen-
da; liberumque vnius cuiusque ad *Euange-*
lico-

licorum castra transitum; tali ratione, ut si principum aliquis nouam illam, quam dicebant, religionem amplecteretur. sibi subditos quoque ad suas pertrahere sententias; sin ex sacrorum ordine aliquis, ut ipsi cum animo suo, iura etiam ac bona, quibus huc usque praefuerat, ad Lutheranorum coetum transferre liceret *). Dicam de postremo hoc postea; de reliquis quid aduersarii senserint, hic paucis accipe. Quod dandam sibi nouam quasi religionem exercendi licentiam nostri postulassent, id equidem durum admodum et iniquum aduersariis videbatur. Quo enim animo religionem ferre poterant, ad quam destruendam omnia sua studia omnemque diligentiam contulerant, ut vel per cuniculos eius fundamenta labefactarent, vel vi armorum ipsam omnesque eius sectatores eradicarent? Qua fronte eorum poterant feruorem, et in querelis proferendis, excutiendisque minis vehementiam excipere, quorum audaciam quasi, nonnulla pacis obtinendae gratia concedendo, tamquam pabulo refecerant? Recipere ac tolerare eos, quos summis huc usque viribus persecuti erant, nihil id erat aliud quam confiteri, stolidè se hactenus egisse, omnibusque studiis non interitum emendatae religionis, sed maximum eius incrementum promouisse. Nec ferendum facile vide-

*) *ELIADANVS* lib. XXVI. pag. 782. seqq.

videbatur Caesari, quod ii, quos auctoritate, consiliis, armorumque vi per triginta, et quod excurrit, annos opprimere al- laborauerat, iam non ad pedes eius, pa- cis implorandae causa, prouoluerentur, sed ipsi leges quasi et indutiarum conditio- nes dictitarent. Quis quaelo praeterea, cu- ius animus nondum omnem auitae religio- nis amorem dimiserat, publice constitui pa- teretur, qui errores huius religionis dete- gerent, argumentis confutarent, omnes- que ad eam, tamquam aliquid cane ac an- gue peius fugiendum, exhortarentur? Mä- xima cum tristitia, ea ab haereticis iam oc- cupata Pontificii deplorabant, quae pia ma- iorum beneficentia Ecclesiae consecrauerat; iisque tot bona, tot redditus, tot monaste- ria relinquenda erant, quorum recuperan- dorum antiquis ipsorum possessoribus nulla spes supererat. Immo, si venia cuius con- cederetur, ad nouam hanc religionem se conuertendi, et illuc bona pertrahendi sa- cra, quid euenturum religioni suae crede- rent, cuius totum aedificium diuitiis opibus- que, tamquam firmissimo fundamento, su- perstructum est? Effoetum scilicet corpus, quod succo sanguineque destitutum repente marcesceret. Concedendum cuique erat principi, vt, quam vellet, religionem in suas regiones introduceret, eaque, quae cultui diuino ex more Ecclesiae Romanae sustentando instituta erant, aliis vñbus de- stina-

stinaret. Egregium vero reditus principis augendi medium, quo mox factum iri animaduvertebant, ut bona sacra formam ciuiliū induerent. Aeternam vero religionis pacem Lutheranis concedere, idem erat, ac omnem ipem omnemque occasionem reparandae olim Romanam inter et *Protestantium* Ecclesiam pacis praeuerrere; nullo enim modo sperandum erat, eos cum Pontifice redituros esse in gratiam, qui, ut ab eius iugo liberarentur, omnes animi ingenique vires impenderant. Nouimus denique, Romanae Ecclesiae homines opinionum suarum studiosissimos esse solere; nouimus, quanto odio omnes a societate sua alienos prosequantur. Ecquem crederes tam socordem fuisse et religionis suae immemorem, ut tanta haereticis largiretur commoda, qui vix aqua igneque digni habebantur?

§. XXV.

Quamuis autem de dissensionibus hisce amice componendis fere inter litigantes conuenisset, omnesque remotae propemodum essent diuina gratia difficultates, vnica tamen controuersia effecit, ut parum abesset, quin, quae haecenus in magnam Lutheranorum utilitatem sancita erant, in medio cursu penitus disrumperentur. Orta haec est *de reseruatō*, ut aiunt, *Ecclesiastico* vehementissima sane concertatio. Quum enim

Aug.

Aug. Confess. addicti postulassent, vt cuius doctrinae Lutheranorum recipiendae permitterentur; neque difficillimum se ad hoc concedendum praeuissset FERDINANDVS, cum iis, qui ex principum ordine Pontificis doctrinam sequebantur, in quaestionem veniebat: Vtrum omnes Episcopos oporteret, aliosue ordinis sacri homines, qui Romanae Ecclesiae sacris valedicentes se *Protestantium* societati adiungerent, omnibus bonis, iuribus et dignitate, quibus huc vsque fructi erant, renunciare; an potius haec omnia ad *Euangelicorum* Ecclesiam transferre liceret? Prius desiderabant Pontificorum principes. Illi enim. ne hoc concessio omnia demum bona sacra sibi eriperentur, vehementer metuebant. Sed contrariae sententiae acerrime insistebant *Euangelici*, qui relicta hac causa, sibi ipsi religionem suam vt impiam damnare videbantur; quum qui amplecterentur ipsam ne bonis quidem sacris digni haberentur *). Dis-

cre-

*) Cf. SLEIDANVM l. c. pag. 738. et LEHMANNVM in *actis de pace religionis* lib. I. Cap. XIII. et XV. Neque hic a se impetrare potuit GODOFR. ARNOLDVS, vt motas a nostris de *reseruatō Ecclesiastico* difficultates sine animaduersione dimitteret. Ipsum si audias (loc. cit. (n. 45.) §. 13.) impie egerunt nostri, inque ipsis de pace tractationibus eiusmodi animum prodiderunt, ex quo aduersarios colligere oportuit, nostros religionem imperandi cupiditati praetexere. Neque cum doctri-

crepantes hae utrorumque sententiae quum eorum dissociarent animos, FERDINANDVS facile perspicuens, dissidentes hac in causa difficulter consensuros, omnem quaestionem in comitia, subsequente anno Rarisbonae habenda, differendam putabat. Quod quamuis concessuros se esse firmiter *Euangelici* negarent, nulla tamen ratione, a proposita semel sententia ut recederent, commovebantur. Qua in re admirabilem fuisse puto, sicuti in toto religionis negotio, insignem eorum constantiam, quae maximum iam

doctrina vere Evangelica conuenisse autumat, credere quod ipsa bonorum dignitatisque abnegatione, aliqua Ecclesiae nota inureretur. A qua forsitan calumnia abstinuisset ARNOLDVS, si quae vera mens sit, causarum a nostris excitatarum, rite expendisset. Non enim nominis Christi causa, si opus esset, non renunciandum esse terrenis bonis putarunt; sed, quum inter dissentientes iam de pari utriusque partis iure conuenisset, Ecclesiae suae infamiae notam inuri arbitrati sunt, si, qui a Pontificiorum religione ad suam dilaberentur, omnibus bonis, dignitate iuribusque exuerentur. Quia vero censendos nostros dixerit, si, quum paciscerentur cum aduersariis, tam perfectam utilemque sibi pacem, quantum poterant, compararent? Illud enim non solum nullam habet notam turpitudinis; sed laudem quoque meretur; quum tot tantaeque propagandae verae religionis, firmissimaeque pacis stabiliendae, impedimenta remouere, quanta tolli de medio possunt, cuius pio iustoque homini incumbat,

iam quasi attigerat fastigium, quum omnibus fere ad sustentanda postulata viribus essent destituti, neque tantum sententiae suae pondus addere possent, quantum ad hoc efficiendum requirebatur. Neque minus singulari quadam Dei providentia accidisse arbitror, quod inuictissimus Germaniae Imperator, eiusque frater FERDINANDVS, qui inde ab reformationis initio summa fere, quae in homines principiis religionis Pontificiae imbutos cadit, aequitate in *Protestantes* vsi fuerant, crescente eorum pertinacia non fuerint a pace ipsis concedenda deterri. Quae si inter se conferantur, maximam ostendunt benignissimi numinis, quod hominum animos flectendos nouit, de promouenda religionis nostrae securitate sollicitudinem; qua factum etiam est, vt in religione dissentientes pace conciliata, a grauissimis hisce dissensionibus conquiescerent. Quod quamuis in magnum religionis nostrae detrimentum factum esse videatur, egregia tamen caeteroquin religionis pace compensatum est, quam in suo genere aliquantisper imperfectam arripere nostri, quam huius impetrandae occasionem de manibus dimitters, malebant. Id vero, quod hac in causa mihi videtur maximum, et ad sempiternam huius pacis conditorum ex nostrorum principum numero gloriam efferendam perutile, in eo positum est, quod non de bonis quibusdam terrenis aut ciuilibus

com-

commodis, sed de solo Dei cultu obtinendo, dissensum se mouisse ostenderint. Nam simulatque impietatis notam a sua religione absterfam hoc decreto animaduverterent, (si quidem bonis, non vero dignitate arcendos esse episcopos ad nostra castra transeuntes decretum fuerit) non diutius controuersiae adhuc agitatae inhaeserunt, eoque ipso abunde demonstrarunt, se istas lites non excitasse, nisi ut ne aliquam infamiae notam religioni suae, hoc concedendo, inurere viderentur.

§. XXVI.

Commemoranda nobis postremo videtur hoc loco prouida Dei cura circa reprimendos omnes impetus, qui iam primae pacis modo natae aetati interitum minari videbantur. Huc in primis referendi sunt horrendi PAVLLI IV. Pontificis insultus, qui, et quantum illius malitia, et cura Dei in euertendis eius consiliis potuerit, praeclare demonstrant. Nonimus ferocissimum eius ingenium, quod tartareis semper grauidum incedebat consiliis. Fama igitur de pace *Protestantibus* concessa quum percrebuisse, concitatus vehementissima iracundia Caesarem FERDINANDVMQUE stomachosius increpuit, effecturumque se esse pronunciauit, ut, quanta iniuria sedem Apostolicam affecerint maximo cum dolore sentirent. Revocandum pacis edictum suppressimendosque haere-

haereticos imperabat; ipsisque paciscentibus de religione, qua se ad pacem seruandam obstrinxerant, absolutis, omnes diras stygiosque cruciatus non Lutheranis solum, sed eorum quoque fautoribus minabatur*). Equidem ventosa isthaec hominis et enormis impudentia, moresque Caesari admodum exosi, disiicere facile poterant, quidquid in ipsius animo ad foedus destruendum exsurgeret. Sed non nullius mihi momenti fuisse videtur haec Pontificis indignatio apud FERDINANDVM. Auitae enim adhuc religioni inhaerebat, adeoque, contra summum Ecclesiae principem aliquid sentire piaculum esse ratus, non omni adhucdum deposita in patrem sanctissimum reuerentia; non perfunctorie dicta sibi haec videbantur. Dignitatem praeterea Imperialem meditabatur, quam sibi a Pontifice confirmandam polliceri non poterat, nisi delendos in se susciperet haereticos. Neque de nihilo erat periculum, quod, nisi bona fide poenitentiam emendaret, ipsi Pontifex praeparabat. Animos enim omnium, qui bene sedi Romanae volebant, principum ipsum concitaturum esse, facile intelligebat FERDINANDVS; ex quo, credibile erat, oriuras esse compositis multo grauiores dissensiones. Tanta autem erat nobilissimi principis honestas, et in seruandis promissis

*) SARPIS *Hist. Concilii Trident.* lib. V. p. m. 675.

sis quasi verecundia, ut in pactione summa fide maneret, malletque odium insulsi Pontificis sustinere, quam periurio suo Deum sibi iratum reddere, iisque denegare fidem, quibus eam iureiurando promiserat. Summa quoque diuini numinis providentia ea, quae detrimentosa videbantur *Euangelicis*, in summam ipsorum utilitatem conuertebat, efficiebatque ut ipsa Pontificis stultitia summum ipsi afferret detrimentum. Inanem ridemus eius arrogantiam, qua omnes terrarum principes pedibus suis subiiciendos, Caesari vero, quem haereticum appellabat, ostensurum se esse quantus vir esset, quem offendisset, satis thrasonice iactabat *). Sine dubio Galliae regem ad suas pertrahere posse partes sperabat. Postquam vero ipsum indurias fecisse cum Caesare audiuerat, ipseque proprias vires irae exercendae non sufficientes esse intelligebat, missis ad utrumque legatis, utriusque sibi gratiam conciliare studebat, et de concilio, in quo initium de semetipso facere promittebat, loquebatur. Postea quum multis fraudibus tandem aliquando auxilium a Galliae rege impetrasset **), denuo diris deuouebat Caesarem, omnemque cogitationem a concilio ad bellum parandum transferebat. Dux vero ALBANVS a PHILIPPO Hispaniae rege, qui COLUMNIUS a Pontifice proscriptis vna cum Caesa-

*) SARPIS I. c. p. 677. et 685.

**) TEVANVS *Histor.* lib. XVII. p. m. 478. seq.

Caesare succurrerat, contra Pontificem cum exercitu missus, ad Romam appropinquando, quasdam mox pacis condiciones extorsit, facilique negotio, si voluisset, Pontificem pessum dare potuisset. Sed nescio quo modo factum sit, ut, quum Pontifici, quo euaderet, nihil superesset, pacem cum ipso PHILIPPVS iniuerit, adeo ut per duce[m] ALBANVM publice etiam veniam delicti rogaret. Qua re tantopere elatus est PAVLLVS, ut eadem abiecti animi signa a FERDINANDO postularet, neque, sine hac deprecatione, umquam in dignitatem Caesarum ipsi conferendam consenturum, se esse diceret *). Hic vero apparet, quantum Pontifex cum probro priuato imperii dedecus coniunxerit. FERDINANDVS enim intelligens, ab inepto hoc homine neque coronationem, neque concilium aliquod honestum expectandum esse, id effecit, quod nemo ante ipsum ausus fuerat, in perpetuam dignitatis suae laudem, ut turpissimam illam, qua toties totiesque Pontifices Caesares optimos exagitauerant, coronationem prorsus abrogaret; ex quo tempore omnis, quam sibi sumserant Pontifices, Caesares diademate cingendi potestas prorsus expirauit.

§. XXVII.

Restat locus huic disputationi maxime necessarius de praeclaris effectibus, qui, moderan-

*) SARPVS p. 702. 3.

derante Deo, hanc pacem concomitati sunt, illustrioremque ipsam reddidere. Iis enim non immorabimur diutius, quibus Deus singularem suam de promouenda hac pace curam, omnia, quae praeparare quasi ipsam poterant, instruendo, declarauit; de quibus iam supra (§. I. VI.) satis, ut puto, expositum est; neque tela ad infringendam hanc disputationem acuta timemus, quippe quae (§. VIII.) cuspide a nobis priuata esse arbitramur. Vt vero ei praestantiam ex effectibus, quos produxit, dignoscere soleamus; sic ea omnia singulari Dei nutu procurata fuisse statuendum est, quae ad conformatas sanae rationi sacrisque litteris doctrinas restaurandas, ad verum Dei cultum promouendum, ad obscurantes denique terrenam pariter ac aeternam felicitatem errores eradicandos pertinent. Duo enim nobis Deus, de salute nostra maxime sollicitus, hoc in mundo procuranda imposuit, ut, et, aeternitati studentes, perennem nobis felicitatem compararemus; et prospicere-
mus iis, quae vitae nostrae et quieti promouendae conseruandaeque inseruiunt. Cuius sempiternae felicitatis viam quemadmodum Deus natura ipsa praemonstrauit, ita nostrae in diuinis ignorantiae, verbo suo in litteras relato, succurrendum esse putauit. Omnis igitur hac in re habenda ratio et diligentia est, ut rationem nobis benigne concessam colendo atque expoliendo quasi,
actio-

actiones nostras ad verbum diuinum, veluti ad felicitatis nostrae stateram, exigendo, omnibus denique, ad vtrumque hoc promouendum idoneis, diligenter excussis, aliis etiam institutione ac doctrinae nostrae succurrendo, nostrum quidem praesidium, in quo a Deo locati sumus, non deseruisse videamur. Neque minor Dei, de externa nostra felicitate, habenda sollicitudo est. Probe enim intelligens, solos nos ad felicitatem adspirare, destituti aliorum auxilio, perfecti non posse; societate nos cum aliis coniungendos vult, noluitque vllam aeratis degendae rationem expertem societatis esse. Quod omnium fere hominum, et, vt puto, generis vniuersi, desiderium, quo, quid velit, anquirat ac desideret, natura declarauit, magistratui originem dedit, qui ad pacem et salutem communem promouendam institutus esse videtur. Quocirca nostrum est, omnia quae societatem et rem publicam perturbare possent, euitare, eaque praestare magistratui, quae debemus ipsi, tamquam Dei in his terris vicario, idque diligenter curare, ne eius labefacteretur auctoritas. Esse has doctrinas eiusmodi putauerim, quae non vtilis modo sunt, et ad comparandam felicitatem admodum necessariae, sed ita quoque comparatae, vt, qui de ipsarum veritate dubitet, absurduisse, nec ea, quae monetur a Deo, audire videatur. Ex quo iudicare licet, quam detestabilis sit
ista

ista religio, quae placitis suis, ineptisque
 positionibus, omne animi lumen paene ex-
 stinguit; quae omne veri iudicium adulte-
 rat; quae caeleste illud volumen ex mani-
 bus hominum extorquet, ad quod omnes
 vitae nostrae actiones componendae sunt;
 quae, quod ad propugnandam doctrinae
 veritatem pertinet, radicitus extirpat; quae
 magistratui iura ab ipso Deo concessa aufert,
 eique gladium eripit, non ad iustitiam ex-
 ercendam, sed ad eos suppressimendos, qui
 ut doctrinis his perniciosissimis obicem po-
 nant, verumque Dei cultum promoucant;
 omnibus annituntur viribus. Quorsum haec
 omnia? inquires. Ut scilicet intelligatur, sin-
 gularem Dei providentiam circa istos cona-
 tus fuisse occupatam, quae turpissimos hos
 errores destruxit, veramque religionem pri-
 stino suo nitore restituit; ut, inquam, in-
 telligatur, hanc pacem manu quasi divina
 fuisse fabricatam, quae viam ad felicitatem
 perueniendi hominibus aperuit, iisque, qui-
 bus Deus dedit hominum dirigendas socie-
 tates, sua iura reddidit. Enimvero quid
 gratiae aduersus Deum menti excitandae ac-
 commodatius esse potest illa ipsa utilitate,
 quam ex Dei beneficentia in nos redundan-
 tem conspiciamus? Magis Dei mouemur be-
 neficiis, quam omnibus quibuscunque aliis,
 quanta quanta sint, diuinis operibus, a qui-
 bus uero, quid ad salutem nostram perma-
 nare possit, non perspicimus. Eum igitur
 finem

quum nobis in exaranda hac dissertatione constituerimus, ut quantumcunque possimus, his meditationibus nostris, nostros homines ad gr̃atias pro hac pace Deo referendas, commoueremus; illud nobis agendum est, ut rem, quae ad memoriam huius officii excitandam aptissima videtur, paulisper, breuius tamen quam res tanta poscit, exponamus.

§. XXVIII.

Ordiamur ab iis, quos in republica habuit effectibus; de his enim, quoniam quieti publicae restauratae successit quasi emendatae religionis liberior propagatio, primo loco dicendum esse duximus. Vix in scenam cum suis, ad aperiendos hominum oculos, LVTHERVS prodierat, quum, tamquam ad commune quoddam incendium extinguendum, qui causam Pontificis non derelinquendam putabant, concurrerent, eosque, quos argumentis non poterant, armorum impetu opprimere conarentur. Erat eo tempore communis fere omnium opinio: discrepantes in sacris sententias ciuilemque concordiam aduersis velut frontibus inter se pugnare, quae quo minus in vnum coire possent, intestina quadam discordia prohiberet. Non infeliciter hanc opinionem ab hominibus Pontificis castra sequentibus (quorum scilicet multum intererat, ne quid respublica sacra detrimentum caperet) excogi-

cogitatam esse putares; saltim ipsam crebrius hominum animis inculcandam esse ducebant. ne, qui noua molirentur, et a praeceptis curiae Romanae aliena. nimium succrescere, suarumque doctrinarum semina latius disseminare possent. Neque deerant, quibus veritatis speciem huic opinioni inducere poterant, argumenta, quae cordatioribus etiam tantum errorem facile persuadebant. Preces continuae, quibus Caesarem *Protestantes* sollicitabant, et admirabilis confessorum nostrorum constantia, quamvis summa cum animi submissione, summaque, de turbis in republica sollerter eui-randis, cura coniuncta esset, seditiosorum ipsis cognomen comparabat; eoque, quod crebrius decretis Caesaris intercederent, qui cedere durioribus eius mandatis detrectabant, bellumque ad reprimendos hostium impetus pararent, turbatae quietis publicae suspicionem excitabant. Suborta praeter haec, circa reformationis initium, erat furiosa rusticorum tumultuantium et ANABAPTISTARVM natio, quae per omnem fere Germaniam, nescio quo modo, serpserrat, omnibusque legibus ac ciuili imperio interitum minari videbatur. Quorum aliqui quum, aequae ac LVTHERI asseclae, emendandam esse Ecclesiam clamitarent, multis persuaferunt, fore, vt hi etiam, omnem penitus dominationem abrogandam meditentur. Plurima denique multorum oculis

obuersabantur exempla, quae magnarum maximarumque societatum, Hanseaticae scilicet, Sueuicae, aliarumque, dissociatis ob religionem fodalium animis, rupta esse vincula docebant. Ista igitur opinio non poterat, quin animos principum ad perfequendos nostrae religionis fautores, instigarēt, ipsisque, quorum ex Dei voluntate, erat, veram religionem promouere, occasionem suppeditaret, huius religionis radices, quas lolium edituras esse credebant, extirpandi, hominumque opprimendi conatus, qui diuinitus erant ad dissipandas Papatus tenebras excitati. Atque hic error tanto maioris momenti erat, quo magis ipsa probabilitate sua nocebat, ansamque Ecclesiae Romanae antistitibus ipsam veritatem cum ipsius defensoribus persequendi satis opportunam praebebat. A quo errore, quomodo liberari potuissent istius aevi homines, non video, nisi certiori contrariae sententiae experientia haec praeiudicata opinio disturbata fuisset. Id quod Deus ipsa hac pace effecit. Haec enim homines a turpissima suspitione dimisit; maxime, quum, religionis varietate stabiliri posse, ea vero multorum machinationibus sublata, corrumpere omnem imperiū Germanici contextum, sequens aetas lamentabili prorsus institutione docuerit.

§. XXIX.

Alterum, quod pax religiosa progeniit, et illud quidem maximum in eo positum est, ut aurea nobis conscientiae libertas, iis vero potestas in sacris decernendi restituta sit, quibus ex omni diuino ac humano iure concedenda est. Pariter in hoc sana ratio et diuinæ paginae consentiunt, nullius, ad probanda ea, quæ falsa esse animaduertit, adigendum esse animum, contra vero vnius cuiusque arbitrio relinquendum esse, ut, quomodo rationes suas, in comparanda animi salute, instituere velit, dispiciat. Neque minus, ex omnium sapientium sententia, summo in republica magistratui competit, ea, quæ in sacris nondum verbo diuino constituta sunt, constituere, omniaque, quæ ad regendam Ecclesiam pertinent, ad suam voluntatem conuertere. Vtramque hanc doctrinam artificis suis Pontifices Romani paene exstinxerant. Vnicam dari eamque adspectabilem Ecclesiam, dicentes, omnia scitis placitisque suis repugnantia condemnabant, nec iniquum esse putabant, sed pietati congruens, ferro flammisque errantes ad Ecclesiae gremium reuocare. Contra Pontificis auctoritatem mutire grande habebatur et detestabile piaculum. Summis in orbe Christiano principibus iura, quibus in definiendis sacris vti adhuc fuerant, Laicis de sacris iudicandi potestatem dene-

V a

gan-

gantes, abstulerant. Omnia denique, quae tum in doctrinis, tum in sacris peragendis, constituendisque Ecclesiae doctoribus, sanctianda erant, suo Pontifices subiecerant arbitrio; quo sumto sibi iuri, subrutisque his, quae natura sanctissimaeque litterae posuerunt, fundamentis, omne Pontificis superstructum erat imperium. O egregios Dei vicarios, quibus magistri sui sanctiones evertendae sunt, ne quid propria auctoritas detrimenti capiat! Enimuero verae religionis semina, inter haec quasi lapidum coagumenta, enasci aut prorumpere non poterant, quamdiu, quid lolii instar euellendum, quidue in Ecclesiam recipiendum esset, ex Pontificum voluntate penderet. Quamobrem is primo de gradu suo deiciendus erat, qui se ipse familiae diuinæ procuratorem constituerat. Id quod optime pacem emendatae religionis confessoribus concedendo, peractum est; qua ipsa pontifex quasi res suas sibi habere iubeatur. Huius igitur auctoritate nostris non solum in quibusdam doctrinis a Romana Ecclesia dissentiendi libertas, (hoc enim, retentis huius Ecclesiae erroribus primariis, fieri potuisse, Bohemorum, Austriacorum, Bavarorumque ecclesiis edocemur), sed eas omnes, quae in Confessione Augustana expositae, omnia Papatus fundamenta euertebant, positiones recipiendi, Deique cultum ex his sententiis publice et impune institu-

stituendi venia concedebatur. Ex quorum sententia quum omne in ciuitatem Christianorum Pontifici imperium denegandum, soli que summo magistratui, in rebus nondum a Deo definitis, tribuenda potestas esset *); id sua sponte, concessa hac credendi licentia, efficiebatur, ut, qui haecenus Pontificis imperio subiecti fuissent, a iurisdictione ipsius eximerentur, iisque, quibus merito competebat, sacra moderandi facultas, principibus scilicet restitueretur. Qua in re nihil potest esse ipsius Caesaris exemplo illustrius, qui, ipsam hanc pacem largiendo, suam in sacris decernendi potestatem egregie demonstrabat. Quae quum ita sint, istaeque doctrinae, quae publicae quietis fundamenta; nostraque cum felicitate arctissime coniunctae sunt, pristinam dignitatem recuperauerint, nec absque hac pace restaurari potuissent; nullum est dubium, hanc pacem singulari Dei providentia comparatam fuisse.

§. XXX.

Atque hanc ipsam in promouenda hac pace maximam fuisse, felici ipsorum emendatae religionis fato demonstratur, quarum non solum egregie conseruauit munditiam, et ex parte restituit, sed effecit etiam, ut vera ad salutem perueniendi via, haecenus cimмериis quasi tenebris sepulta, omnibus posset

*) Aug. Conf. Art. XXVIII.

posset patefieri. Exiguam profecto, de instauranda hominum felicitate, curam numen benignissimum declararet, si non nisi paucis quibusdam hominibus, veluti naufragio proximis, beneficium illud sidus exoriretur; vel si ipsis ille aquas salubres, errorum inquinamenti infectas, propinaret. Ea potius veritati vis quasi indita est, ut non latere possit in tenebris, neque se angustis terminis continere, sed rapidi fluminis instar prorumpat, omniaque inundet; neque Deus turbulenta aqua sitim hominum restinguit; a Deo enim quid, nisi optimum, promanare potest? Quae si recte se habent, si liberari per Deum ipsum homines, a turpissimis in religione erroribus, confidendum sit; si Deus doctrinas salutares ipsis, quantum fieri potest, purissimas tradit: illud omnino medium divinae originis esse censeatur, quod fini huic promouendo aprissime inseruit. Enimuero hoc effecisse religionis pacem, neminem, nisi omnium religionis nostrae vicissitudinum plane expertem, fugere posse arbitror. Constat enim inter omnes, quam inimica, quaesita inter nostram aliorumque dissentientium fidem conciliatio, Ecclesiae nostrae ac doctrinarum ipsius puritati fuerit. Quorum plurimorum, et quid impedit, quo minus dicam omnium? studiorum is solet esse exitus, ut, viribus inaniter contritis ad pristina consilia redeundum sit, aut ita immu-

tatum

ratum sectae cuiusdam credendorum agendorumque corpus prodeat, ut, qui sectarum numerum diminuere constituerant iam nouam quasi condidisse videantur. Fac igitur, absque hac pace, in vnum redigi corpus vtramque partem, et *Protestantium*, et eorum, qui Pontificis opinionibus dediti erant, oportuisse; quid proditurum fuisse putas, si successu non destituta fuissent haec studia? Minor forsitan in Pontificiorum republica secta, qualis JANSENISTARVM ferè est, aliorumque, non nisi in quibusdam, a Romana Ecclesia dissentientium; nimium beatis nostris, si veniam in minoribus fidei momentis aliquantisper dissentienti utcumque impetrassent. Qua in re exemplo nobis possunt esse ii, qui, pari ratione ac nostri, emendandam Ecclesiam postularunt, quales HVSSITAE fuerunt, et, pacis nostrae tempore, alii FERDINANDO subditi. Qui quid quaeso impetrarunt? Calicem scilicet, eorumque sacerdotes matrimonii veniam. Magna utique Ecclesiae emendatio! Quasi vero aegroto sanitas restitueretur, cuius leue aliquod vulnus sanando, reliqua intacta relinquuntur. Num vero maiora his Concilium Tridentinum nobis emolumenta promisit? num praeposteri Caesaris consilia diffidiis felicius mederi potuerunt? Immo vero, quanti eiusmodi sectarum dissidentium conciliatio damna progignat, ipsa illa lubrica pacis formula,

la, quae nomen *Interim* accepit, nataeque ex ipsa in Ecclesia nostra dissensiones docuerunt. Haec enim quum a Caesare nostris, tamquam regula doctrinarum cultusque divini, proponeretur, neque spes videretur superesse, perfectam religionis libertatem vmquam obtinendi, factum est, vt nostrorum aliqui, qui necesse habere putabant cum insipientibus furere, in multa non solum ad cultum Dei publicum pertinentia consentirent, sed ita se quoque huic formulae accommodarent, vt, nisi re ipsa, verbis tamen in errores aduersariorum prolaberentur. Ex quo, quantum sit paci religiosae, tandem aliquando imperratae, statuendum pretium, optime potest perspicui. Perfecta enim, de religione, ex mente Augustanae Confessionis sentiendi, nobis concessa licentia: et ab omni necessitate, in quaedam Ecclesiae Romanae commenta transeundi, liberati sumus, et ab ista, multis in rebus auctoritati aduersariorem cedendi, facilitate. Quid quod illis inter Ecclesiae nostrae doctores contentionibus citius finem ista pax imposuit, prohibuitque, ne plurima pars Doctorum nostrorum, nimium conuiuendo, in turpissimos errores incideret. Quamuis enim non omnino, pace iam sancita, hae de *Adiaphoris* concertationes cessauerint, fontes tamen praecclusi fuerunt, ex quibus eiusmodi errores propullulauerant. Nam quum plerique remissius de doctrinarum no-

stra.

strarum munditiae conseruanda, timore violentiae perterriti, cogitassent; iam, quum necessitas, de feruore in defendenda veritate remittendo, non vrgeret amplius, faciliores eorum dictis aures praebuerunt, qui ne transuersum vnguem a simplicitate doctrinarum recedendum esse iuebant.

§. XXXI.

Huius vero pacis beneficio non liquidioribus solum doctrinis fruimur, sed subministrata quoque est, emendatae religionis nostrae principia cum aliis communicandi, atque errores aduersariorum profligandi licentia, omnesque maiori diligentia doctrinas excutiendi occasio. Quum enim, vi huius pacis, eodem cum Romana Ecclesia, in fide nostra conseruanda et propaganda, iure gaudeamus, in eo nobis elaborandum est maxime, vt nostrorum animos in veritate confirmemus, eumque thesaurum, quem nobis, veluti sequestris, Deus credidit, omni cura atque sollicitudine custodiamus. Huic vero fini, quid potest scholis esse, quid Academiae accommodatius? de quibus erigendis ac confirmandis benignissime, ipsa hac pace, Deus prospexit. Ea enim bona, quae erepta Ecclesiae Romanae, sacro vsui nostratum principes consecrauerant, eidem in posterum fini vt interuissent, hac sanctione publice constitutum est. Neque nobis in confutandis aduersariorum erroribus, fraudibus.

dibusque Curiae Romanae detegendis, modo id modeste fiat et secundum aequitatis regulas, impositum est silentium. Tanta enim est doctrinarum religionis nostrae principalium a primis religionis Pontificiae principiis dissensio, ut altera religione stabilita, alteram debilitari, alteraque triumphante, alteram, in imum derrusam, sine vlla nobilitate iacere necesse sit. Praejudicatis vero opinionibus ex animo hominum, qui, quod verbi diuini audiendi occasione destituti sunt, praesenti oratione erudiri nequeunt, eradicandis nihil magis inferuire potest, quam quod scriptis in publicum editis, non modo causam agamus religionis nostrae, sed ea etiam, quae in aduersariorum doctrinis lubrica sunt, et naturae sacrisque litteris contraria, libere candideque omnium conspectui exponamus. Ex hoc autem ipsos impugnandi medio quantum boni sibi auersarii polliceantur, maxima ipsorum, de libris nostris ex suorum manibus extorquendis, sollicitudo, et huic scopo destinati tum librorum prohibitorum indices, tum ad scripta malae notae examinanda constituti magistri abunde demonstrant. Eo tamen se adduci passi sunt, ut in ipsa templa sua cantilenas quasdam, a nostris hominibus confectas, decantandas introducerent; qua quidem re, tamquam summo beneficio, suos affectisse arbitror, qui quum vix quidquam in cultu publico occurrere

vide-

videant, quo pietatem suam alere, aut ad Deo seruiendum excitare se possint, habent tamen aliquid, quo pietati, si volunt, aliquantum possint consulere *). Denique, ut de occasione non omnibus omnino adempta, ipsum codicem sacrum lingua vernacula expositum legendi, nihil dicam; multum certe ad veram CHRISTI religionem inter ipsos propagandam conferre videtur, quod copiam habere librorum a nostris confectorum possint, quibus de religionis nostrae indole, veraque ad salutem via melius edoceri queant. Sed nolo iam commodis, ex libertate, publice religionem nostrum exponendi, promanantibus immorari; modo id vnice monuerim, ipsam hanc pacem nobis, scienter proponendi, meliusque examinandi limandique religionis nostrae scita, occasionem praeuisse. Nemini enim potest esse obscurum, ipsas lites, doctrinis intentatas, et aduersariorum, errores suos exornandi, conatus, ipsos excitare contrariae partis fautores, ut, quid obscurum adhuc et incultum quasi in doctrinis est, distinctius explicent, ut, quae ad doctrinam quamdam constituendam pertinent, definiant, ut dicta denique omnia, quanto fieri

*) Vide ipsa, haec de re, Pontificiorum testimonia in IO. FRID. MAYERI diff. quantum reformatio Lutheri Pontificis ipsis non dissentientibus profuerit, et IO. ANDR. SCHMIDII diff. de modo propagandi religionem per carmina §. XXVIII.

ri potest rigore ac perspicuitate, demonstrant. Nihil igitur, post datam hanc pacem, quum Pontificis hominibus potius fuerit, quam ut contortulis quibusdam sophismatibus, doctrinas nostras impugnant, variisque artificiorum generibus, fucum nobis facere possent; nostri quantum, ut ad nodos ab aduersariis nexos feliciter incidendos, detegendasque Pontificiorum machinationes, se accingerent, commoti fuerint, et praeterita, et nostra etiam tempora loquuntur.

§. XXXII.

Haec ut intelligantur luculentius, vnicum modo, eumque admirabilem, libertatis de religione sentiendi effectum adhuc commemorabo, quem insigne ipsi Pontificiorum Ecclesiae emolumentum peperisse, nostros vero, ad religionis doctrinas diligentius excolendas, instigasse, nemo ignorat, qui vel mediocri praeditus est sanctioris historiae scientia. Spe scilicet aduersariis, nos ad recipienda ipsorum commenta vi armorum adigendi, per datam nobis pacem erepta, probe intelligentes, nos mollioribus consiliis ad ipsorum communitatem esse reducendos; omnes animi nervos intenderunt, ut et nostris hunc reditum persuaderent, et doctrinarum suarum auctoritatem contra nostrorum impetus vindicarent. Facile vero persentiscebant, fore, ut,
in

in arduo hoc negotio, omnes conatus successu destituerentur, si aliis contra nos armis, quam ex sacro codice, prouti Ebraica et Graeca lingua exaratus est, desumptis vterentur. Neque enim variis artificijs, inuita plerumque Minerva excogitatis, in quibus inueniendis, sequenti tempore methodorum fabri operam oleumque perdideret, nos ad eruditam de religione concertationem ineundam commoueri videbant, nisi in hisce disputationibus Sacrae litterae fundamenti loco substernerentur; neque nos alio habitu admissuros esse huius voluminis oracula nouerant, quam quo ab ipso Deo circumamicta quasi essent. Quid ergo? Tanta eorum erat, nos ad ouile Pontificis Romani errantes reducendi cupido, tantaque de nostrorum, quos strenuos esse milites ipso hoc certamine edocti erant, impetu reprimendo cura, ut ipsum diuinum Codicem Ebraea Graecaque lingua conscriptum exquirere mallerent, quam omnem, de conuincendis nobis, deque diuina positionum suarum auctoritate, spem abiicere. Hinc maiori, quam factum antea erat, studio operam addiscendis linguis orientalibus dedere *); quae ipsum diuinum volumen introspectiendi necessitas magnam inter Pontificios

*) Conferri merentur quae in hanc rem elegantissime dixit IAC. FACCIOLATVS in Oratione ad sacram scripturam, quae inter orationes eius de optimis studiis sexta est, in primis, p. 112, seq.

officios interpretum copiam excitauit. Et, quamuis in Concilio Tridentino dura haec lex sancita fuerit: ne in rebus fidei morumque aliter quis sacra oracula explicare auderet, quam auctoritas Ecclesiae, et Pontificis praecipue, id permetteret *); haec tamen regula et non vbiuis, saltem non ex huius Concilii auctoritate, eandem vim obtinet, et aliam inde promanantem vtilitatem impedire non potest. Quemadmodum enim hoc interdictum, sicuti omnis de excutiendo ex manu plebis codice sanctio, desperatam profecto causam indicat, quam rueri non posse se, concessa cuius sacri voluminis lectione, praelagiunt; ita doctioribus, quamuis in publicum proferre saniores oraculorum diuinorum explicationes non liceat, occasio saltem doctrinarum suarum a sacris litteris dissensum perspiciendi, supeditata est, ita vt, qui inter ipsos praeter ceteros sapere videntur, aliis rationibus, quam argumentis ex sacra scriptura depromtis, pugnare malint. Maius, iudicabis, hac ratione detrimentum, quam emolumentum, hoc sacri codicis studium Pontificiorum causae attulisse. Neque hoc quidem inficior. Sed id ipsum singularem Dei in pace nostra prouidentiam arguit, quod scilicet effecerit, vt ipsis vel inuitis via ad salutem monstraretur, qua sprete, eo minus excusari possunt, si oblatam sibi Dei gratiam contemnerint.

§. XXXIII.

**) Concil. Trid. Sessione IV. Edit. CHIFFLETTI p. 24.

§. XXXIII.

Habui haec, quae de singularis prouidentiae diuinae in pace religionis nobis comparanda vestigiis dicerem; quibus si, quod optabam, effecerim, erit, cur me scripsisse non poeniteat; sin fini mihi proposito mentis suffecisse videar, excusabit me pietas, quum quomocunque dicere, quam tanti beneficii excellentiam tacere, aequius excusatusque videretur. Ea enim nobis felicitas contigit, ut simus ex eorum sanguine procreati eorumque discipuli, qui diuinas emendatae religionis nostrae doctrinas, summa animi constantia, defenderunt, qui bona, qui voluptates, qui dignitatem, qui ipsam vitam pro Deo deuouerunt, qui sententiarum suarum veritatem, nisi sanguine, calamitatibus tamen confirmarunt. Tot scripta, quae omnium manibus teruntur, tot praeclara facta, quibus referti historiarum annales sunt, tot alia monumenta, quibus pietatem suam declararunt, magno documento sunt, ipsos non populari feruore traditum sibi Palladium vindicasse. Vita erepti sunt, et ex hac rerum humanarum miseria ad caelestes illas sedes euolarunt, quo omnes, qui religionem conseruauerint, adiuuerint, auxerint, reuertuntur; sed viuet ipsorum sempiterna memoria, et, quemadmodum animus, sic pietatis monumenta triste mortalitatis fatum certissime effugient. Vtinam nec socordia nostra ipsorum cineres violaret! Vtinam eodem

dem cum ipsis feruore, eadem pietate armati, tamquam digni tantorum virorum discipuli paternum quasi aduersus impia Pontificis dogmata odium, velut haereditate relictum, non prius quam animum deponeremus! Gliscit pro dolor! latiusque disseminatur infelix illud lolium, sterilesque dominantur auenae; atque, quum violentia, quum scripta, quum methodi nil valeant amplius, omnem blanditiarum apparatus aduersarii excutiant vt, quasdam auribus animisque nostris insidias faciendo, nos incautiores irretiant, irretitosque in aeternam perniciem deturbent. Deum perpetuis fatigemus precibus, vt, quam huc vsque nobis vindicauit, ipsum ex praeceptis suis colendi libertatem benigne conseruet; vt fideles in messem suam operarios mittat; vt eos, quibus tristior offusa nox est, verbi sui lumine recreet; vt fratribus denique nostris, qui sub Pontificis tyrannide ingemiscunt, clementia sua aliquod alleuamentum afferat. Veniet, veniet aliquando dies, in quo, quantum de conseruanda Dei gloria, quantum de nostro nostrorumque salute, quantum de consecrandis Deo animis solliciti fuerimus, iustissima a nobis exigetur ratio! Id igitur agamus, id meditemur, vt susceptis virtutibus et huius vitae laboribus patienter exactis, Deum nostrum, non seuerissimum iudicem, sed patrem indulgentissimum experiamur. Sic breuem vigilantiam aeterna requies, sic vitam bene actam excipiet exoptatissimus

F i n i s.

III.

III.

De

**Catenis Patrum Graecorum
in novum Testamentum
observationes,**

Quas

Sub Praesidio

D. Io. Aug. Noeffelt

Menſe Maii 1762.

defendit

auctor

Io. Fridericus Sigismundus Augustin,

Berolinas.

A R G V M E N T V M

DISPUTATIONIS.

Quid sint catenae Patrum, et quibus nominibus appellantur? Sine hoc nomen a Thoma Aquinate inventum? Earum modus et ratio §. I.

De catena in Matthaeum, quam P. Possinus edidit, eiusque vitiis et consensu cum Theophylacti scholiis. §. II.

De catena in Matthaeum, quae Nicetae dicitur, a B. Corderio edita, eius ratione et miserabili Corderii latina versione. §. III.

De catena in Marcum a Possino luce donata, et interpretationis huius Evangelii, quae Victori Antiocheno tribuitur, deque Barberinianis lectionibus. §. IV.

De catena in Lucam latine a Corderio versa et commentario, cuius auctor Titus Postrensis jactatur, frustra tamen. §. V.

De catena in Ioannem cura Corderii edita eiusque vitiis et virtutibus, §. VI.

De Theophylacti scholiis in N. Test. Scholia eius in Evangelia, Summam das

interpretationum Chrylostomi, sed non unum illud sequitur. An allegoriae in his scholiis a Theophylacto veniant? De formula in casenis: $\kappa\alpha\iota\ \alpha\lambda\lambda\omega\varsigma$. Theologia Theoph. et lectiones non raro singulares, plerumque ei cum Chrylostomo et versione Syriaca communes. De codice Theoph., quem sequitur latina versio Oecolampadii. Iudicium de illa versione, quae emendata est a P. Montano, non ubique tamen. De editione Theoph. Romana, Parisiensi et Veneta. An distributio in Capita apud nos recepta Theophylacti sit. Vtrum scholia eius in Acta Apost. a L. Sifanio edita, vere Theophylactum auctorem habeant? De aliis horum scholiorum $\epsilon\upsilon\delta\acute{o}\sigma\sigma\epsilon\iota$. Theophylacti obff. in Paulli epistolas non sunt Athanasii. Earum editiones et conuersio latina per C. Porrenam et Montanum. Consensus scholiorum Theophylacti cum Chrylostomo

Remon Oecumenio. Dogmata Theoph. Scholia Theoph. in epistolas catholicas parue eadem cum istis, quae Oecumenii nomine habentur, sed in lectionibus nonnunquam diversa. Ea asserunt Theophylacto. §. VII.

Euthymii Zygabeni commentarius in Evangelia laudatur. Non est Oecumenii nec Theophylacti. Eius lectiones immutatae nonnunquam ab Editore ad versionem Vulgatae Bibliae Complutensiae, modus etiam in interpretando, distributio textus et dogmata. §. VIII.

Oecumenii catena, qui fuit Triccentis episcopus ante Saec. X. vel. XI. An Theophylacti scholia, usurpauerit? Photii notas in ista catena dubiae auctoritatis sunt. Scholia huius catenae non collegit Oecumenius, neque in Acta Apost. et epist. catholicas, neque in epist. Paulinas, Examinantur argumenta eorum, qui Oecum. horum scholiorum collectionem vindicant. Huius catenae praestantia imminuta per Io. Hentenium, qui textum N. T. graecum adulteravit ad Erasmi editionem. De codicum bonitate, quos auctor huius catenae secutus est. De us Palaeolog. Euthalii eiusque et aliis

prologis, deque vestigiis scholiorum Theodori Mopsuestenii in hac catena. §. IX.

De Andreae Caesaraeensis commentario in Apocalypsin, qui Saec. IX. vixit. Ratio interpretationis eius, cuius specimina exhibentur; et distinctio textus in sermones et capita facta. Arethae Caesaraeensis, in eundem librum commentarius non est Saec. VI. Quomodo Andream sequatur, quove minus? §. X.

De excerptis e catenis a Wolfio editis. §. XI.

De origine et fatis catenarum. Origo non ab Olympiodoro vel Oecumenio repetenda; sed a Saec. P. C. N. VI. praesertim a Procopio Gazaeo. Quod institutum imitati sunt Latini, Primasius, Beda, Rabanus Maurus et alii. §. XII.

De catenarum utilitate. Admirabilis Dei hac in re providentia. Usus earum in conservandis antiquis litterarum monumentis. §. XIII.

Earundem usus in interpretatione sacrorum librorum, tum quoad lectionem diversitatem iudicandam, tum quoad ipsam interpretationem. §. XIV.

Cautiones in usurpandis catenis adhibendae. §. XV.

Conclusio disputationis. §. XVI.

PROOE-

PROOEMIUM.

Consideranti milii nuper **QVINCTILIANI** *) illud: *Tot nos praeceptoribus, tot exemplis instruxit antiquitas, ut non possit videri ulla, sorte nascendi aetas felicior, quam nostra, cui docendae priores elaborauerunt: mirum saepe visum est, qui fiat, ut vetera sapientiae humanae monumenta veluti antiquitate vilescent et nouissima quaeuis vincant plerumque et potiora censcantur. Vix reperiri tam iniquos rerum aestimatores putassem, nisi superiorum temporum memoria nullo non aeuo prodire iuberet, qui, sui modo saeculi genium et felicitatem celebrantes, alto despiciant supercilio, quidquid a priscis magistris proficiscitur. Cui nimio nouitatis studio inhaerentes vtinam nostra aetas tullisset pauciores! At non ex longinquo petenda nobis sunt huiusmodi aut ignauiae, aut arrogantiae, aut, si placet, ingrati animi exempla, vbi vel ipsi, qui ad prisca tempora originem referunt, litterarum sacra-*
rum

*) *Instit. Orat. Lib. XII. cap. 11.*

rum interpretes displicent, atque negliguntur; utpote qui non nisi res publici saporis docere amplius queant. Neque vero hic nostri est instituti, ut in examinandis ac refellendis istis vituperatoribus fusiores simus. Id modo monere liceat, tantum abesse, ut recentiorum labores et consilia facessere iubeamus, ut potius vel ignorata veteribus, vel non animaduersa satis multa, sed a recentioribus bene multa praeclare obseruata occurrere facile demus. Sed faciem praeferre in tenebris, viam reddere expeditiorem, inuenire et manu quasi tradere, quibus ignotis alias iam faciliiori negotio uti possis, habere denique non pauca a recentioribus neglecta, vel in deterius mutata: haec profecto haud exigua veterum interpretum laus est. Quae cum ita sint, adparet, primum, strenuam in euoluenda et cognoscenda antiquitate operam esse ponendam; deinde egregie mereri de omni re litteraria, praesertim sacra, qui, istis studiis seruientes, praeclara veterum in exponendis litteris sacris monumenta vel publici iuris faciant, vel ab obliuione vindicent et contemptu, eorumque usum et praestantiam aequa lance ponderent. Quorum quidem molitionibus pro facultate nunc accedere nobis mens est, scribendi materiam fumentes illos vetustioris interpretationis thesauros, quos usu venit *Catenarum* nomine appellari. Arduam profecto et non satis tri-

tam

tam ab aliis viam ingredimur. Quae enim ii, quibus perlustrare bibliothecas licuit, de codicibus catenarum manuscriptis, retulerunt, vel pauciora sunt, vel si RICHARDVM SIMONEM *) excipias, infelix plerumque lolum sterilesque auenae. Quae autem Viri eruditissimi THOMAS ITTIGIVS **), multoque illo diligentior IO. ALB. FABRICIVS ***), et IO. CHRISTOPH. WOLFIUS ****), de Catenis Patrum ex instituto differentes, tradunt, vniuersae magis disputata sunt notitiamque librorum dant; rationem vero, vsum, cetera has catenas cum cautione vsurpatione scitu necessaria non satis suppeditant. Huiusmodi igitur praesidiis qui destitutos nos cogitant, faciliores erunt iudices, et si hinc inde occurrant, quae vel magis copiose et grauitur alias dici ac confirmari potuissent, TVLLII *****) effato nos metientur: *Prima sequentem honestum est in secundis tertiisque consistere.* Nobis certe sat laudis erit vel conciliaisse egregiis illis, quae prisca aetas offert documentis, si possumus, aliquam maiorem apud alios famam et auctoritatem, vel

*) *Histoire critique des principaux Commentateurs du N. Testam.* inprimis Cap. XXX. sq.

**) *Tract. de bibliothecis et catenis patrum*, Lips. 1707. 8.

***) *Biblioth. graecae*, Vol. VII. p. 728. seq.

****) *Vid. eiusd. dissertatio, catenas patrum graecas, easque potissimum MSS. ex codd. quibusdam Anglicanis sistens.* Vitemb. 1718.

*****) CICERO in *Oratore* Cap. I.

vel observationes inspersisse nec doctioribus forte non incundas. Quod consilium ut eo melius obtineatur, deligendum esse duximus campum, largioris messis spem facientem; eumque in hoc litterarum genere apud graecos deprehendimus, quos interpretationi grammaticae librorum sacrorum et N. T. potissimum operam dicasse constat. Quamobrem non nisi de catenis Patrum Graecorum, iisque in N. T. libros differere, quaeque pertinent ad earumdem aliquam notitiam et usum, proponere bono cum Deo constituimus; de quibus, ut beneuoli sentiant coeptisque faueant docti et aequi rerum arbitri, est, quod magno opere rogamus.

§. I.

Egregia profecto ea est industria, quam adhibuerunt olim aliqui in colligendis et adornandis iis, quae ad interpretationem librorum sacrorum maxime faciunt et in vastis Patrum commentariis passim reperiabantur. Talis expositionum comprehensio, e diuersis Patrum ecclesiasticorum scriptis facta et disposita, *Catena* nomine insigniri solet. Nominis originem a THOMA AQUINATE repetendam esse, plurimi existimant *) cuius nimirum collectio in IV. euangelia latine conscripta adpelleretur *catena aurea*. Sed alios demum recentiores adiecisse hunc titulum, vel ex eo adparet, quod antiquiores huius operis editiones inscribantur: *glossa continua*; *continuum*; imo et ipse THOMAS in epist. nuncup. ad VRBAN. IV. laborem suum nominet *continuatam expositionem*. Graecis dicuntur catenae ἐπιτομαὶ ἐρμηνειῶν, συναγωγαὶ ἐξηγήσεων παρὰ διαφόρων πατέρων, ἐξηγήσεις συνλεγῶσαι ἐκ διαφ. πατρ., σχόλια ἀπὸ διαφόρων ἐρμηνειῶν., χρυσᾶ κεφάλαια, cetera; quarum

*) Ita sentit Cel. FABRICIUS l. c. p. 728., quam tamen opinionem deserit p. 786. meliora forsitan a RICH. SIMONE edoctus, qui loco superius laudato pag. 475. hac de re disputat. Vid. etiam IAC. SCHARDI scriptores ord. praed. Tom. I. p. 329. qui in recensione vitae huius THOMAE probat, glossam super Euangelia paullo post mortem eius audivisse *catenam auream*.

rum denominationum exempla creberrime occurrunt. Quemadmodum autem catenae proprie sic dictae pluribus constant annulis mutuo nexu cohaerentibus, ita et illae, de quibus iam differimus, expositionum collectiones variis Patrum symbolis absoluntur ea ratione, ut vnius commatis complures interpretationes exhibeantur, quamvis earundem delectus et disponendi modus non idem apud omnes sit, nec aequè commendabilis atque concinnus. Quae autem ab antiquis ecclesiae doctoribus usurpata sunt interpretandi genera: *grammaticum*, *dogmaticum* et *allegoricum*, ea etiam in catenis graecis expressa deprehendimus; aliud quidem alio magis, prouti vel ii Patrum, quorum scripta in iis utramque paginam faciunt, vel compilatores genio suo indulgent. Mirari igitur nemo debet, alias catenas favere allegoriis, alias dogmata magis tractare et sententias, controuersias etiam, miscere cum haereticis; alias denique esse, quae vel grammatica magis interpretatione excellant et criticae studeant, vel hoc genus cum reliquis coniungant. Quin imo ex haereticorum commentariis sistunt excerpta, quae licet caute admodum, uti par videbatur, proponantur, tamen euincunt antiquitatis iudicium, non vitanda continuo et reiicienda esse, quae ab haereticis proficiuntur, propterea quod ab iis proficiuntur. Certe, quoties THEODORI HERACLEOTAE, THEODORI

DORI MOPSVESTENI aliorumque fragmenta in catenis graecis adseruata contemplamur, toties non possumus quin monumentorum iacturam doleamus, quae omnes mystarum lusus longo post se intervallo relinquunt. Notae autem ipsae vel post textum, vel in margine, vel post integrum sacrae scripturae librum exhibentur. Denique sententias Patrum alias distinguunt et separant collectores et librarii, nonnullas confundunt, easque vel integras sistunt, vel minus; fontes autem siue ad marginem, siue in sermonis serie recensent; frequenter etiam omiffis auctorum nominibus nouae interpretationis initium arguunt, adiecta formula καὶ ἀλλως, vel nomine ἀνεπιγράψ. At, quam parum fidos et solertes sese in hoc negotio gerant, deinceps commonstrabimus.

§. II.

Haec fere de catenarum graecarum ratione vniuersim praemonenda fuere, iisque, vt rectius percipiantur, nunc lucem aliquam adfundere iuuat. Proponemus nempe catenarum graecarum in N. T. exempla, quae typographorum formis expressa perlustrare nobis contigit. Prima, quae in conspectum prodit, est catena graecorum Patrum in *Matthaeum* Euangelistam duplex. Prior, cuius quidem collector nobis non innotuit, excusa est s. t.: *Symbolarum in Matthaeum, totius prior, exhibens catenam Graeco-*

*Graecorum Patrum unius et viginti, nunc pri-
mam editam ex bibliotheca illustrissimi D. CA-
ROLI de Montchall, archiepiscopi Tolosani.*
PETRVS POSSINVS e societate Iesu ex antiquis-
simis membranis eruit; latina interpretatione
et scholiis illustravit. Tolosae 1646. fol. Plu-
rima e CHRYSOSTOMO et CYRILLO desumpta
sunt; THEODORVS autem ANTIOCHENVS a
THEODORO MORVESTENO in indice Patrum
distinctus, VNUS EST THEODORVS MORVESTE-
NVS, quem quidem Antiochiae presbyte-
rum, postea Mopluestiae in Cilicia episco-
pum saepius *Antiocheni* nomine in catenis
manuscriptis occurrere constat. Auctorum
glossae interdum integrae exhibentur, sae-
pius contrahuntur et adulterantur, quam-
uis, qui istas observationes collegere, re-
ctius fecissent, si ipsa Patrum verba posuis-
sent. Vnde fit, vt confundantur auctores,
iisque tribuantur plurima, quae ex diuer-
sorum interpretationibus composita esse in-
telligas. Huius notae est expositio loci
Matth. I. 3. ubi vel maxime cauendum, ne
vniuersam *ἀναγγέλλειν μυστήν* ad CHRYSOSTO-
MI ibidem citati partes transferas, cum sa-
tis pateat ex eius Hom. III. in Matthaeum,
quantum abhorruerit ab eiusmodi elegantis.
Idem Cap. XVI. 16. p. 230. scholii auctor
fertur, quod in catena, cui NICETAE no-
men praefigitur, CYRILLI est, quemadmo-
dum et pag. 224. *Θεὸν Χριστόσπερον* laudatum
in aliqua observatione deprehendimus, cu-
ius

ius tamen ibi ipse CHRYSOSTOMVS auctor citatur. Hisce et aliis incommodis medela parari potuisset, si plures et magis adcuratos codices in consilium vocasset editor. Ipse enim in praefat. ad lect. refert, prima sui codicis folia maxime fuisse deformata. *Nos in ceteris, inquit, diuinando constiteri quantum profecerimus, arbitrii tui sit.* At exempla in promptu sunt, quae cum in diuinando et corrigendo saepius dormitasse commonstrant. Ita Matth. X. 13. p. 139. haec, quamquam non vnus, expositio est: *Οἱ μὲν γὰρ Σοδομίται διὰ τὴν εἰς αἰκλήας παροντίαν ἐνταῦθα κολασθέντες μετριώτερον ἐκεῖ κολασθήσονται.* *Οἱ δὲ* (Apostolos hospitio excipere recusantes) *ἀπειθοῦντες οὐκ οἶδαν ὑμᾶς αἰκέσονται καὶ εἰς τὸ πῦρ κ. τ. λ.* Haec nullius frugis esse adfirmat POSSINVS et in locum phraeos: *οὐκ οἶδαν ὑμᾶς αἰκέσονται* rescribendum esse cenlet: *οὐκ δὲ ὑμᾶς αἰκέσαντες κακὸν* cet. Sed glossae graecae verba optime cohaerent, nec violenta talis et jejuna emendandi ratio vnquam probari potest, si vel maxime concedamus, auctoris illius anthesisin non optimam esse. Cum autem interpretes catenarum latini eo plerumque vitio laborent, vt interdum plus iusto verborum tenaces sint, interdum magis velint sapere ac scriptor ipse, quem vertunt, nec satis fideliter et perspicue auctorum sensa exprimant; ita et eandem notam incurrit versio POSSINI, qui, ipso se fateate in praef. ad lect., in
lati.

latinitatis delectu non fuit morosus et sermonem graecum paullo benignius interdum paulloque liberalius explicauit. Quae quidem aliqua ratione condonari possent, nisi, characterem orationis graecae plane deferens, versioni insereret, cuius ne vllum quidem vestigium apud auctorem deprehenditur. CHRYSOSTOMVS ait ad Matth. IX. 32. p. 130. *δέδεμμένος γὰρ ἐτύγχανε τὴν γλῶτταν ὑπὸ τοῦ δαίμονος. Διὰ τὸτο εἰδὲ ζητῆς πῶς παρ' αὐτοῦ ὁ Χρῖστος*, eaque reddit POSSINVS: *Vin-
 Etam quippe ipse habebat a daemone linguam
 AVRESQVE OBDUCTAS; quare fidem,
 QVAE SINE AUDITU ESSE NEQVIT,
 non quaerit ab hoc dominus*. En dignum crileos specimem! Si vel contulisset CHRYSOSTOMVM Homil. XXXIII. pag. 366. edit. *Montefalconii*: profecto dubitasset in scholio subjuncto iudicium istud interponere: *Et hic noster et THEOPHILACTVS hoc loco σπεύδοντες τυρλαὲ τίκτεσθαι, dum, inquam, breuitati nimium student, sententiam imperfectam mutilamque exhibent, quam necesse habuimus, additione vnius et alterius verbi ab ineptia et ἀσυνλογισίᾳ vindicare*. Cum THEOPHILACTI hic mentio iniecta sit, non possumus non commemorare, quam amice catena nostra cum eiusdem in *Mathaeum* commentariis conspiceret. POSSINVS quidem in praef. perluaum sibi habet, collectorem nostrum vna cum THEOPHILACTO, hausisse e CHRYSOSTOMO, tamquam communi fonte. Sed curiosa le-
 ctione

ctione scholiorum vtriusque et eorum collatione cum CHRYSOSTOMO edocti sumus, catenae huius auctorem cum THEOPHYLACTO etiam consentire, vbi hic CHRYSOSTOMI castra deserit et in aliorum sententias descendit, ita, vt cum catenae excerptis CHRYSOSTOMI nomine exornatis notae THEOPHYLACTI, si verba spectes, saepius; si sententiam, fere vbiuis conueniant, tamen in homiliis suis CHRYSOSTOMVS alias a THEOPHYLACTO alienas interpretationes defendat *). Parum igitur abest, quin existimemus, auctorem huius collectionis desumptis e THEOPHYLACTO observationibus CHRYSOSTOMI nomen addidisse, cuius nempe vestigia legere illum bene nouerat; reliqua autem aliunde contulisse **).

*) Ita Matth. XXVI. 25. 26. catenae auctor sub CHRYSOSTOMI nomine recenset opiniones, quarum vna statuit, Iudam sacrae coenae conuiuium fuisse; altera negat. Ibid. ad verba: τὰτό με ἐστὶ τὸ σῶμα notatur: ἀρξέντω γὰρ τρόπῳ μεταποιεῖται, καὶ φάνεταί ημῖν ἄγιος. Ibid. v. 27. ad verba; Bibite ex eo omnes: Sunt qui dicant, propter Iudam hoc dictum: Iudas enim panem accepit, et non comedit, sed occultauit, vt monstraret Iudaeis, quod panem corpus suum vocasset Iesus. Haec omnia apud THEOPHYLACTVM; numquam apud CHRYSOSTOMVM reperies, coll. Hom. 82. in Matth.

**) Emendari etiam egregie potest catena nostra e THEOPHYLACTO. Sponte occurrit glossa, CHRYSOSTOMI nomine consignata, Matth. XXVI. 24. p. 348., qua negatur, Iudam

§. III.

Altero nunc loco commemoramus catenam in *Matthaeum* h. t. : *Symbolarum in Matthaeum* tomus alter, quo continetur catena *Patrum Graecorum* triginta, collectore NICETA episcopo Serrarum, interprete BALTHASARE CORDERIO, Societatis Iesu Theologo. Prodit nunc primum ex bibliotheca electorali serenissimi utriusque Ducis Bavariae. Tolosae 1647. fol. Missam eandem a CORDERIO publicâ luce donavit P. ROSSINVS; non satis certum tamen, quod huius catenae auctor sit NICETAS Saecul. XI. primo Serrarum in Macedonia, post Haracleae in Thracia metropolita. Ea enim librariis et editoribus est consuetudo admodum familiaris, ut, ubi alicuius glossam in initio catenaeprehendunt, hunc statim collectorem praedicent; quâ culpa nostrum non vacare ostendit RICH. SIMON. l. c. p. 426. Patrum, e quorum libris facta est haec sylloge, sententiae integrae, haud

ex absoluto, ut aiunt, decreto tantum admisisse nefas, si γὰρ ἀκριβῶς σκοπήσαι βυλθ-
θῶμεν, εὐρησόμεν ἃ διὰ τὸ σαρρωθῆναι ἐλθόν-
τα τὸν Χριστόν. τῷτο δὲ Φανερόν ἐστίν ἐκ τῆ
ἀπεύχεσθαι τὸ ποτήριον, λέγοντα, εἰ δυνατόν
παρελθέτο ἀπ' ἐμοῦ. Quae minus commo-
de dicta cum apud CHRYSOSTOMVM non
inueniantur, ex THEOPHYLACTI verbis ita
sunt corrigenda: Καὶ γὰρ εἰ ἀκριβῶς σκοπή-
σαις οὐδὲ εἶδεν ὁ Χριστός ΠΡΟΗΓΟΤΜΕΝΩΣ
σαρρωθῆναι, ἐμφαίνει δὲ τῷτο καὶ διὰ τῆ ἀπεύ-
χεσθαι τὸ ποτήριον.

haud raro immutatae, proponuntur. NICETAE autem scholia, quae CHRYSOSTOMI, CYRILLI aliorumque paraphrases dicere non dubitamus, respondent praecipue THEOPHYLACTI observationibus. Prolixius tamen differit NICETAS, quemadmodum et in praefatione ad *Matthaeum*, THEOPHYLACTI *νεοφυ* ceterum simillima. Quae autem CHRYSOSTOMI nomen prae se ferunt, integra sunt neque cum aliorum explicationibus confusa, si pauca minoris momenti excipias *). Vtramque hanc catenam e MSS. exemplaribus bibliothecae regiae Parisiensis longe emendatiorem exhiberi potuisse, refert RICH. SIMON l. c. p. 423. et DAN. NESSÉLIVS **) recensens Commentarium marginalem codici IV Evangeliorum adiunctum, quem visum esse CORDERIO et POSSINO negat. Hypothesin et revisionem capitum evangelii *Matthaei*, vitam denique eiusdem Evangelistae iisdem ibi verbis exstare meminit, quibus in catena Patrum, cui NICETAS praefatio adnectitur. Quod autem ad latinam catenae nostrae versionem attinet, ei ne mediocris quidem elegantiae laus tribui potest; veluti pag. 225. ubi glossa MAXIMI ad *Matthaei*

*) Vt in loco *Matth. II. 16. p. 53.* ubi τὸν Μιχαὴν substituere librario placuit, CHRYSOSTOMO legente τὸν νεοφυτῶν Hom. IX. in *Matth. p. m. 131.*

**) in catalogo biblioth. Caesar. Vindobonensis MS. C. græc. p. 251.

thaei VI. 1. ita se habet: τάχα ἄγρος ἐστὶν ἐπίστιος, ὁ εἰπὼν λόγος, ἐγὼ εἰμι ἄγρος ὁ ζῶν, ὁ ἐκ τῆ ἐξουῖα καταβὰς καὶ ζῶν διδὼς τῷ κόσμῳ, ὁ σήμερον, σήμερι κατὰ τὴν παρῶσαν ζωὴν τῆς θείας παροικαλῆμεν ἡμῶν δοθῆναι. Quae ita reddit CORDERIUS: *Foris panis est substantialis, quod dixit verbum: Ego sum panis vivus, qui de coelo descendi, et dabo vitam mundo, quotidianum, id est praesentem deitatis vitam nobis dari postulamus. Quae quam absorta sint et quam longe a vero aberrent, cognoscat, qui vix a limine litteras graecas salutavit. Loca autem S. S. in illa versione iuxta *Vulgatum* interpretem citantur; si exceperis fere locum 2. Tim. II. 24. p. 470. adductum.*

§. IV.

Excipiat hanc catena graecorum patrum in *Evangelium secundum Marcum*, collectore atque interprete PETRO POSSINO S. I. presbytero, qui et adiecit, titulo *spicilegii*, commentarium ad loca selecta quatuor Evangeliorum. Accessare collationes graeci contextus omnium librorum novi testamenti cum XXII. Codd. antiquis MSS. ex bibliotheca Barberina. Romae 1673. fol. Eadem e codice MS. bibliothecae CAROLI de MONTCHALLI a POSSINO eruta in lucem prodiiit; qui et alia ipsi a CORDERIO transmissa adiunxit; nempe Ἀποστόλου ἐρμηνείαν αἰς τὸ κατὰ Μάρκον Εὐαγγέλιον et VICTORIS ANTIOCHENI commentarium in *Mar-*

cum, graece exaratum. Iam antea enim latine VICTOREM VNA CUM TITO BOSTRENSI typis exscribi curauerat THEOD. PELTANVS e S. I. Ingolstadii 1580, quae quamuis parum fida versio inserta est bibliothecis PP. Parisiensi 1644. Tom. I. et Lugdunensi 1677. Tom. IV. pag. 370. Occurrunt in hoc VICTORIS commentario scholia ex ORIGENE, EUSEBIO, CHRYSOSTOMO, APOLLINARIO ceteris excerpta, et ipse collector in limine operis fatetur, visum ipsi fuisse, quae ecclesiae, doctores sparsim proposuerunt, in vnum quasi corpus redigere; adeoque ad catenas referendam esse hanc *ἐκμυστήριον* facile liquet. Pugnat etiam pro hac sententia RICH. SIMON l. c. L. III. p. 427. et *Critique de la biblioth. de du Pin. T. I. p. 173. 174.*; ubi collatis diligenter codicibus refert, catenam VICTORIS ANT. alibi sub ORIGENIS, alibi sub CYRILLI ALEX., interdum et VICTORIS nomine venire; quin imo et MONTEFALCONIVS in *bibliotheca Coisliniana* pag. 75. observat, hunc ita dictum commentarium in catena quadam VICTORI Presbytero tribui quidem, sed PHOTII nomen saepius etiam in margine adesse. Ar mirari profecto nemo debet, deceptos esse librarios, qui, artis suae numeros male implentes, prouti ab initio exstabat scholiastae alicuius nomen, huius statim commentarium incauti venditabant. Quare fundamento caret suscepta a PELTANO opinio, qua, in ep. ded. ad episcopum Marquar-

Y

dum a Berg, ante IULIANI Imperatoris tempus existisse hunc VICTOREM sibi persuasum habet, propterea quod ipse VICTOR ad Cap. XIII adfirmet, restare adhuc ruinas templi Hierosolymitani; licet ad fundamenta usque euerſi. Sed haec est glossa CHRYSOSTOMI Hom. LXXV. in Matth. p. m. 723. cuius aetatem excedere VICTOR non potest. Ad catenam catenae in *Marcum* a ROSSINO editae sunt IO. CARYOPHILI collationes graeci contextus omnium librorum N. T. iuxta editionem Plantinianam, cum conquisitis istius VRBANI VII. P. M. MSS. codicibus & *Vaticana* potissimum et *Barberiniana* bibliotheca. At illorum XXII. codicum cum permulti adeo e latina interpolati sint, nec aetas et ratio satis constet, in diiudicanda lectione parum emolumenti praestare queunt *). Plura, de indole catenae in *Marcum* quae addamus, nobis non suppetunt; propterea quod exemplar graecum perlustrare nobis nondum contigit.

§. V.

Accedimus iam ad catenam inscriptam: *Catena sexaginta quinque graecorum patrum in Lucam, quae quatuor simul Euangelistarum introducit explicationem; luce ac latinitate donata et ex aliis patribus tam graecis quam latinis suppleta, et adnotationibus illustrata* a BAL-

THASA.

*) Vid. *Weistenh* prolegom. in N. T. p. 61 sq.

THASARE CORDERIO S. I. Antwerpiae, 1628. fol. Primum eius exemplar, narrante CORDERIO in praef., graece exstitit in Card. BES-SARIONIS bibliotheca, quam moriens rei publicae Venetae legauit. Vnde eam in latinum sermonem transtulit CORDERIVS; ea, quae *Lucas* non attigerat, per harmoniae morem, e reliquis Euangelistis suppleuit, postremo ex aliis patribus adiecit scholia et notis ea illustrauit. Exhibetur autem post praefationem index patrum, e quibus coniuncta est haec catena; ad quem haec modo licet obseruare 1.) *SERVIVM* Cap. VII. m. 38. citatum quis fuerit ignorari censeret editor; nisi, inquit, quis velit eum esse *SERVIVM*, errore scribae littera B pro Γ posita. At verumque nomen est fictum et legendum: *SEVERVS* *). 2.) Errat CORDERIVS, quod *SEVERVM Antiochenum* discernat a *SEVERO*, quem *Alexandriae* episcopum vocat; non aduertens ad compilatorum aequae ac libreriorum consuetudinem, qua scriptorum dignitatem aliaque cognomina alias adiungunt, alias omittunt. Certe *SEVERVS* ille, si, quem admodum coniecit CORDERIVS, exarauit libellum de ritibus baptismi, Tom. VII. bibl. PP. existentem, non alius est nisi *SEVERVS Antio-*

*) Vid. CORDERIVS in notis ad const. apost. I. 3. pag. m. 279. ubi illud ipsum *SEVERI* fragmentum, in catena nostra decurtatum, e codice bibliothecae regiae Parisiensis integrum restituit.

Antiochine episcopus, probante RICH. SIMONE *hist. crit. des commentat.* p. 452. e codice huius libri Syriaco SEVERI *Antiocheni* nomine inscripto: 3) Quae de TITO BOSTRENSI episcopo disputantur, infirmo ratiocinant et emendanda sunt. Exstat nempe in *Eucem* commentarius, quem sub TITI BOSTRENSIS nomine e graeco in latinum versio et cum VICTORE *Antioch.* in Marcum primus edidit THEOD. PELTANVS S. I. Ingolstadtii, 1580.; quae versio inserta est *biblioth. PP.* Lugdun. Tom. IV. p. 415. et addito tunc primum graeco textu e manuscripto codice bibl. regiae Tomo II. *auclarii bibl. PP.* Paris. 1624. pag. 762. sq. At inane est, quod CORDELIUS et alii arbitrentur, eum TITI BOSTRENSIS, cuius IV. libri aduersus Manichaeos exstant, esse commentarium, cum potius scholia comprehendat e CHRYSOSTOMO, CYRILLO, GREGORIO NYSSENO, ISIDORO PELUSIOTA et aliis, quorum nomina comparent, adornata. Accedit Codex MS. bibliothecae regiae, RICH. SIMONI visus, hoc titulo: Τῶν ἁγίων πατέρων ἡμῶν ΤΙΤΟΥ ἐπισκόπου Βόστρων καὶ ἀδελφῶν ἁγίων πατέρων ἐκμνηστὰς αἰς κατὰ Λατίναν ἁγίον εὐαγγέλιον. Cum praeterea SOZOMENO teste H. E. L. II. c. 14. TITVS ille Bostorum in Arabia episcopus vitam degerit IULIANI apostatae temporibus, ῥήσεις autem CHRYSOSTOMI et CYRILLI in hoc opereprehendantur, quin imo eiusdem existent exemplaria manuscripta, alia aliis magis con-
conci-

concisa: non dubitamus transire in RICH SIMONIS sententiam, qui l. c. p. 430. existimat; Scholiastas recentiores huic TITI BOSTRANSIS quondam commentario hinc inde pannos adiuisse. COMBERISII enim de TITO quodam iudicio opinio idoneis destituitur argumentis*). Interim tamen cum non discernantur interpretationes, earumque fontes in nonnullis tantum locis nominentur, nunc quidem non satis constat, quae sint TITI, quae aliorum scholia**). Quae autem in catenam Corderianam inde translata sunt, ea ut reliqua non aequè bene semper et satis feliciter recententur. Atque haec sufficiat adhortasse de collectione illa, quae longe auctorior et utilior futura fuisse videtur, si graecum exemplar nobis traderetur editori placuisset.

§. VI.

*) Vid. IAC. BASNAGII animadversiones ad EUSEB. CANISII lectiones antiquas Vol. I. p. 56.

**) In limine huius collectionis statim offendimus glossam ad verbum ἐπεξεργασ Luc. I. 1. non adiuncta auctoris mentione; cum tamen sit ORIGENIS Hom. I. in Lucam, Oppi Tom. III. p. 790. edit. de la Rue. Atque eam paucis mutatis RICH. SIMON. loc. cit. a catena MS. in Lucam, cuius margini adscripta erant: τὸ αὐτὸ Τίτῃ ἐργασίας Βόστρων καὶ Ὀρυσέως. Alia plura ex ORIGENIS dicta esse adparet, si homilias eius in Lucam ac praelexim GRABII et COMBERISII schedas conferas, in elegantissima operum ORIGENIS editione, quam modo commemoramus.

§. VI.

Longe meliori nomine sese commendat *catena patrum græcorum in S. Ioannem ex antiquissimo græco codice MS^{to}, primum in lucem edita a BALTH. CORDERIO S. I. Antverpiæ, 1630. fol.* Memorat editor in præf., fuisse nonnullos, qui conquererentur, eum in edenda catena in *Lucam* multitudini, potius, quam doctis morem gessisse; quibus ut satisfaciat, prodire nunc in conspectum alteram hanc in *Ioannem* græce, iuxta exemplar MS. græcum, rotundo ac distincto caractere in membrana eleganter et accurate conscriptum, quod HERIBERTVS ROSEYDVS et PETRVS LANSSELVS e *Casani* bibliotheca Treuiris Antverpiam reduces attulerint. Splendida sunt nomina AMMONII, CHRISOSTOMI, CYRILLI, EVSEBII, THEOD. HERACLEOTAE, THEOD. MOPSVESTENI, SEVERI, EUTHII et ORIGENIS, quorum præter alios in hac catena fit mentio. Eorundem sententiae vel κατὰ ἑνὸν proponuntur; vel, quod fit tamen non ita frequenter, in compendium redactae sunt et confusae cum aliis. Illud praesertim CHRYSOSTOMI scholiis accidit, quae ubi ad verba exhibentur, auctoris et loci mentione ab editore consignata sunt. Huius autem documentum exstat Cap. II. 1., ubi ORIGENES impugnat Manichaeos, Mariam Christi matrem esse negantes, ipso tamen iuniores. Ita quoque Cap.

Cap. XIII. 6 — II. NON ABELLINARI CUM THEODORI HERACLEOTAE OBSERVATIONE CONFUADITUR. Ceterum dogmata praecipue tractat catena nostra et controuersias cum haereticis, VI MONTANO, iuxta scholion CHRYSOSTOMI in catena NICETAE ad Matth. XXIV. 5., se ipsum dicente λόγον καὶ νῦν ἔστιν, καὶ παρεληπτον καὶ κεντοκρατέει, SABELLIO, ARIO, cuius tamen sectatores ad Cap. V. 18. vbi censetur ὄνομα male pro Ἀνομοίσι; aliis etiam. Neque criticae praetermittit observationes; qualis est AMMONI p. 436. ad Ioh. XIX. 1. 14. vbi adparentem Euangelistarum dissensum, circa horam crucifixionis ire conciliare studet: ὁ δὲ καθ' ἡγεσίαν ἀντὶ τῆ Γάμοις σερχεῖς, ὅτι σημαίνει τὴν τρίτην, ἔγχετο τὸ ἐπίσημον ὁ καθ' ἡμιν οἱ Ἀλεξανδρεῖς Γάμοξ, ὃ δηλοῖ τὴν ἔκτην, πολλὰν ἔχοντα πρὸς ἑαυτῶν τὴν ἐμοσίτητα, καὶ διὰ τῆ νηφικῆ σφάλματος γέγονεν, ἢ διαφάνει. Eandem sententiam amplectitur SEVERVS ANTIOCHENS. *), existimans, errorem hunc ab iis inpersum esse, qui ab initio Euangelia descripserint; transferentibus nimirum litteram Gamma in signum senarii; adeoque apud Iohannem similiter ut apud Marcum horam tertiam esse intelligendam

*) Perperam in SEVERI scholio tribuitur haec sententia EUSEBIO Caesareensi ἐν ταῖς πρὸς Μαρίνον ἐπὶ ταῖς τῆ Σωτηρίας καὶ τῆς ἀναστάσεως ἡμέραις καὶ ἐπιδείξει. Ad MARINVM enim scripsit SEVERVS, non EUSEBIVS, ut patet ex MONTFALCONII bibl. Coislin. p. 64 lq.

dam *). Quae solatio, quamquam ad libidinem ficta, tamen antiquitatis consuetudinem comprobat litterarum notis designandi numeros.

VII.

Iam attingamus THEOPHYLACTI scholia in IV. Evangelia, Acta Apost. et epistolas Pauli. Ut autem ordiamur ab eiusdem *ἐκ μνησὶς εἰς τὰ τέσσαρα εὐαγγέλια*, eam catenae vicem sustinere vix vllas negaverit. Congessit namque ille Achridis in Bulgaria Archiepiscopus excerpta e purum graecorum scriptis eaque, additis subinde suis sententiis, ita disposuit et adornavit, ut expositio continua eiusdem collectio vocari possit. Inprimis autem in CHRYSOSTOMI lectione diu multumque versatus ea quasi in compendium redegit, quae in aureis illius commentariis occurrunt et interpretationi N. T. grammaticae inseruiunt. Colligimus haec cum ex sedula viriusque scriptoris collatione, tum e codicum manu scriptorum testimonio, qui in fronte habent: *Θεοφύλακτος τῆ ἀρχιεπισκοπῆς Βουλγαρίας ἐπιτομή τῶν τῶ Χρυσοστόμου*

*) Idem sentiunt THEOPHYLACTVS ad h. l. et alii. Quae res documento est, plurimos olim genuinam reputasse lectionem nostram vulgarem Marci XV, 25. neque debilitari haec testimonia auctoritate *Constit. Apost. L. V. c. 14. p. m. 318.*, quas constituit iudices GVL. WHISTONS in the *sacred History of the New Testament* p. 277.

σεύμεν ἐξηγητικῇ εἰς τὸ κατὰ etc. Eundem vero et ex aliis fontibus hausisse edocent codices; vt vnus bibliothecae Caesareae Vin-
dobonensis teste LAMBECIO in commentar.
de hac bliblioth Lib. V. p. 49., vbi eius ἐξη-
γῆσις sumpta dicitur ἐκ τῆς τοῦ Χρυσοστόμου καὶ
αἰδῶν τῶν ἀγίων πατέρων; item alius regiae
Parisiensis, qui ἐρμηνείαν Θεοφύλακτος adpellat
ἐντεθεῖσαν ἐκ διαφορῶν ἀγίων, referente NIC-
SIMONE l. c. p. 400. Arguit idem quoque
adiecta interdum formula τινὲς φασί, vel καὶ
αἰδῶς (αἶδος), quam posteriorem notam
constat signum esse, quoq. qui id adhibuerit,
ignorare se auctorem observationis testare-
tur *). Ostendit denique illud ipsa eius-
dem cum aliis instituta comparatio **), qua
etiam.

*) Vid. scheliam ostense: MSctae apud MONTE-
FALCONIVM, bibl. Coisl. pag. 61.

**) Ita conspirat cum ORIGENE, Matth. XXII.
16. Hic autem dominus haeresin refellens Sa-
ducaeorum, quae animam inuincibilem non esse
sciscebant, sed penitus interire, coll. ORIGE-
NE in Matth. Opp. Tom. III. p. 810. Porro
idem Hom. 39. in Lucam p. 978. Duae sunt
imagines hominis: vna, quam accepit a Deo fac-
tus in principio, sicuti in Genesi scriptum est;
iuxta imaginem et similitudinem Dei; altera
choici i. e. terreni, cel. Simile quid THEO-
PHYLACTVS in Lucam C. XX, 20. Passim
tamen eum ipsum confutat; vt ad Matth.
C. XXV. 46. vbi ORIGENEM dicit φανερῶν
qui suppliciorum finem fore existimet. Vid.
et nota ad Luc. XVI. 26. Sic glossa ad Luc.
X. 18. p. 381. τινὲς δὲ τὸ ἀπ' οὐρανῶ οὕτω
νοῦσι, τῆς αὐτῆς, ἀπὸ δόξης est CTRILLI, teste
TITO BOSTRENSI in com. p. 792.

etiam adparet, cum suppeditare sententias, a CHRYSOSTOMO maxime dissidentes. Vnde ut verbis utar SIXTI SENENSIS *bibl. sanct. Lib. IV. p. 329. allegorias quoque cum aut nullas aut raras apud, CHRYSOSTOMVM inuenisset, ex aliorum commentariis suppleuit et suis locis aptissime accommodauit.* Dubitamus autem, quascunque allegorias, quae frequentes admodum et frigidae THEOPHYLACTI scholiis adpersae sunt, eiusdem paribus adsignandas esse. Etenim 1) non obuia est in notis THEOPHYLACTI ad epistolas *Pauli* talis interpretandi ratio; quae scholia, quamuis in se spectata e genere dogmatico et morali sint, tamen in tractandis locis historicis e. c. Galat. I, 2. vel nominibus propriis e. g. Rom. XVI., ab iis ingenii lusibus abhorrent, quibus fere scatent adnotationes ad Euangelia. 2) Ipsa codicum diuersitas et nota καὶ αἰῶνες, subinde interpolatum esse THEOPHYLACTVM, arguit. Ita, quemadmodum colligi debet e versione OECOLAMPADII, in codice Basileensi ad locum Ioh. I, 13.prehenditur glossa, quae in aliis plane deest; et RICH. SIMON l. c. pag. 392. duorum codicum MSS. Bibl. Reg. meminit, qui scholiis duobus, formula καὶ αἰῶνες alibi consignatis, destituti sint. Quamquam enim constet, formulam istam, a scholiastis graecis usurpatam, semper additamenti signum non esse, qui tamen fit, primum, ut THEOPHYLACTVS iisdem verbis rarius adeo utatur; quia

quia inno et dispenforum interpretum sententias continua serie recensent; e. c. 1 Cor. II, 13. ? deinde, ut illis potissimum scholasticis, quae insigniuntur formula: *καὶ ἄλλα*, codices aliqui careant, quemadmodum ex adductis a rich. SIMONE loc. cit. exemplis videre par est. Interim tamen tantum abest, ut omni allegorica interpretandi ratione abstinuerit, ut potius ex hoc genere complura sensus pios promouendi gratia adiecit eum existimemus; quemadmodum et KRASIVS, quamquam egregius grammaticae interpretationis fautor, elegantissimae IV. Evangeliorum paraphrasi allegorica subinde inspersit, in paraphrasi epistolarum N. T. rarissime obuia. Jam quod ad methodum attinet, qua usus est THEOPHYLACTVS in concinnandis patrum symbolis, eas praecipue delegit sententias, quae dogmatum rationem habent, adiunctis interdum argumentis aduersus haereticos; ita, ut vniuersam ferè patrum graecorum theologiam nobis delineatam exhibeat; quorum tamen quaedam de libero arbitrio, fide, praescientia dei cet. minus accurate, vti & multis graecis doctoribus ante lites Pelagianas disputata, cautum omnino et ingenuum lectorem sibi deprecant. In lectionum diuersitate, ducem plerumque sequitur CHRYSOSTOMVM. Sed cum vestigia ipsius deserit, in lectione interdum ab omnibus versionibus et aliis patribus discedens, tantummodo collatum

dicum manu scriptorum auctoritati obtemperat. Ita Matth. III, 11. in eo defunt verba καὶ πρὶ, Cap. V, 44. cum paucis quibusdam patribus legit τοῖς μισθῶν et ibid. v. 47. pro ἀδελφοῖς multis cum codicibus φιλῶς. Marci Cap. III, 11. in locum singularis προσέπιπτον, ἑκατὸς substituit pluralem προσέπιπτον, ἡμεῖς; et Lucae VI, 23. pro χαίrete ad multorum codicum fidem habet χαίετε. Imprimis autem consentit cum versione Syriaca; in Lectionibus praesertim illi propriis, vel etiam cum codicibus ad eandem conformatis. E. c. Matth. V, 27. praetermittit verba: τοῖς ἀρχαίοις, et VI, 18. ἐν τῷ φανερῷ. Cap. VII, 2. autem legit μετεθήσεται. Marc. II, 8. cum Syro et aliis codd. voci οὕτως subiungit αὐτοὶ et voci ἀμαρτίαι addid. σθ. Similiter Cap. IV, 8. legit ἐν τριάνοντα, v. 9. deest μῦθοις, v. 31. habet ὡς κόκκον. Luc. VI, 9. loco ἀπολέσαι adest ἀποκτείνει et Cap. VII, 31. rectissime omittit cum multis codicibus et Syra versione eiusque sequacibus verba: εἶπα δὲ ὁ Κύριος, itemque Luc. VIII, 9. αὐτοῖς pro αὐτῷ. In lucem prodierunt hi THEOPHYLACTI in *IV. euangelia enarrationes*, denuo recognitae Io. Oecolampadio interprete, Basileae (apud Andr. Cratandrum) 1525. fol. Loca autem complura arguunt, codicem Basileensem, quo usus est OECOLAMPADIVS, ab aliis manuscriptis et impressis exemplaribus in multis discedere. Ita Ioh. I, 13. quae OECOLAMPADIVS habet, defunt in tri-

tribus codicibus Venetae bibliothecae Marianae, et in Romano illo, quem versio P. MONTANI sequitur, in quo etiam alia occurrunt, non obuia in codice OECOLAMPADII, vt post Matth. V, 13, Edit. Paris. p. 27, v. 22. post *euredgla* p. 30.; aliisque in locis hi duo codices plane diuersa habent, e. g. ad Ioh. XXI, 17 sq. Ed. Paris. p. 843. et OECOLAMP. p. 219. b., qui paullo ante, admonitis tamen lectoribus, ex ingenio locum in codice suo mutilum restituerat. Haec versio OECOLAMPADII, tamen si non sit optimae latinitatis nec adcurata vbiuis, tamen in omnibus horum THEOPHYLACTI commentariorum editionibus seruata fuit, et emendata per PHILIPPVM MONTANVM A. 1545., et iterum A. 1552. ad codicem Romanum, qui graece prodiit Romae 1552 fol. Sed multa confuse posuit *), nisi forte id typographo

*) E. g. Matth. I, 20. *Ne timeas accipere. Ostendit hic quod metuerit habere eam, ne forte offenderet deum, uti adulteram fouens, et aliter, ne timeat, hoc est, tu quidem times adiungi illi, quia ex spiritu concepit, sed ne timeas accipere, hoc est, domi et intus tenere. Quae ita disponenda sunt: Ostendit hic, quod metuerit habere eam, ne forte offenderet deum, uti adulteram fouens. ET ALITER: (Hoc nouae glossae indicium est). Ne timeas, hoc est, tu quidem times adiungi illi, quia ex spiritu concepit, sed ne timeas. ACCIPERE, hoc est, domi et intus tenere. Sic Matth. V, 1. Docens nos, nihil ad ostentationem esse faciendum, ascendit in montem. Quandoquidem autem*

pho potius tribuendum Ht; multa etiam inepte ab **SCOLAMP.** conuersa sine emendatione reliquit.*). Hanc editionem Romanam ad verbum exprimit Editio Parisiensis apud **C. MORELLVM** 1631. fol. retenta adeo praefatione, in qua ad fraudem tegendam, pro **Pauli III. P. R.** nomine, **Morellorum** nomen positum est, quibus omne hoc opus debeatur; insertis etiam eidem versioni lectionibus diuersis, quas olim in marginem coniecerat **MONTANVS.** Longe praestantiores et correctiores hi **THEOPHYLACTI** in **IV. euangelia commentarii** sistuntur Tomo primo splendidae illius collectionis operum

THEO-

tem docturus erat, erudit nos, a media secedere turba, quando docendum. Quisnam haec capiet, nili ita discernantur: Docens nos, nihil ad ostentationem esse faciendum. Ascendit in montem, siquidem docturus erat; erudit nos a media secedere turba, quando docendum.

*) Ita **Matth. I, 1.** *αδελφὸς ἔχριστο γὰρ τὸ ἁγίον ἐλαίον τῷ ἀπὸ τοῦ κεφαλῆ τοῦ ἐπιθεμένου τῇ κεφαλῇ ἀναβλύζοντι.* Haec ita reddit interpretes: *Inungebantur enim oleo sancto a cornu, quod superponebatur capiti et distillabat, cum τὸ ἐπιτ. τ. κ. ad κεφαλῆς & ἀναβλ. demum ad ἐλαίον pertineat.* Similiter notum ad **Matth. V, 23.** *καταφρονεῖ ὁ Θεὸς τῆς οἰκίας, τιμῆς ἵνα ἡμεῖς μόνον ἀγαπῶμεν* vertit: *Contemnit deus proprium honorem tantum ut nos diligamus, cum potius sit: ut solum diligamus (scil. eum).* **Matth. V, 28.** *τὸ παρατινὸς ἐρεῖσθαι, οὐ λέγει* Hoc a certo quodam esse dictum non dicit. **Redde:** Hoc a quonam dictum sit, non dicit.

THEOPHYLACTI omnium, quae nitidis typis prodire coepit h. t. Θεοφύλακτος Αρχιεπίσκοπος Βουλγαρίας ἁπάντας. Theophylacti, Bulgariae archiepiscopi, opera omnia, siue, quae badius edita sunt, siue quae nondum lucem viderunt, cum praevia dissertatione de ipsius THEOPHYLACTI gestis et scriptis ac doctrina. Tomus primus, continens commentarios in quatuor euangelia ac variantes lectiones ex codicibus graecis Veneris Marcianis et Patavinis S. Iustinae desumptas, Veneriis 1754. fol. Quae in fronte occurrit dissertatio, auctorem habet doctissimum IO. FRANC. BERNH. MAR. de RVBEIS Ord. Praed. monachum, cui etiam curam in adornanda hac editione praecipuam debemus. Textus in hac Euangeliorum interpretatione Romanus est; versio latina autem iuxta Parisiensem editionem excusa; addito ad calcem spicilegio variantium lectionum e V. codd. Veneris et vno Patavino S. Iustinae, in quo multae non contemnendae occurrunt, etiam integra loca, quae adiecta a scribis THEOPHYLACTI commentariis videntur *). Illud quoque tenendum

*) E. c. verbis ὅσην ἐν τῷ ἐθνικῷ (pag. 43. edit. Paris.) addit codex ille: Ἄλλοι δὲ ἔτιως ἠρμήνευσαν τῷ τοῦ ἑπτόν; Iacobum nempe, cum vidisset scalam, putasse τοῦτον εἶναι τὸν Θεόν, καὶ μὴ παντὶ παρόντα καὶ πανταχῶ. Sed meliora edoctum eum habuisse deum omnipraesentem non τοῦτον; quam ob rem etiam Christus hoc loco fidem Iacobi com-

dum est, κεφάλαια, quibus Euangelia cum in hoc tum in aliis editis exemplaribus distincta occurrunt, ea esse, quae apud nos obtinent, cum tamen e MSS. praesertim Vaticanis codicibus adpareat, *), THEOPHYLACTVM non interrupta textus serie scripsisse; hinc a librariis adiectas esse, quae in eiusdem expositione vulgo habentur, diuisiones. Iam accedimus ad commentarium in Acta Apost. THEOPHYLACTI nomine consignatum, qui e. IO. SAMBVCI codice graeco, cuius meminit LAMBECIVS l. c. p. 49., prodiit Coloniae 1567. fol. adiuncta versione latina LAVRENTII SIFANII, *Prunssfeldii* l. V. D., quae versio etiam inserta est editioni ex officina Heruagiana per Eusebium Episcopium Basil. 1570. fol., cui THEOPHYLACTI commentarii in Euangelia, Epistolas Pauli, in IV. Prophetas minores et Acta insunt, adductis simul in titulo posterioris expositionis nominibus patrum, e quibus eadem collecta sit. Consilium SIFANII in adornanda hac editione ipse in epistola ad IO. SAMBVCVVM ita exponit: *Te admonitum velim,*

mendet. *Ibid.* verbis primogenitus meus Israel subiicitur Φασι δὲ τινὲς & glossa, quae narrat, quemadmodum mari tribuantur κόλποι, ita etiam τὰ πελάγη τῶν ἀπολαύσεων, in quibus versetur Abraham, dici κόλπος τῷ Ἀβραάμ.

*) Vid. ZACAGNIUS in praefat. ad collectanea monum. vet. ecclesiae graecae et latinae p. 69.

*fini, me iis in locis, ubi lectio scripti exempli prorsus non tolerari, nec excusari posse videbatur, ad marginem e regione posuisse illam ipsam lectionem, quam correxi; adiecto videlicet verbo habetur aut habebatur. Sed ubi dubitavi de lectione, scis enim unico me duntaxat tuo usum esse apographo, ibi in margine adposui aliam lectionem, quam, coniecturas sequutus, veram esse aut debere puto, adiecta videlicet dictione laus. Maxime tamen veremur, ut illa Sifamiana recensio THEOPHYLACTI nec aliorum potius messem exhibeat, propterea quod a THEOPHYLACTI genio et commentandi ratione adeo longe aberrer, ut CHRYSOSTOMVM ipsum ethico dicendi genere superet. Subuenerunt interim huius exempli raritati editores operum THEOPHYLACTI omnium Tomo III. Venetiis 1758. fol. exhibentes 1) commentarium in Acta Apostolica iuxta editionem SIFANII *). 2) Eundem recens*

- *) Cum lectiones varias complures ex hoc THEOPHYLACTI comment. in Acta contulerit WETSTENIUS: non possumus, quin adiciamus quasdam ab eodem non observatas, in ipsa textus biblici recensione obuias: Actor. VII, 43. ad marginem notatur, fuisse in exemplari hunc locum ita expressum: Καὶ ἀνέλαβε τὴν τὴν σκηνὴν τῆ Μολόχ, καὶ τὸ ἄστρον τῆ θεᾶς ὑμῶν Ῥεφαν, τὰς τύπας, αἷς ἐποίησε. Ita quoque exprimitur in subsequenti scholio. Cap. X, 39. ἀπήγαγον loco ἀνήγαγον et v. 41. ἀνέστησαν pro ἀνεκάθισαν. Cap. X, 33. παρέστηκαμεν loco παρέσμεν; XI, 9. ἐκάθαρε pro

recens erutum ex Bibl. Vaticana, qui cum in aliis tum praesertim breuitate a *Sifaniano* exemplari discrepat. Latinam interpretationem addidit BONIFACIVS FINETTI Ord. Praed. correctis simul ad CHRYSOSTOMI, OECUMENII et SIFANII fidem mendis, quibus laborabat istud exemplar; lectionum autem diuersitate, non tamen omni, ad marginem notata. Quod ad ipsam huiusce exempli saeculo fere XIV. exarati indolem attinet, illud a medio circiter septimo capite a CHRYSOSTOMO magis discedit et cum OECUMENII commentario fere ad amussim conspirat, nisi quod eo breuius sit atque prolixiores expositiones praetermittat, quae forte non sunt nisi addita recentius corollaria. Sic quoque index capitum, item peregrinationes Pauli, aliaque occurrunt, quemadmodum apud OECUMENIVM. 3) Denique graece tantum ex opographo bibl. Florentinae sistitur commentarius in Acta, de quo tamen minime constat, an sit THEOPHYLACTI, licet eiusdem nomine eum exornauerint editores, MONTEFALCONII auctoritatem sequenti. Lacunae vero, quae frequenter in hoc codice occurrebant, e reliquis, praesertim e catena Oxoniensi, expletae sunt. Magis excellunt THEOPHYLACTI scholia in epistolas Pauli

pro ἐκκαθάρσις, XIV, 21. post μαθητεύσαντες inferitur ὄχλους, XV, 29. ἀπέχεσθε pro ἀπέχεσθαι, XVI, 6. ἀντὶ πνεύματος deest ἀγία et XX, 31. omissa sunt μετὰ δακρύων.

Pauli, quae latine CHRISTOPHORVS PORSENA Romanus Ao. 1462. vertit ac typis vulgavit A. 1477. sub nomine ATHANASII vel Alexandrini, vel, ut alii malunt, nescio cuius Byzantii Secul. XIII. monachi; quamquam recte ERASMVVS in notis ad 1 Cor. VII, 27. aliique monuerunt, eadem non esse ATHANASII sed THEOPHYLACTI. Illam interpretationem recognouit IO. LONICERVVS, quam deinde nouis curis ad codicem graecum ERASMI contulit MONTANVS 1522. et sub nomine THEOPHYLACTI emendatiorem edidit Basileae 1554. fol. *). Tandem e MS. Arundeliano collatis duobus codd. Oxoniensibus graece in lucem missa est haec THEOPHYLACTI expositio Londini 1636. fol. adiuncta MONTANI sed immutata aliquantum versione, eamque recensionem sequuti sunt, qui curam habue-

- *) In praef. quae est Tomo II. Editionis Veneetae, monetur, PORSENAE versionem multum a graecis discedere, paraphrasticam esse et nimis liberam, atque adiacere, quae in graecis non sint; LONICERVVM vero saepius inepte legere, ut 1 Cor. XIV, 21. ἀποστόλοις pro ἀπείροις et plures versus omittere, qui in codice Basileensi existent. Quod ad MONTANVM attinet, cautionem in lectionibus eius adhibendam esse, ex eo constat, quod ipse in praefatione ad latinam versionem Commentarii in Ep. Paulli fateatur, vulgarem Paullini textus versionem, qua utitur ecclesia, fere ab ipso esse retentam, nisi sicuti THEOPHYLACTI interpretatio illam immutare coegerit; quod tamen haud ubique observatum est.

habuerunt edendorum operum THEOPHYLACTI omnium Tom. II. Venetiis 1755., nisi quod e codice bibl. Venet. Marci subiunxerint lectiones varias *); sed eas tantummodo, quae alium plane sensum exprimunt neque cum lectionibus Oxoniensibus conspiciunt. Iam si indolem huius expositionis spectes, ea eximiam eorum messem exhibet, quae grammaticam N. T. interpretationem ornant. In ipsa exegesi autem cum pressius CHRYSOSTOMI vestigiis insistat, tum quoque cum OECUMENIO pari passu ambulare eum saepissime deprehendimus. Ita ad verba paene consentiunt OECUM. in Epist. ad Ephes. p. 26. et THEOPH. in ed. Lond. pag. 326.; OECUM. p. 36. TH. p. 537.; OECUM. p. 43. et TH. p. 544. eandem aliorum laudant sententiam. Vid. et utriusque glossa ad Philipp. II, 7. et aliis in locis. Interdum tamen differunt. E. c. Ebr. I, 9. OECUMENIVS ex EUSEBIO refert, legisse SYMMACHVM ἔχεισθαι σὺ Θεός, ὁ Θεός σὺ εἰλαῖον χαρᾶς παρὰ ἐταίρων σὺ. At THEOPHYLACTVS ad h. l.: *Quod vero Deus sit, pro. o deus, testis est fide dignus hostis* SYMMACHVS ἐκδούς αὐτῷ; *Διὰ τὸτο ἔχεισθαι*

*) Speciminis sit loco nota ad Rom. III, 7., ubi post verba εἰνὶ ὁ λόγος editio Veneta habet; ἑταῖρον, ἃ εἰς τὸ ὦν τὸ κατὰ κριμα, etc. cum Londinensis tantum: ὦν τὸ κατὰ κριμα. et 1 Cor. XV, 24. post τότε δὲ παύσονται. Venet. addit glossam ad verbum καταργησιν, quam sequitur καὶ ἄλλως, citato loco Psalmi LVI, 2. *In umbra alarum tuarum etc.*

σε σε, Θεός, ὁ Θεός σε ἔλαβον χαρὰς παρὰ ἐταί-
 ρος σε. Ita Ep. ad Ebr. IV, 12. λόγος οὐ-
 CVMENIO est ὑποστατικός, THEOPHYLACTO au-
 tem προφορικός. Eum quoque cum in hac
 tum etiam in IV. Evangeliorum expositio-
 ne acrem graecorum dogmatum propu-
 gnatorem esse, haud mirum in tanto dissidii
 aestu, quo scriptoris nostri aetate vndique
 feruebant ecclesiae. Huc pertinent inpri-
 mis doctrinae de pane azymo, de esu suffo-
 cari, de precibus pro peccatoribus mor-
 tuis, de purgatorio, de immaculata con-
 ceptione B. MARIAE, de Spiritu S. non nisi
 a patre proficiente. Denique qui adhuc
 in bibliothecis adscanditus fuerat commen-
 tarius in *epistolas catholicas* THEOPHYLACTO ad-
 signatus, eum publica luce donarunt edi-
 tores opp. THEOPHYLACTI Tomo III Venetiis
 1759. fol. *), et quidem e codice Vindobo-
 nensi graeco CCXXII a LAMBECIO pariter ac
 NESSELIO p. 161. commemorato. Existimat
 autem BONIFACIUS FINETTI, qui et latinam
 versionem adiecit, in praef pag. 10., hanc
 expositionem THEOPHYLACTO tribuendam es-
 se, cum propter genium THEOPHYLACTI, quem
 iste

*) Continget ille Tomus III. commentarios in
 Acta Apost. et epist. cathol.; institutionem
 regiam, orationes varias et epistolas Theoph.
 Praefationem addidit et scripta nondum edi-
 ta latine transtulit BONIFACIUS FINETTI
 Ord. Praed. monachus. Num tomus IV. et
 ultimus lucem iam adspexerit, certo nobis
 nondum constat.

iste commentarius maxime prae se fert, tum vero propter testimonium laudati codicis Vindobonensis; alius etiam huius bibliothecae codicis, qui IV. postremas epist. cath. comprehendit ex omni parte consentientes cum commentario laudati codicis in eadem epistolas; denique et codicis CCXXVII. Vaticani, continentem IV. postremarum ep. cath. ἐρμηνείαν. Ipse ille commentarius sensum litteralem optime exprimit; non nulla tamen ab hoc interpretationis genere aliena adpersa sunt. Optime vero eius indoles ex OECUMENIO perspicitur, cuius scholia in Ep. cath. ita ad verbum cum nostris consentiunt, ut, qualiscumque sit diuersitas, quae, saltem in postremis epistolis, fere est nulla, in codicum diuersitatem possit refundi, ubi alio ordine interpretationes, addita etiam forte recentiori manu scholia adferuntur *).

Quae

- *) Paucis admodum in locis lectio vtriusque differt. Accipe quaedam exempla. Ad Iacobi II, 15. 16. apud THEOPH. p. 322. et OECUM. p. 457. verba sunt: σκοπεῖ πνευματικὴν — τὰτα γὰρ τὸ τῆς πίστεως ὄφελος. (THEOPH. τ. π. ἔργον); cui interpretationi apud THEOPHYL. alia glossa adiuncta est, vsque ad verba: οὕτω καὶ ἡ πίστις etc. quibus vterque in eadem re pergit. Iac. IV. 5. apud THEOPHYL. post verba ὕψος πνευματικὸν sequitur ἄλλως Κυρίλλῃ et glossa, non obuia apud OECUM. p. 469. lin. 30., cuius vicem sustinent, quae a verbis τί δοκεῖτε ὅτι κενῶς vsque ad προαίρεσιν εὐθείαν lin. 43.

occur-

Quae autem in hac editione praemittuntur sectiones, paene eadem sunt vt in OECUMENIO edito, sed in textus distinctione recepta apud nos diuisio ab editoribus adhibita fuit. Epistolas enim ipsas et commentarium in codice non interrupto filo recenseri, monet editor in praef. pag. 12.

§. VIII.

Ex eodem genere est EUTHYMI ZYGABENI Sec. XII, monachi monasterii Constantinopolitani, cognominati τῆς Περιβλεπτῆς, panopliae dogmaticae scriptoris, Commentarius in IV. Euangelia, quem a IO. HENTENIO in coenobio regni Castellae repertum et e graeco in latinum sermonem translatum habemus Tomo XIX. *bibl. PP. maximae* Lugd. p. 475. seqq. Concinnata est haec expositio ex ORIGENIS, BASILII, GREGORII NAZIANZENI et CHRISOSTOMI potissimum scriptis, ea, ratio-

occurrunt, in THEOPHYLACTO autem desunt. Addatur 1 Pet. III, 17. 18. vbi ipse HENTENIUS glossam OECUMENII p. 514. oblituram esse fatetur. OECYM. nempe cum THEOPHYL. verba habet ἐν ᾧ καὶ τοῖς· κείται. Tum THEOPH. addit p. 371. εἰπὼν γὰρ ὅτι ὑπὲρ τῶν ἀδικῶν ἡμῶν ἀπέθανε, λέγει λοιπὸν, ὅτι καὶ τοῖς ἐν τῷ αἵματι κατεχομένοις ἐκήρυξεν, quibus interiectis iterum consentiunt. Ita 2 Petr. I, 15. noster habet μνήμην in textu et glossa et v. 8. ἀκαίρετος in textu; OECYM. vero μνεῖαν et ἀπράκτους. 1 Ioh. II, 11. apud THEOPH. desunt ea, quae apud OECYM. p. 569. praefixa habent verba: Ἄλλως σὺς τὸ etc,

ratione, vt praetermissis omnibus digressionibus, quae vel dictionis venustatem subolent, vel ad corrigendos mores spectant, ea inprimis breuiter et succincte tradat, quae ad sensum grammaticum intelligendum maxime faciunt. Quod auctoris nostri consilium cum aliis viris doctis, cum MALDONATO praesertim acceptum fuit, qui in com. ad Matth. XVII, 8. in verborum proprietatibus diligentissimum eum esse monuit. Dubitarunt autem alii, vtrum EUTHYMIUS, an alius quispiam auctoris laude ornandus sit; ad quos pertinet IO. HENTENIUS, qui in epist. nuncup. refert, plurimis auctorem huius catenae visum fuisse OECUMENIUM. Sed cum illud: *videtur* maxime ambiguum sit, ita nec certius quid euincit adducta a RICH. SIMONE l. c. p. 410. coniectura, qua THEOPHYLACTUM auctorem esse sibi persuadet. Qui enim inter vtrumque intercedit consensus, vel a CHRYSOSTOMO, tamquam communi fonte, fluxit, vel si singularem dogmatum quorundam tractationem spectes, a stabilitis in ecclesia Orientali fidei capitibus. Verum saepius discedere EUTHYMIUM a THEOPHYLACTO cum in interpretatione, tum in lectione, exempla comprobant. Ita e. c. cum THEOPHYLACTO quidem et aliis codicibus conspirat in lectionibus supra memoratis Matth. III, 11. V, 47. Luc. VII, 31. et aliis. Haud raro tamen singulari lectione gaudet, in quibusdam tantummodo N. T. codicibus obuia;

obuia; vt Ioh VIII, 40. vbi loco παρὰ τῷ Θεῷ
 EUTHYMIVS legit: παρὰ τῷ πατρὶς isque solus,
 et XIII, 25. voci ἐκείνος subiungit ὅτως: Cum
 ergo ille recumberet *ita* super pectus Iesu etc.
 Quod interpretatur: *Ita sicuti recumbebat, hoc
 est, non eleuatus; sed tantum conuersus.* Simi-
 liter Ioh. XIX, 16. legit ἡγάρων εἰς τὸ πρῶτον;
 Matth. XIII, 27. deest αἶ et Luc XV, 19.
 omissum deprehendimus διὰ ante πολίαι, it.
 Luc. XXII. 35. recte cum codd. quibusdam
 omittit καὶ ὑποδημαίων. Sed cautio hic adhi-
 benda est ac diligentia, propterea quod om-
 nes lectionum varietates minime ab EUTHY-
 MIO proficisci, sed multas potius e margine in
 contextum irrepisse exploratum est. Refert
 enim HENTENIUS in praef., margini exem-
 plaris adscriptas fuisse adnotationes, quae
 deinde in reliquae scripturae ordinem reda-
 ctæ atque posteiùs particulae textus enarra-
 tionem, ad quam ponebantur, ab ipso lo-
 catae sint. Vnde etiam haud mirum, quod
 toties cum exemplari Complutensi graeco
 et Vulgato interprete congruat, praefer-
 tim cum ipse editor mala fide in corrigen-
 do subinde egerit. Ita in recensione loco-
 rum quorundam, in quibus exemplar HEN-
 TENII alia habebat, quam ea, quae vulgo
 circumferuntur, exemplaria, ipse loc. cit.
 p. 485. narrat, verba Luc. XIX, 15. οἱς ἔ-
 δοκε τὸ ἀργύριον apud EUTHYMIVM non existi-
 tisse; *quod tamen, inquit, addidimus, sicut
 quibusdam aliis in locis idem fecimus, quod in
 aliis*

aliis exemplaribus et in Complut. editione habeatur. Hisce naevis facile mederi potuissent editores, si textum Euthymii collegissent e codicibus graecis, praesertim Parisiensibus et Barocciano XXVIII, qui MILLIO quondam in conquirendis lectionibus magno adiumento fuit. Illud quoque sciendum est, EUTHYMIUM iis in locis, ubi argumentum sese offert, quod in alio Evangelista iam dilucidatum erat, transmittere lectorem ad dictam expositionem, citato nimirum iuxta Graecorum supputationem capite; cuius allegandi rationis secundum maiora κεφάλαια institutae mentionem iniiciens SIXTVS SENENSIS Bibl. S. L. III. p. 166. refert: EUTHYMIUS seu, ut quibusdam videtur, OECUMENIUS distribuit Euangelium Matthaei in titulos seu capita 86. Cuiusmodi distinctiones apud Marcum exstant 48.; Lucam 83. Iohannem denique 18.; non numerata sectione de muliere in adulterio comprehensa, quae narratio quamquam a graecis doctoribus passim omissa, ab EUTHYMIO explicatur *). Neque etiam intactas relinquit sententias,

*) Addit vero EUTHYMIUS in fine cap. VII. Ioh. Scire autem oportet, quod ea, quae ab hoc loco habentur, usque ad eum, quo dicitur: Iterum ergo loquutus est illis Iesus, dicens: Ego sum lux mundi, in exactioribus exemplaribus aut non inveniuntur, aut obelo confossa sint, eo, quod illegitima videantur et addita. Et huius argumentum est, quod nullus ea sit interpret-

tentias, quibus stant, qui Graece ecclesiae addictos sese profitentur. Qualis est illa, quae progenit contentionem inter graecos et latinos diu olim agitatam; quo scilicet die Christus agnum paschalem comederit? porro doctrina de operum retributione, non statim a morte cuiusvis initium capiente, sed differenda ad diem iudicii; denique etiam de Spiritu S. a solo patre procedente, cui opinioni inhaesisse scriptorem nostrum arguunt loca, quibus Spiritum S. a patre procedere adserit, nulla filii facta mentione *). Reliqua, quae EUTHYMIANO mine feruntur, scripta, nondum edita, num ab eo profecta sint, exploratum non habemus. Certe quod ad expositionem epistolarum PAVLLI attinet a nonnullis EUTHYMIO adscriptam, RICH. SIMON *bibl. crit. de du PIN*. l. c. p. 323. eos EUTHYMIUM CUM OECUMENIO commutasse iudicat.

§. IX.

terpretatus. Sed minus recte verborum EUTHYMIi sensum percepisse videtur HENTENIUS, quoniam in duobus MSS. codicibus, huic exemplari admodum similibus, quos commemorat RICH. SIMON l. c. p. 422. verba ita se habent: Μηδὲ τὸν Χρυσόστομον ὁλῶς μνημονεύσαι αὐτῶν.

- *) Ita ad Ioh. XIV, 10. „Et datur quidem a patre, utpote ab illo procedens, mittitur vero a filio quasi cooperans et non contrarius. Similiter C. XV, 26.: Vide autem, quod mittit quidem eum et filius, tamquam eisdem cum patre honoris; verum id a patre puta, procedentem. Procedit itaque a patre, tamquam de eius substantia.“

§. IX.

Iam digni sunt, qui hic commemorentur, commentarii, qui OECUMENII nomine notati, cum ARETHAE interpretatione Apocalypseos Ioannis, primum cura IO. MATTHAEI GIBERTI descripti editi sunt Veron. 1552. fol. a DONATO *Veronensi* *); deinde recusi studio FEDERICI MORELLI h. t.: *Οἰκουμενικῆς ὑπομνήμα-
τα εἰς τὰς τῆς νέας διαθήκης πραγματείας*, adiuncta interpretatione IO HENTENII, Lutetiae Paris. 1631. 2. Vol. fol. De qua catena optaremus, ut plura dare possemus eaque certiora his, quae vulgo repetuntur; sed, quoniam, quo magis cogitamus istam rem, eo minus certa reperimus, hoc agere constitutum est nobis. ut adpareat id, quod probabiliter disputari potest, contra euitentur errores eorum, qui ab aliis decepti imitando peccasse videntur. Primum si quaeras qualis? ubi? quando exstiterit OECUMENIVS? id totum paene incertum est. * Volunt eum Triccentem Episcopum fuisse, quamvis, cur ita sentiant, nihil afferant. Neque tamen hoc recte dictum inficior, siquidem is est, cuius fragmentum e codice Coisliliano

*) Aliam edit. Veronensem anni 1568. commemorat FABRICIVS l. c. p. 788. nec tamen sibi visam; sed eam exstare dubitat RICH. SIMON *critique de la bibl. de du PIN* Tom. I. p. 313., in cuius *lettres choisies* Tom. I. ep. XI. p. 125 sq. etiam de GIBERTO Episcopo Veronensi disputatur.

niano CCXXIV. MONTEFALCONIVS bibl. Coisl.
p. 277. edidit hoc nomine: ἐκ τῶν Οἰκουμε-
νίων τῶ μακαρίου ἐπισκόπου Τρικαμ. Θεσσαλίας
πεπονημένων εἰς τὴν ἀποκάλυψιν. Ἰωάννης τῆ Θεο-
λόγου σύνοψις σχολικῇ. Quo tempore vixe-
rit, certo non constat. Id vnum licet dicere,
eum ante X vel XI. saeculum fuisse. Nam
et MONTEFALC loc cit p. 82. catenam indi-
cat saeculi X codice XXVII. Coisl. com-
prehensam, in qua saepissime OECVMENII NO-
tae occurrant, et THEOPHYLACTVS, qui vi-
xit Saec. XI. ad finem vergente, etiam OE-
CVMENII notas vsurpassa videtur; quoniam
vterque, vti diximus (p. 357.), non raro
consentit, vbi nullum vestigium est eius,
quod vterque alios secutus sit. Ac etiamsi
quis dicere posset, THEOPHYLACTVM ab OE-
CVM. fuisse visum, non tamen hoc videtur pro-
babile propterea, quod illum quidem cum
OECVM. consentientem reperi in obseruatio-
nibus, quae huius sunt propriae, hunc ve-
ro in notis ab ipsa THEOPHYLACTO additis
non item. Accuratius forte posset de eius
aetate disputari, si modo verum esset, OE-
CVMENIVM ipsam illam catenam, quae eius
nomen in fronte gerit, composuisse. In
qua cum PHOTII notae, celeberrimi illius,
nisi fallor, Constantinopolitani Patriarchae,
deprehendantur, consequeretur, saeculo
decimo OECVMENIVM antiquiorem esse non
posse. At magna suspicio est, has omnes
notas, quae PHOTII nomine ornatae cernun-
tur,

tur, ab inferioris aetatis homine adiectas esse catenae Oecumenianae; multis enim in codicibus non apparent, et monuit MONTFALC. l. c. p. 150. in codice Coislin. XCV. eas omnino resectas esse; nec vana me duci arbitror coniectura, existimantem, OECUMENIVM nullo modo esse eum, qui hanc, quae eius esse dicitur, catenam conscripserit. Neque vero cum RICH. SIMONE (Hist. des Comment. c. 32. p. 458. et Crit. de du PIN. T. I. p. 34.) provocare placet ad id, quod saepenumero in codicibus nomen habeat: Τῶ Χρυσόμῳ καὶ ἐτέρων διαφορῶν; nihil enim hoc quidem efficeret propterea, quod vnius catenae nomina solent esse diversis in codicibus diversa: sed sunt tamen alia, quae obstant plurimorum opinioni. Itaque totam rem distribute proponamus. Principio, cur commentarios in Acta Apostolorum, epistolasque catholicas OECUMENI velint esse, non video. Nam quidquid ii, qui ita sentiunt, argumentorum proposuerint, id totum est e commentariis in Pauli Epistolas ductum, nec in istis ceteris, de quibus disputamus, usquam nomen OECUMENI occurrit. Est quidem in epigraphe graeca commentariorum in Apostolorum acta istius iniecta mentio, sed non modo cum dubitatione (ἐξήγησις τῶν πᾶσαι ἁγίων ἀνδρῶν ὑπὸ Ἀνεύμῳ Ἡ ΚΑΙ Ὁ κειμένης συλλεχθεῖσαι, vbi MENTENIVS, vt fucum lectoribus faceret, imo ab OECUM. posuit), sed quaeri etiam posset: Sine

Sine haec omnis epigraphæ a DONATO Veronenſi conficta? Nam qui græcam potuit lectorum admonitionem componere, fingere etiam ad libidinem ipſum græcum titulum potuit, nec in iſto proœmio quidquam de codicis ſui ſuper hac re teſtimonio haber, ſed, ne oratio vageretur extra terminos, argumenta ea, quibus iſta controuerſia componi potuiſſet, ſatius duxit ſilentio reprimere. Atque de hoc et vero etiam OECVMENTI in epiſtolas catholicas commentario ſuperius diſputatum eſt (§. VII. 9), vtrumque pæne ad verba THEOPHYLACTI eſſe. Sed iſ, qui exſtat in Pauli epiſtolas, OECVMENTII tamen eſt. Rogo, quam ob cauſam? Primum, aiunt, propter notam OECVMENTI ad Ephes. IV, 16. Tom II. p. 38. Audiamus igitur. *Ὁρα, inquit, τί καὶ γὰρ ἐνόμισα. Οὕτε γὰρ ἐχώρησα τὰ τῶ μακαρίων νοῆσαι;* tum obſervatio legitur, qua verba Pauli citata illuſtrantur. Crederes igitur OECVMENTII obſervationem ſubiici, et propterea quidem, quod nihil ad hunc locum in CHRYSOSTOMO reperierit; hunc enim τὸν μακάριον non raro adpellat et uſurpauit catenæ fabricator pæne omnibus in locis. Sed vtrumque ſi credas, falleris. Nam illum CHRYSOSTOMI notam in h. l. legiſſe, quivis videt; eſt enim ea ad hunc verſum p. 37. omnino expreſſa, poſt verba Pauli: *ἐξ ὃ πάν τὸ σῶμα,* e CHRYSOSTOMI hom. XI. in illam epiſtolam Ed. Montef. p. 84. 85. At iſta tamen obſervatio,

tio, quae verbis oecv̄m subiecta legitur, oecv̄menii est. Darem hoc quidem, nihil enim, contra datam fidem, adscripsisset, nisi hoc ita esset; nec tamen vel sic constaret, oecv̄m hanc collegisse catenam; potuit enim is, qui eam composuit, hanc notam ex aliquo oecv̄menii libro sumere. At in margine huius catene τῆ Ἰωάννης nomen cernitur h. e. CHRYSOSTOMI. Sed illam nec apud CHRYSOSTOMVM reperiās, nec quidquam, quod tamen promiserat, ad Pauli locum oecv̄menius dixerit. Tam incerta igitur cum nomina sint, quae huius catenae margini adiiciuntur, quisnam se eorum potest auctoritati committere? Sed clariorem, ut opinantur, locum excitant in extrema parte huius commentarii in epist. ad Colossenses (T. II. p. 147.), ubi, oecv̄menii nomine ad marginem posito, haec leguntur: Ἐκ τῆ ἀντιγραφῆς μὴ εὐρῶν καλῶς τὰς παραγραφὰς τῆ μακαρίῃς Ἰωάννης τῆς πρὸς Κολοσσαεῖς ἐπιστολῆς, συνέγραψα αὐταῖς ὅπως ἡδυνάμην. Εἰ ἔν εὐρεθῇ τι ἐν αὐταῖς ἢ κῆρον ἢ ἐπιληψίμον, ἵσω ὁ ἀναγνώσκων, ἑμὴν εἶναι τὸ τοῖστέον πταῖσμα. Hanc omnem notam non oecv̄menii esse arbitror, sed dicam enim quod sentio, eius, qui catenam descripsit. Nam quod HENRIENIVS verba: καὶ καλῶς conuerterit: non integre, male conuertit, ut, qui graeca non contulerit, putet, mutilum fuisse CHRYSOSTOMI codicem, quem catenae auctor vlturpauerit. Sed ista verba
com-

commodius est intelligi de male conscriptis exemplis, de quorum verbis a se forte non bene lectis admonere catenae confector lectorem voluit; id enim vult, cum dicat: συναγραψα αὐταῖς (παραγραφὰς) ὅπως ἡδυνάμην. Ac moris est scribarum, talia ponere; cuius rei exemplum reperias apud MONTEFALC. l. c. p. 77. 78. e codice Coisl. XXV., ubi ANDREAS presbyter se dicit συναγαγόντα καὶ παραθέμενον τὰς ἐμφορομένας τῇ βίβλῳ ταύτῃ παραγραφὰς; loquitur autem de catena in Acta Apost. epistolasque catholicas, quae eius, quam OECVMENIO tribuunt, simillima est. Praeterea vix quatuor sunt in commentario nostro super epistola ad Colossenses scholia, quae OECVM. nomen habeant; e quibus duo p. 122. et 129. paene cum CHRYSOST. observationibus consentiunt, quem tantum abest ut integrum in hanc epistolam non habuerit, ut fere ad verbum describeret per omnem epistolam; una p. 120 e THEODORETO hausta videtur; ut profecto, si OECVMENIVS catenam collegisset, non haberet, quod quereretur, nimium sibi in hoc commentario conficiendo laborem superandum fuisse. Sic igitur censeo: OECVMENIVM observationem perscripisse eam, quae est in verba ultima epistolae: ἡ χάρις μετ' ὑμῶν, ad quae CHRYSOST. nihil habebat. Sed cum is, qui exemplum, e quo catena edita est, descripserat, reperiret notam excusatoriam, quam paullo ante graece inte-

gram posuimus, nec eius auctorem agnosceret; putauit si recte coniicio, eum OECUMENIVM esse, quoniam eius obseruationem statim ante hanc admonitionem viderat, eiusque nomen deduxit ad scholium, de quo disputamus. Nihil denique dicam de argumento eo, quod SIXTVS SENENSIS bibl. S. lib. IV. p. m. 299. sumsit ex hoc commentario ad Ebr. VI., vel potius XI. p. 380. (errat enim ille), ut illum OECUMENIO assereret. In quo loco OECVM. ad suas in Octateuchum σημειώσεις protocat; quales existisse non negamus, cum catena in Genesin et Exodum ab ALOYSIO LIPPOMANNO edita etiam notas cum OECVM. nomine contineat. Sed illud, vti diximus, argumentum non copiose disputabimus, dum nihil magis probat, quam in catenam nostram, quae OECVM. nomen ementitur, etiam OECVM. scholia congesta fuisse. Ceterum quisquis sit huius catenae confector, id candide profiteor, nihil praeclarius a scriptoribus graecis in N. T. conscriptum existare, praesertim in genere interpretationis grammatico; quod haec catena paene vbiuis sectatur atque veluti selectissimas optimorum veterum interpretum observationes exhibet, maxime e CHRYSOSTMO et vero etiam ORIGENE. cuius nonnunquam opiniones admiscuntur, quod iam ERASMVS obseruauit ad Ebr. VII. 25, qui hanc catenam *scholia Graeca* appellare solet. Quamuis maiorem hi commentarii habituri essent op-
portu-

portunitatem, si vel ii, qui eos typographorum formis exscripserunt, cautius egissent, vel ipsi cum pluribus iisque accuratioribus codicibus conferrentur. Namque in textu graeco sacrorum librorum exprimendo HENTENIUS non ipsum videtur OECVMENTII exemplum secutus, quoniam (in epistola ad lectorem) confitetur, se, cum in graeco OECVM. exemplari continuatus fuerit textus, eum et distribuisse in capita, istisque singulis praemisisse argumenta: quidni, igitur et ipsum sacrum textum? qui, si ceterae scholia continenti se ordine exceperint, certe non totus erat adpositus; et in locis iis, in quibus exemplum OECVM. a vulgaribus diffidebat, nec editioni (puto Erasmi) aut biblis Complutensibus conformis erat, ut in EUTHYMIQ, textum restituisse, ut oportuerit. Quae HENTENII audacia quemadmodum indignationem criticorum meretur, sic satis cauto lectori constet, eum plerumque alteram aut posteriores BRASMI editiones in adiuciendo textu fuisse secutum. Quod non solum perpetuo fere eius cum Erasmiianis lectionibus consensu doceri potest, sed pluribus etiam locis, in quibus adeo OECVM. commentarii ab ipso textu graeco praefixo dissentiunt*). Damnan-

*) Ut Act. II, 30, in textu est, sicut in ERASMI posterioribus editionibus: Καθίστασθαι ἐπὶ τῇ θρόνῳ αὐτοῦ, τὸ κατὰ σάρκα ἀναστῆσαι τὸν Χριστόν

mnanda est eo magis ista intempestiva HENTENII diligentia, quod ea factum sit, ut nunc carere videamur multis exquisitissimis lectionibus, quas si solus OECUMENII textus exhibuit, amissimus, donec eae ex aliis codicibus huic catenae restituantur. Multis vero tales exquisitas lectiones cum proposuisse, conicere licet ex eo, quod de lectionis diuersitate huius catenae auctor facpius disputet atque sic resarciat quodammodo damnum, quod perditis ORIGENIS, DIODORI TARSENSIS, THEODORI MOPSVESTENI aliorumque κριτικωτέρων interpretum laboribus passi sumus. Nam et multas lectiones commemorat, quae obuiaae non sunt vbiuis, eas etiam, quas nunquam reperias, ut Act. XIV, 26. Μίλητον pro Ἀντιόχεια, et videtur vel ipsa ORIGENIS ac THEOD. MOPSV. scholia vsurpasse, vel codices tamen ad ἑκδοσιν Origenianam descriptos. Quod non male colligas ex eo, quod non modo prologos et κεφάλαια Euthaliana habeat, sed etiam bene multas lectiones cum Euthaliana recen-

Χριστὸν, sed in commentario p. 21. primum verba: κατὰ σῶμα explicantur, deinde, quomodo Christus sederit in throno Davidis, declaratur, Ebr. XI, 3. λαλεῖται habet textus cum ERASMI edit., sed OECUM. in scholio λαλεῖ. Plura addi possent, nisi nonnunquam HENTENIUS contra ERASMI ἑκδοσιν ad ipsa scholia accommodatum textum reliquisset, ut Ebr. XIII, 9. παραφέρσθης pro περιφέρσθης ERASMI et Act. XXVI, 3. ἐπιστάμενος post ζητημάτων.

recensione communes; adparet autem tum ex ipso EVTHALII, Sulcensis episcopi, testimonio post recensionem epistolarum catholicorum posito apud ZACAGNIVM in *Collectaneis monumentorum vet.* p. 513., tum ex nota Calligraphi in Codice Coisliniano CCII., quam MONTEFALCONIVS aeri incidi curavit Bibl. Coisl. p. 262., EVTHALII ἐκδοσιν factam esse ad codices PAMPHILI martyris, in bibliotheca Caesariensi, quos ad ORIGENIS recensionem et accuratissimos codices descripsisse PAMPHILVM, satis constat THEODORI item Mopsuesteni scholia, aut alterius cuiusdam, facta tamen e THEODORI scholiis adhibuisse huius catenae parentem vix dubitò. Nam et aliorum; quibus haereticorum nota iniusta erat, observationes vsurpavit, et, ut aliquo exemplo vtar, OECUMENIVS in catena nostra ad Ebr. II, 9. monet, Nestorianos pro χάριτι Θεῶ posuisse χάρις Θεῷ; ut ostenderent, Christum in crucem actum non ἑνωσιν τῷ Θεῷ λόγῳ habuisse; refert autem WETSTENIVS ad h. l. scholion codicis, in quo ita legatur: ὁ δὲ Μωϋσεῖας μεμόρμενος τῆς χάριτι γράφοντας, τὸ χάρις Θεῷ λέγει, ὡς ἔδεν πρὸς τὴν παραβλαβείσης τῆς θρόνους. Denique de προλεγομένοις huius Oecumenianae editionis pauca dicamus. Actis Apost. praefiguntur varia de XII. apostolis incerti auctoris; itemque peregrinationes Paulli et eius μαρτύριον, quae duo posteriora momenta denuo habentur ante com-
menta-

mentarium in epistolam ad Romanos, nec non apud ZACAGNIVM in collect. monum. vet. p. 425. qui etiam p. 535. monet, primam huius martyrii partem, usque ad verba ἐννάτης ἡμέρας, αἰωνύμων illi scriptori adiudicandam esse, qui ante EVTHALIVM epistolas Paulli in capita Saec. IV. extr. distinxerat. Denique duplici argumento, quorum primum offert ZACAGNIVS l. c. p. 421. quamquam EVTHALIO minimetribuendum, itemque CHRYSOSTOMI praefationi, et aliis nonnullis, subiungitur ἐκθεσις κεφαλαίων τῶν πράξεων. Omisae tamen sunt ὑποδιαιρέσεις seu subdiuisiones, quae vna cum capitibus, variante tamen interdum lectione, recensentur a ZACAGNIO l. c. p. 428. sq. sub EVTHALII Sulcensis episcopi nomine, licet MONTEFALCONIVS bibl. Coisl. p. 78. sq. e codice Coisliniano erutam eandem ἐκθεσιν PAMPHILO Martyri vindicet, in quorum tamen sententias fusius hic inquirere nostrum non est. In limine scholiorum OECYMENII ad epistolas Paulli pag. 189. occurrit prologus EVTHALII diaconi, omissa tamen allocutione ad ATHANASIVM; nec non capitum diuisio. Eadem ratione ante singulas Paullinas aequae ac catholicas exhibentur argumenta et capita cuiusuis epistolae, quae in recensione EVTHALIANA apud ZACAGNIVM l. c. et in editione N. T. Milliana existant, lectione tamen saepius discrepante.

§. X.

Ad calcem operum OECUMENII impressa est quaedam vel catena, vel aliquid tamen catenae simile s. t. *Brevis quaedam explicatio ex commentariis beatissimi Andreae Caesareae Cappadociae Archiepiscopi diuinitus elaboratis, exposita ab Aretha, indigno Caesareae Cappadociae Episcopo.* IpsiUS ANDREAE commentarius, cuius fere epitomen *Arethas* dedit, primus e MSS. codd. Bavarico et Augustano latine conuersus editus fuit a TH. PELTANO Ingolst 1584. 4. cuius interpretatio inserta postmodum fuit variis PP. bibliothecis, praesertim bibl. PP. max. Lugd. Tom. V. p. 589. sqq. Alteram graecam et latinam editionem curauit FRED. SYLBENARIUS Heidelb. 1596. fol. quae et operum CHRYSOSTOMI editioni *Commelinae* et *Morellianae* adiuncta est. Aetatem, qua vixisse et scripsisse ANDREAS fertur, BELLARMINVS et, qui eius sententiam amplexus est, GVIL. CAVIVS ad Saeculum V. referunt. Quorum tamen opinio cum idoneis destituatur argumentis, CASIMIRVS OUDINVS, in *Comment. de scriptoribus eccles. antiquis.* Tom. II. p. 95. sq. aliam viam ingressus, expositionis huiusce collectorem sub saeculi VIII mediam partem scripsisse, multis probat argumentis; in quibus illud grauissimum est, quod a-DIONYSII Areopagite ab ANDREA saepius citari sententiis duxit, cuius scripta, constar, ante

ante Saec. VI. nemini nota fuisse, simulque ex LAMBECIO l. c. p. 183. et MONTEFALCONIO ostendit, alios huius commentarii codices MSS. cum ORIGENIS, alios METHODII monachi, alios ANDREAE Cretensis, alios denique eosque plurimos ANDREAE Caesariensis opus profiteri. In illuminanda autem Apocalypsi hunc modum tenuit, ut e veterum scriptorum, IRENAEI, HIPPOLYTI, GREGORII NAZ, EPIPHANII aliorumque scriptis, quidquid ad illustrandum hunc librum pertinere videbatur, congefferit suaeque addiderit, ad illustrandum sensum grammaticum egregie accommodata. Sed paene nimius est in explicandis imaginum numerorumque mysteriis, seminaque spargit septem periodorum Ecclesiae, in quibus defendendis eruendisque e septem Apocalypticis epistolis multi ingenium operamque perdididerunt *). Prodit etiam opiniones
ortas

- *) Speciminis loco haec sunt: In pedibus Christi chalcolibano similibus Apoc. I, 15. Christi humanam naturam videt coniunctam cum diuina et tamquam diuini spiritus igne conflata, c. VI. init. p. 594 l. c. bibl. PP. Lugd.; et Apoc. VII, 8. tribum Dan omissem dicit, propterea quod Antichristus ex illa nasciturus feratur C. XIX. p. 602.; quae coniectura ab aliis antiquiorum interpretum proposita, sumta videtur e Genes. XLVIII, 8. et Satanae comparatione cum angue saepius in sacris libris facta. Numero septenario, si eum audias p. 591., omnium Ecclesiarum myste-

ortas e nimia forte verborum diuinorum proprietate seruata; quales sunt de suppliciiis improborum post hanc vitam breui tempore vehementioribus, post remissioribus, sine fine tamen futuris (c. XXVI. init.); de angelis a Deo rerum creatorum, aquae, igni cet. administratoribus constitutis (c. XLIII. med.), aliisque similibus. Neque tamen Ecclesiae, ait, (c. LXII. init.) probari coniecturam eorum, qui probos homines fingant ad vitam reuocatos, in terra, millenaria voluptate potituros vsque ad omnium hominum reditum ad vitam; sed ipse dioc millenarium tempus alio modo interpretatur *). E Ieptem sigillis Apoc. VI. seqq.

mysterium complexus est Ioannes, quoniam ille numerus praesentis vitae curriculo consentaneus est; habet enim hebdomas dies VII.; alibi p. 592. ille numerus requiem in futuro saeculo innuit; sed in illo interpretando, ut fit, fluctuat. Taliaque sunt multa; at cui non dictus Hylas?

- *) En locum satis notabilem e Cap LIX. p. 626. E. F.: „Mille annos non omnino praecise, „quasi tot tantum numero decursuri sint, „intelligere conuenit. Neque enim cum Da- „uid ait: Verbi, quod praecipit in mille „generationes, decies centenas praeisse acci- „pere debemus, sed numero multas. Ad „eundem itaque modum aut multum aut „certe perfectum numerum hoc loco signi- „ficatum putamus. — Mille igitur anni, „ut credibile sit, complectuntur totum il- „lud tempus, quod interfuit inter Christi „incar-

sequ. quinque trahit ad propagationem religionis Christianae atque calamitates Christianorum, maxime eas, quas a deorum cultoribus acceperunt, primis Ecclesiae Christianae saeculis; sextum vero ad Antichristi aduentum, septimumque ad vltima mundi fata; pariterque eam, quam huius sexti septimique sigilli dixit, significationem VII. tubis et phialis tribuit. In lectionibus denique a nostris exemplis deflectit saepe numero exhibetque exquisitiores pluribus quoque melioribusque codicibus consentientes; vniuersam autem Apocalypsin distinguit in XXIII. sermones et LXXII. κεφάλαια, propter tripartitam, vt ait in prologo, 24. *seniorum substantiam*, corporis videlicet et animi et spiritus. Hanc in κεφάλαια distributionem secutus est etiam ARTHURUS, quem sub initium Saec. X. vixisse constat testimonio plurium codicum a MONTEFALCONIO commemoratorum *Palaeogr. graec.* p. 43. et 275.; vnde errare adparet OAVIVM et alios, qui eum in Saec. VI. coniciant, quod vel ex eo agnoscere potuissent, quod C. XXXVI. p. 759. Saracenorum mentionem iniiciat, quorum, inquit, τὸ ἀρχαῖον ἐν Βαβυλῶνι νῦν ἐστὶ, atque cum ab eo ANDREAS dicatur C.

XXI.

„incarnationem et Antichristi aduentum.
 „Vtrum ergo anni illi accipi debeant, vt
 „modo exposuimus, an vero inter decies
 „centenos absolute coerceri, an denique in-
 „ter angustius spatium concludi, id soli Deo
 „cognitum opinor.

XXI. extr. δ τῆς κατ' ἐμὲ Καισαρείας τῆς Καππαδοκίας ἀξίως τὴν ἐφορείαν λαχόν, iterum intelligitur ANDREAM et verum commentarii antea laudati auctorem et eum paullo ante ARETHAM, si recte e verbis coniicio, existisse. Sed ARETHAS noster non modo epitomen ANDREAE dedit, sed paene novum commentarium confecit; nam et multum discrepat ab ANDREAE sententiis, veluti Cap. X. p. 689. vbi in locum eorum, quae ille de 24. senioribus non admodum inepte dixerat, longe ineptiora ipse ARETHAS substituit *), et saepe commentariis suis immiscet ANDREAE interpretationes, additis notis: Καὶ ἄλλως (p. 664.) vel ἄλλως ἐκ τῶν τῆς Ἀνδρέας (p. 707.). Plerumque tamen summam exhibet commentariorum ANDREAE; cuius etiam lectiones habet **) et distributionem Apocalypseos in κεφάλαια, sed distinctio-

*) Sanctissimam trinitatem, ait, numerum septenarium secum ipsa multiplicasse, ut numerus 21. existeret, ad quem numerum si ternarius, tamquam is, qui multiplicauerit, adderetur numerus, 24. produceretur.

**) Sed nonnunquam diuersas. ARETHAS c. X. p. 692. verba Apoc. IV, 11. leget: ἀξίος εἶ ὁ Κύριος καὶ ὁ Θεὸς ἡμῶν ὁ ἅγιος. Andreas p. 598.: *digne es Domine Deus noster.* Cap. XXXII Andreas p. 609. locum Apoc. XI, 16. ita recitat: *Et 24. seniores, qui in conspectu Dei sedent in sedibus suis; Arethas autem sic: Οἱ εἰκοσιτέσσαρες πρεσβύτεροι, οἱ ἐνώπιον τῆς θρόνου τῆς Θεᾶς, οἱ καὶ θνῆται ἐπὶ τῆς θρόνου αὐτῶν.*

unctionis in λέγας s. sermones nulla vestigia occurrunt, et in distribuendis singulorum capitum argumentis non vbiuis cum ANDREA conspirat *). Ceterum dignissimus est, qui legatur, commentarius, quoniam et multa addidit de ratione grammatica et alios adhibuit interpretes, quos non usurpauerat ANDREAS.

§. XI.

Praeter has catenas pauca quaedam sunt excerpta e catena MS. in Acta Apost. et epistolas catholicas, quae e codice LVIII. bibliothecae Collegii Noui apud Oxonienses desumpta et latina versione exornata *anedotorum graecorum* Tomo III. pag. 92. seq. et IV. p. 1. sq. inseruit IO. CHR. WOLFIVS. Absoluitur autem haec catena MS., quam omnium; quas Oxonium seruat, praestantissimam iudicat, scriptorum XXXVI sententiis, in quibus deligendis ita versatus est WOLFIVS, vt auctorem in primis non editorum

*) Caput II., vt hoc vtar, ANDREAS incipit cum verbis Apoc. I, 10. ARETHAS cum versu 9. Interpretatio, quae apud ANDREAM C. 3. post Apoc. I, 2. legitur, reperitur apud ARETHAM extr. capitis antecedentis. In ANDREAE commentario cap. XIX. incipit verbis Apoc. VII, 1., sed apud ARETHAM verbis Apoc. VII, 4. cet. Hac confusione fit, vt ANDREAE commentarius non nisi 71, ARETHAE 72 κεφάλαια habeat, sed id librarium magis culpa. Ipse enim ANDREAS se 72, κεφ. fecisse professus erat.

tum expositiones proponeret. Huc pertinent e. c. *Athanasii alexandrinae* ex sermonibus eius aduersus Nouatianos; porro *Papias*, *Hermas*, *Didymi*, *Seueriani*, *Seueri* aliorumque fragmenta non contemnenda; vbi tamen *Seuerum* cum *Seueriano* Gabalensi, in Syria episcopo, nonnumquam permutatum esse monuit editor in notis textui passim subiectis. Nonnumquam haec sylloge ad oecumenii catenam accedit; ea ratione, vt contextus oecumenii graecus et interpret latinus eximie corrigi inde possit, quinimo etiam fontes, vnde sua hausit oecumenius, conspiciendi praebeantur. Sed quoniam *Wolfius* nil nisi excerpta dedit, non possumus rationem huius catenae et modum accuratius proponere.

§. XII.

Iam vero existit quaestio, vnde repetenda sit huius instituti origo, et qua ratione istud studium creuerit? Primum huiusmodi collectionis auctorem quidam venditant *OLYMPIODORVM*, cuius nomine catenam in *Jobum* latine translata edidit *PAVLVS COMITOLVS* Venet. 1587. adiuncta dissertatione aduersus *LAVR. CVM DEO*, qui eandem antea *Lugduni* 1586. typis mandatam *NICETAE Serrarum* Episcopo vindicauerat. Sed praeter ea quod *OLYMPIODORI* aetas non satis explorata sit, quamquam *GRABIVS* in *Spicilegio* Saec. II. p. 245. eam ad Saec. V. vel VI. referat, ipsi etiam codices in designandis auctori-

storibus dissentiunt, et probabilius est certe,
 quod haec catena NICETAE; et adeo ad Saec.
 XI. referenda sit, quo tempore antiquiores
 sunt aliae catenae. Aequè vacillat coniectu-
 ra WOLFII, qui in diss. laud. §. II. OECUME-
 NIVM forte primum inter eos esse arbitratur,
 qui talem operam in se susceperint; neque
 enim de hoc scriptore multa sunt satis certa.
 Quare nos quidem Saeculo VI. in ecclesia
 graeca existisse censemus primos tales, qui
 scholia e diuersorum patrum scriptis ad sa-
 crorum librorum interpretationem collige-
 rent. Nam isto tempore desierunt fere ii,
 qui, subtili atque accurata liberalium disci-
 plinarum cognitione imbuti, ad exemplum
 ORIGENIS, BASILII, CHRYSOSTOMI et aliorum
 eiusdem generis magnorum virorum, sen-
 sum grammaticum sacrorum librorum secu-
 ti, ipsi inquirere in eum vel potuissent vel
 voluissent. Contra et sensim consenuerat
 eruditio liberalis et paene neglecta jacebant
 bonarum artium omnisque humanitatis stu-
 dia, cum Graeculorum ingenia torquerent
 quaestiones spinosae magna cum animorum
 concitatione disputatae, et ita regnaret pris-
 corum doctorum auctoritas, ut plerique hos
 duces sequi, quam sensum iudiciumque
 suum adhibere mallerent. Itaque post illa tem-
 pora vix quemquam reperiās ipso iudicio
 suo usum, sed ii, quorum sententiae in ca-
 tenis continentur, paene omnes ante hanc
 aetatem exstiterunt, cum ceteri vel allego-
 ricis

ricis fomniis omnia inquinarent, vel omnem in sensu sacri codicis legitime reperiendo positam diligentiam contemnerent. Quam ob rem necesse erat, ut, qui meliora scaperent, veterum interpretum sententias colligerent atque hoc modo vel tarditati ac ignorantiae mederentur, vel auctoritate antiquiorum doctorum rectum interpretandi genus conseruarent. Iam inter hos, qui talia ausi sunt, nullum reperimus antiquiorem PROCOPIO GAZAEO, eruditissimo saeculi VI. scriptore, cuius in *Octateuchum*, Salomonis prouerbia aliosque libros commentarii vel editi vel in codicibus exstant. Quos catenarum nomen mereri non dubitare potest, qui cogitet ipsa eius verba in prooemio ad *ἐπιτομὴν ἐκλογῶν εἰς Γένεσιν*, quas LAMBECIUS in laudato saepius opere lib. IV. p. 181. descripsit: *Ἦδη μὲν καὶ πρότερον τὰς καταβεβλημένας ἐκ τῶν πατέρων καὶ τῶν αἰδων εἰς τὴν Ὀκτάτευχον ἐξηγήσεις συναλεξάμεθα.* Adde RHOTII Biblioth. cod. 65. (p. 272. Edit. Hoeschelii). Videlicet primum e variis scriptoribus, praesertim ORIGENE, interpretationes, ne mutatis quidem verbis, congegnerat; deinceps, voluminis magnitudine deterritus, in quibus illos consentire videbat, ea continenti ordine proposuit, et sicubi dissidentes animaduvertebat, paucis rem ipse explicauit. Hoc institutum non modo imitati sunt scriptores graeci, quorum *συλλογαὶ* supra descripsimus, sed latini

P. III. Bb etiam,

etiam, maxime tum, cum aucta barbarie bonarumque litterarum ignorantia necessitas imposita esset doctoribus, summam tradendi optimarum obseruationum, quas veteres ad sacrorum librorum intelligentiam compo-
 fuerant. Quo non tam pertinet EVCHERIVS Lugdunensis Saec. V., quem SIXTVS SENEN-
 SIS B. S. lib. III p. 187. huc referri volebat; is enim in *quaestionibus exegeticis* in V. et N. T. etymologica magis, antiquitates resque ad mores pertinentes tractauit; at PRIMASI-
 VS tamen saecul. VI. Adumeti episcopus, qui praeter alia reliquit commentarios ex optimis commentatoribus latinis, inprimis HILARIO ET AVGVSTINO etiam PELAGIO compo-
 ficos; quorum scholiis interdum sua admi-
 fceat, plerumque tamen integra ea propo-
 nit. Post alias tandem minoris pretii col-
 lectiones hanc viam ingressus BEDA Vene-
 rabilis, in consueiendis commentariis suis ita verlatus est, vt, docente ipso in *praef. ad comment. in Marcum*, ea, quae in patrum exemplis inuenerat, hinc inde collecta po-
 mi curaret, non nulla tamen propria ad imi-
 tationem sensus eorum, vbi opportunum videbatur, interponeret. Quo autem faci-
 lius dicta maiorum ab iis discernerentur, quae de suo inseruerat, quaeque potissimum ad lectionis diuersitatem spectabant, e regio-
 ne cuiusvis sententiae ad designandos aucto-
 res primas nominum litteras adposuit; quae tamen notae postea librariorum incuria in-
 terie-

terierunt, quamquam BEDA in praefat. ad comm. in *Lucam* dicat: *Per dominum legentes obtestor, ut si qui forte nostra haec, quaelibetque sunt, opuscula transcriptione digna duxerint, memorata quoque nominum signa, ut in nostro exemplari reperiunt, affigere meminerint.* Eius exemplum secutus est RABANVS MAVRVS in elaboranda catena expositionum euangelii Matthaei et epistolarum Pauli; seruatis vbique patrum dictis eorumque nominibus in margine notatis. Secuti etiam sunt alii, in primis WALAFRIDVS STRABO, PASCHASIVS RATBERTVS, LANFRANCVS, PETRVS LOMBARDVS, THOMAS AQUINAS CEC., quorum consilia et methodum diligenter delineauit RICH. SIMON *hist. crit.* Tom. IV. p. 348. lq., ut de his plura dicere nobis non videatur necesse.

§. XIII.

Sed non dubito, fore aliquos, qui quaerant, qualis ex his catenis manare ad nos utilitas possit; maxime cum nos carere iis posse videamur, dum plerorumque, e quibus congestae sunt, Patrum scripta supersint. Horum igitur inuidiae ut occurramus, nunc nobis istituenda est de usu ac praestantia harum collectionum disputatio; breuissima tamen, propterea quod iam videmus longius progressam esse exercitationem nostram, quam putaueramus. Atque hic primum admirari iuuat providam Dei sapientissi-

tissimi curam in promouendo vsu eo, quem ex his similibusque commentariis Ecclesia cepit, tum Latina, tum in primis Graeca, postquam summa barbaries ei iam languenti lumen bonarum litterarum subtraxerat. Quo tempore nisi exstitissent haec clarorum ingeniorum monumenta, publica quasi auctoritate ornata, quot tandem fuissent exstituri, qui arduum illud negotium percunctandi omnia, quae facere ad legitimam sacri codicis interpretationem possunt, susciperent! Est enim illud studium ita multiplex tantaque cum difficultate, labore atque diligentia coniunctum, contra ingenium humanum ita ad ignauiam prouum, maxime tum, cum nullo litterarum amore excitatur, ut maximus profecto sacrorum librorum contemptus exstitisset, nec facile illos, nisi dicis causa et ad eos decreta suis captiosisque conclusiunculis accommodandos, adhibuissent. Et si fuissent, qui vel ingenii bonitate vel religione ad hoc studium ducerentur, ii vel impediti fuissent litterarum ad hoc necessariorum inopia, vel nihil auctoritate sua effecissent contra communem barbariem aut auctoritatem populari consensu firmatam. Quae mala omnia siue deleta, siue imminuta fuerunt talis generis commentariis. Sed illum usum satis est nobis attigisse, quoniam de eo hic loqui constitutum est, qui ad nos adhucdum manare possit. Is vel ad ipsos diuini voluminis

minis libros eorumque intelligentiam pertinet vel ad alia antiquitatis studia. De quo posteriori vt primum dicamus, quot egregia eruditae antiquitatis monumenta beneficio harum catenarum tenemus? ORIGENIS, vt hoc vtar, opera, quae tantos bonarum litterarum thesauros complectuntur, et a quo vno ad iuniores interpretes atque scriptores ecclesiasticos tanta vel bona vel mala defluerunt, quaeque temporis atque inimicorum iniquitate paene oblitterata fuere; illius igitur opera quantum lucis catenis debent, praesertim iis, quas COMBESISIVS Parisiis, GRABIVS in Anglia contulit? quibus studiis non modo maior atque accuratior lectionis diuersitas constituta fuit, sed etiam RVFFINI versio plenior facta, integraque loca ORIGENI restituta. Aurea illa antiquarum versionum graecarum AQVILAE, SYMMACHI, THEODOTIONIS aliorumque fragmenta, quo alio beneficio quam catenarum possidemus? Et de scriptis iis, quae, quoniam in haereticis posita erant, contempta ac paene suppressa jacebant, in quibus tamen nemo, qui sapiat, negauerit multa praeclara contineri vel ad errorum historiam veramque indolem et rationem spectantia vel ad ipsam doctrinam et disciplinarum ipsiusque sacri codicis intelligentiam; quam multa, GRABIVS in *Spicilegio* aliique congeslerunt, longe licet pleniora futura, nisi vel ignavia vel superstitio vel inuidia etiam eorum, qui ta-

lia monumenta vſurpare poſſunt, ea obſcuritate turpiſſima premeret. Ac ſi nec ipſa ſemper illuſtrium in antiquitate virorum loca in catenis deprehendantur, ſcripta tamen eorum alias ignota quae exſtiterunt, vel adhuedum hinc inde deliteſcunt, cognoviſcimus, vt SEVERI Antiocheni, quorum catalogum pleniffimum MONTEFALCONIVS B. Coiſl. pag. 144. 263. et p. 53. e ſolis catenis dedit. Quot denique opera veris auctoribus, quorūque loca eorum reſtituta, emendata, ſuppleta, illuſtrataque fuerint ab eruditis viris, catenarum ope adjutis, nemo ignorat, niſi qui hoc in genere litterarum plane hoſpes ſit.

§. XIV.

Ita breuiter a nobis deſcripto catenarum graecarum vſu in vario antiquitatis ſtudio, iam ad eum accedimus, qui in adcurate intelligendis libris ſacris eminet, atque po- tiſſimum vel ad lectionis diuerſitatem vel ipſam interpretationem redit; momenta, quae, vt in cunctis patrum ſcriptis, ſic in catenis euoluendis praecipue tenenda ſunt. Etenim cum illae in Graecia exaratae tot comprehendant ſcholia optimorum interpreterum, in primis DIODORI TARSENSIS, eiusque diſcipulorum CHRYSOSTOMI et THEODORI MOPSVESTANI, qui, quidquid boni habent, prope omne ab ORIGENE eiusque vel codicibus vel antiquitate accepta tenent; quin imo non pauca

paucæ ex ipsis hisce Origenianis scholiis in catenas fluxerint; quod vel oecumenii exemplum comprobât, cui tot sunt communes cum EUTHALIO lectiones, ut supra diximus: profecto haud exigua ornamenta inde profiscuntur ad omnem lectionum delectum. In primis autem catenarum graecarum lectio idonea est ad evitandas falsas illas lectiones et frequentes admodum in iis codicibus graecis, quos ad latinam versionem, in Africa praesertim, ut opinor, adulteratos esse constat. Sic locus ille criticorum contentione insignis 1. ioh. V, 7. neque apud OECUMENIVM et THEOPHYLACTVM, neque in sex diuersis plane codicibus catenarum MSS., commemoratis a RICH. SIMONE *hist. des comment.* p. 464., deprehenditur. Quae res documento est, non existisse hunc locum in exemplaribus, quibus vsi sunt harum collectionum auctores. Pugnant vero etiam catenae graecae pro versionibus antiquis, ubi hae ad lectionem Graecorum accedunt. Ita VICTORIS ANTIOCHENI lectio ad Marc. I, 2. *ὁ Ἰησοῦς προφήτης*, quam ORIGENIS auctoritate ductus eligit, non inepte, si quid video, magnam probabilitatem conciliat lectioni versionis latinae. Porro multas lectiones nobis seruarunt catenae, quae, ut bene monet Cel. ERNESTI in *instit. interpretis N. T.* p. 123. impediunt, quo minus lectionem aliquam ab antiquis ecclesiae doctoribus non receptam, aut igno-

gnoratam esse statuamus, propterea quod in eorundem commentariis silentio prætermissa sit. Id. quod lectione quadam CHRYSTOMI in catena MS. Augustana commemorata ostendit vir Ven. Colligi hac ratione licet ex EUTHYMIO ad Luc. XVII, 2., quaedam exemplaria habuisse *περιδαίται*; ex ORCUMENIO ad Iac. III, 6. p. m. 461. *τῶν τῆς γέννης* loco *τῆς γενέσεως*, cet. Sunt aliae præfertim ab hæreticis probatae vel inuentae lectiones, quae absque catenarum adiumento semper in occulto latuissent. Alia huius rei specimina iam supra in recensione quarundam catenarum a nobis suppeditata sunt. Neque tamen una cautione hic opus est, sed potius videndum, num compilatores dicta patrum *κατὰ ἐντὸν* proponant et bona fide recitent auctorum nomina; porro, cuiusnam forte interpretis lectionem sequantur*), denique, numne magis glossema sapiat eorundem lectio. Sunt quoque alia, ubi passim de interpunctionibus monent; alia quae valent ad detegendam lectionem *ταὺν ὁ*, si loca V. Test. vel diserte citantur, vel locutiones et phrasas inde transferantur, quae singula exemplis illustrari facile possent. Sed iam tempus est, delineandi alterum catena-

*) Quod si enim e. c. omnes CHRYSTOMI vestigia legunt, facile adparet, illos non nisi vnum cum eo testem efficere, quemadmodum ORCUMENIUS, THEOPHYL. et ceteri in lectione *συνηκαταμένους* Ebr. IV, 1.

tenarum vsum, qui ipsam sacrorum voluminum interpretationem mirifice ornat. Equidem, quae Graecorum laus est, ut non modo grammaticae et criticae doctrinae praecepta, verum etiam eius studii exempla tradiderint, quae alii imitarentur, quibus data esset facultas: ita quoque inter Christianos adcurata litterarum sacrarum interpretatio Graecis potissimum debetur. Cum enim illi, nondum extinctis elegantioribus studiis linguae graecae et hebraicae peritiam cum iustis Grammaticae et Criticae regulis coniungerent, fieri profecto non potuit, quin in arte interpretandi magno post se intervallo Latinos relinquerent. Quamquam enim satis constat, Graecos interdum admisuisse, quae philosophicam subtilitatem redolent*), et a recentioribus multis, quod mirum, repetita fuere, quin imo allegorias *πρὸς οἰκονομίην* inspersisse; haec tamen nullo modo egregiorum interpretum laudem ipsis detrachere, vel ORIGENIS exemplo comprobavit S. Ven. ERNESTI in *disp. de Origene, interpretatione*.

*) Qualis est, ut hac utar, nota ORCUMENII ad Ebr. XI, 1. T. II. p. 403. de fide *ὑποστάσις*, quod vocabulum, interpretatur per *ὑσίου τῶν ἐλπίζομένων πραγμάτων*, addita mirabili huius interpretationis causa: *ἐπεὶ τὰ ἐν ἐλπίδι ἀνυπόστατα εἰσιν ὡς τίς μὴ παρόντα*. Quod est philosophia abuti, non grammaticam sequi, quae ipsum docere potuisset, *ὑπόστασιν* exprimere Ebraeorum *תורה* vel *תורה* h. e. fiduciam, patientiamque expectationem,

tationis lib. sacr. grammaticae auctore. Quae cum ita sint: idem honos concedendus est catenis graecis, quae ἀκριβείας grammaticae exempla offerunt traduntque plurima a recentioribus veluti noua venditata quaeque vel cum deterioribus commutata fuere, vel plane obliuioni tradita *). Eam catenarum

- *) Non superuacaneum fore existimamus, si aliqua huius rei specimina proponamus. In catena Corderiana in Ioh. I, 17. χάρις SEVERO et AMMONIO est Euangelium. Cap. IV, 24. ἐν πνεύματι interpretatur AMMONIUS διὰ τῆς ψυχῆς, διὰ τῆς τῆς νῦ καθαρότητος, non corporis munditiae et perpetuis lauacris. Cap. V, 39. CYRILLVS haec μὴ προσηκτικῶς, ἀλλ' ὡς ἐν ὑπόστιγμῇ legenda esse censet. Cap. VI, 55. ii, quibus Christus promittit vitam aeternam, THEODORO HERACLEOTAE sunt οἱ εἰληκτικῶς τὴν ἐνσαρκίαν αὐτῆς οἰκονομίαν παραδεξάμενοι, καὶ τὸ τῆς ψυχῆς λογισμῷ διὰ τῆς συγκαταθέσεως, ὥσπερ ἀπογευσάμενοι τῆς δόξης, λογικῶς ἐσθίσουσιν τὴν σάρκα καὶ μεταλαμβάνουσιν διὰ τῆς πίστεως τὸ αἷμα. Ita et DIDYMVS. Cap. XIV, 16. παράκλητος THEODORO MORSESTENO est διδάσκαλος, optime. Porro EUTHYMIO ad Matth. XXVI, 7. νάρδος πιστῇ est unguentum purum vel non temperatum seu mixtum, ut adparet, et ad puritatem seruatum. Quae expositio placet etiam THEOPHYLACTO, ad h. l. Adde locum Rom. XII, 6., ubi προφητείαν, κατ' ἀναλογίαν πίστεως vsurpandam, OECUMENIUS et THEOPHYLACTVS interpretantur de mandato PAULLI, ut prophetae christiani contenti sint illo dono, secundum proportionem fidei suae concesso. At quo modo illam ἀναλογίαν nostri homines de similitudine

negum graecarum praestantiam bene perspicientes ERASMVS, BEZA aliique melioris notae interpretes, optimos inde flores collegerunt iisque suos exornarunt commentarios. Praebent vero etiam catenae graecae alia interpretationum exempla, quae, quamquam iusta atque vera, multis tamen *ερεσδολίας* suspicionem mouerunt. Qualis est OECUMENI ad Act. III. 21. p. 32. το, οὐ δὲ ἡ γαλὶνὴ μὲν δεξασθαι τέθειται ἀντὶ τοῦ, ἀνάγκη ἐστὶ δεξασθαι αὐτὸν (neceffe est ipsum suscipi) αὐτὴ δὲ Θεὸν ὑπάγχοντα, et aliae plures, quas attingere per breuitatem nostram non licet.

§. XV.

Cum igitur tam multiplici praestantia atque dignitate se commendent catenae graecae, quanti fructus inde redundabunt in interpretationem librorum sacrorum, modo si cum iudicio iis utatur interpretes? Satis enim constat, et in hac disputatione passim lectores admonuimus, eas laborare naeuis, quibus facile decipi possit, qui hanc viam non satis circumspecte ingreditur. Quae etsi non vbiuis obuia sunt, nosse tamen proderit catenarum vitia, ut iustum pretium singu-

dine ceperint, indeque ista significatio in omnes dogmaticorum libros transferit, ut pro typo quodam doctrinae poneretur, pluribus adnotauit S. V. D. KANSTE in cit. diff. elegantissima de OMNIBUS cet. §. 30.

singulis statuere atque peccandi occasiones vitare liceat. Quod principio monendum esse putamus, magna illorum vitiorum pars tribuenda est quarundam catenarum graecarum editoribus, qui tantum abest, vt iusta plurium codicum collatione iis subuenerint, vt potius sua auxerint imperitia et incuria. Atque hic praecipue tenendum est, eos mala fide corrigere textum codicum, quos prae manibus habebant. Id quod cum ipsimet fateantur et obseruatione luculenter constet: profecto non vna cautione hic opus est. Saepe enim coniecturis temere se committunt, quarum exempla dedimus §. II. et alibi; interdum absolutis quasi decretis et praeconceptionis opinionibus stant, quae nihil pretii in arte critica habent *). Quare illud in primis videndum est,

- *) Ejus notae est ROSSINI obseruatio ad Matth. XII, 48. Tom. I. cat. Corder., vbi intempestiua matris ac fratrum Christi interpellatio a CHRYSOSTOMO reprehenditur. Ad haec ita interpres latinus: *Nihil a Deiparae sanctissimae moribus alienius est, quam ostentatio ac sapientia* — — Itaque haec, quae et hic et alibi attributa CHRYSOSTOMO vides, vix est, lector, vt inducere in animum possim, ab ipso scripta ac vel cogitata umquam esse, quantumque videtur esse codicum fides. Sed sunt omnino haec et grauiora alia CHRYSOSTOMI Homil. XLIV, in Matth. p. m. 467. item THEOTHYLACTI ad h. l. quamuis hic margini adiecerit editor: *Cave*; denique etiam EVTHYMI. Quam ob rem, vt iam THOMAS AQUINAS monuit

est, quædam sit in editore litterarum, præsertim græcarum, peritia; deinde, num iustam artis criticæ scientiam attulerit. Atque hic prima cura esse debet vniuersi textus sacri, vtrum eius recensio e MSto. ducta sit, an ex edito exemplo, veluti in ORIGENII commentariis, vti diximus. Porro singularum lectionum in ipsis scholiis memoratarum habenda est ratio; numne, quod EUTHYMI collectaneis accidisse monuimus, ad auctoritatem alicuius impressi exemplaris mutatae sint, an ipsa scholia exhibeantur integræ. Exemplo sit scholion ORIGENIS in catena Corder. Matth. II, 18. τόπον ὑψηλὸν σημαίνει τὰ ῥημὰ, διὸ καὶ ἐν τισὶ τῶν ἀντιγράφων βιβλίων ἔτω γέγραπται. ἐν τῇ ὑψηλῇ ἡμέσῃ; vnde fere conici posset, quibusdam exemplis, ORIGENI obuiis, fuisse lectionem ἐν τῇ ὑψηλῇ, nisi RICH. SIMON in alio melioris notæ codice animaduerrisset hunc locum ita expressum: ἔτι τισὶ τῶν ἀντιγράφων τὴ προφῆτα γέγραπται, φωνὴ ἐν τῇ ὑψηλῇ ἡμέσῃ. Denique etiam nosse oportet, cuiusnam indolis fuerit exemplar, ad cuius fidem impressa est catena, atque vtrum editores ex ingenio, an aliorum codicum auctoritate mend-

nuit SUMM. theol. Vol. VII. c. 2. qn. 27., CHRYSOSTOMVM potius, si quidem ille in iudicio peccauit, dicendi impetu abreptum esse, fateri præstat, quam omnium codicum fidem infringere.

da ac naeuos emendauerint et lectionum diuerſitates diligenter expreſſerint. Quod autem ad verſiones latinas attinet, cum mala earundem fides §. II. III. cet. ſatis ſuperque commonſtrata ſit: vix erit homo cauus, qui illis ſeſe committat, nec potius textum graecum conſulat. Cum hac editorum incuria proxime coniuncta eſt oſcitantia librariorum, qua illi decepti hanc cautionem reddunt maxime neceſſariam, ſcilicet; ne ſcriptorum partibus adſcribas omnia, quorum nomina ſunt margini adpoſita propter, quod vni auctori interdum tribuantur ſcholia, quae, ſi rem ad viuum reſeces, e diuerſorum ſententiis ducta ſunt, quinimo ſcriptorum nomina, niſi plane omiſſa ſint, ſaepeius tamen confunduntur. In quo partim editorum imperitia iuſtam reprehenſionem incurrit, partim negligentia librario- rum, qui cum nomina propria aliaſque notas ſoleant variis ſcribendi compendiis exarare, ita litterarum ductus implicant, vt diſtinguendo, quid ſibi velint, vix aſſequi poſſis. Vnde ſit, VE AMMIANI ET AMMONII, GREGORII NAZIANZENI ET NYſſENI, SEVERI ET SEVERIANI, THEODORI MOPſVEſTENI ET HERACLEOTAE aliorumque nomina permutentur, adeoque interdum tribuantur ſcriptori alii, quae placitis eius maxime repugnant. Quod

*) Documento ſit ſcholiſm catenae Corderianae ad Matth. I, 18, Tom. I. quod ORIGENIS, no- mine

Quod autem librarii praesertim catenae compilatorem aliquem venditent, cuius expositio sub initium sese offert, eius oscitantiae exempla in superiori tractatione a nobis suppedinata sunt. Postremo, ipsos catenarum auctores non satis bene de istis meritis esse

mine consignatum ita se habet: "Ἐπειδὴ δὲ πνεύματος ἁγίου ἐλέγξτο, ἀνάγκη καὶ πνευματικὴν εἶναι τὴν γέννησιν. Τοῦτο δὲ καὶ τὸν ἀγαπητὸν ἀπὸ τοῦ καὶ τὸ ἐμοῦ αἰὶν τῆς τριάδος καὶ τὸ μίαν εἶναι τὴν δύναμιν. Quam quidem interpretationem nec apud ORIGENEM offendimus, nec unquam eum ita scripsisse arguit grauis illa et diu olim agitata controversia de voce ἐμοῦστος, quae ex ORIGINIS auctoritate, ad quam toties prouocabant Arianī, hac ratione facile componi potuisset. Adde, quod ORIGENES Tom. XII. in Ioh. eos acriter impugnet, qui dicant καὶ ἀποφύσσει τὸν πατέρα τὸν υἱὸν τὸ πνεῦμα, ἀλλ' ἐν, ἡ μόνον ἑαυτῇ, ἀλλὰ καὶ ὑποκειμένη τῇ γέννησιν ἀμφοτέρω κατὰ τινος ἐπινοίας διαφορῆς καὶ κατ' ὑπόστασιν λέγεσθαι πατέρα καὶ υἱόν. Quare, quemadmodum coniecit RICHARD SIMON loc. cit. pag. 424., editorem fefellerit

nota § margini codicis adscripta, quae spiritu leni instructa denotat ORIGENEM, asperre autem ὁμοῦν ἢ ὁμοῦν νόημα, ut adparet ex indice compendiorum scribendi apud LAMBECIUM laudati operis lib. III. p. 176. et alios, ubi ad signum § haec explicatio ponitur: Τὸ σημεῖον τῆτο τὸ ὁμοῦν τέτακται ἐν ταῖς γραφαῖς, ἐν οἷς φάσκει κεκαλωπίζεσθαι ἢ τὸ νόημα ἐκείνου, ἢ καὶ ἀμφοτέρω ὑπεράσεται.

se manifestum est. Quod enim **IVENVS** in praef. ad **ORIGENIS** commentarios monuit, si quis symbolas eiusmodi non nisi ab eruditis et grauibz viris in vnum compositas arbitretur, eum vehementer falli, id vsu et obseruatione confirmatur, dum alii collectores maiori ingenio et solertia, vberiori etiam eruditionis adparatu, tales labores susceperunt, quam alii, qui, quidquid praefatio erat, arripiebant, nullo legitimo discrimine facto. Vnde etiam tot aliorum fragmentorum lectionumque diuersarum iacturam merito dolemus, vt **DIODORI TARSENSES** cet., cui obistere ipsimet potuissent, nisi plerumque censuissent plane reiicienda, quae cum stabilitis in ecclesia sua decretis pugna-re videbantur. Ea autem in primis consuetudo catenarum fabricatoribus valde familiaris est, vt scriptorum verba non integra, sed variis modis deformati exhibeant; dum patrum sententias vel contrahunt, vel praetermissis rationibus, quibus illae superstructae erant, atque, neglecta mentione nexus cum antegressis, corrumpunt vel denique subinde suis cogitatis ita amplificant, vt sensum magis, quam verba patrum ostendas. Accidit inde, quod **POSSINVS** de catena *Corderiana* in *Matthaeum* ait: *Equidem tumultuaria phrasis est et propter antis manus compendiis subinde curta, quod non in literarum modo praefestinati ductibus et siglis frequentatis, sed et in sententiis non raro hiantibus*

sibus ac consiliis nimio plus, quam necesse fuit, experiri describendo vertendoque meminimus. Quae tamen subitanea dictionis ratio aliqua ex parte tribuenda videtur librariis, qui glossas, quas a recentiori manu adscriptas margini reperiebant, in textus seriem interdum transtulerunt; cuiusmodi quid evenisse *ERTMII* collectaneis notat *RICH. SIMON cit. loc. pag. 422.* Magna, fateor, haec sunt incommoda; non tamen ea, quibus nulla parari possit medela. Quamquam enim speculiores regulae in disquirenda catenarum fide praecipere nequeant, cum profecto sint multae huius generis collectiones melioris notae: haec tamen via teneri debet, ut, ubi eas evolvere datum est, diligentem aliorum exemplarium, cum MSS., si licet, tum quoque impressorum comparisonem instituamus, vel etiam adhibitis patrum commentariis scrutemur: utrum scholia inde translata bona fide recitentur. Id si contingat: tunc ne vero similis quidem ratio relinquatur, cur idem dubitemus concedere reliquis excerptis, quorum vel auctores ignorantur, vel fontes, unde hausta sunt, perierunt. Ceterum, quem ad modum nec omnes catenae graecae ita comparatae sunt, ut istis cautionibus supersedere queas; ita profecto huius difficultatis causa, qui egregios earum usus criticos atque hermeneuticos negot, existimamus fore neminem.

§. XVI

Atque in constituto catenarum graecarum in N. Test. vsu multiplici ac definita necessaria in iis adhibendis cautione, nunc colophonem tractationi nostrae imponimus, simulque non modo iis, qui ad patrum commentarios excutiendos egregio animi impetu feruntur, suasores existimus, vt catenarum graecarum adiumento praecclaro doctorum veterum genio et commentandi rationi grammaticae adfuescant, verum etiam eos, quibus cum priscis illis magistris familiarior intercedit consuetudo, rogamus, vt, vbi contigerit facultas atque occasio, collatis codicibus prodire iubeant plures et integrioris huius generis collectiones, neque illis, quibus iam vti licet, nouam lucem adsuadere eos poeniteat. Quem ad modum autem celebranda est summi numinis sapientia, quae ipso hoc catenarum instituto in primis prohibuit, quo minus legitima interpretandi ratio olim in ecclesiis graeca prorsus interiret; ita maxime optamus atque contendimus, vt ii, qui in interpretando proficere cupiunt, priscos illos interpretes mature sibi habeant commendatos, et ita, magis magisque incenso sacrarum litterarum rite cognoscendarum studio, Dei sapientissimi laus et gloria et vniuersae Christianorum doctrinae decus promoueatur.

Einige Bücher aus Wendts Verlage.

- Aegyptus** auctore Ibn al-Vardi. Ex Apographo Escorialensi, una cum lectionibus variis e Codice Dresdensi primus edidit, vertit, notulisque illustravit *Chr. Mart. Frähn*. med. 8. 12 Gr.
- Aristoph.** Acharnenfes græce, edidit, varietate lectionis animadversionibus VV. DD. suisque nec non indice vocabulorum instruxit I. G. C. Höpfner. Pars. I. 799. 8. 10 Gr.
- Becher, E. A. E.** Abhandlung vom Sabbath der Juden und dem Sonntage der Christen. gr. 8. 18 Gr.
- Bernstein, Dr. Ge. H.** Versus ludicri in Romanorum Caesares priores olim compositi; collectos illustratos, recognitos, auctoritate loc. Ducal. lat. Jenensi edidit, cum epistola a Dr. *Eichstedt*. med. 8v. 810. 10 Gr.
- Büchner, Io.** Chrestomathia patristica latina. Conatus primus. Chrestomathiam Hieronymianam continens. med. 8. 12 Gr.
- Capelli, Lud.** critica sacra, sive de variis, quæ in lacris V. T. libris occurrunt, lectionibus libri VI. recens. multisque animadverss. auxit. Tom. I. curavit G. I. L. *Vogel*. Tomi II. et III. cura I. G. *Scharfenbergii*. med. 8v. 3 Athlr. 18 Gr.
- Clauser, B. G.** Syntagma doctrinae de fide in Ies. Chr. dissertt. dogmat. XIII, in acad. Hal. exposita. 4to. 12 Gr.
- Conjecturae histor. crit. Sadduceeorum inter Judaeos sectae. novam lucem accendentes** (auct. Schulz, Berolin.) 8v. 3 Gr.
- Critik über Titel; oder wie soll man die Büchertitel einrichten?** 8. 16 Gr.
- Ehrenberg, Fr.** über Denken und Zweifeln. Zur Aufklärung einiger Mißverständnisse in der höhern Philosophie. 8. 14 Gr.
- Flamini, M. Ant.** in librum Psalmorum brevis explanatio, et iis eorum aliquot paraphrasen luculentissimae; ad edit. Aldini, recensiti curavit et praefatus est S. Th. *Wald*. 8. 1 Athlr. 6 Gr.
- Gründ.**

- Gottsch., C. A.** Entwicklung der Frage: können die sogenannten symbol. Bücher der luther. Kirche nach Rechts- und territorial. staatsrechtl. Grundsätzen abgeändert werden? 18 Gr.
Seike, F. W. Materialien zum Religionsunterricht für Catechumenen aus mehrern Ländern. 18 Gr.
Gobbes, Thomas, Leviathan, oder der kirchliche und bürgerliche Staat. 2 Bände. gr. 8. 1 Thlr. 12 Gr.
Kögler, Ign. notitiae SS. Bibliorum Judaeorum in Imp. Sinensi. Ed. altera, auctior. Series chronologicam atque diatriben de Sinicis S. S. Bibll. Verff. addidit Chr. Theoph. de Murr. cum tab. aen. med. 8. 8 Gr.
v. Murr, L. G. Versuch einer Geschichte der Juden in Sina. Nebst D. Ignaz Köglers Beschreibung ihrer heiligen Bücher in der Synagoge zu Raifong, fu, und einem Anhange über die Entstehung des Pentateuchs. gr. 8v. 12 Gr.
Niemeyer, A. Herm. Programmata theol. 4to. 12 Stück. 12 Gr.
Schmieder, M. B. Fr. Anweisung zum vernünftigen und thätigen Christenthum für die frühere Jugend. 8v. 4 Gr.
de Schumacher, Chr. Fr. Bibliotheca arabica. Auctam nunc atque integram edidit. med. 8v. 1811. 2 Thlr. 16 Gr.
Semler, Joh. Salom. Christlich, freye Untersuchung über die sogenannte Offenbar. Johannis. 8. 776. 10 Gr.
 — Freymüthige Untersuchungen die Offenbarung Johannis betreffend, wider H. Prof. Schmidr. 8 Gr.
 — de emendandis V. T. interpretibus, cum appendice ad prog. Jenense, epistola ad clar. I. I. Griesbachium. 8. 3 Gr.
 — Comment. de daemoniis, quorum in N. T. fit mentio; editio IVta; multo jam auctior. 8v. 779. 6 Gr.
Stange, Dr. L. F. Theologische Symmita: 3 Thle. 8. 1 Thlr. 16 Gr.
Tertulliani, Q. Sept. Flor. opera², recensuit D. Io. Sal. Semler. 6 Volum. c. ind. 8v. 3 Thlr. 6 Gr.

